

novella

6
34-b
7



P. J. Alegam?

6-34-b-7


~~XXXXIII 5. 19~~

B. 1. 22

XIII. 1. 19

LE
THRESOR
DES QUATORSE LI-
VRES D'AMADIS DE
GAVLE.

Contenant les Epistres, Complaintes,
Concions, Harangues, Dessis, Cartels,
Deuis & Pourparlers, pour servir d'ex-
emple à ceux qui desireront apprendre
à bien écrire Missives, ou par-
ler François.



A ANVERS,
Chez Jean Waeberghes, sus le Cimetiere
nostre Dame à l'Escu de Flandres.

1572.

AVEC PRIVILEGE.

EXTRAIT DV
PRIVILEGE.

IL a plu à la Maieſté Royale de per
mettre, ottroyer & donner Priuilege
à Iean Waesberge, Imprimeur & Li-
braire iuré de la Ville d'Anuers, de pou-
voir luy ſeul imprimer, ou faire impri-
mer, vendre & diſtribuer Le Treſor des
liures d'Amadis de Gaule, augmenté, ou
en François ſeulement, ou en François &
Flamen enſemble, ou auſſy en Flamen à
part. Interdiſant & deſſendant à tous
Imprimeurs, Libraires, & autres per-
ſonnes quelconques, de n'imprimer ou
faire imprimer, ne vendre leſdictz Li-
ures ſans congé & conſentement dudit
Iean Waesberghe, ſous la peine conte-
nue plus à plein en l'original dudit Pri-
uilege, donné à Bruffelles.

S. I. De Witte.

AVX LECTEURS

SALVT.



L n'est point de besoin (amiables Lecteurs) que ie vous face entendre combien le liure d'Amadis a eu de faueur enuers tous bons esprits, tant pour la fluidité de son langage, que pour les belles & grandes Harangues, Concions, Lettres, Cartels, Deuis & pourparlers contenus en iceluy: & aussi pour la disposition de ses comptes tant bien deduits & entretenuz, qu'il est (ce me semble) peu possible d'escrire & traiter mieux ny plus à propos. Iagoit qu'aucuns (estimans faire plus grande chose) ont aucunement desdaigné l'oeuvre: mais il ne s'en faut esmerveiller, pour l'audace & vantance que ces nouueaux escriuains se vendiquent, ne trouuans rien bon, que ce qui sort de leur boutique, & braue inuention, estimans tous autres escrits comme chose legere, & de petit prix. Aucuns aussi ont eu ceste opinion que ledit liure ne

deuoit estre receu, pour les propos fabuleux & lassifs y contenus, & que cela est defendu par la sainte Escripture: mais à tels ie responds, que ledict liure (estant prins en bonne part) ne donne occasion de lassueté, ni aucun talent de mal faire, car quand il parle d'amour, il recite (comme par exemplaire) les trauaux, miseres & calamitez prouenans d'iceluy: du mariage & chaste amour, il en parle en plusieurs endroits saintement: traictant de la guerre, il demonstre qu'il est raisonnable aux Rois & grands Seigneurs de prendre les armes pour defendre leurs suiets, ou (quand la guerre cesse en leurs pais) de courir à main armée contre les Payens, Turcs, Sarraïns & infideles, pour en ce faisant glorifier & illustrer nostre religion tres sainte et Chrestienne. Bref, lon peut recueillir à la lecture d'iceluy maints autres fruiets. Ce que considerant, & ausy que le plus grand fruiet qu'on peut recueillir audit liure, consiste esdictes harangues, lettres epistres & graues concions en iceluy liure contenus les ay bien voulu extraire & re-

*Et retirer dudit liure d'Amadis, vous
auisans que le tout diligemment veu, le
bon esprit trouuera le moyen & grace
d'harenguer, concionner, parler, & es-
crire de tous affaires qui s'offriront de-
uant ses yeux, & pourra le tout propre-
ment accommoder & adapter, selon les
occurrences de ce qui se presentera de-
uant luy. Ioinct que le sommaire que
i'ay mis sur chacune harangue, ou lettre
luy en donnera le moyen & aduertisse-
ment. Et d'auantage, sera ledit oeuvre
par mon moyen rendu si commun, que
i'espere qu'on prendra en bonne pari mon
petit labeur. Or ie vous pry donc (Le-
cteurs beneuoles) d'auoir pour agreable
mon entreprise, à fin de me don-
ner courage d'entreprendre
chose ou vous puissiez
prendre meilleur
fruct.
A Dieu.*

AV LECTEUR.

Vers Alexandrins.

Si je lis les Amours, pourtāt ne pēsez pas
Que mō vierge estomac soit pris en leurs
apas:

Je sçay graces à Dieu, comme la mouche
au miel

Conuertist en doux suc les fleurs taintes
de fiel:

Pour fideles tesmoin de ma vraye parole,
Le monstre le Thresor d'Amadis de Gaule
Comprins en ce liure, si biē faict & paré,
Que s'il est au Latin & au Grec comparé,
Il merite apres eux d'honneur le premier
titre

Pour faire doctement ou Harengue ou
Epistre.

A ce moyen (Lecteur) il faut quel que tu
sois

Estudier icy pour bien parler François.



RECVEIL DES HARANGVES, EPITRES COMPLAINTES, & autres choses, les plus excellentes de tous les liures d'Amadis de Gaule.

BIBLIOTHEQUE
ROMAINE
VITTORIO EMANUELE

La harangue du Damoyzel de la mer aux Soldats Gaulois, les exhortant à la bataille. Au premier liure, sur le fin du neuſième chapitre.



ES compagnons & amis ayons bon cœur, chacun face cognoistre ſa vertu, & luy ſouuienne de l'eſtime, que les Gaulois ont par armes acquiſes. Nous auons affaire à gens étonnés, & demy vaincus: ne vucillons maintenant faire échange à eus, prenans leur crainte, & leur quitant nôtre victoire: car ſ'ils voyent ſeulement vos viſages aſſeurez, je ſuis ſeur qu'ils ne les pourrôt ſouffrir: donnons dedans: car Dieu nous aide.

La harangue de Liſuard Roy de la grande Bretagne à ſes ſubiets & amis, les exhortant de luy bailler conſeil. Au premier liure ſur le commencement du chapitre 33.

MEs amis, nul de vous n'est ignorant des graces qu'il a pleu à nostre Seigneur me faire, me rendant le plus grand Seigneur terrien qui soit au-jour-d'huy en toutes les isles de l'Ocean: parquoy il me semble raisonnable que tout ainsi que nous sommes en ce pais les premiers, qu'aussi nous ne soyons les seconds à nul autre Prince, pour luy en rendre graces immortelles par bonnes & vertueuses œuures, auxquelles nous deuons arrester. A ceste cause, je vous prie & commande (d'autant que les Roys sont chefs des Monarchies, & vous les membres) que vous auisez tous ensemble à me conseiller en vos consciences, sur ce qu'il vous semblera pour le meilleur que je doy faire, tant pour le soulagement de mes sujets, que pour l'entretenement & l'augmentation de nostre estat, vous asseurant mes amis, que je suis delibéré de vous croire, comme mes loyaux & fideles suiets, pource que je vous prie derechef, que sans aucune crainte chacun auise particulierement & en general, à ce qu'il vous semblera nous deuoir estre recommandé.

*La harangue de Serolois le Flamant Com-
re de Clare, qu'il dit au conseil pour les indui-
re à ce que le Roy Lisuard doit entendre pour
l'utilité*

Prutité de son Royaume. Au misme liure.

MEs Seigneurs, vous auez tous entendu le bon zele que le Roy a au gouuernement non seulement de la Republique de son Royaume, mais particulierement à l'augmentation & honneur de Cheualerie, laquelle il desire entretenir en plus grande preeminence qu'elle ne fut onques, & poutant mes Seigneurs (sauf meilleure opinion) il me semble, pour faire à l'intention de nostre Prince, que nous deuons tous luy conseiller, qu'il se face fort d'argent & de gens: car ils sont les nerfs & esprits de guerre & de paix, par le moyen desquels tous Roys de la terre sont maintenus en leurs puissances & authoritez, attendu qu'il est certain que le grand Thresor est pour soudoier les gēs-darmes qui font les rois regner, lequel ne doit estre pour nulle occasion ailleurs despendu, autrement ce seroit vn vray sacrilege, puis qu'il se nomme sacré. Et ce faisant il pourra maintenir ses estats en tranquillité, & faire glorieuses cōquestes contre ceux qu'il voudra entreprendre. Et pour encores mieux y paruenir, il doit chercher par moyens de recouurer tous les bōs Cheualiers

A 5. dont

dont il sera auerti, tant étrangers qu'autres, leur faisant maintes liberalitez, par lesquelles sa renommée volera par tout le monde, qui acheminera en son seruice les plus loingtains de la terre, pour lesperance qu'ils aurõt de rapporter le digne fruit de leur labeur. A l'aide desquels il se pourra aisement faire Monarque sur tous les Princes de l'Occident & Septentrion: car il n'a jamais été leu ou entendu, qu'aucuns Princes se soyent faits grands, sinon celui qui achete & attire à soy les bons Cheualiers: le di achete, en les fauorisant, honorant, & distribuant leurs richesses & tresors, qui ne leur ont gueres fait de faute, ains en ont conquis de plus grans en poursuivant leurs victoires.

La harangue de Barsinan Seigneur de Sansuegue qu'il tint au conseil contre la precedente de Seroloys, ou il les exhorte de ne se tromper en mauvais conseil. Au premier liure.

IL semble Seigneurs à voir vos contenance, que l'opinion du Comte de Clare soit du tout approuuée: car je voy dé-jà le plus de vous accorder à son dire, sans auoir ouy debatre au contraire: toutesfois j'espere faire presentemēt cognoître à tous vous autres mes Seigneurs
& au

(& au Roy cy apres) de combien je desire estre amy à luy & à vous , & à tout son Royaume. Le Compte de Clare a n'agueres mis en auant que le Roy vostre maistre se doit fortifier , par la force & multitude des Cheualiers estranges qu'il conseille estre appelez , voire de toutes les pars du monde : certes si son opinion est creuë, & que vous-vous obliez tant de la suyure, je suis seur que deuât qu'il soit peu de temps la quâtité d'iceux sera tant extreme, que vostre Roy, qui est bon Prince, & liberal , les voulant congriatuler & auantager ne leur donnera seulement ce qu'il est coustumier de vous donner mais vous otera de vostre propre , pour plus les auantager, attendu que naturellement toutes choses nouuelles & non acquises nous plaisent. Par ainsi quelques serui-ces que vous faciez, ne tant bons puissiez vous estre, vous tomberez en son desdain & en obly , & eux estrangers vous leueront du siege qui maintenant vous promet seur repos : portant, mes Seigneurs, premier que conclure , ce fait me semble de telle & si grande importance, que vous deuez tous y auiser , avec bonne & meure deliberation de vos sages iugemens. I'estime bien qu'il n'y a nul de l'assisten-

ce qui presume de moy que j'en parle autrement que raison & la bõne amour que je vous porte m'admoneste : car (graces à Dieu) je suis tel qu'aysement je me puis autant bien passer du plus grand Prince mon voyfin , qu'il fera de moy : mais me trouuant en si noble compagnie , en laquelle j'ay receu tant d'hõneur & faueur, j'aymerois mieux (& Dieu me soit tesmoin) jamais n'auoir esté né , que de flechir. Ainsi mes Seigneurs vous y deuez promptement & diligemment penser, pour ne vous en repentir après avec trop de loysir.

La harangue du Roy Lisuard , ou il resout la pluralité des amis qui luy ont esté baillez. Du premier liure.

MEs grans amis , je suis tout seur que l'amour que vous me portez & le desir de me faire seruice, vous ont mis en ces difficultez , & croy qu'il n'y a celuy de vous tous , qui n'en ayt parlé au plus pres de la verité, qu'il luy a esté possible , tellement que vos amis sont tant bons, qu'ils ne pourroient estre meilleurs , toutesfois c'est chose seur & certaine, que les Roys de la terre ne sont estimez grans par le nombre des lieux qu'ils possèdent , mais par la quantité & multitude du peuple, auquel ils commandent:

car

car que ſçauroit faire vn Roy ſeul ? peut eſtre moins que le plus ſimple de ſes ſujets : & d'auantage il luy ſeroit trop difficile, voire impoſſible, ſans gens gouverner & maintenir ſon eſtat, quelques grâs treſors qu'il pourroit auoir, leſquels ne ſçauroient eſtre mieux employez que de les departir entre ceux qui les meittent. Par ainſi il me ſemble que toute perſonne de bon iugement dira, que bon conſeil & la force des hommes eſt le vray treſorier. Et ſi le voulez encores mieux ſçaouir, voyez ce que par meſme moyen a fait ce grand Alexandre, ce fort Iules Ceſar, le gentil Annibal, & maints autres qui ont acquis par leur nom immortalité, leſquels pour treſorifier d'hommes & non d'argent ſe font faits Rois, Empereurs, & monarques car ils ſçauoient liberalement diſtribuer leurs deniers à ceux de qui ils cognoiſſoyent les merites & les entretenir par ſi gracieux propos qu'ils ſe pouuoient dire ſeigneurs & des cœurs & deſcorps : au moyen dequoy ils eſtoient ſeruis en grand' fidelité. Pourtāt mes bons amys, je vous prie tous le plus affectueuſement qu'il m'eſt poſſible, que vous m'aydez tant que vous pourez à me faire recouurer les bons Cheualiers ſoyent de ce païs ou eſtranges, leſquels je vous promets en foy &

parolle de Roy, traiter & honorer en sorte, qu'ils auront cause d'eux en louer & contenter: car vous n'ignorez, que tant plus nous serons bien accompagnez, & plus nous serons crains & redoutez de vos ennemis, & vous mieux gardez, entretenus, & estimez. Et s'il y a en moy quelque vertu, vous pouuez aysement iuger, que pour les nouueaux, les anciens ne seront oubliez de nostre vie: parquoy nul de vous ne doit differer à la requeste que je vous fais, mais y obtemperer, ce que derechef je vous prie & commande tresexpressément, mesmes que tout presentement chacun de vous particulièrement m'en nomme ceux que vous cognoissez, & à moy encores incogneuz à ce que si aucuns sont en ceste court, qu'ils recourent tant des biens de nous, que les absens soyent affectionnez à nous venir seruir, aussy pour les prier ne partir de nostre compagnie, sans nous auertir.

La harangue de la Royne de la grant Bretagne sur la faueur qu'on doit porter au Daumes. Au premier liure, sur la fin du chap. 38.

P Vis qu'il vous plaist donner lieu, & fauoriser à ma requeste, je vous prie que vous faciez desormais tant de bien & d'honneur à toutes Dames ou damoyelles, de les auoir en vos protectiōs & les

& les defendre prenans leurs querelles cōtre tous ceux qui les voudroyent molester en quelque sorte que ce fust, de sorte que si par fortune vous auez promis quelque don à vn homme, & vn autre à une dame ou damoiselle, que vous accomplissez premier celuy de la femme comme estant personne plus foyble, & qui a plus besoin d'estre recommandée. Ce faisant, elles seront desormais plus favorisées, & miēx gardées qu'elles n'ont été: car les meschans qui sont coustumiers de leur faire iniure, les trouuans par le chāps sçachans qu'elles ont pour leurs protecteurs & deffenseurs tels Cheualiers que vous estes, ne les oseront fascher.

La harangue du Roy Arban à ses soldats bataillans contre le Roy Barfinan Seigneur de Sansuegue qui se voulut faire Roy de la grand Bretagne, par trahison. Au premier liure, chapitre 38.

MEs compagnons & amys, vous auez aujourd'huy tant bien combatu qu'il n'y a celuy qui ne merite estre estimé entre les plus gentils compagnons de tout le monde: mais si vous auez bien commencé, j'espere que nous irons tou-jours de mieux en mieux, & vous souuienne que vous vous defendez
tant

tant pour maintenir vostre bon Prince, que pour vostre liberté, mesme contre vn tyran, traistré & meschant, qui sans crainte de Dieu veut vsurper & se paistie du sang de vos enfans. Ne voyez vous cōme il a traité ceux du chasteau qu'il a surprins? Ne voyez vous la fin ou il tend? qui n'est qu'a ruyner ce noble Royaume & sujets, qui ont esté par si long temps conseruez, par la grace de nostre Seigneur, & tousiours vescu en reputation d'estre loyaux sujets à leur Prince. Ne cognoissez vous les persuations, desquelles ce pailard a vsé, deuant l'assaut qu'il nous a donné, pensant nous abatre par sa langue dorée? Non, non, il est trop mal arriué, je suis seur qu'il n'y a celuy de nous tous, qui ne choisist plustost mourir de mille mors. N'est il pas vray? Certes jé voy à vos bons visages, que si je pensois ou disois autrement que je mentirois: & s'ils sont plus de gens que nous, nous auons plus de cœur & de droit qu'eux. Ainsi nous ne deuons craindre: mais postposer toute doute pour viure desormais en la reputation que nous meritons, vous assurant mes amys, qu'ils se sont retirez (si vous y auez prins garde) avec contenance de gens peu affectionnez de nous venir reuoir & quelque chose qu'ait dit

ce traistre Barfinā, nostre Roy n'est point mort: car il nous viendra bien tost secourir. Ce pendant je vous prie mes compagnons, que nul de vous ne s'ennuye, mais face & continue comme il a commencé, ayant deuant les yeux qu'il vaut trop mieux mourir pour la liberté que de viure vn bien long temps en captiuité & misere, mesmes sous vn miserable Prince.

La harangue du Seigneur de Sansuegue à ses soldats, bataillans contre le Roy Arban, les induisant à prendre courage. Au premier liure, chapitre 38.

MEs amys, ce n'est assez d'auoir donné à cognoistre à nos ennemis qu'ils sont (si bon me semble) à ma mercy: parquoy je suis deliberé, sans perdre plus nul de vous, differer encor pour cinq ou six iours qu'Arcalaus m'en-uoyra la teste du Roy Lisuard, lors je croy que la leur monstrant ne seront plus si osés de me contredire, & les pourrons attirer à nous par amour. Pourtant chacun de vous se resiouysse, & face bonne chere: car estant Roy (comme j'espere) je vous feray tous riches.

La harangue d'Abiseo qui occupoit par tyrannie la Seigneurie de Sobradise, qu'il fist aux habitans du pays. Au premier liure, chapitre 43.

OGens chetifs & malheureux ! j'aperçoy bien l'aïse que vous donne la présence de ceste garce, & que le sens vous faut au besoin ! car à ce que je cognois, vous l'aymeriez mieux pour dame. (encores que ce soit vne femme foible & debile à vous défendre) que moy, qui suis Cheualier preux & hardy, combien que vous voyez son impuissance, & qu'en si long temps elle n'a peu recourir que deux Cheualiers, qui sont venus pour recevoir leur mort ignominieuse-ment, dont j'ay grand pitié.

La harangue d'Apolidon à l'Empereur de Constantinople son pere, luy rendant toute obeyssance. Au deuxième liure, chap. 1.



SIRE, ces jours passez j'ay entēdu de plusieurs, que mon frere n'est content du partage qu'il vous a pleu nous or donner, & pource que je sçai l'ennuy que ce vous est, voyant l'amitié entiere de lui & de moy en bransle d'estre rompue, je vous supplie humblement reprendre tout ce qu'il vous a pleu me donner & l'enpourueoir : car je me tiendray heureux de faire chose qui donne repos à vostre esprit, & tresbien apenné d'auoir
ce

ce que vous luy auez laiffé.

*Lettre de la Princeſſe Oriane à Amadis: l'ac-
cuſant des deſloyauté. Au ſecond livre, cha-
pitre 2.*


MA paſſion demeſurée, procedant
de tant de cauſes, contraint ma
debile main de declarer par ceſte
lettre ce que le dolent cœur ne peut plus
celer à vous Amadis de Gaule, deſloyal &
trop perjuré amant: car puis que la deſ-
loyauté & peu de fermeté, que vous auez
en moy (qui ſuis malheureuſe & delaiffée
de toute bonne fortune, pour vous auoir
aymé ſur toute choſe du monde) eſt à pre-
ſent maniſtée, meſmement qu'à ſi grād
tort vous vous eſtes eſloigné d'icy, pour
vous aprocher de celle laquelle (veu ſon
peu d'aage & indiſcretion) ne ſçauroit a-
uoir le bien en elle de vous fauoriſer, ou
entretenir: J'ay deliberé auſſi bannir de
moy pour jamais ceſte extreme amour
que je vous portoïs, puis que mon triſte
cœur n'en peut auoir autre vengeance.
Et quand bien je voudrois prendre en gré
le tort que vous me faiêtes, ſi ſeroit ce
grandⁱ folie à moy, de vouloir bien à l'in-
grat, pour lequel parfaictement aymer,
j'ay en haine moy-meſme, & toutes au-
tres choſes. Helas! j'apperçois biē main-
tenant

tenant (mais c'est bien tard) que je soub-
 mis trop mal ma liberté en personne tant
 ingrate ! attendu qu'en satisfactiō de mes
 souspirs & passions ; je me voy moquée,
 & malheureusement deceuë. Parquoy je
 vous defens de vous trouuer jamais de-
 uant moy, n'en part ou je reside, & soyez
 seur que l'ardente affection que je vous
 portois, est conuertie par vostre démeri-
 te, en inimitié & cruelle furie. Or allez
 doncques desormais ailleurs essayer (auec
 vostre foy periurée & parolles amiclées)
 abuser d'autres malheureuses cōme moy:
 sans que vous esperiez cy apres que nul
 le de voz excuses puisse auoir lieu en mon
 endroict : ains sans plus vous vouloir ve-
 oir, je la menteray le reste de ma triste vie
 auecques abondance de larmes, lesquel-
 les ne prendront cessë que par la fin de cel-
 le qui n'aura regret à mourir, sinon pour
 autant que vous en estes homicide.

*La complainte d'Amadis qu'il fit ayant re-
 seu la rigoureuse lettre d'Oriane, demonstrent
 la mobilité de fortune, par laquelle elle le ba-
 nissoit de sa compagnie. Au 2. liure, chap. 4.*

HElas fortune par trop legere & sans
 rancune ! à quelle occasion m'a-
 uois tu preferé & esleué entre tous
 les

les meilleurs Cheualiers , pour me ruiner apres tant legierement ? Maintenant j'apperçoy bien que tu peux faire plus de mal en vne heure , que de grace en mil ans : car si par le passé tu m'as donné du plaisir ou de la joye, tu me l'as desrobée à ceste heure cruellement , me laissant en amertume trop pire que la mort : & puis qu'il te plaisoit ainsi faire, que n'as tu au moins esgalé l'un à l'autre ? veu que tu sçais que si autresfois tu m'as donné quelque contentement , ce n'a esté , pourtant sans le mesler avecques angoisses & grans ennuis . Par ainsi tu me deuois reseruer quelque peu d'esperance , avecques ceste cruauté , de laquelle tu me tourmentes à present , executant en moy chose incomprehensible en la pensée de ceux que tu fauorises : lesquels pour ne cognoistre ce mal , estiment les pompes, gloires & honneurs que tu leur prestes , seurs & perdurables . Et n'ont souuenance , qu'outre les tourmens que leurs corps endurent pour les maintenir , les ames tombent au hazard de leur salut . Pourtant si avec les yeux de l'entendement , que le souuerain Seigneur leur a donné , pouoyent voir tes mobilitéz , ils desireroient plustost ton aduersité , que ta legere prosperité , combien qu'elle soit con-



conforme à leur sensualité : car par tes blandissemens & mignotises, tu les ruines, & contraincs à la fin d'entrer au labyrinthe d'amertume, sans en pouuoir jamais sortir. Et au contraire sont les aduisez, d'autant que si on resiste patiemment, fuyant appetit & ambition desordonnée, lon est esleué de ce lieu bas en la gloire perpetuelle. Et toutesfois moy trop infortuné, n'ay sceu choisir ceste bonne part, veu que si tout le monde estant mien, m'estoit tollu par toy, ayant seulement la bonne grace de ma dame, elle seroit suffisante, pour me maintenir en toute grandeur & bon heur: laquelle me defaillant aussi, il est impossible que je puisse aucunement viure. Pourtant je te supplie, en faueur & payement de ma loyauté, que tu ne me donnes la mort avec lan-gueur: mais s'il t'est permis m'oster la vie que tu te hastes diligemment, prenant compassiō de celuy duquel tu ignores le tourment qu'il aura à plus viure.

C'est vne complainte de mesme argument que la precedente qu'Amadis adresse a son pere.

O Roy Perion mon Seigneur & pere
que tant petite occasion vous au-
iez à vous douloir de ma mort
pour

pour vous estre celée, & la cause d'icelle: mais puis que la douleur que ce vous feroit, la sachant, ne pourroit reuoquer mon torment, je prie Dieu que mon malheur ne vous soit iamais manifesté: ains caché tant que viurez, & ce pour n'auancer le reste des ans que vous auez encoires à viure.

C'est vne complainte d'Amadis adress'e au Seigneur Galuanes, le remerciant de ses biens faicts.

O Mon second pere Galuanes, certes j'ay grand regret, que ma fortune aduerse n'a permis que je recompensasse la grande obligation que j'ay en vous: car si mon pere me donna la vie, vous me la conseruastes, me deliurant du peril de la mer, ou je fus abandonné, estât encoires en la premiere heure de ma natiuité: & depuis m'auiez nourri autāt doucement que si j'eussé esté vostre fils naturel.

Exhortation de Florestan à ses compagnons, regrettant Amadis qu'il estimoit estre en peine, à fin de l'aller secourir. Au second liure, Chapitre 6.

MEs seigneurs, ce n'est pas à nous de pleurer, ne faire telles lamentations, au temps que la necessité
nous

nous commande d'entendre à secourir mon Seigneur Amadis : laissons telle maniere de faire aux femmes : & aduisons ensemble à pouruoir à ce grand inconuenient. Quant à moy je suis d'aduis que sans plus séjourner nous montions à cheual, faisant toute diligence de le trouuer, lors nous pourrions scauoir s'il y aura moyen de luy trouuer remede: car ainsi que nous faisons le temps se passe, la douleur augmente, & la personne s'esloigne. Le Seigneur Ysanie, à ce qu'il dict l'a cōduit quelque peu, & nous pourra monstrier le chemin qu'il a prins : & si nous tar tons plus nous le perdrons, sans esperāce de jamais plus le reuoir. Pourtant mes Seigneurs je vous prie diligentons de le suyure, ce qu'il accorderent : & firent amener leurs cheuaux.

L'hermite parlant à Amadis, le console en son aduersité. Au 2. liur., chap. 6.

Cheualier, je croy que vous auez quelque grāde affliction en vostre ame. Neantmoins si vostre ſeuil procede de la repentance d'aucun peché que vous auez commis, en verité, mon enfant, vous estes bienheureux : & encores que ce fust pour quelque perte temporelle, comme j'estime, veu vostre aage, & l'estat auquel

stat auquel vous avez vescu jusques à present, vous ne vous deuez ainsi ennuyer, mais requerir pardon à Dieu, & il vous pardonnera, & receura pour sien.

L'hermite encore parlant à Amadis, l'exhorte à prendre courage, & de ne s'abuser aux femmes.

IE vous promets mō amy que c'est mal fait à vous (qui estes Cheualier encores jeune & de belle taille) d'entrer en tel detespoir: veu que les femmes ne scauent cōseruer leur amour, que par la presence de ceux qu'elles ayment: car naturellement elles oublient promptement, & croient encores plustost, par especial aux choses que lon leur rapporte de ceux qui se donnent follement à elles: lesquels lors qu'ils pensent auoir joye & contentement, se trouuent en tout ennuy & tribulation, ainsi que vous l'experimentez par vous mesmes. Pourtant je vous prie soiez deormais plus vertueux & constant: & puis qu'il à pleu à nostre Seigneur vous appeller à titre de fils de Roy, pour gouverner son peuple, retournez au monde: car se seroit dommage de vous perdre ainsi, & ne puis presumer qui peut estre celle qui vous a reduit en telle anxieté: attendu qu'encores qu'une femme eust en elle

seule les perfections qu'ont toutes les autres ensemble, si ne se deuroit pour elle perdre vn tel homme que vous estes.

Regret d'Oriane pour Amadis, lors qu'elle fut auertie par Durin de son esloignement, au liure second, chap. 7.

HA malheureuse que je suis : quand à si grand tort j'ay faict mourir la personne que plus j'aymois en ce monde : Et puis qu'il est hors de ma puissance reuoquer le mal dont je suis cause, je vous supplie (amy) prendre ma repentance en satisfaction du mal que je vous ay pourchassé, avec le sacrifice que je feray de ma propre vie, pour vous fuyre à la mort ! & ainsi l'ingratitude que j'ay commise contre vostre loyauté, sera manifestée, vous vengé, & moy punie.

Harangue de Guilan à la Roïne, pour l'escu d'Amadis qu'il auoit trouué. Au liure deuxième, chapitre 8.

MAdame, je trouuay ces iours passez toutes les armes d'Amadis auecq' cest escu abandonné pres d'vne fontaine, que lon nomme, La fontaine de plein champ : dont je fus si desplaisant, que des l'heure mesmes j'attachay l'escu à vn arbre, le laissant en la garde des deux damoiselles qui estoient
en

en ma compagnie, tandis que je fu par toute la contrée pour m'enquerir qu'il estoit deuenu. Mais je n'ay peu estre si fortuné de le trouuer, ne d'en auoir nouuelles. Parquoy sçachant le merite de tant bon cheualier qui n'eust oncques de sir que de s'employer à vous faire seruice, je deliberay puis que ne le pouuois amener, de vous apporter (pour tesmoignage de l'obligation : que j'ay à vous & à luy) ses armes : lesquelles vous commanderez (s'il vous plaist) mettre en lieu euident, ou chacun les pourra voir, tât pour auoir nouuelles de luy par les estrangers, qui ordinairement arriuent en ceste court, que pour augmêter la vertu de tous ceux qui ordinairement suyuent les armes, prenant exemple sur celuy à qui elles furent : lequel par sa haute cheualerie a acquis le premier lieu entre tous ceux qui oncques porterent cuirasse en dos.

Lamentation d'Oriane, ayant entendu par Guillan la perte d'Amadis. Au second liure, chapitre 8.

AH! malheureuse que je suis: je puis bien maintenant dire, que toute la felicité que i'eu oncques, est vn vray fantosme, & mon tormēt est vne pure verité, ven que si j'ay quelque contentement

ment, c'est seulemēt par ses songes qui me sollicitent la nuit : car en veillant toute austerité afflige mon pauvre esprit, de sorte que d'autāt que le jour m'est grief martyre, l'obscurite seule m'est plaisir & soulas, pource qu'en dormant je me voy souuent deuant mon amy : mais le resueil qui me priue de tant d'aise, me faict par trop sentir vostre absence. Ah! mes yeux, non plus yeux, mais ruisseaux de larmes & de pleurs, vous estes bien abusez, puis qu'estans clos, vous voyez celuy seul qui vous contente: & descouuers, tous les ennuis du monde vous viennent offusquer! Au fort, la mort que je sens prochaine, me deliurera de ceste anxieté : & vous amy, serez vengé de la plus ingrate qui oncques nasquit.

Exhortation de Mahile à Oriane qui se vouloit precipiter par le moyen de l'aduersité d'Amasis. Au second liure, chap. 8.

Comment! madame, ou est la constance d'une fille de Roy, & ceste prudence dont vous estes tant renommée? Auez vous desja oublié le mal qui vous cuida auenir par les fausses nouuelles, qu'Arcalaüs apporta à la court l'année passée? Et maintenant que Guillan a trouué les armes de mon cousin, est il dit pourtant qu'il soit mort? Croyez moy

may que vous le reuerrez en brief, & qu'il s'en viendra vers vous, ausli tost qu'il aura veu vos lettres,

Amadis se console des nouvelles qu'il recost de son amie Oriane. Au second liure, chap. 10.

O Paure cœur si lōg temps passionné, qui as peu relister à telle tempeste, nonobstant labondance des larmes que tu as si continuellement distillées, jusques à venir au point de la mort: Reçoy à present ceste medecine, laquelle seule est propre pour ton salut, & fors de ces tenebres, qui si longuement t'ont obfusqué, reprenant les forces pour seruir celle, qui de sa grace te faict reuiure.

Lettre d'Oriane à Amadis, par laquelle elle s'excuse enuers luy, d'aucunes fautes d'amour qui ont esté en elle. Au second liure, chapitre 10.

Sil les grandes fautes commises par inimitié (recogneues depuis pour s'humilier) sont dignes de pardon, que doit il estre de celles qui sont causées par trop d'abondance d'amour? Non pourtant mon loyal amy je ne veus nyer que je ne merite beaucoup de peine: car je deuois considerer qu'au temps que les choses sont plus prosperes & joyeuses, la fortune qui les espie vient leur apporter tri-

Resse & misere: aussi me deuoit il souue-
 nir de vostre grand' vertu & honnesteté,
 laquelle ne s'est iamais trouuée en faute,
 & sur tout ie ne deurois pour mourir se-
 parer de mon entendement la souuenan-
 ce de la grand' subiection de mon triste
 cœur, qui n'est procedée sinon de celle en
 laquelle le vostre mesmes est enseré, estât
 certain que si aucunes flammes y ont été
 refroidies, qu'aussy tost le mien s'en est
 apperceu: de sorte que l'enuie quil auoit
 de trouuer repos à ses mortels desirs a été
 cause de les augmenter. Mais j'ay falli,
 comme font celles lesquelles estans au
 plus haut de leur bon heur, & trescertai-
 nes de l'amour de ceux, desquels elles
 sont aymées (ne pouuant comprendre en
 elles tant de bien) deuiennent jalouses &
 soupçonneuses, plus par leur imaginatiō
 que par raison obfusçant ceste claire feli-
 cité de la nuée d'impatience, croyant plus
 tost le rapport d'aucunes personnes (peut
 estre medisantes) peu veritables & vitieu-
 ses, que celuy de leur propre conscience
 & certaine experience. Pourtant donc-
 ques mon loyal amy, ie vous supplie af-
 fectueusement receuoir ceste mienne da-
 moysselle (comme de la part de celle qui
 recognoist en toute humilité la grande
 faute qu'elle a cōmise en vostre endroit)
 laquelle

laquelle vous fera entendre mieux que ma lettre, l'extremité de ma vie : dont vous deuez auoir pitié, non pour merite, mais pour vostre reputation, qui n'estes tenu cruel ne vindicatif, là ou vous trouuez repentance & subiection : mesme ment que nulle penitence ne scauroit venir de vous plus rigoureuse, que celle que moy mesmes me suis ordonnée : & q̄ ie porte patiemment, esperant que vous la remettrez, me rēdant vostre bonne grace, & ensemble ma vie qui en depend.

Lamentation du beau Tenebreux, lors qu'il retournoit à Mirefleur declarant à la damoyelle de Danmemarc qu'il auoit beaucoup endure sans cause, le taxant de n'estre fidele Amant. Au second liure, chap. 10.

PAR ma conscience, dict le beau Tenebreux, je ne fus oncques en plus grand danger de mort : & m'esbahy, ou elle forgea ceste fantasie, qu'elle auoit contre moy, veu que je ne pensay oncques à faire chose qui luy deust desplaire : & quand bien ie me feussē tant oublié d'y auoir pensé, si ne meritois-je vne tant cruelle lettre que celle qu'elle m'escriuit. Car encores que ie ne face les demonstiances & hypocrisies que beaucoup scauent faire, si ne laisse-je de mesurer les biens

& graces que j'ay receuës d'elle : & n'estoit point ceste pensée semée en si mauuaise terre , qu'elle ne luy en garde le fruit, tant que l'esprit aura moyen de faire viure mon cœur, veu que l'un & l'autre sont du tout dediez à la seruir & obeir. Ah ah mon Dieu: il me souuient , que quād Corissande arriua en nostre pauvre hermitage, je cuidois bien lors que ce fust fait de moy! La bonne dame se lamentoit de la passion , qu'elle portoit pour trop aymer mō frere Florestan, & je mourois du desplaisir d'estre à tort ainsi chassé d'Oriane. Quantes peines, quels travaux, quel demesuré toimēt j'ay de long temps souffert en la Roche pauvre , sans auoir consolation de creature viuant que du bon hermite, lequel me sollicita de patience: Helas quelle dure penitence, pour chose non offensée: Croyez moy, damoysele ma mye : que j'estois tant pertroublé, que d'heure à autre je souhaitois la mort, & aussi souuēt craignois-je perdre la vie. Mais pensez vous le desesperoir ou j'estois lors que je monstray aux damoyseles de Corissande la chanson que ie feis en ma plus grande tribulation?

Harangue de Gandalin aux freres du beau Tenebreux, pour les animer à le chercher, pour le secourir. Au 2. liure, 2. chapitre.

Par

PAr Dieu mes Seigneurs, tous vos pleurs ne sçauroyent faire trouuer celuy que vous desirez, si n'est par vne autre bonne diligence que vous pourrez nouuellement entreprendre. Et combien que desia vous en ayez fait grand de uoir, si ne deuez vous vous ennuyer: ains le querir mieux que jamais, veu que sçauiez assez ce qu'il eust faict pour vo' particulieremēt si la fortune eust auancé l'occasion. Maintenant doncques c'est à vous à faire le semblable: car si le perdez ainsi, ce ne sera seulement la perte du plus gentil Cheualier du monde, mais du meilleur parent que vous ayez: & d'auantage, vous en pourrez estre tous blasmez. Pourtant mes Seigneurs, je vous supplie (pour l'honneur de Dieu) faisant enuers luy le deuoir de frere & d'amy, & de compagnon, recommencez à ceste queste, sans y esparagner vos personnes ne la longueur du temps.

Deffement fait par vn Cheualier estrange au Roy Lisuard, l'induisant à guerre, si mieuz ne veut accorder en mariage Oriane, avec le Prince Basigant. Au s. cond liure, chap. 12.

ROy Lisuard je te deffie, & tous tes aliez, de par les puissans Princes Fomongomad Geāt du Lac bruslant, Cartadaque son neneu, Geant de la mon-

tagne defendue, Mandafabul son beau frere, Geant de la tour vermeille, dom Quedragant frere du feu Roy Abies d'Irlande; & d'Arcalaüs l'enchanteur: lesquels te mandēt tous par moy, qu'ils ont juré la mort de toy & des tiens. Et pour ce faire ils se trouueront en l'aide du Roy Cildadan, pour estre du nombre des cent Cheualiers, qui te ruineront assëurement. Toutesfois si tu veux bailler ton heritiere Oriane à la belle Madasime fille du tresredouté Famongomad, pour la seruir de damoiselle, ils te laisseront viure en paix, & seront tes amys: Car ils la marieront avec le Prince Basigant, lequel merite biē estre Seigneur de tes pays, & de ta fille aussi. Pourtant Roy Lisuard; eslis de ces deux conditions la meilleure: la paix cōme ie te deuise, ou la plus cruelle guerre qui te sçauroit venir, ayant affaire à princes tant puissans & redoutez.

Responce audict cheualier estrange par le Roy Lisuard, demonstrent la grandeur de son courage au second liure, chap. 12.

PAR Dieu Cheualier, ceux qui vous ont donné telle commission, me cognoissent tresmal, car j'ay tout le tēps de ma vie plusestimé la guerre perilleuse, que la paix honteuse, d'autant que je serois

rois grandement reprehensible envers Dieu le Createur qui m'a constitué Roy sur tant de peuple, si par faute de cœur je le souffrois outrager. Parquoy vous en retournerez leur dire, que j'ayme trop mieux auoir tout le temps de ma vie la guerre, qu'ils demandent, & à la fin mourir en combatant, que de leur accorder la paix, qui seroit tant à mon desauantage. Et pource, que ie desire scauoir au long leur vouloir, ie feray partir vn cheualier des miës qui ira avecqu' vous, lequel leur fera au long entendre mon intention.

Florestan desfiant Landin qui parloit trop au desauantage d'Amadis, luy presentant le combat pour l'amour de luy. Au second liure, chapitre 12.

Cheualier, ie ne suis natif de ce pays ni vassal du Roy, ainsi pour chose que vous luy ayez dict, ie n'ay occasion de respondre, mesmes qu'il y a icy present tant de Cheualiers meilleurs que moy, sur lesquels ie ne voudrois entreprendre. Toutesfois, puis que ne pouvez trouuer Amadis, (qui est cōme i'estime) vostre grand profit, ie suis prest de vous combattre, & demesler la querelle q̃ vous auez à luy. Et afin que me cognoissiez mieux, ie suis son frere Florestan, lequel

vous offre ce combat, par telle conuention que si je vous puis conuaincre, vous serez tenu de vous deporter de la querelle que vous auez contre luy, & si vous me deffaites, vengez sur moy partie de vostre colere. Tant y a que vous ne deuez trouuer estrange le deuoir auquel ie me soumets: car je n'ay moins d'occasion de soustenir la querelle contre vous (luy absent) que vous auez celle du Roy Abies, duquel vous estes neueu: estant tout seur qu'il est bien en la puissance de mon Seigneur Amadis de me venger, si fortune permettoit qu'eul siez auantage sur moy.

Response de Landin au Seigneur Florestan, qui accepte le combat au temps opportun. Au second liure, chapitre 12.

Seigneur Florestan, respondit Landin, à ce que je voy vous auez enuie de combattre. Mais je ne vous puis satisfaire, n'ayant aucun pouuoir sur moy, pour l'affaire auquel par autre je suis delegué: aussi que j'ay promis auant mon partement aux Seigneurs qui m'ont appelé en leur compagnie, de n'entreprendre (auant la bataille) chose qui me puisse retarder d'y assister & faire mon deuoir & pourtant tenez moy à present pour excusé jusques apres la bataille, lors je vous pro-

promets accepter le combat que vous demandez, & plus tost n'y puis entendre.

Lettre d'Vrgande au Roy Lisuard, où elle predict la ruine du beau Tenebreux. Au second liure, chap. 15.

A Vous Lisuart Roy de la grand' Bretagne, salut condigne à vostre maiesté. Je Vrgande la descogneuë, vostre humble seruante vous fais sçauoir que la bataille qui est arrestée entre vous & le Roy Cildadan, sera l'une des plus cruelles & dangereuses que lon verra jamais: en laquelle le beau Tenebreux, qui nouvellement vous a donné tant d'esperance perdra son nom, & par vn coup qu'il donnera, tous ses hauts faits seront mis en oubly, & si serez à l'heure au plus grand ennuy ou vous-vous trouuastes oncques. Car maints bons cheualiers perdront la vie, & vous mesmes tomberez en cè hazard, à l'instant que le beau Tenebreux espanchera vostre sang: toutesfois à la fin pour trois coups qu'il donnera ceux de sa part demeureront vainqueurs. Et soyez seur Sire, que tout ce auindra sans doute: pourtant pouruoyez sagement à vos affaires.

Lettre d'Vrgande à dom Galaor de Gaule, luy pre-disant, a mauuaise fortune, au second liure Chapitre 15.

A Vous dom Galaor de Gaule, preux & hardy Cheualier, moy Vigande la descogneuë vous saluë, comme celle qui vous ayme & estime, & veüx que vous entendiez ce qui vous est à aduenir en la cruelle bataille d'entre les Roys Lisuard & Cildadan. Si vous-vous y trouuez s'oyez seur, q' fus la fin d'icelle vos mēbres forts & roides defaudront à vostre cœur inuincible, & au partir du combat, vostre teste sera au pouuoir de celuy, lequel par les trois coups qu'il donnera, demourera vainqueur.

Lettre d'Arban Roy de Norgales & Angriote d'Estrauaux, au Roy Lisuard, luy faisant entendre la grand' peine qu'ils enduroyent. Au second liure, chap. 13.

A Treshaut & trépuissant prince Lisuard Roy de la grand' Bretaigne, & à tous nos amys & alliez estans en son royaume. Nous Arban de Norgales, & Angriote d'Estrauaux, à present detenus en douloureuse prison, vous faisons s'cauoir que nostre infortune plus cruelle que la mesme mort nous a mis au pouuoir de l'impitoyable Gromadace, femme de Famongomad, laquelle en vengeance de la mort de ses mari & fils, nous fait chacun jour donner tant, & de si estranges tormēs qu'il est impossible de les penser,

fer, en telle sorte que d'heure à autre nous
desirons la fin de nostre vie pour trouuer
le repos. Mais ceste malheureuse, pour
plus longuement nous faire endurer, dif-
fère tant qu'elle peut nostre mort: laquel-
le de nos propres mains nous-nous fus-
sions donnée, sans la crainte de perdre nos
ames. Et par autant que nous sommes à
present si fort naurez qu'il est impossible
que puissions plus résister, nous vous en-
uoyons ceste lettre escrite de nostre sang,
par laquelle nous supplions à Dieu vous
donner victoire contre ces traistres, qui
nous ont tant outragez, & auoir pitié de
nos ames.

*Harangue du Roy Lisuard à ceux de son ost,
les exhortant à virillement combattre. Au se-
cond liure, chap. 16.*

MEs compagnons & grans amys,
je croy qu'il n'y a celuy de vous
tous qui n'entende assez comme
nous auons entrepris ceste bataille à bon
droict, mêmes pour defendre l'honneur &
reputatiō du Royaume de la grand' Bre-
tagne, lequel le Roy Cildadā, & ceux d'Yr-
lande veulent abastardir, en nous deniant
le tribut que de tout temps ils ont payé à
nos predecesseurs pour recognoissance
des biens qu'ils auoyent receus d'eux par
le

le passé. Or sçay-je assez, qu'il n'y a celuy de vous tous qui n'ait le cœur entier & magnanime: parquoy il n'est besoin de vous animer d'auantage cōtre ceux à qui vous auez affaire, ayant vostre honneur deuānt les yeux, que vous estimez plus que cent vies, s'il estoit possible les auoir l'une apres l'autre. Pourtant doncques mes amys marchons hardiment sans auoir esgard à quelques Geans cruels & pleins de sang, qui sont de leur troupe: Car l'homme n'est estimé d'auantage pour les membres gros & lourds, mais pour le bon cœur qu'il a. Vous voyez souuent le leurier venir au dessus du bœuf, & l'espreuier ou esmerillon battre le milan. Nos ennemis se fient en la face de ces monstres, sans auoir esgard au toit qu'ils ont, & nous esperons en Dieu: lequel comme droicturier nous donnera l'effort de les vaincre, par la dextérité de noz personnes & le deuoir que nous ferons. Marchons doncq mes amis hardiment, estimant chacun de soy estre suffisant pour combatre, & deffaire le plus braue de leur troupe: vous asseurant que si nous gagnons ce jourd'huy l'honneur de la bataille, qu'outre ce que nostre renommée & gloire environnera la terre vniuerselle, jamais ennemy de la grand Bretagne ne leuera la

tête

reste pour nous regarder de mauuais œil :

Harangue du Roy Cildadan à son ost pour estre courageux à defendre leur liberté. Au second liure, chapitre 16.

GEntils Cheualiers d'Yrlande, si vo^s entendez pourquoy vous allez combattre, il n'y aura celuy de vous qui ne blasme son predecesseur d'auoir tant tardé le commencement d'une si glorieuse entreprinse. Les Rois de la grand' Bretagne vsurpateurs & tyrans (non seulement contre leurs subjects, mais sur les voyfins) ont autresfois prins sans aucun droit sur nos ancestres, vn tribut tel que vous sçauiez assez que l'on a souuent payé & à ceste cause nous auons fait ceste assemblée, & sommes venus en ce lieu pour defendre nostre liberté qui ne peut estre payée, par nul tresor. C'est vostre fait, c'est vostre droit, non pas de vous seulement, mais de voz enfans qui iu'sques à present ont esté tenus & reputez par ceux que vous voyez deliberez de vous faire serfs & esclaués. Voulez vous doncques tousiours viure en ceste sorte? Voulez vous continuer le ioug à voz successeurs? estes vous de moindre cœur : ne de moindre estoffe que voz voisins? Ah! si nous sommes victorieux, ils rendront ce qu'ils ont

de nous. Je suis bien seur que la fortune nous fauorise : Car vous voyez les gens de bien qui sont venus à nostre secours, scachans nostre bon droit. Poussons, poussons gentils Cheualiers, je voy desia le roy Lisuard & sa troupe en doute pour nous tourner le dos, ils sont ce disent ils coustumiers de vaincre : Mais nous leur apprendrons à eux accoustumer d'estre vaincus. D'une chose je vous veux aduertir, c'est que chacun ayde à son compagnon, vous tenans les plus serrez ensemble qu'il sera possible.

Exhortation de Mabile à Oriane qui se mescontentoit d'Amadis, au second liure, chap. 17.

M Adame, je m'esbahys de vous & de vostre façon de faire : car aussi tost que vous estes sortie d'un ennuy, vous en sollicitez vn nouveau, & desiriez (ce me semble) mieux regarder à ce que vous dites de mon cousin, sans vous persuader qu'il ayt tenu tel propos ou autre pour vous fascher, veu que vous pouuez asseurer qu'il ne pensa onques à vous faire offence, en dit, en pensée, ny en fait. Et assez vous l'ont peu tesmoigner les espreuues qu'il a faites, tant en vostre presence, qu'absence : mais je voy bien q'c'est, vous me dōnez à entendre, que (ennuyée de ma compagnie) vous me voulez chasser

ser sous couleur q̄ mon cousin est trop vostre, abusant vous mesmes de la seruitude qu'il vous porte. Toutesfois quand vous m'aurez perduë, ce sera peu de cas, pourueu que vostre (puis-ie bien dire) Amadis n'en soit pirement traité: car vous sçauex bien & moy aussi, que le moindre ennuy qu'il aura de vostre fâcherie, sera suffisant pour le faire mourir, dont ie m'esmerueil le quel plaisir vous prenez à le tourmenter si souuent faisant pour vous ce qu'il est possible de faire pour autre Dame viuante. Ne considerez vous que puis qu'Apolidō a voulu que l'espreuue de la chambre defendue fut commune à tout le monde, qu'il ne seroit raisonnable que mon cousin gardast Briolanie de faire comme les autres? Vrayement je croy qu'elle ne vous n'estes encores assez belles pour gagner ce que n'ont sceu auoir toutes les belles qui ont esté depuis cent ans en-ça. Pourtant je puis bien me tenir seure, que ceste nouuelle jalousie ne procede par faute que vous ayt fait celuy qui ne pense qu'à vous obeir: mais son malheur a desia tant gagné sur luy, que pour vous complaire il ne s'est seullemēt oublié, ains ne faisant estat que de vous, a desdaigné entieremēt tout son lignage, & les a en estime d'estrangers sans les cognoistre, n'autre que

Vous

vous qu'il reuere comme Dieu : & toutesfois vous le voulez du tout faire perdre. Ah ah, les dangers & euidens perils esquels luy & les siens ont souuent esté pour l'amour de vous, tant enuers Arcaïus qu'à ceste dernière bataille sont maintenant mesmal recogneus ! puis qu'en satisfaction d'iceux vous desirez la destruction du chef, & principal de mes parens. Est-ce le bien & la recognoissance des seruiues que je vous ay faits ? sont ce les premices de l'esperoir que j'auois à vous ? Certes je suis maintenant bien loin de ce que j'esperois & aspirois, voyant deuant mes yeux conspirer la ruyne & deffaite de la personne que j'ayme le plus en ce monde & qui est plus vostre que sien : toutesfois (si Dieu plaist) il ne sera pas ainsi, & n'auindra tel inconuenient si pres de moy. Certes je prierai demain mō frere Agraies & mon oncle Galuanes de me conduyre en Escosse, lesquels feront beaucoup pour moy de m'oster de la compagnie de vous, qui estes si ingrate. Puis se mist à pleurer si fort, qu'il sembloit qu'elle deust fondre en larmes. Las disoit elle, je prie à Dieu, que la cruauté que vous faites à vostre Amadis, se tourne en vengeance sur vous pour satisfaire à toute sa lignée, qui ne perdra tant (en le perdant) que vous seule

seule, encore que ce soit la plus grande infortune qui nous puisse aduenir.

Responce d'Orlane à ladite Mabilie, s'excusant de ce qu'on l'accusoit. Au second liure, Chapitre 17.

A Hah ! pauvre femme malheureuse entre toutes les plus desolees & tristes : qui eut jamais pente qu'il peut cheoir dans vostre cœur, ce que vous m'avez maintenant manifesté ? Las je me suis descouuerte à vous, n'ayant autour de moy autre digne d'entendre mes doléances) pour auoir conseil & confort, & vous me deconfortez, & traictes pis que je n'ay merite, me reputant tout autre que je ne suis, ny seray tant que l'esprit soustiendra mon cœur plein d'amertume ! qui me fait bien presumer qu'autre que mon malheur ne m'auance ce fâcheux traitement, veu que vous avez prins en mauuaise part, ce q je vous disois pour le mieux. Et DIEU ne me soit jamais aydant si je pensay de ma vie en ce dequoy vous me blasmez & accusez : car j'ay tant d'assurance de vostre cousin, que je ne veille à autre chose qu'à le contenter: tant y a que j'aymerois mieux mourir qu'autre que moy eust l'honneur de la chambre defendue. Iugez doncq quel ennuy ce me sera

fi Briolanie qui va deuant faire l'espreuue en vient au dessus. Ce nonobstant, ma cousine mamye, ie vous prie pardonnez moy, ne differez (s'il vous plaist) à m'aduiser de ce qu'il vous semblera que ie doy faire pour le mieux : Car vostre cousin pourroit estre trop marry s'il sçauoit ce qu : j'ay soupçonné de luy.

Prophetie d'Vrgande la descognuë à Oriane, luy predictant ce qu'il luy deuoit aduenir, au second liure, chapitre 18.

AV temps que vostre plus grande tristesse aura lieu, maints bons cheualiers souffriront pour l'amour de vous. Lors le fort Lyon accompagné de ses bestes, sortira de sa taisniere, & par ses haux rugimens & clameurs espouuentera tellement ceux qui vous auront en garde, que maugré eux vous demourerez entre les ongles de la Royale beste, laquelle mettra bas de dessus vostre teste la riche couronne, qui plus ne sera vostre : lors ceste beste affamée ayant vostre corps en son pouuoir, l'emportera en sa cauerne, ou il se paistra en sorte qu'il appaisera sa faim enragée. Pourtant ma fille regardez que vous ferez, car ce que je vous ay dit aduient tra sans doute.

Exhor-

Exhortation d'Vrgande au Roy Lisuard, l'incitant à bien traiter ses gens-d'armes. Au second liure, chapitre 18.

Sire, vous me semblez maintenāt tres-bien accompagné, nō tant pour beaucoup de grans personnages qui sont pres de vous, que pour l'amitié qu'ils vous portent, comme ie suis seure: dont vous deuez louer nostre Seigneur. Car le Prince aymé des siens, peut tenir ses estats en grande seureté: pourtant Sire mettez peine de les entretenir & bien traiter, à ce que vostre fortune (qui n'est encores lassée de vous fauoriser) ne s'esloigne si vous faites autrement: & sur tout gardez vous de mauuais rapport, veu que c'est le vray poyson & ruine des Princes qui y croient,

Prophetie d'Vrgande la descognee, tant au Roy qu'aux autres ses cheualiers.

GRande cōtention se leuera entre la grād' couleuvre & le fort lyon qui sera secouru par maintes bestes cruelles, lesquelles viendrōt en telle fureur que grand nombre d'elles en souffriront mort douloureuse. Le fin Renard Romain sera nauré des ongles du fort Lyon & sa peau cruellemēt dechirée, dont le grād serpēt sera en grād ennuy. En ce tēps la douce brebis couuerte de laine noire, sera mise
au milieu

milieu d'eux , laquelle adoucira par sa grand' humilité & pitoyables bestemens, la brauete & terocité de leurs courages, les faisant separer d'ensemble: mais aussy tost les Loups affamez, descendi ont des aspres montaignes contre la grand' Couleure laquelle estant par eux deffaite, auecq' grand partie de sa fuite, l'enfermerōt en l'une de ses cauernes. La tendre Licorne mettant sa bouche aux oreilles du braue Lyon, l'esueilleia de son fort somne, par son haut cry: puis luy faisant prendre partie de ses bestes ira diligemment au secours de la grand Couleure, laquelle ilz trouueront morse , & si nauree par les Loups affamez , que l'on verra grand' abondance de son sang espendu sur la terre. A l'heure sera ostée d'entre les dents des Loups, & eux mis en pieces: lors estāt la vie restituée à la grande Couleure (lais sant dans sa cauerne tout le poyson de ses entrailles) se consentira d'estre mise entre les ongles du fort Lyon: & la blanche Biche qui en la forest craintive eleuoit ses muglements contre le ciel, sera retirée & rappelée.

Autre Prophetie d'Yrgand. la d'cogneuue à Amadis, luy dec'ar nt ce qui luy d'oit aduenir au second liure chap. 18.

A l'heure

AL'heure que vous serez nauré à mort pour defendre la vie d'aucun estant le martyrre vostre, & le profit d'autrui, la recompense que vous en aurez, sera vn grand mescontentement & esloignement de ce que plus desirez approcher. Lors vostre bonne trenchante & riche espée brisera tellement vos os, & entamera en tant d'endroits vostre chair, que vous trouuerez tresaffoibli de vostre sang & si outrageusement poursuiuy que si la moitié du monde estoit vostre, vous la doneriez, pourueu que vostre espée fust jetée au fons de quelque profond lac, duquel elle ne püst jamais estre retirée: pour tant pensez à vostre destinée, qui sera telle que je vous ay dite.

Excuse d'Amadis, de ce que n'ayant appelle les autres ses compagnons avec luy pour estre du combat, luy seul l'auoit entrepris. Au second liure, chap. 19.

MEs seigneurs, je vous supplie tous me tenir pour excusé, & n'estre mal contens de moy: vous assurant que s'il eust esté en mon choix d'eslire vn compagnon pour estre de la meslée (veu les grandes prouesses desquelles chacun de vous est pourueu) je n'eusse sceu lequel eslire. Mais Ardan a voulu combattre seul contre moy, pour la haine qu'il

C

me

me porte, & l'amour qu'il a à Madasime, & puis qu'il l'a ainsi requis, ie ne pouuois ny deuois le refuser, sans me monstrier lasche & couard, & ne faire responce autre que conforme à sa demande. Et quand plus de cheualiers il y eust voulu comprendre avecq' luy, ou pensez-vous que j'eusse cherché ayde ou secours qu'avecq' vous-autres? veu que vous sauez que ma force se redouble avecq' la vostre quand nous sommes ensemble.

Responce d'Amadis à Ardan Canille qui le desffioit deuant le Roy. Au second liure, chapitre 10.

COMMENT? respondit Amadis, pensez vous que je n'aye assez de cœur & de droict, pour abbaissier l'orgueil d'un tel hōme & si audacieux comme est Ardan? Je vous assure que quand je n'aurois entrepris vous combattre, si serois-je bien content de ce faire, seulement pour empescher le mariage de vous & de Madasime. Et à ceste cause les ostages dont vous vous vantez, ne doyuent differer de faire leur deuoir: car j'espere bien venger le bon & vaillant Roy Arban & Angriote de la grande iniure qu'ils ont receüe, estans prisonniers.

Replique d'Ardan à Amadis.

Le les

IE les ay faiëts venir quant & moy, dit Ardan, ſçachant que vous les demanderiez: combien que j'aye bonne eſperance de les remettre au pouuoir de la belle Madafime, & -luy bailler enſemble le moule de voſtre bonnet pour teſmoignage que ce n'eſt pas à vn tel Seigneur que vous eſtes de me tenir propos ſi braues & auantageux. Et pour en ce faiſant luy donner plus grand plaifir, il plaira à noſtre Roy permettre qu'elle ſoit miſe en lieu eminent, afin qu'elle voye euidement la vengeance que je prendray ſur vous, & la fin malheureuſe dont vous mourrez.

La harangue de Gandandel deuant le Roy Liſuart, contre Amadis & autres ſes aliez, pour les mettre en la male grace du Roy. Au ſecond liure, chapitre 20.

Sire, j'ay tout le temps de ma vie deſiré garder la foy que je vous doy, comme à mon Roy & ſeigneur naturel & feray encore (ſi Dieu plaiſt) car outre le ſeriment de fidelité que j'ay à vous, vous m'auez de voſtre grace fait tant de biens, que ſi je ne vous conſeillois en ce q̄ je verray qui touche voſtre majeſté Royale, je faudrois grandement enuers Dieu & les hommes. Au moyen dequoy (Sire) apres auoir longuemēt penſé à ce que ie

vous declareray, je me suis repenti assez de fois d'auoir tant differé, non pour enuie que je porte à personne (& Dieu m'en soit tesmoing) ains seulement pour l'inconuenient que je voy appreste, si vous n'y remediez promptement & sagement. Vous sçauiez que de tout temps il y a eu grand' controuersie entre le Royaume de Gaule, & celuy de la grande Bretaigne, pource que les Roys vos predecesseurs y ont tousiours pretendu droict de souueraineté: & combien que depuis quelque temps ceste querelle soit assopie, si est-il vray-semblable que les Gaulois (rememoratifz des guerres & dommages qu'ils ont enduré de vos subjects) delibereront secretement en leurs courages d'eux en venger. Et (selon mon opinion) Amadis qui est le chef & principal d'eux tous, n'est venu en cespais que pour y faire, practiquer & gagner gens: avec lesquels (jointz à la puissance, qu'il y pourra faire descendre) il vous donnera tant d'affaire, que peut estre il vous fera mal-aisé d'y resister, & voyez s'il y a desia apparence. Sire, celuy duquel je vous parle, & ceux de son alliance aussy m'ont faict tant d'honneur & de plaisir, que moy & mes enfans sommes grandement obligez à eux: & n'estoit que vous estes mon Seigneur esleu, je ne voudrois

drois pourrié parler cōtre Amadis, tant je suis son amy, & seruiteur : mais és choses qui regardent vostre personne, Dieu me doint la mort plutôt que j'espargne homme viuant, non point mon propre enfant. Vous auez receu Amadis auecq' si grand nombre de ses parēns, & autres estrangers en vostre cōurt (comme bon Prince liberal & magnanime que vous estes) qu'à la fin leur suite se trouuera plus grande que la vostre. Pourtant Sire, il seroit bon d'y pouruoir auant que le feu soit plus allumé.

Responce du Roy à ladite harangue.

PAr ma foy mon amy, je croy que vo^s m'aduertissez comme bon & loyal subject : neantmoins veu les seruices que ceux dont vous me parlez m'ont fait, je ne puis cōprendre en mō esprit, qu'ils me voussissent faire mauuais tour ou lacheté.

Replique de Gandandel au Roy sur le mesme propos. Au mesme chapitre.

Sire, respondit-il, c'est ce qui vous abuse, car s'ils vous auoyent offencé par cy deuant, vous vous donneriez garde d'eux comme de vos ennemis : mais ils ont scēu desguiser sagement leur trahison sous vn humble parler, accompagné de quelques seruices, esquels ils se sont

employez, attendans leur heure opportune.

Requeste d'Amadis au Roy Lisuard, pour faire don de l'isle de Mongase à Galuanes. Au mesme chapitre.

Sire encore que ie ne vous aye iusques icy fait tant de seruice comme ie desire, si ay-je prins la hardiesse (me cōfiant en vostre grand liberalité) de vous demander vn don qui ne vous peut tourner qu'à honneur, obligeant d'auantage ceux à qui vous l'octroyez. Si dist encor Amadis, Le don que moy & mes compagnons presens vous supplions nous octroyer qu'il vous plaise donner au Seigneur Galuanes l'isle de Mongase, de laquelle il vous fera foy & hommage, en espousant Madasime, ce faisant sire, vous enrichirez vn pouure prince, vsant de misericorde à vne des plus belles gentils femmes du monde.

Harangue d'Amadis au Roy Lisuard, par laquelle il quittoit sa compagnie. Au mesme chapitre.

Sire, i'ay iusques icy pensé qu'il n'y auoit Roy ne Prince au monde mieux se cognoissant es choses de vertu & de honneur que vous : toutes-fois nous nous apperceuons maintenāt du contraire par l'experience que vous nous en don

nez : par ainsi puis que vous avez changé de nouveau conseil , nous irons chercher nouvelle façon de viure.

Harangue d'Amadis à Oriane, par laquelle il luy declaroit estre force de sortir hors du seruice du Roy. En ce mesme chapitre.

M Adame , dit Amadis , il nous est force de ce faire ce qu'il nous a commandé, autrement nous ofenserions nostre honneur , demourans contre le gré de luy en son seruice , veu qu'il presumeroit que ne sceussions ailleurs récontrer qui nous vousist receuoir : pourtant ie vous supplie ne trouuer mauuais, si en luy obeissant , ie suis contraint de m'esloigner de vo' pour quelque tēps. Vous sçauiez la puissance que vous avez sur moy, & que ie suis autant vostre que le pourriez souhaiter , & ie sçay bien aussi, qu'ou j'acquierrois mauuaise teputatiō vous estes celle qui en receuroit de deplaisir, tant vous m'aymez & estimez, qui me faiēt derechef vous prier trouuer bonne mon absence, & me donner congé , vsant de vostre constāce & vertu accoustumée.

Responce d'Oriane à Amadis, s'excusant envers luy. Au mesme Chapitre.

M On amy, respondit la Princesse, vous avez grād tort d'ainsi vous plaindre de mon pere : car s'il a

receu quelque biē de par vous, ç'a esté par ma faueur, & par le commandement que je vous en ay fait, non pour l'amour de luy : car moy seule vous ay fait venir & sejourner en sa compagnie. Ainsi ce n'est à luy à vous récompenser : mais à moy à qui vous estes. Il est bien vray qu'il a tousiours pensé autrement, qui luy donne grand' blâme de vous auoir si indiscretement respondu. Et encores que vostre partement me soit la plus griesue chose qui me pourroit auenir (estant contrainte) je suis contente de me fortifier, & d'obeir à raison plus qu'aux delices, & bien que j'ay par vostre presence. Partant mō amy, je veux ce qu'il vous plaist : pource que je suis assurée qu'en quelque part que vous tiriez, vostre cœur qui est mien, me demeurera pour gaigne du pouuoir que vous m'avez donné sur vous & sur luy : aussy que mon pere, vous perdant, cognoistra par le peu qui luy restera, ce qu'il aura perdu en vous.

Replique d'Amadis prenant congé d'Oriane, au mesme chapitre.

MAdame, dit Amadis, le bien que vous me faictes, est si grand que je ne l'estime moins que la redemption de ma vie propre : car vous scauez que tout homme de vertu doit auoir son

son honneur en telle recommandation, qu'il le doit preferer à sa propre vie. Ainsi madame, puis que c'est force que pour le conseruer je vous esloigne, faiétes s'il vo^{us} plaist tant pour moy (durant mon absence) de me mander le plus souuent que vous pourrez de vos nouuelles : & me tenir tous-jours en vostre bonne grace, comme celuy qui ne fut onques né, que pour vous obeir, & seruir.

Harangue d'Amadis à ses compagnons, leur declarant les causes de son departement d'auecques le Roy, au mesme chapitre.

MEs Seigneurs, pource que lon a à tort donné blasme au Seigneur Galuanes, Agraies, à moy, & aucuns autres qui sont icy presents, d'abandonner le seruice du Roy, comme nous auons deliberé eux & moy, auons trouué bon vous faire entendre, qui en est l'occasion. Je croy qu'il n'y a celuy en ceste troupe, qui n'ait entendu si depuis nostre arriuée en la grand' Bretaine l'autorité de ce Prince est augmentée ou amoindrie : parquoy sans consumer le temps à rememorer les seruices que nous luy auons faitz, pour lesquels nous auons grand' esperance de rapporter (auecq' gré) bonne & grosse recompense, je vous declareray sommairement de quelle ingratitude il

vsa hier enuers nous, tellement qu'ainsi
 que la fortune muable & inconstante ren-
 uerse souuent toutes choses, il a changé
 de condition ou par mauuais cōseil qu'il
 a receu, ou par quelque legiere occasion
 que nous ignorons. Tant y a, que le Seig-
 neur Galuanes nous requist de moyenner
 enuers luy (il n'y a encores que huit ou
 dix jours) la prouision du mariage de luy
 & de Madasime: & en ce faisant le faire
 jouir des terres d'elle, à la charge de les te-
 nir en foy & hōmage de luy, & de sa cou-
 ronne: ce que nous luy promismes faire.
 Au moyen dequoy, aussy tost qu'il m'a
 esté possible cheminer, moy & autres de
 ceste compagnie, lui en auons esté faire la
 requeste: mais sans auoir esgard, ny a no^r
 qui portions la parole, n'y a celuy pour
 lequel nous nous employōs, qui est (com-
 me chascun cognoist) frere du Roy d'Es-
 cosse, preux & hardy cheualier, autant
 qu'il est possible, & lequel dernièrement
 contre le Roy Cildadan n'a espargné sa
 vie, ains à fait son deuoir autant que nul
 qui s'y soit trouué: il nous a refusez, & te-
 nu propos d'iniure, assez peu conuenable
 & digne d'un tel Roy. Et toutesfois pour
 le commencement n'en fimes cas iusques
 à ce qu'il nous dist à tous, ainsi que nous
 luy faisons aucunes remonstrances, que
 nous

nous cherchissions ailleurs qui nous cōgneust, ou fist mieux que luy, & que le monde estoit assez grand pour ce faire sans tant l'importuner. Ainsi mes compagnons, puis qu'estans en son seruice nous luy auons tousiours obey: quant à moy, je suis encores tref-content en ce cas de n'y faillir, & m'en aller hors de ce pais. Mais pource qu'il me semble que ce congé ne touche seulement à moy, & à ceux à qui il parloit, ains à tous autres qui ne sont ses vassaux: j'ay esté d'auis vous le faire entendre, afin que vous y pensiez à l'aduenir.

Harangue d'Angricte d'estraux pour atraire les autres à laisser (comme Amadis) la maison du Roy. Au mesme chapitre.

MEs seigneurs, il ny a encores long temps que ie cognois le Roy, & pour le peu de cognoissance que j'ay eu avecq' luy ie ne vi oncques Prince plus sage, vertueux & tempere, qu'il a été en tous affaires: parquoy ie me doute que le propos qu'il a tenu à Amadis, & à ses Seigneurs presens, n'est venu de sa fantaisie: mais a esté induit à ce faire par quel que enuieux & meschant, qui luy a persua dé le mal contentement qu'il a cōtre eux. Et pource que depuis huiet ou dix iours en ça, j'ay veu Gandandel & Broquadan

parler à luy souuent, & luy leur prester l'oreille plus qu'à nuls autres, je me doute que ce sont eux qui ont brassé ceste menée: car je les cognoy de long temps pour les plus enuieux qui soyent en tout le monde. Pourtant j'ay deliberé des ce jour-d'huy demander le cōbat cōtre eux & leur maintenir que faussement & meschamment ils ont mis le Roy & Amadis en controuersé: & s'ils se veulent excuser sur leur ancien aage, ils ont chacun vn enfant portans de long temps harnois en dos, lesquels moy seul je combattray, s'ils sont hardis de cuider desguiser la trahison de leur meschans peres.

Harangue d'Amadis au Roy Lisuard: par laquelle il quitte son seruice. Au second liure, chapitre 21.

Sire, si en aucune chose je vous ay fait faute, Dieu & vo⁹ en soyent tesmoins, vous assurant, qu'encores que les seruiçes que je vous ay faictz ayent esté petits, la volonté que j'ay eue de recognoistre les biens & honneur qu'il vous a pleu me faire, estoit grande en toute extremité. Vous me distes que je m'en allasse par le mōde chercher qui mjeux me cogneust que vous, me donnant assez à entendre le peu d'enuie qui vous reste que je demeure plus en vostre court. Puis, qu'il
vous

vous plaist me l'auoir ainsi commandé, c'est raison que je vous obeisse, non que je vueille sortir d'avecq' vous, comme de mon souuerain, car je ne fus onques vostre vassal, n'y d'autre Prince, sinõ de Dieu seul: mais je prens congé de vous, comme de celuy qui m'a fait beaucoup de biẽ & d'honneur, auquel je portois amour & desir de seruice.

Harangue de don Quedragant au Roy Lisuard, quittant son seruice. Au meſme chap.

Sire, je ne demeuray onques en vostre court qu'à la priere d'Amadis, voulant & desirât estre son amy tout outre, & puis que par son occasion ie fus vostre, par mesme raison ie m'en deporter deormais, veu que mes petis seruices au ront bien peu d'esperance, estans les siens grands si mal recognus, sans auoir memoire de l'obligation que vous auez à luy, vous ayant deliuré des mains de Mandafabul, & de la victoire aussy que vous auez obtenue sur le Roy Cildadan, par le sang de luy & de ses autres parents. Ie vous ramenteurois bien le bon tour qu'il vous fit, quand il deliura vous & vostre fille Oriane (comme j'ay ouy maintesfois dire) des mains d'Arcalaüs, & depuis n'agueres Madame Leonor, que Famongomad, & Basigant son fils Geans les plus

cruels du monde tenoyent prisonniere pour la faire mourir : par ainsi l'ingratitude, de laquelle vous vſez maintenant enuerz luy, eſt ſi grande, qu'elle vous oſte toute cognoiſſance de verité. Et pourtant il ne doit moins eſtimer ce congé toſt donné, que la retribution de ſes ſeruices tant accordée. Quant à moy, je ſuis delibéré de le ſuyure, & ſortir de voſtre cour quant & luy.

Harangue de Guillan le penſif, s'excusant de ce qu'il ne pouuoit ſuyure Amadis. Au meſme chapitre.

MOn Seigneur vous ſçauéz mon affaire, & cōme je ne puis de moy-mefme rien faire, eſtant du tout ſoubmis à la volonté d'autrui, par laquelle j'endure angoiſſes & douleurs eſtranges, qui eſt la cauſe que ie ne vous puis ſuyure: dont j'ay honte & vergongne, tāt ay de deſir de recognoiſtre le bien & l'honneur que m'auéz fait eſtant en voſtre compagnie, vous ſuppliant bien humblemēt me tenir à preſent pour excuſé.

Reſponce d'Amadis audict Guillan, l'excusant de ce qu'il ne laiſſoit la maiſon du Roy. Au meſme chapitre.

Seigneur Guillan, ia à Dieu ne plaiſe que pour mon occasion vous faciēz faute à la dame que vous aimez ſi parfaite.

faictement, ains vous conseille luy estre obeïssant, & la seruir ainsi que jusques icy vous avez faict, & le Roy semblablement estant seur que vostre honneur sauué, vous serez en tous endroits amy & loyal compaignon.

Exhortatio du Roy Lisuard à Gandandel et Broquadan, qui leur declare leur insuffisance pour gouverner son royaume, au mesme chap.

IE m'esbahy comme vous estes tant presomptueux de m'oser persuader, que ie vous laisse le gouuernement; non seulement de ma maison, mais de tout ce Royaume, cognoissant que vous n'estes à beaucoup pres suffisans pour ce faire. - Estimez vous que les Princes & Seigneurs de ceste monarchie vous voussissent obeïr, sçachans le lieu dont vous estes descendus? Et si vous cuidez faire les bons mesnagers, voulans m'enrichir pour espargner argent, ou pensez-vous que je le puisse mieux employer qu'à le donner aux Gentils hommes & Cheualiers qui sont en mon seruice? veu que le Prince ne se peut nommer Roy, sinon d'autant qu'il a les hommes à son commandement. Et si par deuant je me suis monstré liberal à ceux qu'à vostre instance j'ay chassez, par eux mesmes j'esroye maintenant craint & redouté: & pour
tant

tant fuffife-vous de ce que vous avez fait, fans plus me desguifer les choses, autrement je vous monſtreray qu'il m'en deplaist.

Harangue d'Amadis à ceux qui vouloyent aller defendre le droit de Madafime, les exhortant de mettre hors des prisons du Roy douze damoyſelles. Au meſme chapitre.

SEigneurs, reſpondit Amadis, les choſes qui ſont debatues par meure deliberation viennent volontiers à bonne fin: & ne fais doute qu'entreprenant ce que vous deliberez, vous n'en ſortiez à voſtre honneur, & fuſt la choſe encores plus hazardeuſe & difficile qu'elle n'eſt, (toutesfois s'il vous plaist) ie vous declareray ce que i'en ſens. Vous calculez tous à ce que je voy de mettre en liberté douze damoiſelles à preſent priſonnieres és priſons du Roy Liſuard, je ſuis d'aduis que douze des voſtres (ſans plus) ſoyez de ceſte entreprinſe: ainſi chacun aura ſa chacune, & ſeront les douze damoyſelles, particulièrement obligées à douze cheualiers, & le reſte de ceſte compagnie ſe tiendra pour ſubuenir aux inconueniens qui ſe pourroyent offrir.

Complainte d'Oriane qu'elle fit ſe ſentant groſſe. Au ſecond liure. Chap. 22.

LAs mes amies, je voy bien maintenant que fortune me veut de tout point ruiner! vous auez veu l'inconuenient puis n'agueres suruenü à la personne du monde que j'ayme le mieux, & à present (qui est le pis) la chose que plus j'ay crainte & doutée, m'est escheüe: car certainement ie suis grosse, & ne sçay comme je pourray faire que ie ne sois descouuerte & perdue.

Harangue de Sarquiles au Roy Lisuard, l'aduertissant des dangereuses entreprises & trahisons de Broquadan & Gandandel. Au mesme chapitre.

Sire, ie ne suis vostre subiect ny vostre homme lige: mais en reconnaissance de la nourriture que j'ay prise en vostre court, je me suis obligé à garder l'honneur de vostre maiesté. Parquoy sire je vous aise que puis trois jours en ça ie me suis trouué en lieu, ou i'ay entendu Broquadan & Gandandel, non seulement conspirer (mais desia ont commis contre Dieu & vous) la plus grande trahison que l'on sçauroit penser. Il est seur qu'ils deliberent vous conseiller & persuader à faire mourir Madasime, & ses damoyelles: & quant au reste, Sire, j'espere auant qu'il soit dix jours passez que leur meschanceté sera du tout auerée. Et pource qu'en

authorisant tels paillards , vous auez chassé n'aguères mon Seigneur Amadis, & plusieurs autres bons cheualiers de vostre compagnie , je ne suis plus delibéré de m'y tenir , & prens congé de vous pour m'en aller trouuer mon oncle Angriote , lequel (si Dieu plaist) vous reuerrez en brief par deça , & moy auecq' luy, deliberez d'auerer par force d'armes à ces deux traistres , leur inique conspiration.

Harangue du Roy Esuard à Broquidan & Gandandel, pour les animer d'exécuter ce que ils auoient promis.

VEnez ça, vous scauez que maintes-
fois m'auez ioncté de faire mou-
rir ces pauvres damoyelles , me
persuadant qu'il estoit iuste & raisonna-
ble d'ainsi le faire , & qu'au besoin vous
& vos enfans soustendriez cest auis jus-
ques à la mort. Vous auez entendu ce
que m'a dit Ymosil & ses compagnons,
que je trouue bon & equitable : parquoy
il est temps que vous auisiez à ce que vo-
us auez à faire. Car par la foy que je doy à
Dieu je ne donneray à autres de mes Che-
ualiers congé de les combattre , & si n'y
pournoyez, vous serez amendables, & les
damoyelles deliurées.

Harangue

Harangue d'Angriote d'Estravaux au Roy Lisuard, luy declarant la meschancete & calomnie de Broquadan & Gandandel, au mesme chapitre.

Sire, mon neveu & moy cy presens, vous supplions faire comparoistre presentement deux paillards qui sont en vostre cour, Broquadan & Gandandel, ausquels je declareray la trahison de laquelle ils ont vsc enuers vous, & en continuant son propos dit encores: Sire, les meschans dont je vous parle, sans auoir esgard, ne crainte de Dieu ou des hommes, ont faulxement accuse monsieur Amadis, & autres d'une chose à laquelle ils ne penserent de leurs vies. Au moyen dequoy, j'ose bien dire que vous avez esslongné de vous les meilleurs cheualiers qui oncques entrerent en la grand' Bretaine: pourtant si ces traistres osent maintenir qu'ils ne soyent tels que je les nomme, moy seul par l'aide de Dieu & le trenchant de mon espée, le leur feray cognoistre. Et si l'age les doit excuser, il n'y a celui d'eux qui n'ait enfans portans de long temps armes, & assez estimez entre les Cheualiers de vostre court, contre lesquels ie me combattray s'ils veulent tenir la place de leurs meschans peres.

Ref.

Responce de Gandandel au roy, s'excusant de ce qu'on disoit mal de luy. au mesme chap.

Sire, respondit Gandandel, ne voyez vous l'audace de ce braue injurieux, lequel n'est venu en ces pays q pour faire honte aux Gentilz-hommes de vostre court? Par ma foy Sire, si vous m'eussiez de long temps creu, aussy tost qu'il est rentré en vostre Royaume, aussy tost eust il esté pendu au premier arbre: mais puis que vous l'endurez, il ne vous faudra cy apres esbahir si Amadis en personne vient jusques icy injurier vous-mesmes. Tant y a que par le Dieu viuant, si j'estois aussy jeune que quand je commençay à entrer au seruice du feu roy vostre frere, auquel j'ay fait mains grans seruices, je m'asseure bien qu'Angriote n'oseroit auoir songé à me dire la moindre des injures qu'il a proferées deuant vostre majesté. Mais le galand cognoist bien que je suis vieil & cassé, tant par le grand nombre de mes ans vieilz, qu'à cause d'infinies playes que j'ay receues quasy sur toutes les parties de mon corps és guerres de voz predecesseurs.

Harangue du Roy Lisuard ausieulz Broquadan & Gan'andel, les redarguant de senardise & lasc. et c.

Venez

Venez ça, vous m'auez tant de fois recité qu'Amadis & les siens auoyent deliberé de me trahir, & vsurper sur moy le pays de la grand' Bretagne, & toutes-fois quand c'est venu à joindre vous vous estes excusez du combat, mettans en jeu voz enfans, qui n'en peuvent més: toutes-fois Dieu est juste, & par tout tant que je luy doÿ, c'est mal parlé à vous, & ne vous eusse jamais estimé telz que vous estes.

Harangue du Roy Arban de Norgales au roy Lisuard, l'induisant de rapeller en sa court Amadis, & ses compagnons au troisieme liure chapitre premier.



SIRE, je serois bien d'aduis (auant que de ce faire) que vous eussiez l'auis des hauts hommes de voz pays: car vous sçauetz qu'Amadis & ceux de sa lignée sont bons Cheualiers: à merueilles, & puissans grandement par les amys qu'ilz ont, d'auantage il n'y a ce luy qui n'ait cognu que faussement ilz ont esté accusez deuant vostre Majesté, dont la victoire qu'Angriot & Sarquilles ont obtenue ces jours passez contre les accusateurs, en a rendu bon tesmoignage & si le droit n'eust esté de leur costé, encores qu'ilz soyent bons Cheualiers. si
ne se

ne se fussent-ils despeschez si aisement des enfans de Gandandel, ne de Adamas: qui donne assez à entendre, que nostre Seigneur les a voulu maintenir en leur iustification : & pourtant sire, s'il vous plaisoit oublier le mal que vous leur portez; & les rappeler à vostre seruice, ce seroit (ce me semble) pour le mieux, veu que l'on n'approuue pas beaucoup que le Prince face guerre contre ceux qu'il peut facilement & à son honneur attirer à amitié & seruice, attendu que faisant autrement, c'est bien souuent perte de gens despence extreme & amoindrissement d'autorité, chose qui cause puis apres aux Seigneurs circonuoisins, desir de faire nouuelles entreprinſes, pour sortir de ſuiection, & rentrer en plus de liberté qu'ils auoyent au parauant. Et partant le Prince ſage, s'il eſt poſſible, ne doit iamais dōner occaſion à ſes vaffaux d'eux eſlongner la crainte & reuerence qu'ils luy doyuent : mais faut qu'ils eſſayent par tous moyens à les gouverner par diſcretion temperée, gagnans leurs cœurs & volonteſ, plus par fidele amour, que par rigueur & tyrannie comme fait le bon paſteur enuers ſes ouailles. Parquoy Sire, il eſt requis eſtindre le feu ia alumé auant qu'il ſoit du tout embrasé. Car
bien

bien souuent apres la faute cogneuë, le remede se trouue par trop eslongné. Amadis est si humble & tant vostre que si vous l'enuoyez rapeller, vous la recouurez facilement, auecque ceux qui l'ont suyui, desquels pourrez mieux que jamais estre seruy, disposez.

Harangue de Cendil de Ganote, par laquelle au nom du Roy Lisuard il deffioit Amadis & tous autres ses parens & amis, leur denoncant que le Roy se declare leur ennemy mortel. Au mesme Chapitre.

SEigneurs, ie suis enuoyé icy vers vous, de la part du trespuissant Roy Lisuard mon souuerain seigneur, au nom duquel ie vous deffie, & tous vous parens, amys, ou alliez, & de par luy vous declare, que s'il vous trouue jamais en la grand' Bretagne, ou en l'ile de Mongase, qu'il vous fera prendre & traiter comme ses mortels ennemis, pourtant gardez vous d'oresenauant si pouuez: car il a entrepris de vous courir sus, & ruynier entierement, s'il en a le moyen.

Amadis fait responce au Roy Lisuard par Gandales son vieil & ancien amy, l'aduertissant qu'il n'a crainit ses menaces. Au mesme chapitre.

Mon

MOn pere, je vous prie aller avec luy, & dites au Roy Lisuard que je vous enuoye particulièrement deniers luy pour l'aduertir, que j'estime moins ses menaces, qu'il ne pense, & que si j'eusse sceu le peu de gré qu'il me porte de tant de seruices qu'il a receus de moy, que je me fusse tresbien gardé d'entrer si souuent aux dangers ou ie me suis mis pour le bien de luy & de son Royaume, qui n'eust (peut estre) autrement demouré si entier qu'il est à present: mais i'espere en Dieu qu'avecq' le temps il cognoistra ceste ingratitude, plus par force, que de son gré. Et quant à ce qu'il pourchasse, mon inimitié, assurez le, qu'il l'aura, tant qu'il mettra en oubly ce que moy & les miens auons fait pour le deffendre. Et toutes-fois dites luy, que puis que moy seul luy ay conquis l'Isle de Mongase, que ie n'y mettray jamais le pié pour la luy faire perdre, ne en lieu ou je peusse donner ennuy à la Roïne pour l'honneur d'elle.

Exhortation d'Amadis à ses compagnons, prenant congé d'eux, les exhortant de secourir l'un l'autre, & estre vertueux aux combats.

Chapitre premier.

IE vous prie mes compagnons, vous secourir l'un l'autre, & penser que d'autant

tant que vous allez contre vn Roy puissant, la gloire que vous acquerrez (si vous le combattez) en sera plus grande. Je sçay bien qu'il n'y a celuy de vous tous, qui ne soit tenu à preud'homme & hardy Cheualier, qui me donne esperance qu'avec l'ayde de Dieu, & le bon droit de celuy qui vous conduit, vous remettrez vne pauvre Damoiselle desheritée en ses premiers biens.

Amadis continuant encores sa harangue, s'excuse de sa separation, & prie ses compagnons d'estre tousiours vnis, Chap. 1.

IE ne fus de ma vie si ennuyé de faucher si bonne compagnie comme je suis à present: mais il n'y a celuy qui ne me doie excuser: que pleust à Dieu que l'occasion eust appresté autre moyen pour ne nous separer: d'une chose vous vucil bien prier, c'est que vous n'ayez discord l'un avecque l'autre, ains que vous viuiez ensemble comme compagnons & amis, autremēt assurez vous que la ruyne tombera de vostre part.

Lettre de l'infante Celinde au Roy Lisuard, qui luy recommande son fils qui estoit procedé de l'amour du Roy Lisuard & d'elle au troisieme chapitre.

TRespuissant & excellent Prince, lisant ceste lettre, il vous pourra, peut
D
estre

estre, souuenir que lors que trauersiez les
pais estranges, cōme cheualier errant, met
tant à fin maintes peilleuses auentures,
fortune vous adiesla au royaume de mon
pere, lequel estoit decedé nouuellement,
& me trouuastes retirée en vn mien cha-
steau, nommé le grād Rosier, ou Antifon
le braue me tenoit assiegée, à cause que
je le desdaignois à mary, n'estant egal à
moy en noblesse, & moins amy de vertu:
& bien le sceut monstrier, car il auoit lors
vsurpé par force & tyrannie sur moy pau
vre damoysselle orpheline, la plus part de
mes pays quand à vostre arriuée luy pre-
sentastes le cōbat pour soustenir le droict
que j'auois, lequel l'accepta, plus pour la
confiance qu'il auoit à la force de ses
bras, que pour juste querelle qu'il eust:
A quoy nostre Seigneur monstra son ju-
ste jugement, car vous moindre que luy
de corpulence: mais en magnanimité
de courage de beaucoup excédant, le des-
fistes. Au moyen dequoy peu apres je
fus remise & restituée en tous mes biens,
lesquels je veux tenir à jamais de vous,
comme estans vostres, & moy-mesmes
aussi à qui sur l'heure vous fistes tant d'hō
neur que de vous venir rafraischir en ce
mien grād Rosier, ou depuis vous & moy
deuisans ensemble entre mes plaisans ver
gers

gers, cueillistes la fleur de ma virginité, ainsi que nous esbarions à amasser les roses, dont le lieu estoit & est encores tresopulent. Je ne sçay pourtant si amour le voulut ainsi, ou si ma beauté en fut cause, mais je sçay bien que vous peustes tant sur moy, & en moy y eut si peu de resistance, qu'auant que partir de là, me laissastes en ceinte de ce jeune Gentil-homme que je vous enuoye, tant beau; & de si bonne grace, qu'il me semble que nature ayt prins tout son plaisir à le rendre parfait en toute excellence, pour effacer le peché de nous deux, si peché y fut commis. Pourtant, Sire, receuez-le comme vostre, estant de semence royale, de vous & moy, qui me fait estimer qu'il sera peud'homme, & aura retenu en soy partie de la prouesse qui est en vous, & partie de l'amour grande, en laquelle il fut engendré le jour que me donnastes cest anneau, lequel je vous renuoye, aussi en tesmoin de la promesse que vous fistes à vostre humble seruantte Celinde fille au Roy Hegide, qui baise les mains de vostre Royale majesté.

Complainte d'Oriane pour le si soudain esloignement de son fils, preuoyant le mal traitement que luy d. voit aduenir, chap. 3

*Complainte de la damoyelle de Dannemara
apres auoir perdu le petit fils d'Oriane qu'elle
estimoit deuoir endurer beaucoup de malayse.*

Chapitre 3.

O Seigneur Dieu, comme vous a il
pleu permettre, que ceste petite
creature perist, laquelle ne vous
fist oncq' offenses. Ah ah! ie suis (certes)
bien digne de tresgrande punition: qu'à
la mienne volonte son infortune fust tum
bee sur ma propre personne: car ma vie
m'est fort ennuyeuse. Helas! petit en
fant, vostre pere aussi jeune que vous com
mença à esprouuer les dangers de ce mon
de, & toutesfois nostre Seigneur le pre
serua par sa grande bonté: mais vostre
mal-heur est trop plusestrange que ne fut
le sien: pource que si lon l'abandonna
aux ondes de la mer, Gandales le rencon
tra de bon heur, qui l'esleua depuis, ainsi
que chascun sçait, & vous pauure et estes
tombé en la mercy d'une beste brute, qui
naura pitié de vous, non plus que son
naturel luy commande, ainsi finirez vos
jours auant qu'ils ayent quasi eu com
mencement.

*Nascian parlant à sa sœur du petit enfant
trouué entre les dents de la Lyonne, la prie de
l'auoir en singuliere recommandation, & luy
subuenir.*

IL est seur que nostre Seigneur la reser-
ué pour son seruice, l'ayant preserué
de si grand inconuenient. Et pour-
tant ma sœur mamye, disoit-il, je vous
prie penser de luy desormais, & l'essouer,
jusques à ce qu'il puisse estre capable de
receuoir si peu de doctrine que je luy
pourray enseigner, puis vous le ramene-
rez, & s'il plaist à nostre Seigneur luy
prester longue vie, j'espere qu'il sera si
preud'homme qu'il recognoistra le bien
que luy aürez fait.

*Harangue du Roy Lisiard à ses soldats, les
admonestant de combattre pour luy vertueuse-
ment. Au mesme chap.*

Certes mes amis vous pouuez main-
tenant voir à veüe d'œil ceux qui
sont cause de nous auoir fait pas-
ser la mer pour defendre l'honneur de la
grande Bretaigne, & le pays qui est nostre
ainsi qu'il est tant notoire par les conue-
nances que j'eü avecque Ardan Canille,
auoué de Madasime, & de la vieille Gean-
te sa mere, & toutesfois je ne sçay sous
quelle couleur ils y sont entrez depuis, &
ont prihs par trahison la ville & chasteau
du lac Ardant, ou estoit le comte La-
tin, lequel ils detiennent encores prison-
nier, & maints autres avecq' luy, dont
ils ont le cœur tant haucé, qu'il leur
sem-

semble fortune estre entierement pour eux, & qu'elle les vueille pousser contre nous jusques en nos propres maisons, desquelles ils font estat, comme si n'auions moyen d'arrester plus grand' puissance que la leur. Mais il ira tout autrement, & ne permettra nostre Seigneur, s'il luy plaist, que la reputation en laquelle nous auons de tout temps vescu, soit par eux esteinte, m'assurant qu'il n'y a celuy de vous qui ne vueille plustost mourir en honneur, que viure apres auecques honte, & pour tels vous cognois, de si longue main que j'ay grande occasion de vous aimer & estimer, & quand je n'aurois telle cognoissance, si sçay-je bien que je ne fus oncques si tost né, que fortune ne m'obligast à vous tous, tant pour la fidelité, laquelle vous auez tousiours gardée à vos Princes, que pour les grands seruices que vous m'auez faits en maints endroits : specialement contre Barsinan, lors qu'il me mist par trahison es mains d'Arcalaus, pour se faire Roy & dernièrement en la bataille que j'eue contre le Roy Cildadan, ainsi que chacun sçait: qui me fait croire que sans auoir esgard à quelques particuliers qui se sont rebellez contre nous (autres-fois vos amis, & maintenant conuoiteux

de tirer le pur sang de vos corps) vous ferez tel deuoir, suyuant vostre ancienne vertu & fidelité, que nous leur donnerōs à cognoistre que ce n'est pas à nous qu'ils se doyuent adresser: ce que nous pouuōs aisement faire, veu que nous sommes trop plus qu'eux, & si auons le droit de- uers nous. Or machons doncq' hardiment: car je les voy approcher.

Harangue de Galuanes à ses Cheualiers, les exhortant de prendre courage, & s'estimer heureux de combattre pour iuste occasion au troisieme liure, chap. 3.

ENtendez mes compagnons, que le premier & plus souuerain bien qui puisse estre en vne armée, est d'un chef qui sçache prudemment ordonner & conseiller ce qui est requis de faire, puis auoir obeissance pour executer ce qu'il commande. Or auez vous icy non seulement vn capitaine tel que ie le dy, mais deux ou trois, voire plus de vingt, lesquels sont si accordans ensemble, que ce n'est qu'un vouloir, vn cœur & vn aduis. Puis doncq' que ce premier bien ne nous est desnié, approprions nous au second, & poussons nostre fortune, qui nous ayde contre vn Roy le plus ingrat qui soit sur la terre, lequel faict estat de ruiner nos biens, & nos vies, avecq' ceste grosse & puis-

puissante armée qu'il a fait passer par de-
 ça, pour appauvrir & du tout exterminer
 vne pauvre gentil femme. Mais il est biē
 loing de son compte, car nous luy ayde-
 rons tant qu'auons la vie au corps, suy-
 uant la promesse en quoy nous sommes
 obligez, receuant l'ordre de cheualerie, &
 si nous y mourons, ce nous sera vne gloi-
 re immortelle d'auoir à si bōne occasion
 combatu celuy qui deuoit estre iuste pro-
 tecteur de toutes Damoyelles, en sorte
 que ce que l'on pourroit appeller temeri-
 té à plusieurs, sera en nostre endroit dit
 vertu & magnanimité de courage. Don-
 nons doncq' hardiment dedans, sans dou-
 ter mort, ne danger quelconque, n'ayans
 rien deuant lès yeux que l'honneur. Car
 en tels actes belliqueux, fortune mesme
 ne veut estre crainte ne doutée: & si nous
 demourons victorieux, d'autant qu'ils
 sont plus que nous, nostre gloire en sera
 plus grande, & nostre renommée plus di-
 uulguée, ayans entrepris de si grand
 cœur chose quasi incroyable aux hom-
 mes.

*Regrets d'Amadis pour son Oriane, de ce
 qu'il estoit sans cause esloigné de sa compagnie.*

Au troisieme liure, chap. 5.

AH! ah! pauvre infortuné Amadis,
 est-il possible que tu puisses lon-

guement durer en ce tourment? Helas! si autresfois Amour t'a favorisé, il te fait maintenant bien payer l'vsure. Que dis-je amour? Amour n'est ce point, & n'en est cause, mais ton mal'heur, lequel enuieux de ton bien & grand aise t'a forgé & basti vn mescontentemēt enuers le Roy pour du tout te ruiner, te faisant perdre de veuë celle de qui dependoit ton aise, ta vie, & seul repos, chose qui t'est beaucoup plus mal aysee à supporter, que milles morts ensemble: toutesfois vne me suffiroit, si tant de bon heur me pouuoit aduenir. Ha! ha! certes j'ay grand tort de telle chose souhaïter, veu que je suis seur qu'Oriane en auroit trop de desplaisir. Pourquoy donc luy desirerois-je mal, veu qu'onques ne me fist que bien & faueur. Et si je souffre quelque tristesse, je suis seur qu'elle s'en sent comme mon ame propre.

Harangue de Bruneo à Amadis, le priant de luy bailler congé pour l'accompagner. Au troisième liure, chap. 5.

Certes mon Seigneur, le jeune aage & peu d'estime, en quoy j'ay vescu jusques icy entre les bons cheualiers me pressent d'abandonner ceste presente vie, & en prendre vne plus penible, pour paruenir à leur reng, & pourtant je
VOUS

vous supplie humblement si vous vous trouuez en disposition d'aller chercher les aueutures, permettre que je vous accompagne, sinon me donnez congé, car j'ay delibéré partir demain des le plus matin.

Response d'Amadis à Bruneo, s'excusant dont il estoit contrainct le laisser. Au troisieme liure, chap 5.

PAr ma foy mon grand amy, j'ay toute ma vie désiré telle compagnie que la vostre, estant assureé qu'il ne m'en scauroit auenir que tout honneur, & bon heur. Mais le propos que le Roy m'a tenu nouuellement pour ne partir encores de ses pays, me contrainct vous fau-
 cer compagnie, dont je suis trop desplai-
 sant, parquoy je vous prie de m'excuser, priant Dieu qu'il vous vueille condui-
 re.

Harangue du Roy Arasign' à ses souldars, les incitant à se porter vertueusement au combat. au troisieme liure, chap. 5.

QVel besoin est-il Seigneurs, que je vous face grand enhortement de bien combattre, veu que vous estes icy pour ce faire, & mesmes auteurs de ceste guerre, en laquelle vous m'avez esleu pour vostre chef, & premier conducteur? qui est la raison principale, pour laquelle je vous diray ce qui m'en

semble, afin qu'apres m'auoir entendu, vo⁹ ayez deuât les yeux la cause pour laq^{le} le vous estes si grand nombre de gens assemblez. Certes ce n'est pas pour defendre vostre pais, vostre liberté, voz femmes, voz enfans, ou voz biens. Mais c'est pour conquerir: & subjuguier vne gent, la plus fiere qui soit aujourd'huy viuante, & qui de nous (estans loing d'eux) faict aussy peu d'estime que de rien. Toutefois je croy que de pres ilz n'oseroient nous attendre, combien que vous les voyez deuant vous marcher furieusement, ce nonobstant si vous regardez bien leur contenance, il semble qu'elle doie auoir plus d'efficace à vous esmouuoir, & donner cueur de bien combattre, que toutes les parolles d'homme viuant, encores que fussiez quasi recreuz, & mal equippez, & au contraire, nous sommes icy la fleur & force de la plus part des isles Oceanes, & en si grand nombre, que ce seroit quasy peché de douter de nostre certaine victoire. Et pour plus la nous asséurer, souuienne vous que nous sommes en vne terre estrangere, & fort loingtaine de la nostre, non point entre noz bons amys: mais au milieu de tous ceux qui desirent nostre mort, chose q^{ue} nous ne pouuons euit^{er}, si nous sommes vn^{se} fois rompus, car
ilz

ilz ont force gens de Cheual, par leſquelz ſerons pourſuyuis, ſans auoir aucun moyen de faire retraicte en noz vaiſſeaux, par ainſi il nous faut reſoudre de vaincre, ou de mourir, car la neceſſité enquoy nous ſommes, eſt trop plus à craindre que leur puifſſance, pourtant que chaſcun face ſon deuoir, & j'eſpere pluſtoſt que la nuit nous ſepare, que ſerons Maîtres & Seigneurs de tout ce pays, & redoutez cy apres en tous les endroiets du monde.

Harengue du Roy Liſuard à ſes Cheualiers les aduertiffant de ſa iuſte querelle, & qu'à ceſte cauſe ilz ſouſtinſſent ſon party vertueuſement. au meſme liure, chap. 5.

L Iſuard comme Prince prudent, & magnanime, alloit de bataillon en bataillon, perſuader ſes Cheualiers à bien combattre, & pour mieux les inciter à ce faire, leur donna à entendre qu'à tort il eſtoit aſſailly de ſes ennemis, ſans auoir querelle aucune contre eux: mais ſeulement qu'à la perſuaſion d'Arcalaus (le plus traître & deſloyal paillard qui fut oncques viuant) ilz eſtoient entrez en ces païs, le cuydant ſurprendre. Et pourtant, diſoit il: mes amis, eſtant le droict de noſtre coſté (Dieu qui eſt iuſte, es mains duquel ſont les victoires) nous ay-
dera

dera s'il luy plait: & s'ils disent qu'ils me font la guerre seulement pour venger ceux qui dernièrement inuaderent ce royaume avecq' la Roy Cildadan.: Assurez vous qu'ils se pourroyent bien trouuer deceus, sçachans que cuidans venger leur iniure sous la confiance de quelque puissance, accroissent bien souuent leur honte, & y finissent malheureusement leurs jours, comme j'espere qu'ils feront: car il n'y a nuls de nous apprentifs de se trouuer en tels conflits, & qui ne soit expérimenté, & réputé par eux mesmes; cheualier preux & hardy, seulement fondent leurs victoires sur le grand nombre de gens qu'ils ont en leur camp, gens puis je dire, ramassez, & de toutes pieces, la plus part sans ordie & sans obeissance, lesquels nous voyans approcher, s'estonneront auant qu'ayons baissé nos lances, & si une fois nous les pouuons mettre en desordre, nous en aurons telle raison que nous voudrons. Marchons doncq' hardiment, & leur faisons à cognoistre qu'ils ne sont pas plus gens de bien que leurs compagnons, desquels nos terres ont esté engressées par leur sepulture, & les loups repeus de leur charongne, par trois ou quatre diuerses fois, qu'ils ont esté deffaits en bataille, par la vertu &

magna

magnanimité de vous autres.

Exhortation du Roy Perion de Gaule, à Amadis, & Florestan ses enfans, leur donnant courage d'estre magnanimes au combat. Au troisieme liure, chap. 6.

Comment vous estonnez vous si tôt de tours de fortune? Estes vous à cognoistre ses mobilitez? Sur ma foy ie vous eusse pensé plus forts & constants: d'une chose je vous prie, ne me donner point plus d'ennuy que j'en ay: car vostre tristesse me cause telle passion à l'ame, que cela seul est suffisant pour me faire mourir. Pourtant rasséurez vous & esperons en Dieu, qui est tout puissant de nous tirer de ce lieu. Il nous faut recommander à luy, & en luy seul auoir nostre fiance, Mais qui eut jamais pensé que fussions tombez en tel accident, à la persuasion seulement d'une simple Damoiselle, sous couleur de feindre la muette, apres auoir eschappé les dangers d'une cruelle bataille? Ainsi mes enfans, puis que n'y pouuons mettre ordre, postposans toute pitié naturelle que vous pourriez auoir de moy, & moy de vous, prenons nostre fortune en gré.

Responce d'Amadis à Archalaus, qui demandoit qu'il estoit. Au meisme chap.

SVi ma foy, Seigneur Arcalaüs, quād vous sçaurez qui nous sommes, je suis sœur que vous nous ferez meilleur traictement que nous n'auons encores eu: car vous estant cheualier comme nous, & qui souuēt auez enduré les tours de fortune, ainsi que nous faisons, ne trouuerez mauuais qu'ayons donné ayde à nos amis, ainsi que voudrions faire pour vous mesmes en cas semblable, & s'il y a en nous quelque prouësse, cela doit estre moyen de vous faire mieux recognoistre si vous nous faictes tort ou non.

Harangue d'Arquisil Cheualier Romain à ses compagnons, à ce qu'ils n'eussent à differer le combat accordé. Au 3. liure, chap. 7.

COmment? Seigneurs, vous voulez vous oublier & perdre ainsi la reputation de nostre Empire? Sera il publié qu'onze Cheualiers Romains (par crainte de mort) ont esté si lasches de n'oser combattre douze Allemans grossiers, & peu vsitez aux armes? Sur mon Dieu quand moy seul j'aurois entrepris, si ne differerois-je pour mourir de mille mors ensemble, & si vous doutez celuy qui a deffaict Garadan, laissez le moy combattre & vous adressez aux autres: car ie vous asseure que si nous auōs le cœur bon, nous

en viendrons au dessus, & recouurerōs ce qu'ils pensent auoir desia obtenu par infortune aduenüe à nostre compaignon. Combattons les doncques, & mourons tous plus tost q̄ de differer, veu qu'il nous vaut trop mieux eslire vne telle mort honorable, que viure c'y apres en perpetuelle honte, & d'vne vie tant mal-heureuse que seroit la nostre.

Autre harangue dudict Arquisil à ses compaignons, pour les enhardir à vertueusement combattre. Au troisieme liure, chap. 7.

IE vous prie mes Seigneurs, compaignons & amis, auoir souuenance que nous allons combattre, non seulement pour acquerir terre à l'Empereur, ou pour entretenir la promesse qu'a faite Garadā, mais pour l'honneur de tout l'Empire Romain : au demourant je vous ay dit & prié me laisser combattre celuy qui eut hier la victoire de nostre compaignon, je le voy marcher le premier, & le premier aussy sera renuersé, comme j'espere.

Harangue du Cheualier à la verde espée au Roy Tasfinor, prenans congé de luy. Au troisieme liure, chap. 7.

Sire, graces à nostre Seigneur, vous estes maintenant en paix, & hors de vos affaires, parquoy il vous plaira

me

me donner congé: car j'ay deliberé partir demain du matin, & fuyre ma fortune, ainsi qu'elle trouuera bon me guider, vous assurant Sire, qu'en quelque part ou ie sois, ie demoureray tant que ie viuray vostre humble seruiteur, ainsi que le bien & honneur que vous m'auez fait, m'y ont obligé.

Regrets d'Amadis pour se voir absent Es si fort esloigné de son amyce Oriane. Au troisieme liure, chap. 7.

HElas! amyce, quand verray-je le temps que je pourray encores auoir le bien de vous tenir entre mes bras? Ah! ah! Amour, vous m'auez esleué au plus grand heur, ou oncques loyal amant pourroit estre! Mais quoy? d'autant que ceste gloire m'estoit nompareille en faueur, d'autant plus m'est elle tournée en tribulation & ennuy, me sentât ainsi esloigné de celle que plus ie desire voir & tenir. Et ce qui me tourmente d'auantage est la crainte que j'ay, que mon absence soit cause qu'elle me mette en oubly, ou la mene à autre nouuelle amour. Puis soudain se reprenoit & disoit: Helas! dont me peut proceder ceste folle opinion? Ah! ah! amyce, je vous sens trop ferme & constante, & cognois aussy biē que j'ay peché contre vous:

car

car ma peine & grand' fidelité m'ont tât de fois donné esperance & assurance de vous que j'ay tort d'en auoir doute. Puis que je sçay bien qu'onques je ne pensay qu'à vous obeir, & feray toute ma vie, ain si n'aurez-vous occasion de me vouloir mal ne desirer aucune vengeance sur moy si vous ne pensez estre offensée par vous aymer plus ardemment & constamment qu'autre ne sçauroit faire. Je ne sçay pourtant si amour ne me voudroit point punir, de ce que pour auoir desdaigné toutes autres, je me suis tant rendu vostre que maintes en ont esté de moy mal traitées & rigoureusement refusées, mais je sçay bien que mes pensées sont tant familières en vostre cœur, & vostre grâd' beauté si caractérée & empreinte en mon ame que je doy tenir pour certain qu'auecq' le temps mes peines seront esteintes, ou par ma fin, ou par vostre accoustumée loyauté.

Petit Oraison d'Amadis fort blessé par l'Andriague qu'il adresse à Dieu, pour auoir pitié de luy au troisieme livre, chap. 10.

AH, ah! Seigneur Dieu, qui pour me racheter prinstes chair humaine au ventre virginal, & depuis endurastes tant griesue & abominable passion je vous supplie auoir pitié de mon
ame

ame, car je cognois bien que mon corps n'est plus que terre.

Amadis rendant graces à maistrre Elizabet, le remercie de son bon traitement, au mesme chapitre.

AH! mon grand amy, respondit le Cheualier, je puis bien dire qu'après Dieu, vous estes celuy à qui plus je suis tenu, m'ayant deliuré du grād danger ou j'ay esté. Aussi m'asseuray-je bien que tant que j'auray l'ame au corps, vous aurez vn cheualier en moy biē prest à s'emploier pour vous, sans y reseruer peril ou danger quelconque, ven que vous auez tant fait pour moy (ne me cognoissant autre que simple cheualier, sans moyen n'ayāt pour tous biens qu'un meschant harnois rompu & descloué) qu'il se fera jour de ma vie que je n'essaye à le recognoistre.

Responce de maistrre Elizabet à Amadis, & excusant enuers luy de son regraciement. Au troisieme liure, chap. 10.

Monsieur, dit Elizabet, vous direz ce qu'il vous plaira de vous-mesmes, tant ya que je m'estime plus heureux qu'autre qui me ressemble d'auoir sauué la vie (apres Dieu) au plus gentil cheualier qui oncques monta sur destrier, ce que j'oseray dire publiquement,

vous

vous ayant veu entreprendre & paracheuer choses incroyables à toutes personnes : mesmes que je suis tout assuré que d'icy en auant , maints à qui on aura fait tort ou iniure , seront soustenus par vous qui autrement demeureroient sans aucune esperance. Par ainsi estant cause de tel bien, je me tiendray pour mieux recompensé , que si j'auois tous les tresors du monde ensemble.

Responce d'Amadis à l'Empereur qui le vouloit retenir à sa court, le remerciant de la faueur qu'il luy portoit, Au troisieme liure, chapitre 11.

SIre, dit le Cheualier , vous m'auiez desia tant fait d'honneur, que je croyray toute ma vie n'estre en ma puissance vous pouuoir faire seruice qui meritast le moindre des biens que j'ay receus de vous, toutefois je suis de si longue main hors de ma liberté, m'estant submis à la seruitude d'une seule, que ne puis, ny ne veux luy desobeïr pour vous complaire, estant certain que faisant autrement, la mort ne me laisseroit longuement vostre, & me priueroit de tout point d'estre plus sien.

Harangue d'Amadis à l'Empereur prenant congé de luy. Au mesme chapitre.

Sire

en ce que j'ay deliberé vous employer suyuant le propos que nous eusmes ensemble vn peu au parauant vostre embarquement pour aller en Grece.

Regrets d'Amadis pour Oriane, regrettant son absence, au troisiem: liure, chap 11.

HElas ! amye, la longue absence de vostre personne , m'a tant donné de passion , que n'eust esté la crainte qu'eussiez deplaisir à ma mort , je fusse long temps a enseuely & priué du plus grand bien qui me sçauroit aduenir , qui est auoir la veüe de vous. Haa ! mes yeux n'avez-vous tort d'ainsi espuiser (à force de jeter larmes) le peu d'humeur en laquelle se nourrit mon triste cœur , attendant le retour vers celle pour le seruice de laquelle seulement mon esprit est content resider en ce penible corps ? mesmes que quand vous n'auriez esperance de la reuoir , si avez-vous eu plus de bien (par les faueurs qu'elle vous a faictes au passé) que ne meritastes oncques:& d'auantage, vous pouuez tenir asseurez, que la fermeté d'elle est si constante , que pour accident qui luy suruiene, elle ne pourra varier, sentant en son ame ma fidelité , telle que j'aymerois trop mieux mourir cent mille fois , que de perdre sa bonne gra-

duquel j'estois loys, quand il dit à haute voix deuant toute l'assistance, que ma beauté estoit tant d'excellente, que nulle autre de la compagnie ne se deuoit en riē comparer à moy, & que s'il y auoit Cheualier qui voulist soustenir le contraire, qu'il estoit prest à le combattre. Toutes-fois, ou pource qu'il estoit craint & redouté, ou peut estre que telle fut l'opinion de l'assistance, nul ne vouloit le contredire. Au moyen dequoy j'emportay honneur sur toutes les belles dames de Romanie, dont j'eue tel plaisir & contentement que vous pouuez estimer, & si par vostre moyen je pouuois passer outre, & paruenir à ce que mon cœur a depuis tāt désiré ie m'estimerois la plus heureuse du monde

Lamnation de Brunco de Bonne Mer, lequel estant en la queste d'Amadis, tomba entre les mains de r'ne scay quels traistres qui le blesserent grandement. Au troisieme liure, chap. 12.

AH! ah! chetif infortuné Brunco de Bonne Mer, tu vois bien maintenant qu'il t'est force finir tes iours avecq' affectionnez desirs, par lesquels ton cœur loyal a esté si long temps affligé. Helas! Amadis de Gaule mon bon seigneur vous ne verrez iamais vostre loy

E

al com-

al compaignon Brunco: car en vous cerchant ainsi que Melicie vostre seur bien aymée luy auoit commandé, il est tombé es mains des traistres qui le feront mourir, sans auoir ayde ne secours de nul de ses amis. Ah! ah! fortune ennemye de monheur: tu m'as si eslongné de tout remede, que je n'ay seulement le moyen de faire entēdre mon defastre à aucun pour m'en venger, qui me seroit vn tel reconfort, que mon esprit partiroit plus content de ce miserable monde. Helas! Melicie fleur & miroir de toutes les parfaites du monde: vous perdrez aujourd'huy le plus loyal seruiteur, qu'onques eut dame ou damoysele: car il ne pensa en sa vie qu'à vous obeïr, complaire & seruir. Et sur mon ame si bien vous considerez, vous trouuerez (peut estre) que ceste perte est extreme pour vous, estant assuré que ne recouurerez iamais autre qui soit tant à vous comme estoit le vostre Brunco, lequel sent desia la lumiere de sa vie estaindre, & son cœur affligé perdre les forces, avecq' lesquelles (par vostre seul souuenir) j'ay autresfois eu moyen de faire mains hauts faits d'armes & grande cheualerie. Par ainsi je le vous recommande, vous supplant le fauoriser, & traicter comme celuy qui onques

ne pecha en sa loyauté. Helas ! Mort, qui me surprends, tu te monstres enuers moy trop aspre & rigoureuse ! Me faisant perdre tout mon bien, mon plaisir, & ma joye, non que je te vueille expressement blasmer, en me priuant de vie : mais pour ce que tu n'as permis que j'accomplisse auant que mourir, ce que Melicie m'auoit plus enchargé qui estoit de trouuer son fiere Amadis. Helas ! ce commandement fut le premier qu'elle me fist oncques, & sera (comme je voy) le dernier aussi : Dont je sens doubler mon tourment : Car si j'eusse eu moyen de luy satisfaire, je tiendrois mon trauail fort bien employé. Mais quoy ? Amye vous me perdrez auant que j'aye eu le pouuoir de recognoistre tant de graces & de faueurs que vous m'avez faictes : vous assurant sur mon Dieu, que je n'eus oncques crainte de la mort, mais bien de finir ma vie en vous ayment avecq' trop d'affection. Toutes-fois mon mal-heur m'a priué d'un si grand bien, me faisant tomber au peril ou je suis.

Il (continuant sa complainte) dit au troisième livre, chapitre 12.

HA mon grand amy Angriote d'Estrauaux ou estes-vous maintenāt, & comme m'avez abandonné ?

Ayans si longuemēt maintenu ceste que-
ste ensemble, & au besoin vous me laissez
sans ayde ne secours quelconque, nō que
ie vueille vous donner blasme: car moy-
mesme ay esté cause de nous separer ce
iourd'huy à nostre grand mal-heur, le-
quel nous separera aussi pour iamais l'un
de l'autre.

*Harangue d'Oriane à Florestan, luy r. mon-
strant que l'absence de luy. & d'Amadis a por-
té grand dommage à plusieurs damoysselles. Au
troisième liure, chap. 14.*

EN bonne foy seigneur Florestā, il y a
bien long temps que nous ne vous
vismes en ce pays, dont j'ay esté fort
ennuyée, tant pour le bon vouloir que je
vous porte, que pour l'indigence qu'ont
souffert maints pources affligez, qui sou-
loyent trouuer secours à vous, vostre fre-
re Amadis & à maints autres qui l'ont
suyuy. Que maudits soyēt ceux qui sont
cause de tel eslongnement. Et croyez
que ie ne le dis sans grande occasion: car
je cognois vne pauvre Damoysselle bien
preste à estre desheritée pour n'auoir per-
sonne qui defende le tort que lon luy a
fait. Et si Amadis estoit encores par de-
ça, & tant d'autres qui en sont eslongnez,
elle se pourroit tenir seure que son bon
droit ne luy seroit ainsi tollu cōme il est:
mais

mais le voyant absent, elle n'a recours n'esperance meilleure qu'à la mort.

Responce de Florestan à Oriane, la rendant certaine qu'Amadis fait bonne chere, & que sa renommée se diuulgue tousiours par ses heureuses conquestes, au 3. liure, chap. 14.

M Adame, Dieu tout misericordieux n'oublia oncques ceux qui esperent en luy, & ne commencera s'il luy plaist par la damoysele qui est tant desolée. Quant à mon seigneur Amadis, assurez vous qu'il est en tresbonne santé, cherchant continuellement les auétures estranges, en sorte q̄ par les grandes armes qu'il fait es pays lointains où il est, sa renommée se diuulge en toutes les parties du monde.

Harangue du Roy Lisuard à Gaior, touchant le mariage d'Oriane & de l'Empereur: le priant de luy en donner son auis. Au troisieme liure, chap. 14.

M On grād amy, j'ay tousiours cogneu tant de fidelité en vous, & me suis trouué si bien d'auoir souuent creu vostre conseil que je suis de liberé ne conclure jamais affaire d'importance sans vous en communiquer. Vous sçauéz l'honneur que me fait l'Empereur & l'Ambassade qu'il a enuoyé nouuellement vers moy, pour me prier luy don-

ner ma fille Oriane à femme , & croyez qu'il me semble que nostre Seigneur fait en cela beaucoup pour elle & pour moy: car c'est aujourd'huy le Prince de la chrestienté plus puissant, & redouté. Par ainsy, estant si bien allié avecques luy, je n'auray desormais voisin ou ennemy, qui oze leuer les cornes pour me vouloir seulement ennuyer & seray plus craint & obey que fut oncques Roy de la grande Bretagne, & d'auantage il sera quasi impossible de la pouruoir mieux qu'elle sera, estant femme d'un tel Empereur, & par ainsy Leonor demourera apres moy seule dame de mes pays , lesquels autrement pourroient estre diuisez qui seroit vn tres grand dommage. Toutesfois je suis delibéré de ne faire riē sans auoir l'auis des Seigneurs & Cheualiers de ma court, spécialement le vostre que je vous prie, (par l'amitié que vous m'auex tousiours portée) me dire librement & franchement, & sans aucune dissimulation.

Responce de Galacur au Roy Lisuard, qui tend à le dissuader & deslourner du susdit mariage, par les raisons qu'il luy deduit. Au troisieme liure, chap. 14.

Sire, vous dites que mariant ma dame Oriane avecques l'Empereur, vous la pouuoyerez si bien qu'il seroit impossible

possible de mieux, Qui me semble tout au contraire. Car estant vostre principale heritiere, & l'enuoyer en pays lointain pour luy faire perdre le Royaume, qui luy est desia acquis, vous la rendez pauvre, sans moyen, & en suiection d'un peuple assez peu conuenant aux meurs & conditions de ceste contrée. Et s'il vous semble que pour estre femme d'Empereur & porter nom d'Imperatrix, elle soit en plus d'auctorité à l'aduenir, sur mon Dieu, sire, vous vous abusez, & voyez la raison: prenez au mieux qu'il luy puisse aduenir, qu'elle ait enfans masculins de son mary, si elle demeure veufue, la premiere chose que luy fera son enfant, ce sera de la faire retirer pour auoir le gouuernement seul de l'Empire. Et s'il prend femme, encores pis: car la nouvelle Princeesse ne voudroit estre seconde à nulle. Et pourtant il est tout seur, que madame vostre fille tomberoit en mille inconueniens & ennuis extremes, ayant delaisié ce pays qui est certain, sa nourriture, & son naturel, pour viure en contrée estrange, hors de ses parents, suiets & seruiteurs. Et quant à ce que vous dites, que par la faueur de luy, vous serez secouru, craint & redouté: certes, Sire, vous auez (graces à nostre

Seigneur) tant d'amys & de Cheualiers
à vostre commandement, que sans l'ayde
des Romains , vous pouuez facilement
estendre vos limites , si bon vous semble :
& croy qu'au lieu d'en auoir support, ils
essayrôt plustost à vous ruiner & destrui-
re, qu'à vous ayder & secourir , comme
vous estimez , ne voulant aucun esgal ou
plus grand qu'eux. Et d'auantage, il est
tout certain qu'ils ne demanderoient pas
mieux que d'auoir l'occasion de vous me-
tre en leurs croniques, à vostre confusion
& à leur gloire , sous ombre de quelque
petite faueur qu'ils vous auroient por-
tée, qui seroit le plus grand mal qui pour-
roit aduenir à vous & aux vostres: & aus-
si, Sire , quelle raison seroit ce esloigner
de vous madame Oriane vostre fille &
principalle heritiere , pour tant auanta-
ger la Princesse Leonor qui est la plus jeu-
ne? Sur mon ame pour vn Roy droitu-
rier , & qui est par tout le monde tenu
pour auteur de iustice , vous feriez (peut
estre) la plus grande playe à vostre renom-
mée que fit oucques Prince ne puissant
Roy. Et ia Dieu ne vous doint le vou-
loir si hors de raison , non pas seulement
à vous , mais au plus pauvre Cheualier
qui soit en vostre court, vous suppliant
treshumblement, Sire, croire que ie n'eus-
se

se esté si temeraire de vous en declarer si librement ce qu'il m'en semble n'eust esté que vous me l'auez expressement commandé & aussi que ie suis deliberé vous garder toute ma vie la fidelité que ie vous ay promise, comme celuy qui se sent trop obligé à vous, pour les biens & faueurs que vous m'auez faits.

Oriane, se comp'aignant à Florestan dont son pere la vouloit marier à l'Empereur outre son gré, le prie d'en parler à son pere. Au troisieme liure, chap. 14.

ET croyez, disoit elle, que s'il continue en son opinion, que la premiere nouvelle qu'il aura de moy, apres mon partement, sera celle de ma mort: car quoy qu'il en doie aduenir, s'il me separe de ses pays, la mer, & la mort m'en separeront aussi, étant bien deliberée de succomber mes malheurs par l'impetuosité des vagues, lesquelles seront, pour iamaïs tesmoins de ma douleur, comme celles esquelles j'espere trouuer plus de pitié, qu'en mon propre pere, parens, amis & seruiteurs. Et pourtant, Seigneur Florestan, ie vous supplie, en l'honneur de Dieu, vous employer à le dissuader, de sa fantasie autrement sur ma foy, ce luy sera grande charge de conscience, & à moy le plus estrange mal-heur en quoy pour-

roit cheoir pauvre damoyſelle deſheri-
tée & abandonnée de Dieu & des hom-
mes.

*Reſponce de Floreſtan à Orianz, s'excuſant
enuers elle de ce qu'il n'oſoit parler à ſon pere
pour elle, & q'il luy en fera parler par autre,
au troiſième liure, chap. 14.*

M Adame, vous me feriez grand
tort ſi vous ne m'auiez en l'eſti-
me que ie ſuis entieremēt voſtre,
& preſt à vous obeir & ſeruir juſques à la
mort: mais de parler au Roy voſtre pere,
ainſi que me priez, il eſt impoſſible que
je le puiſſe faire: car vous ſçauiez l'inimi-
tié qu'il me porte par deſpit de mon Seig-
neur Amadis, oubliant tant de grands ſer-
uices que luy & tous ceux de ſon lignage
luy ont faits par le paſſé, & auſſi ſ'il en a
receu quelqu'un de par-moy, il ne m'en
doit ſçauoir nul gré, veu que je ne l'ay fait
pour l'amour de luy, mais par le commā-
dement de celuy, qui a toute puiſſance
ſur moy, & auquel je ne puis ny ne doy
cōtredire, qui fut la cauſe que je me trou-
uay dernièrement en la guerre des ſept
Roys, non pour ayder à ceux de la gran-
de Bretagne, ains ſeulement pour con-
ſeruer le droit que vous y auez, comme
celle qui en fera quelque jour dame &
Royne, ſi Dieu plaiſt: tant y a qu'au reſte

jè vous obeïray , & feray entendre ce que vous m'auez dit au Roy Perion , & autres mes amys , pour essayer de trouuer remede en vostre affaire, & j'espere qu'il y pouruoirra en sorte , que vous aurez occasion de vous contenter , vous asseurant que ie ne séjourneray jamais en lieu , que je ne sois en l'isle ferme , ou je trouueray le Prince Agrayes . qui a bonne enuie de vous faire seruice ainsi que vous sçauetz , & mesmes pour l'amour de Mabile sa sœur. La auiserons-nous ensemble de ce qu'il nous faudra entreprendre , sans y espargner chose qui soit en nostre puissance.

Harangue du Comte Argament au Roy Lisuard touchant le mariage d'Oriane, tendant à le destourner du mariage d'icelle avec l'Empereur. Au troisieme liure, chap. 15.

Monsieur, puis qu'il vous plaist que je die deuant ceste compagnie, ce qu'il me semble du mariage de l'Empereur avecque madame Oriane vostre fille, je vous supplie tres-humblement prendre de moy ce que vous entendrez en bonne part: car ce n'est moindre trahison & crime de lese majesté de dissimuler enuers son Prince le bon conseil, que de l'offendre en sa propre personne: pourtant sans dissimuler, croyez que

en diray mon aduis, encores qu'assez de
 fois ie le vous aye particulierement decla-
 ré. Sire vous sçauiez que madame Ori-
 ane vostre fille aînée vous doit succeder
 & estre par raison heritiere des pays que
 Dieu & fortune vous ont baillez en gar-
 de, ausquels par droit de nature elle a
 plus iuste titre que vous n'y eustes onc-
 ques: car ils vous escheurent seulement
 par la mort du Roy Falangris, qui ne vous
 estoit que frere, & elle est vostre propre
 fille & aînée. Pourtant considerez en
 vous-mesmes, que s'il eust fait en vostre
 endroit comme vous deliberez faire à ma-
 dame Oriane, vous ne fussiez maintenant
 si grand Seigneur que vous estes. Pour-
 quoy la voulez vous chasser pour appel-
 ler ma niece Leonor en son lieu? veu qu'
 oncques elle ne vous offensa, ainsi cōme
 je croy. Et s'il vous semble que la mariât
 avecque l'Empereur Patin, vous la rendez
 grande Princesse, & tresbien pourueüe,
 certes monsieur vous estes bien loin de
 vostre conte, car vous sçauiez qu'ayans en-
 semble, si elle suruit l'Empereur, elle de-
 mourera simple douairie de Rome, au
 lieu d'estre apres vous dame & Roynè de
 ce Royaume: & qui plus est, estimez
 vous que vos subiets y consentent ja-
 mais. Sur mon ame ie pense que s'ils
 disent

disent ouy, que ce sera à force, & maugré eux. Et pourtant ia à Dieu ne plaise, que je vous en dye autrement que la conscience me iuge, estant toutesfois asseuré que pour chose que l'on vous persuade, vous ne donnerez lieu qu'à vostre seule fantasia. Par ainsi, ie vous supplie treshumblement me pardonner, entendu que je n'eusse iamais parlé si auant sans l'expres commandement que vous m'avez fait.

Lettre de Grasinde au Roy Lisuard, luy declarant sa grādeur, & priant qu'il luy baille sauf conduit, & au Cheualier Grec pour aller par deuers luy seurement. Au troisieme liure, chapitre 15.

TRes-haut & magnanime Prince, moy Grasinde belle sur toutes les belles dames de Romanie, vous fais sçauoir, que je suis nouuellement arriuée en vos pays en la garde du Cheualier Grec, expressement, à ce que tout ainsi que j'ay esté iugée & tenue pour la plus belle femme de toutes celles de Romanie que suyuant ceste gloire, qui a rendu mon cœur si content, ie sois telle estimée sur toutes les belles filles de vostre court, & lors demourera mon esprit satisfait de ce qu'il desire plus que nulle autre chose, & s'il y a Cheualier, qui pour l'amour de quelqu'vne particuliere, ou de toutes en-

neantmoins à ce que j'ay entendu, vous la leur auez desia accordée, je ne sçay dont vous est procedé ceste fantasie, veu qu'onques Prince si sage ne s'oublia tant, & semble qu'ayez enuie d'irriter la fortune contre vous, & de deslier malheur, qui a esté si lōg temps attaché à vostre porte. Auez vous mis en oubly les graces que nostre Seigneur vous a faictes? craignez vous point sa fureur? Fortune n'est elle pas muable? Estes vous à cognoistre quand elle s'ennuie de faire biē à celuy qu'elle a esleué, elle ne le chastie puis apres avecq' des verges: mais par cruels & diuers tourmens, pires cent fois que la mort? Pardōnez moy Sire, la foy que j'ay à vous, me dōne la hardiesse de vous tenir ce propos: car vous sçauiez cōme les choses de ce mōde sont transitoires, & perilleuses, & que la gloire & renommée que lon peut acquerir en la vie par long trauail, est souuent estainte & enseuelie par peu d'occasion, si vne fois fortune defauorise la personne, tellement que s'il en reste quelque souuenir, au lieu de louenge sera seulemēt blasmé pour n'auoir peu entretenir le bonheur ou il estoit auparauāt: Pourtant sire pensez je vous supplie à la faute que vous auez faicte n'a gueres, ayant esloigné de vous tant de bons cheualiers, cōme Amadis

dis

dis, ses freres, parents, & amis , par lesquels vous estiez craint, honoré, & redouté par tout le monde: Toutesfois n'estât quasi hors de ce mal, vous voulez rentrer en vn pire , qui me fait croire que Dieu vous oublie, l'ayant premier oublié: car s'il estoit autrement , vous prendriez le conseil de ceux qui ont desir de vous seruir loyaument: Mais voyant ce que je voy ie suis content me descharger de la foy & hommage que ie vous doy. Et me retirer en mes païs , pour ne veoir s'il m'est possible les iustes plainctes, & pleurs estîâges que fera ma dame Oriane au temps que vous la liurerez , ainsi que vous auez promis , & pour ce faire l'auiez desia enuoyé querir à Mirefleur , qui m'a contrainct de vous dire ce que premier auez entendu.

Harangue d'Amadis au Comte Argament l'aduísant que pour l'amour de luy, il sauuerait la vie a vn Romain, qu'il auoit vaincu. au troisieme liure, chap. 16.

POUR l'honneur du bon Roy & de vous ie sauueray pour ce coup la vie à ce presumptueux Romain, toutesfois si autre de ses compagnons tombent en pareil danger, ils se peuuent bien tenir seurs qu'ils payeront l'amende pour luy: car ie n'ouy oncques parler de gloire si extreme

me que la leur , par laquelle ils font estat & coustume de mespriser vn Cheualier, pour eux auancer : & au surplus ie vous prie dire à vostre Roy, que pour les biens que j'ay entendus de luy, ie n'euy oncques enuie de luy donner ennuy, ne faire chose ou il print desplaisir : mais ie le supplie qu'il me laisse poursuyure ma victoire, si autre se presente pour combattre, à fin qu'une autrefois ils ne soyent si prompts à mesdire, suyuant la façon de faire de leur Empereur Patin, qui est coustumier de tousiours menacer, & d'estre plus souuēt batu.

Complainte d'Oriane au Roy Lisnard son pere, l'assurant que s'il la marie avecq' l'Empereur, elle mourra bien tost. Au troisieme liure chapitre 17.

HElas Monsieur, pour l'honneur de Dieu regardez vostre tant desolée fille en pitié ! & ne luy soyez moins fauorable que vous auez esté toute vostre vie enuers les plus simples Damoyselles qui vous ont demandé ayde. Ah ! ah ! monsieur, quand Arcalaïs vous emmena prisonnier ce fut sous le titre de vostre grand' bonté, pour aller ayder à celle qui vous en auoit requis. Et maintenant est il possible qu'oubliant ceste vertu qui vous a esté tousiours familiere, vous me
voulez

douleur qui me presse, me contraint vous dire tout ce que j'en pense, & si vous voyez que trop irreuerément, je parle à vous: prenez de mon indiscretion telle vengeance qu'il vous plaira: car vous ne me pourriez donner peine, ou tourment si grand comme est celuy que je me voy appareillé me priuant de la presence de vous.

Harangue du Comte Argamont au Roy Lisuard, tendant comme auparauant à le des- tourner du susdict mariage. Au troisieme liure, chap. 17.

Monsieur, je me tiendrois pour trop heureux de n'auoir ocaſion vous dire ce que la raison m'oblige, vous cognoissant sage & vertueux Prince, pour discerner facilement le bien d'auecques le mal. Toutesfois la pitié que m'a fait n'agueres madame vostre fille me contrainct de vous ramenteuoir ce que je vous ay autresfois dit d'elle, & vous supplier tant qu'il m'est possible (auant que l'esloigner de vous) y penser meurement, & sans affection: car combien que peu cōmunemēt l'homme sage face faute, se gouuernant par raison, aussi quand il presume tant de soy, qu'il ne veut auoir conseil que de sa propre teste, il tombe souuēt en plus de dāgers que ne feroit vn moins aduisé. On en a autresfois veu
l'ex

l'experience en plusieurs Princes. Monsieur vous voyez l'extremité en quoy est madame Oriane, & si bien vous y pensez, vous iugerez aysement l'inconueniēt qui peut aduenir à sa personne, par vn trop grand desespoir, dont puis apres vous seriez marry toute vostre vie, & outre ce, vous en pourrez estre blasmé, non seulement des estrangers, mais de vos subiets mesmes, & leur estre cy apres odieux, dōt il pourroit venir maintes malheurtez. Pourtant croyez le conseil de ceux qui desirent le bien, profit & honneur de vous & de vostre Royaume, ce faisant il ne vous en pourra mal aduenir: & encores qu'il en aduint autrement, vous serez excusé, eux obligez à y trouuer remede. Et d'auantage, vous sçauiez bien que la faute qu'on fait par conseil, ne se peut autrement nommer que faute sagement faite. Voyla monsieur pourquoy ie vous supplie tres-humblement (en vsant de pitié paternelle) contenter ces ambassadeurs par autre moyen, qu'au pris du sang de vostre fille.

Harangue de la Damoysselle Gracinde au Roy Lisuard, luy declarant la cruauté qu'il pect enuers sa fille Oriane, & damoysselles de sa court, pour la vouloir marier à l'Empereur.
Au troisieme livre, chap. 17

Sire

Sire, respondit elle, vous auez jusques icy esté tenu pour le plus estimé prince de la Chrestienté, amy d'honneur & de toute vertu, & sur tout protecteur des dames & damoyelles, leur faisant tant de biens & de graces, qu'elles ont eu grande occasion de vous en louer plus qu'autre qui viue: & à ceste heure perdât l'esperance qu'elles auoyent en vous, elles se voyent entierement abandonnées de vostre grand bonté, cognoissans le traitement que vous faictes à madame Oriane vostre fille, en la desheritant du bien qui par droict luy deuoit appartenir apres vous, dont elles ne se peuuent assez esbahir, considerans comme il a esté possible que vostre naturel tant benin, soit si promptement tourné en tant de cruauté qu'elles n'esperent jamais aucune chose de vous, qui soit à leur auantage, vsant de telle façon de faire enuers celle à laquelle pitié & amour paternelle vous ont obligé outre le titre que vous auez du nom de Roy, par lequel vous deuez estre droiturier, faisant iustice à chascun: & croyez, Sire, qu'il vous en pourra prendre pis, tant pour le mauuais exemple que vous donnez au peuple, que pour l'abondance des pleurs & dures lamentations de madame Oriane, qui sont deuant Dieu, requies

si me voulez croire, & ayder, nous luy donnerons secours, & la mettrons en liberté. Toutesfois je ne veus rien entreprendre sans vous tous. Mais il vous doit souuenir du sermēt que nous fit faire la Royne Brisene, à la derniere couit qui fut tenue en la ville de Londres. Nous iurasmes to^u ne souffrir jamais estre fait tort à Dame ou Damoysselle, qui nous en requist: main tenāt doncq' endurerons nous si mal traiter & captiuer celle de laquelle nous auons autresfois receu tant d'honneur & de faueur? Seront les Damoiselles de sa compagnie enleuées par force, & bannies pour iamais de leur propre pays? Sur mō Dieu si nous le souffrons, nous serons dignes d'en receuoir blasme, sans auoir moiē ou excuse pour nous en sauuer, & tomberons en reputation de cheualiers recreuz & mal-heureux. Or aduisez doncq' ensemble que vous voulez qu'il en soit fait: car quant à moy je suis biē deliberé de differ vn voyage que j'auois entrepris, ainsi que ces iours passez j'ay fait entēdre à mō cousin Agraies, Florestan & autres par Gandalin, & auēcq' les nauires que j'ay trouuées en ce port, me mettre en tout deuoir de rompre l'entreprinse du Roy Lisuard, & sauuer ces pauures Damoysselles; entre lesquelles je n'en sache des plus

plus dolente apres madame Oriane, qu'Olinde, à laquelle le Roy (vsant de sa nouuelle cruauté) veut par toute contraincte donner pour mary Saluste Quide, qui l'a demandée. Mais je voudrois bien scauoir de quelle autorité il veut maintenant ainsi traicter celles qui ne luy sont subiectes, ne de ses pays: mesmes ma cousine Mabile, laquelle le Roy son pere enuoya en la grand' Bretaigne, non pour estre conuinée en Rome, ains pour demeurer seulement avecq' la Royne, & tenir compagnie à Oriane, qu'elle aymoit ainsi que deux jeunes Princeſſes se peuuent porter amytié familiere, & m'esbahis que delia tous ses pais ne se fōt reuoltez cōtre luy, ou pour le moins que quelque Cheualier ne s'est mis en effort pour contredire par armes à ceste folle fantasie. Toutefois nul ne s'est mis encores en auāt pour ce faire. Parquoy mes amis je vous supplie tous, que luyuant l'ancienne coustume qui a esté diligemment obseruée entre tous Cheualiers errans, garder que lon ne leur face vn si grand tort & mal traictement. Ce faisant nous acquerirōs honneur & loüange plus qu'au parauant, sans qu'en puissions receuoir blasme en quelque sorte que ce soit. Or m'en dites doncq

doncq' ce qui vous en semble , à fin que
suyuant la conclusion que nous pren-
drons , puissions donner ordre pour l'ex-
ecuter.

*Harangue d'Agrais. par laquelle il exhorte
ses compagnons d'adherer au propos & conclu-
sion d'Amadis. Au troisieme liure, chap. 17.*

IE ne sçay qui seroit celuy qui vou-
droit retarder vne si gentille entreprin-
se, veu mesmement qu'au parauant
que vous, monseigneur & cousin arriua-
siez par deça, estions assemblez en ce lieu
pour y pouruoir , & maintenant que
nous vous trouuons si conforme à nostre
vouloir, je suis seur que nul de nous n'en
pense autre chose , sinon que la fortune
nous appelle pour paracheuer, nous pro-
mettant la victoire certaine , estant en-
nuyée de la faueur qu'elle a portée si long
temps au Roy Lisuard , qui se mesco-
noist à present en toutes les sortes du mō
de, & qu'ainsi soit qu'a il affaire d'enuoy-
er ma sœur maugré elle en pays estrange?
Le Roy mon pere la luy a-il baillée pour
en faire à son plaisir? Vous sçavez que
peu apres nostre partement de la grand'
Bretaigne je la fis demander à la Royné:
mais elle me la refusa , me mandant par
Gandales qu'elle la feroit traicter & nour

rir comme sa propre personne : est-ce doncq' le bon traictement qu'elle luy gar-
doit à la fin pour s'en deffaire? Mabile
n'a-elle autre lieu pour se retirer qu'en la
maison de l'Empereur? le Royaume d'Es-
cosse n'est-il assez opulent pour la nourrir?
Par Dieu ceste façon de faire du Roy Li-
suard est tant malheureuse & si hors de
raison que j'aimerois mieux mourir cent
fois (s'il estoit possible) que je ne m'en
vengeasse, & desia j'ay enuoyé vers mon
pere pour y pouruoir: ce pendant je vous
supplie mes seigneurs tous m'aider, spe-
cialement vous autres à qui l'iniure tou-
che quasi autant comme à moy-mesmes
estant faite nō seulement à la personne de
ma soeur vostre cousine & proche parête:
mais à Olinde & autres, desquelles suy-
uant ce que nous auons promis & iuré
(cōme a dit Monseigneur Amadis) nous
deuons estre protecteurs & defenseurs.

*Harangue de Grasiode à ceux de l'isle Fer-
mo, louant leur entreprinse d'aller secourir O-
riane & ses damoyelles. Au troisieme liure,
chabitre 14.*

SUr mon Dieu, vostre entreprinse est
haute & digne de tresgrande louan-
ge, veu qu'outre le bien que vous fai-
tes à celles que vous allez secourir, vous
acheuinez les autres bons cheualiers (qui
sont

sont de ce pays ou estrangers) à ce que dorésenauant (vous imitans) ils ne permettroient que l'on face tort à dame ou damoiselle quelconque. Et pourtāt vous les rendrez tant redevables, qu'elles, & celles qui sont & viendront d'icy à cent ans & plus, vous en doyuent sçauoir gré.

Harangue du Roy Lisuard à madame Oriane sa fille, l'exhortant à trouuer bon le mariage qu'il entreprenoit faire d'elle avecq' l'Empereur. Au 3. liure, chap. 18.

M Amye, vous vous estes tousiours monstrée obeyssante à mon vouloir, sans que jamais vous y ayez contredit, ne voulez-vous pas encores continuer ainsi que la raison veut? Vous-vous melencoliez (à ce que je voy) du mariage que je vous ay trouué, dont je m'esbahis grandement : estimez vous que je voulsisse penser à faire chose qui ne tournast à vostre honneur & profit? me pensez vous bien de si mauuaise nature enuers vous? Je vous jure ma foy que l'amitié que je vous porte, est si certaine que je n'ay moins de regret à vostre eslongnement que vous avez. Mais vous sçauiez qu'il seroit impossible vous pouruoir si bien aupres de moy; pourtāt je vous prie qu'e vsāt de vostre prudēce accoustu-

faciez meilleure chere, & vous resiouy-
sez du bien qui vous est aduenu, estant
femme du plus grand Prince du monde.
Et si vous faictes cela outre ce que vous
en serez estimée, vous resiouyrez vostre
pere, qui est si triste de vostre ennuy que
rien plus.

*Responce d'Oriane au Roy Lisuard son pere,
luy demonstrent le grand tort qu'il luy faict
de la vouloir marier outre son gré. Au troi-
sième liure, chap. 27.*

Monsieur, vous auez doncq'à ce
q̄ je voy resolu mariage de moy
& de l'Empereur: mais vo^s auez
(peut estre) faict l'vne des plus grandes
fautes que Prince sçauroit faire: car pre-
mierement, je n'aymeray de ma vie le ma-
ry que vous me donnez, & si suis toute
certaine (ainsi que je vous ay declaré ces
jours passéz) que jamais Rome ne me ver-
ra, voulant plustost tomber en la mercy
des poissõs que demourer en lieu ou je
n'aye desir ny affection. Et ne puis pen-
ser qui vous a induit ne persuadé ce faire,
sinon l'amitié que vous portez à ma sœur
& le desir que vous auez de la laisser seu-
le heritiere vostre, & moy la plus mal'heu-
reuse Damoyfelle du monde. Toutes-
fois Dieu qui est juste, ne permettra que
vostre intention tant desraisonnable vien-
ne

ne à effect, plustost m'enuoyera-il la mort s'il luy plaist.

Harangue d'Amadis à ses compagnons, les admonestant de prendre courage, pour secourir en si grand besoin tant de damoiselles illustres.
Au mesme chap.

MEs compagnons & amys, n'estoit l'assurance que j'ay de la vertu & magnanimité qui est en vous tous, je retarderois sans doute à hazarder le combat que nous voyons prest, si nous le voulons entreprendre. Toutes-fois vous cognoissans tels que vous estes, mesmes la iuste occasion pour laquelle nous sommes entrez en mer, il me semble que nous ne deuons differer, ains mettre arriere toute crainte, pour deliurer de captiuité tât de damoiselles desolées qui nous appellent à leurs secours, par l'obligation seulement que nous auons à defendre leur liberté. Pourtant doncques je vous supplie donnons viuement au trauers de ces nauires, faisans en sorte que mettans les dames hors de danger, les cōducteurs d'elles n'en portent jamais nouvelles à leur Empereur.

Complainte de la Roynie Sardamire pour le Prince Saluste Quide, regrettant les maux & miseres futures. Au quatriéme liure, chapitre 1.



Elas! fortune monstre bien maintenant qu'elle veut rendre non seulement à la ruine de nous misérables captifs, ains à celle de l'Empereur & de tout son Empire. Ah! ah! pauvre Prince, malheur a bien couru sur toy: Las! quelle perte, & quel regret auront à jamais ceux qui t'aymoient quand ils sçauront la fin de toy soudaine? Je ne sçay pas comme ton maistre la pourra supporter: mais je croy bien qu'il n'en aura plustost nouuelles, qu'il ne meure de trop grand courroux (& à bon droict) ayant perdu si acoup tant de vaisseaux, & de gens de bien: mesmes vous madame (disoit elle à Oriane) qu'il desire plus que chose de ce monde, & pour laquelle doreseuuant s'esmouueront si estranges guerres, que force sera à maints bons cheualiers y finir cruellement leurs jours. Ce que ne se peut retarder si toy Empereur trop hay de bon heur, ne te veux monstrier le plus lasche, & pusillanime Prince qui fut oncques né de mere.

Ex-

Exhortement de Mabile à la Roynne Sardamire, pour la disposer à prendre patience en son aduersité, & de ne s'estonner pour l'inconstance de fortune. Au quatrième liure, chap. I.

EN bonne foy Madame , il siet mal (ce me semble) à vne princesse si sage comme vous auez tousiours esté reputée, de tomber en telle extremité: car la vertu d'une personne prudente ne se peut cognoistre , sinon au temps que la tribulation luy suruient . Et d'auantage vous qui portez titre de Roynne , deuez estre par raison plus constante que ne seroit vne simple damoyelle ou autre personne indigne du lieu & reng que vous tenez : ne sçauiez vo⁹ que fortune est muable , & qu'elle octroye ses faueurs à qui il luy plaist: les reuocant aussi quand bõ lui semble ? Par ainsi doncq' estant aduenu q' l'armée de l'Empereur soit deffaite, & vo⁹ à present és mains des cheualiers de l'isle Ferme : s'ensuit-il que ne deuez prendre patience & supporter prudemmet cest accident, quand vous n'y pouuez autrement mettre ordre? mesmes estant assurée que vous estes au pouuoir de ceux qui vous feront tout l'honneur, seruice & bon traitement dont ils se pourront aduifer. Et si le Prince Saluste est mort , quel remede ? vous ne le pouuez rappeler par vos

pleurs, ce sont tours de guerre, communs à ceux qui la cherchent. Et pourtant madame, ne vous contristez d'avantage s'il vous plaist: mais en vsant de vostre vertu & prudence accoustumée prenez les choses ainsi qu'elles peuuent venir.

Responſe de la Roynne Sardamire, à Mabile, luy demonſtrant qu'elle a iuſte occaſion de ſe douloir pour l'inconuenient ou elle eſt tombée, & qu'il luy plaiſe ſe reſentir avecq' elle de ſon affection. Au 4. liure, chap. 1.

HElas! respondit-elle, il est aisé à celui qui est en joye recōforter (comme vous faites) la personne comblée de desplaisir. Et neantmoins si vous sentiez la douleur qui me presse, vous me plaindriez (peut estre) plus que vous ne faites: toutesfois je cognois bien que vous dites la verité, & aussi qu'il m'est impossible de pouuoir tant commander à moy-mesmes pour croire à present vostre conseil. Parquoy je vous prie en l'honneur de Dieu, qu'excusant les imperfections qui sont en moy, vous m'aidez vous mesmes & toutes ces autres dames aussi à plaindre mon mal-heur irreparable.

Replique de Mabile à la Roynne Sardamire, luy dec arant que ſe trister d'une choſe aduenue, n'eſt le moyen d'y donner remede. Au 4. liure, chap. 1.

MAdame dit Mabile, si pour nous
doulour de ce que vous nous priez,
il vous en estoit de mieux, ie
vous iure ma foy qu'il n'y a celle en ceste
compagnie (comme je pense) qui ne s'y
employast de bien bon cueur: mais vous
sçauiez que quand la chose est faite, le con
seil est prins: par ainsi vous pouuez cog
noistre qu'il est de necessité mettre fin à
vos pleurs, soit avecq' le temps, ou plus
tost par vostre prudence.

*Harangue d'Amadis à ses compagnons, leur
exposant ce qu'il auoit entendu de la part d'O
riane, laquelle tendoit au possible à ce que le
Roy Lisuard fust destourne de la volonté qu'il
auoit de la marier avec l'Empereur, les priant
outre de s'employer à la secourir en ce grand
ennuy. Au 4. liure, chap. 3.*

MEs Seigneurs, hier madame Oriane
enuoya vers moy, me prier
que nous y trouuions moyen de
la remettre en la bonne grace du Roy
son pere, luy ostant, s'il est possible la
fantasie qu'il a de la marier avecq' le
Prince du monde à qui elle porte moins
d'amitié: car autrement la mort luy sera
plus agreable. Et pourtant il m'a sem
blé bon (apres en auoir parlé à aucuns de
ceste compagnie particulierement) d'en
tendre de vous tous en general ce que

vous en pensez: car puis que nous auons
 esté compaignons pour la mettre en la li-
 berté, il est plus raisonnable que le loÿōs
 pour la y maintenir: mais premier q̄ d'en-
 trer plus auant en propos, je vous supplie
 auoir deuant les yeux, que desia vostre re-
 nōmée est tant cognue par tout le monde
 à cause des hautes cheualeries que vous
 auez faites qu'il n'y a aujourd'huy Roy,
 Prince, ne Cheualier, de q̄ ne foyez craints
 & redoutez, cognoissans que pour acque-
 rir louange immortelle vous auez mespri-
 sé, non seulement les grandes richesses &
 bō traictemēs que vous eussiez peu auoir
 en vos maisons: mais le sang de vos pro-
 pres corps, que n'auiez espargné pour fai-
 re sentir aux plus hardis, le trenchāt de vo-
 stre espée, au tresgrand danger de vos per-
 sonnes. Dont les playes que vous auez en
 plusieurs endroits (maiques & tesmoins
 de vostre prouesse) peuuent rendre telle
 foy, que fortune mesmes s'en tiēt obligée
 à vous: dequoy vous voulant recompen-
 ser, par l'vne des plus grādes faueurs qu'
 elle eust peu, vous a mis es mains ceste
 glorieuse victoire que nous auons eüe sur
 les deux plus grands Princes de la Chre-
 stienté. Non que je vueille parler de la
 deffaite de leurs gens seulement, estans de
 trop peu de merite enuers vous: mais
 pour

pour le secours que vous avez fait à la plus sage, debonnaire & vertueuse dame de la terre, laquelle estoit sur le point d'endurer (au plus grand tort du monde) vn traitement pire qu'on ne pourroit penser. Et par ainsi vous avez fait service tres agreable à Dieu, executant la chose à laquelle vous estes expressement appelez, qui est secourir les affligez des forces que lon leur fait souffrir sans raison. Or s'en courroussent si bon leur semble l'Empereur & le Roy Lisuard: car puis que le droit est nostre, Dieu qui est iuste, sera pour nous aussi: en sorte que si d'eux mesmes ils ne cognoissent la raison, & euident par leurs puissances vaincre nos forces, je me promets bien que nous y pourrons tellement resister, qu'il en sera memoire tant que le monde sera monde. Pourtant chacun de vous aduise ce qu'il luy semblera bon de faire, ou de paracheuer la guerre commencée, ou de moyenner la paix, rendant Madame Oriane au Roy son pere, ainsi qu'elle desire: car quant à moy, entendez que je ne veux sinon ce qu'il vous plaist, & ne sera ma fantasie en cest endroit autre que la vostre, vous cognoissant tels, & la vertu vous estre si grande, que pour mourir vous ne la voudriez estranger

de la magnanimité de vos courages, n'en durer chose dont nostre honneur fust (tât soit peu) abastardy.

Harangue de Quedragant à Amadis pour responce à la precedente, ou il a déclaré qu'à iuste occasion on a entrepris sur l'Empereur, & qu'il est besoin en aduerrtir le Roy Lisuard en toute douceur, afin qu'il n'en soit indigné. Au quatriesme livre chap 3.

SEigneur Amadis, il est tout certain que l'entreprise qui a esté faite sur l'Empereur n'a esté pour inimitié que nous luy portons : mais seulement pour garder la foy que doit tout bon cheualier, à soustenir & defendre les personnes affligées à tort, spécialement toutes les bonnes Dames, desquelles nous tous deuons estre protecteurs. Et pourtant je suis bien d'aduis premier que d'entreprendre la guerre, que lon enuoye vers le Roy Lisuard, luy faire entendre l'occasion qui nous à meus d'auoir assailly les Romains & le plus doucement qu'il sera possible le rappaiser, & s'il en est malcontent, luy remonstiant avecque toute gracieuseté, le tort qu'il faisoit à madame sa fille, la desheritant, sous couleur de la marier avecques vn Prince estrange, ce qui n'est agreable à Dieu, ne à nul de ses suiets : & pourtant que son bon plaisir soit la rece-
noir

uoir en sa bonne grace, & oublier le mal talent si aucun en a contre elle, offrât sous ceste condition, de la luy rendre, & non autrement. Et s'il refuse, ou desdaigne le deuoir en quoy nous nous mettons, qu'on luy declare resolument, que nous le doutons peu, & que s'il nous fait la guerre, nous sommes prests de nous defendre. Ce pendant il est necessaire que nous nous fortifions de tout ce qui est requis à chose de telle importance, comme en ceste cy: aumoins qu'il ne nous prenne au despourueu s'il se delibere nous assaillir: combien qu'à mon aduis il sera plus prompt à la paix, qu'autre chose: mais cela ne doit retarder de nous mettre en tout deuoir, & à depescher gens vers nos amis & aliez, pour les prier de nous secourir, quand nous leur ferons scauoir.

Harangue d'Oriane à Agrais le remerciant de ses biens faits & le priant de moyenner paix entre le Roy Lisuard & Amadis. Au quatrieme liure, chap. 3.

MOn cousin encores que j'ay grande esperance à la prouidence de vostre cousin Amadis, & au bon vouloir que tous ces Cheualiers me portent, si me semble il que j'ay quelque raison d'auoir en vous vne fidelité speciale,

tant pour l'obligation en laquelle ie me
 trouue redeuable enuers le Roy vostre pe
 re & la Royne aussi, par le bon traitement
 qu'ils me firent en Escosse, que pour m'a
 uoir donné pour compagnie vostre sœur
 Mabile, de laquelle seule je tiens la vie a
 pres Dieu : car sans le reconfort quelle
 m'a fait maintesfois au plus fort de mes
 infortunes, il y a bien long temps que je
 fusse enseuelie, & priuée de cé monde. Et
 combien que je n'aye moyen pour le pre
 sent de pouuoir recognoistre enuers eux
 ny vous, tant d'obligations, si espere-je a
 uecque le temps de m'en mettre en tout
 deuoir : & ce pendant vous ne trouuerez
 mauuais (s'il vous plaist) que je vous face
 entendre familièrement les ennuis que je
 porte : & pour y cōmencer, je vous sup
 plie que laissant à part le tort que mon pe
 re vous a fait, vous moyēnez à vostre pou
 uoir la paix d'entre vostre cousin, & luy :
 car je ne fais doute, veu l'ancienne haine
 qu'ils ont ensemble, & l'occasion que vo
 us avez de lui vouloir peu de bien, que
 mal aisement se pourront les choses com
 mencées acheminer à autre fin, qu'à vne
 tresgrande ruine & malheur d'une part &
 d'autre, si ce n'est par la resistance que
 vous y pourrez faire vsant en cela de vo
 stre prudence & bon conseil. Dont de re
 chef

chef je vous supplie, tant pour euitier à tel inconuenient, qu'ausi pour ne me rendre suspecte enuers les nations estranges, qui pourroyent cy apres douter de mon innocence, & maculer ma bonne renommée, qui m'est de telle consequence que vous pouuez estimer.

Responſe d'Agrais à Oriane, s'excusant enuers ell, & luy promettant de satisfaire à son vouloir le mieux qu'il luy sera possible, & de trouuer la paix en temps oportun. Au quatrie me liure, chap. 3.

MAdame, respondit il, quant au bon traitemēt que vous auez receu en Escosse, le Roy mon pere, & la Roine n'ont fait en cela que ce qu'ils doyuent: & si suis seur qu'ils vous ont en telle affection, qu'es choses ou leur puissance se pourra estendre, ils s'employront pour vous cōme pour leur meilleure parente & alliée. Et pour le regard de ce que vous dites de ma sœur & de moy, l'effet tesmoignera tousiours du bon vouloir q nous vous portons, vous suppliant croire que vous nous pouuez commander comme à ceux qui desirent vostre bien & honneur autant que le leur propre. Et quant au desir que vous auez de me faire obluer l'iniure que le Roy vostre pere à faite non seulement à moy seul, mais à tous mes

parens

parens & amys, asseurez vous Madame, que la playe est si grande qu'elle seignera tant que j'auray vie au corps, cõgnoissant l'ingratitude dont il a vsé enuers nous, escondissant mon Seigneur Amadis, moy & plusieurs autres bons Cheualiers, de la requeste que nous luy fismes, pour donner à mon oncle Galuanes l'isle de Mongase, qui la meritoit, & mieux: veu mesmement qu'elle auoit esté conquise par la vertu & prouesse de celuy qui l'en supplioit: toutesfois pour l'honneur de vous je suis content de dissimuler, & me forcer jusques là de differer pour quelque temps, la juste occasion que j'ay de luy vouloir mal, specialement par nous auoir chassés de sa court, aussi estrangement que si eussions esté ses ennemis mortels, apres auoir receu de nous tant de grands seruices. Et pour vous monstrier que je meveux du tout employer à vous complaire, je vous promets madame, que j'essayeray à mon pouuoir de faire ce dont vous me priez: mais il ne seroit pas raisonnable, que ce fust si promptement pource que si j'en entame la parolle maintenant, estans les choses disposées à la guerre, au lieu de donner cœur à tant de bons cheualiers qui sont en ceste isle, j'en pourrois intimider la pluspart, m'oyans

par-

parler de pais, presumans (peut estre) que je tinsse tels propos comme ayant la premiere peur. Aussi je ferois deux maux ensemble, qui ne pourroyēt cy apres tourner qu'au domage de nous tous, & au grand deshonneur de moy seul. Mais ayant eu la responce du Roy vostre pere, je prieray mes compagnons de faire ainsi que vous auez aduisé, ce pendant il me semble que vous vous deuez melencolier le moins que pourrez, & prēdre le temps & la fortune le plus patiemment & constamment qu'il vous sera possible.

Harangue d'Amadis à Gracinde, luy offrant tout p'aisir & bon vouloir. Au quatrieme livre, chap. 4.

M Adame, je suis merueilleusement desplaisant que je n'ay meilleure opportunité de vous faire en ce lieu l'honneur & bon recueil que vous meritez, mais le temps si mal à propos en cste l'occasion, parquoy je vous supplie en m'excusant ne le prendre ou imputer à faute de bon vouloir : car vous m'avez tant obligé à vous par le passé, qu'il ne sera jour de ma vie que je ne m'ē sente vostre redevable, quelque grand service que ie vous puisse faire. Et pource qu'il y a desia bien long temps que vous estes partie de vostre pays, & que (peut estre

estre) le long séjour que vous auez fait en ceste contrée vous a porté quelque des- plaisir, je desirerois grandement sçauoir vostre deliberation, afin que j'aye moyen s'il est possible de vous obeir en ce qu'il vous plaira commander.

*Responce de Grifac'e à Amadis, le remer-
ciant du bon vouloir & affection qu'il luy por-
te, & qu'elle fera amasser gens pour le secourir
en ses affaires, au quatriesme liure, chap. 4.*

Seigneur Amadis, respondit elle, je se- rois bien de pauvre iugement, si je ne sçauois certainemēt que de la com- pagnie & faueur que vous m'auiez faite, ne me fust sorty le plus grand honnneur qu'il m'eust peu aduenir, & que le bon traitement que vous dites auoir receu en mes pays (si aucun vous a esté fait) ne soit desia plus que recompensé : toutesfois pour vous mettre hors de peine, je vous diray ce que j'en pense: Le voy tant de bōs cheualiers assemblez pour le secours de ceste Princeesse, lesques tous ensemble ont mis leur esperance & conduite sur vous, pour l'amitié & bonne estime qu'ils vous portent, qu'il vous seroit impossible les abandonner sans en estre grandement blasmé. Et par ainsi puis que telle charge est remise du tout sur vous, vous deuez travailler à enuoyer de tous costez recon-

urer gēs pour vostre secours, en sorte que l'honneur de si grande entreprise vous demeure, par le moien de vos amis, du nombre desquels je m'estime premiere, ainsi que vous auez peu & pourrez cognoistre par l'effet. A ceste cause j'ay deliberé de faire partir demain maistre Elizabet, pour aller en la Romanie, assembler le plus de gens qu'il pourra tant de mes suiets qu'autres, & aussi tost les faire embarquer & conduire par deça. Ce pendant ie tiendray (s'il vous plaist) compagnie à ces autres dames, s'elles me veulent faire tant d'honneur de me receuoir, en esperance de ne les abandonner, que ceste guerre commencée n'ayt prins autre fin.

Lettre d'Amadis à l'Empereur de Constantinople, le priant de luy donner secours en ses affaires de guerre, au quatrieme liure, chap. 4.

TReshaut & excellent Prince, le cheualier à la verde espée (le propre nom duquel est Amadis de Gaule) vous enuoye treshumble Salut. Et pour ce Sire, que trauerfant pays apres la defaite de l'endriague, il vous pleut me receuoir en vostre ville de Constantinople, là ou apres l'honneur & bon recueil que vous m'y dōnastes, m'offristes (par vostre liberalité) de m'ayder, & dōner secours, ou le cas s'y offriroit en faueur des serui-

ces que je vous auois faits, par la reduction de la contrée qui par vous mesmes fut nommée depuis l'isle sainte Marie. Or est l'occasion aduenue, que vous auez moyen, s'il vous plaist, d'accomplir ceste vostre promesse, avecq' la plus iuste querelle qu'il est possible d'entreprendre, ainsi que vous dira maistre Elizabet, lequel je vous supplie, Sire, croire entierement, de la part de celuy qui baise les mains de vostre majesté.

Lettres d'Amadis à la Royne Briolanie, la priant d'entendre à ce qu'il luy rescrit, & de luy donner secours, suyuant sa bonne volonté. Au quatrième livre, chap. 4.

IE croy, ma dame, apres qu'aurez entendu par Tantilles vostre maistre d'hostel, la cause qui m'a meü l'enuoyer en telle diligence, que vous donnerez faueur à ce qu'il vous dira de ma part, assuré qu'en vsant de vostre gentile nourriture, vous ne me voudriez faillir, non plus que vous croyez que serois prest à mettre le pied en l'estrier pour vous, ou la nécessité s'offriroit: & pour ce qu'il a esté present aux choses qui depuis mon retour en ces pays, m'ont esté occurrentes, & que ie luy ay donné charge vous les faire entendre bien au long, je ne vous ennuyray à vous donner peine de lire plus longue

que lettre, mais je vous prieray biē (apres l'auoir creu) me tenir tousiours en vostre bonne grace, à laquelle desire tant qu'il viura auoir bonne part cestuy Amadis, qui est vostre.

Harangue d'Amadis à Gandalin, l'aduertissant de la bonne fiance qu'il a eu en luy, & qu'à ceste cause il aille par deuers le Roy Persō pour l'aduertir de ses affaires, afin de luy donner secours. Au 4. liure, chap. 4.

GAndalin tu es celuy qui tousiours as eu la garde de mes plus priuez affaires pour la grande amitié que de nos premiers ans nous sommes portez comme si nature nous eust d'elle mesmes appelez en vne parfaicte fraternité. Tu sçais que mon honneur est le tien, & que le tien me touche cōme le mien. Tu vois les affaires ou ie suis, & de quelle consequence elles me sont, mesmes la conclusion qui a esté prinse (par tous ces cheualiers) d'employer nos amis, & aliez, pour auoir secours puissant à soustenir les forces du Roy Lisuard, s'il essaye de nous assaillir. Au moyen de quoy j'ay desia depesché lettres vers plusieurs Princes, desquels j'espere recouurer vne biē bonne & grosse troupe de gens. Et combien que l'absence de toy me soit griefue, toutes-fois me fiant plus en ta diligence, qu'à nul autre, j'ay

j'ay pensé de t'enuoyer vers le Roy Perion mon pere, qui te cognoist de long temps, & auquel feras entendre mieux que nul autre, de quelle importance m'est ceste guerre, si le Roy Lisuard l'entreprend: car comme tu luy pourras dire, elle luy touche en partie: ayant ce Roy ingrat fait tāt de defaveur à tous ceux de nostre lignage, que de les chasser de sa court, apres qu'il a receu d'eux vne infinité de grands seruices. Tu luy reciteras par le menu ce que tu sçais & as veu, & la necessité en laquelle tu nous laisses, & neantmoins l'assëureras que je ne crains puiffance aucune, ayant avecq' moy tant de droit & de bōs cheualiers: & que je n'eusse aussi fait si grande entreprinse, n'eust esté que dequis que Dieu me voulut appeller à l'ordre de cheualerie, je n'ay eu en pensée autre chose, sinon faire l'estat de cheualier, defendant à mon pouuoir le tort que lon faisoit à plusieurs, specialement aux dames & damoyelles, lesquelles doiuent estre preferées à toutes personnes, & pour lesquelles j'ay mis souuēt ma perſone au hazard de mort, sans & en esperer, autre recompense d'elles, sinō complaire à Dieu, & augmenter ma renōmée par le mōde, qui fut la cause seule qui me meut dernièrement m'absenter ainsi de ses pais

pour

Pour aller chercher (entre les nations eſtranges) ceux qui auoyent affaire de mō aide, ou j'ay eu maintes perilleuſes auentures que tu as veuës, & que tu luy pourras conter. Meſmement qu'arriuant en ceſte iſle je fus aduertty cōme le Roy Liſuard, (oubliant l'honneur de Dieu, le droict des perſonnes, le conſeil des ſiens, & l'inſtinct naturel que tout bon pere porte cōmunemēt à ſon enfant) vouloit quaſi par vne maniere de cruauté extreme, chaffer de ſes pays madame Oriane, ſa propre fille, & principale heritiere, la donnant maugré elle pour femme à l'Empereur Patin. Dequoy elle faiſoit cōplaincte, non ſeulement à ceux du royaume de la grād Bretagne : mais requeroit ayde & ſecours à tous cheualiers, portans armes, tant par lettres, meſſages, qu'autrement, les ſupplant à joinctes mains & abondance de larmes auoir pitié & compaſſion de ſa miſere. Et tant à ſceu faire de prieres, & humbles oraiſons, que le Seigneur de toutes choſes l'a regardée de ſon œil miſericordieux, donnant adreſſe aux cheualiers qui ſont de preſent en ce lieu, d'eux y aſſembler quaſi par miracle, ou je les trouuay, comme tu ſçais, en propos de hazarder leurs vies, pour la mettre en Liberté, & les autres qui l'accompagnoyēt
par

beaucoup. Mais deuant que partir, il faut que tu sçaches de ma cousine Mabile, s'il luy plaist rien mander par dela, & quant- & quant que tu essayes de parler à Oriane, laquelle ne se trouuera si estrange de toy que tu n'entendes d'elle, en quel estat est sa santé, & le bon vouloir qu'elle me porte.

Lettre d'Amadis au Roy Tafinor de Boeme le suppliant de luy donner secours en son grand affaire. Au 4. liure, chap. 4.

Sire, si oncques je vous fis seruice, qui vous ait esté agreable, l'honneur & bon recueil, que j'ay receu de vous & des vostres, tout le temps que je sejour- nay en vostre court, m'ont rendu d'auan- tage à demeurer tant que viuray, prest à n'espargner ma personne pour vous obeir & seruir : parquoy je vous supplie tres- humblement n'estimer, que ce qui m'a faict depescher ce cheualier, present por- teur vers vous, soit pour en auoir aucune recompense. Toutesfois me souuenant des honnestes offres que me fistes à mon partement de Boëme, je me suis enhardy le vous enuoyer, pour vous requereir affe- ctueusement me donner secours en vne affaire qui m'est prochaine qu'il vous di- ra, vous suppliant Sire le croire comme moy-mesmes, & cōmander sa depesche la

G

plus

plus prompt qu'il sera possible, pour mettre hors de peine celuy qui voudroit pour vous hazarder la vie, qui est Amadis de Gaule, surnommé en plusieurs lieux le cheualier à la verde espée.

Harangue d'Oriane à Gandalin, luy descouurant son ennuuy, & qu'il trouue moyen qu'elle puisse communiquer avec Amadis, que tât elle ayme. Au 4 liure, chap. 5.

GAndalin mō amy, que te semble de fortune, laquelle m'est si contraire qu'elle me priue de la personne du monde de laquelle j'ayme le plus la frequentation, estant si pres de moy, & moy du tout en sa puissance. Ce nonobstant nous ne pouuōs auoir moyē de parler priuément ensemble, sans offenser grandement mon hōneur, de quoy mon cœur endure tant de peine, que si tu le cognoissois je croy certainement que tu aurois encore plus de pitié de moi que tu n'as: ce que je te prie luy dire, à ce qu'en me plaignāt, il se resiouisse de l'affection tresgrāde, qui s'augmente en moy de jour en jour à luy vouloir bien aussi qu'il trouue facon que nous nous voyons, dressant quelque parrie avecq' ses compagnōs, soubz couleur de ton voyage, & de mon reconfort.

Responce de Gandalin à Oriane, l'aduertissant qu'elle n'est trōpée en la singulière amour qu'elle

quelle porte à Amadis, car son amitié est reciproque, comme il tesmoigne de iour en iour en tous ses actes. Au mesme liure, chap. 5.

MA dame, respōdit Gandalin, vous auez grande raison de luy porter telle amitié, & vous souuenir aussi du remede auquel il aspire sur toutes choses : car si vous sçauiez l'extremité en laquelle je l'ay trouué cent fois, vous ne pourriez croire avecq' quelle puissance il est gouverné par amour. Je l'ay veu mille fois mourir, pensant aux faueurs passées, que vous luy auez faictes, & autāt de fois recouurer vie pour la souuenance d'icelles, & si l'ay veu entre les plus grands dangers du monde faire tāt d'armes, en vous appellant à secours, qu'il est malaisé de croire que cheualier peust auoir en soy tant de prouesse. Pourtant, ma dame, je vous supplie auoir pitié de luy, & le traicter comme il merite: vous assurant qu'oncques cheualier ne fut plus loyal, ne plus vostre qu'il est, ny oncques dame n'eut telle puissance sur homme, comme vous l'auetz sur luy; car en vos mains se peut traicter de sa mort, ou de sa vie, ainsi que bon vous semble.

Harangue du Roy Lisuard, à la Roynes femme, luy demonstrent le tort qu'on luy faict d'auoir prins les Romains qui cōduisoient sa fille

Et que neantmoins elle le dissimule le plus qu'elle pourra, car en ce faisant, il l'assure d'en avoir la raison au 4. livre, chap. 6.

MA dame, aux choses de peu de conséquence qui suruiennent par accident, les personnes ont quelque occasion de monstrier passion, & melencolie: toutesfois ainsi qu'elle procede pour peu de cas, ainsi se doit elle oublier avecq' peu de remede. Mais quand lon est offensé par quelqu'un, non seulement en la personne ou biens, ains en l'honneur propre, adoncq' il est raisonnable d'en prendre melencolie, & d'essayer par tous moyens à y pourvoir, de sorte que prenât vengeance de celui qui faict l'offence, on donne à cognoistre chascun le desplaisir qu'on a receu pour la grauité du cas. Et cecy ne vous dy-je sans cause, vous avez porté vn dueil trop apparent pour l'absence de vostre fille, suyuant le naturel des meres, & neantmoins je m'estimois heureux pour l'esperance que j'auois qu'il se pourroit briefuement oublier. Mais à la qu'euë s'est trouué le venin, tel que ce qui en est suruenue me touche de tant pres que ie ne seray jamais en repos, que je n'en aye satisfaction ainsi que je la desire. Les Romains qui conduisoient vostre fille, ont esté

esté deffaits, le Prince Saluste Quidé occis elle & tous les autres prins prisonniers par les Cheualiers de l'isle ferme, lesquels s'estiment heureux de telle victoire, ayans faißt (se leur semble) plus qu'autres ne firent oncques en la grand' Bretagne. Et pourautant que la renommée en vollera par tout le monde, il est bien requis maintenant que vous dissimuliez, vsant plus de prudence que de passion: ce faisant, vous demourerez grãdemēt estimée, nos ennemis estonnez, & moy trescontent de vous: esperant y pourueoir, en sorte que vostre honneur & le mien y seront entierement gardez.

Responce de la Royné au Roy Lisuard, excusant aucunement l'entreprinse faicte par les cheualiers de l'isle Ferme contre les Romains. Au quatrième liure, chap. 6.

Monsieur, vous auez prins ainsi qu'il vous a pleu le desplaisir que j'ay porté pour la separation de vostre fille & de moy: mais quant à la faueur que luy ont monstre ceux de l'isle Ferme, si vous considerez bien le temps que vous estiez Cheualier errant, comme eux, & ce que vous eussiez fait lors en cas semblable, vous les tiendriez excusez en la pluspart de leur entreprinse. Pensez vous qu'ayans entendu les regrets qu'el-

le faisoit, mesmes que le bruit commun estoit par tout le pays, que maugré elle vous la mariez à l'Empereur, que cela ne les ayt esmeus à la secourir, veu qu'ils n'ont chose plus recommandée que l'ayde & secours des dames & damoyelles, desquelles ils sont requis? par plus forte raison doncq' à vostre fille qu'ils cognoissent & estiment de long temps. Croyez Monsieur, qu'ils n'ont du tout le tort, & que vous cognoistrez à la fin, que leur intention n'a esté de vous donner ennuy, presumans (peut estre) que vous ayez esté importuné de faire ce mariage, & malgré vous.

Lettre enuoyée par Oriane estant en l'isle ferme, à la Reine sa mere. par laquelle elle luy declare les ennuis & tormens qu'elle a receu sur la mer. Et comme les cheualiers de l'isle Ferme prenant pitié d'elle, l'ont secourue, & qu'il luy plaise d'appaiser l'ire de son pere, & aduiser les ambassades qu'on enuoye par deuers le Roy, de ce qu'ils feront pour estre bien receu au mesme liure, chap. 7.

MA dame, encore que vous soyiez desia aduertie (cōme je croy) de mon infortune telle qu'elle a esté, si m'a il semble raisonnable vo^r faire part de mes doléances: & pour le commencement de ceste lettre vous supplier treshumble-

blement cōsiderer comme mon mal'heur
m'a pourfuyue apres m'auoir fait ban-
nir de vos pays de la presence du Roy mō
pere & de la vostre aussi , chose qui m'a
esté quasi insupportable : toutesfois non
contente de cela : j'ay esté menée par telle
tempeste qu'estans deffaits les Romains
qui nous conduisoient , nous sommes
arriuez en l'isle Ferme , avecq' ceux qui
sçachant le tort que l'on nous faisoit ont
hazardé leurs vies pour nous garder de
passer outre : & pource que je doute que
telle chose ne se pourra rappaiser entre
mon pere & eux, sans grande effusion de
sang si vous madame n'en prenez le soing
j'ay pensé enuoyer ce porteur vers vous,
vous supplier en l'honneur de DIEU
prendre compassion de vostre fille trop
desolée , & faire tant enuers le Roy qu'
elle retourne vers luy & en sa bonne gra-
ce , ne l'ayant offensé s'il n'a prins à des-
plaisir que je luy aye trop obey : car en
cela seulement je me tiens coupable , &
non autrement . Et au demourant pour
vous aduiser comme ceux au pouuoir
desquels moy & mes femmes sommes à
present , enuoyent ambassadeurs vers
luy , tant pour sçauoir comme il aura
pris le secours qu'ils m'ont fait , que
pour le supplier auoir pitié de moy : ainsi

J'ay donné charge à Durin de le vous faire entendre premier qu'ils soyent arriuez à quoy madame vous m'aidez s'il vous plaist, & à mettre paix aussi à si grande guerre ja commencée par le malheur qui est en ceste vostre tres-humble & tresobeïssante fille Oriane.

Harangue de Quedragant au Roy Lisuard de par les Cheualiers de l'isle Ferme, par laquelle il luy remonstre de l'office d'un Roy, pour bien recueillir vne ambassade, qu'il doit excuser l'entreprinse des cheualiers de l'isle Ferme, & recevoir madame Oriane sa fille en sa court en aussi grand contentement qu'il auoit au parauant. Au quatriesme liure, chapitre 7.

Sire, c'est vne vertu tresslouable & digne de recommandation entre les Roys & Princes d'entendre par grand' patience ce que les ambassadeurs des estrangers ont charge de leur declarer, ostans d'entour eux toute passion, à ce que si l'ambassade qui leur est faite les contente ils en reçoient plus de joye & soyent les ambassadeurs mieux recueillis & fauorisez: & au contraire s'ils leur dient chose qui leur desplaist, que ce nonobstant ils sçachent dissimuler leur colere, & leur donner responce gracieuse, pour le respect de l'estat auquel ils sont appelez. Si-

re, je vous supplie me pardonner si j'ay
vſé de telle remonſtrance enuers vous,
vous iurant ſur mon Dieu, que je ne l'ay
fait pour doute que nous ayons eu de l'aſ
ſurance qu'il vous a plu nous donner:
mais pour louer grandement la vertu de
ſi bon Prince, qui tant librement nous a
oſtroyé l'entrée de ſes pays. Or ſire l'oc
caſiō de noſtre venue vers voſtre majeſté,
eſt par le commādemēt du meilleur che
ualier que l'on cognoiſſe, Amadis de Gau
le, & generalemēt de la part de tous ceux
qui ſont avecq' lui en l'ile Ferme, leſquels
vous mandent par nous, que traueſans
pays & contrées eſtranges, cherchās auen
tures ainſi que les autres cheualiers errās
ſont couſtumiers de faire, ſpecialement
pour ſecourir les foibles que l'on veut ou
trager ſans raiſon: ils ont eſté aduertis
par pluſieurs, que vous Sire: ſuyuant plus
toſt vne volonté legere & deſordonnée,
que la iuſtice & equité, auez voulu (ſans
croire le conſeil de nul des voſtres) deſhe
riter au plus grand tort du monde mada
me voſtre fille, la donnant pour femme
oultre ſon gré, à l'Empereur Patin: & de
fait ne prenant compaſſion d'elle ny de
ſes larmes & pleurs, & moins regardant
la fin de telle entreprinſe & meſcontente
ment de vos ſuiets, l'avez par violence li

urée à ceux qui la vous ont demandée. Et pource que telles voyes de fait, & iniustes ne sont desplaisantes à Dieu seul, ains à tous ceux qui en oyent parler, il a permis que nous y missions remede, & que les Romains qui la conduisoient avecq' ses Dames & Damoyelles vinsent en nos mains, lesquels se mettans en deffense contre nous ont esté deffaits, les vns occis, & les autres prisonniers. Et quant à elles je vous aduise sire, qu'elles sont de present en l'isle Ferme, avecq' bonne & grosse cōpagnie de cheualiers, deliberez de leur porter tout l'honneur qu'il leur sera possible: car leur intention ne fut oncques né pour vous fâcher, ny elles aussi: mais pour maintenir l'equite, & les garder de force & violence, ainsi que vous mesmes leur fistes iurer quelque fois à Vindilifore. Et pourtant ils vous supplient, que preferant vertu & raison à toute passion, il vous plaise reprendre madame Oriane vostre fille, & la traicter doreseuuant non comme estrangere, mais ainsi que pere doit son en enfant, sans l'eslongner ainsi de vous, ne des pays, desquels, si Dieu plaist elle sera dame & Royne apres vous: & si vous sentez iniurié, ne voulât obtemperer à leur requeste, ils vous prient que pour eux vous ne luy desniez vostre bone
 grace

grace: mais qu'en regnât en vostre court
cōme elle souloit estre, vous essayez puis
apres si bon vous semble, à prendre telle
vengeance d'eux que vous pourrez, vous as-
seurant sire, qu'ils sont deliberez si vous
les assailliez, d'eux bien defendre: pour-
tant aduisez s'il vous plaist à nous faire
responce: car vous auez en vos mains ou
la paix ou la guerre.

*Responce du Roy Lisnard à Quedragant,
luy exposant le grand tort & iniure que luy
ont faict les Cheualiers de l'isle Ferme, & qu'il
ne les receura en grace que iusques à ce qu'ils
ayent reparé l'iniure qu'ils luy ont faicte, au
quatriesme liure, chap. 7.*

MEssieurs, respondit le Roy, pour-
ce que la vertu accompagne peu
souuent ny les temeraires haran-
gues, ny les audacieuses responces, & que
l'une ne l'autre sont suffisantes pour ani-
mer les cœurs pusillanimes, ie ne vous tie-
dray plus long propos: mais vsant plus de
patience que ie ne deuois enuers vous, il
suffira vous declarer que ie sçay tresbien
que l'entreprinse qui a esté faicte par ceus
de l'isle Ferme, a plus esté executée par
presomption, que par la magnanimité
de courage (quelque chose que vous ay-
ez dit maintenant) tellement que d'au-
tant que vous estimez y auoir acquis

honneur, toute personne de bon iugement vous en doit donner blasme & vitupere : car ce n'est pas chose difficile de mettre en route ou deffaire ceux qui passent leur chemin sans soupçon ne crainte, specialemēt lors qu'ils pensent estre entre leurs amys. Et quant à la remonstration que vous auez icy proposée, tendant à fin de rappeler ma fille Oriane, sans plus l'eslongner de moy, ce n'est à vous à qui je doy rendre conte de ce que ie fais, mais à Dieu seul qui m'a (apres luy) constitué souuerain en ce pays pour le gouuernement d'iceluy, & du peuple qui y habite, parquoy je ne suis deliberé d'ētre en nul traicté de paix avec eux, jusques à ce qu'ils m'aient fait reparation de l'iniure que j'ay receuë: lors j'aduiseray à ce qu'ils me prient, & non plus tost.

Harangue de Grumedan aux ambassadeurs leur remonstrant qu'il est bien marri de la fâcherie qui est suruenue, & que difficilement la paix se pourra traicter. Au quatrieme liure, chapitre 7.

PAr Dieu mes bons Seigneurs, ie suis fort desplaisant de ceste nouuelle fâcherie, j'auois tousiours esperâce de vous reuoir encores quelque jour autant bien venus, à la court que vous fustes oncques, mais je m'assēure bien maintenant
que

que la paix esperée arriuera bien tard sans l'aide de nostre Seigneur, cognoissant le cœur d'Amadis, lequel je n'eussè iamais pense estre en l'isle Ferme: car nous auions eu nouuelles qu'il estoit perdu passé à quatre ans, & m'esbahis comme il s'est trouué tant à propos au secours de madame Oriane.

Harangue du Roy Arban de Norgales au Roy Lisuard, sur l'entreprinse de la guerre contre Amadis, Et qu'il doit bien aduiser à la conduire sagement, Et s'il pouuoit qu'il prattiquast plustost vne paix auantageuse que se soumettre au peril de la guerre. Au quatrieme liure, chapitre 8.

○ **S**ire, puis que vous estes resolu de faire guerre contre Amadis, & ceux de sa ligue, & que n'avez trouué bon l'offre qu'ils vous ont faite, il faut aduiser à la conduire, en sorte que la gloire vous puisse demourer: car encores que l'on tienne pour certain la victoire estre és mains de Dieu qui la donne, ou, quand & à qui il luy plaist, & communement selon le merite des personnes, si ne faut il laisser de pouruoir diligemmēt à tout ce qui est requis, auant que de l'entreprendre, & sans mespriser vostre ennemy, l'estimer suffisant pour vous dōner beaucoup de peine si la fortune le fauorise, veu q

bien souuent pour trop se confier en son droit ou en ces forces, il en aduient la ruine & totale destruction de celuy qui pensoit (par trop grande presumption) la victoire certaine luy estre deuë : & toutes-fois si bien vous considerez à qui vous auez affaire, il me semble qu'une paix auantageuse pour vous, vous seroit autant honorable qu'une guerre hazardeuse, & qui peut tourner en grande consequence. Vous cognoissez Amadis & les autres, desquels il est supporté, tous bons Cheualiers & gens de grand cœur, tous aliez de Rois & puissans Princes, qui ne luy faudront pour mourir : & d'autre part, vous sçauiez que la plus part de vos subiects n'ont jamais trouué bonne la deliberatiō que vous priintes quasi de vous mesmes, sur le mariage de madame vostre fille à l'Empereur, dont s'esmeūt aujourd'huy ceste guerre. Et par ainsi vous pouuez tenir seur que quelque mine qu'ils en facēt ils seroyent quasi contēs que vous eussiez du pire, pour n'auoir suiuy leur fantasie, cōbien que je ne fais doute que nul d'eux ne vous serue en toute loyauté.

*Harangue d'Arcalaus au Roy A. auigne, l'in-
duisant à mener guerre & courir sur le Roy
Lisuard & sur Amadis es endroits de leurs pla-
ces ou ils pourront estre mieux offensez, sans se
courir*

cours, & attendu l'affaire de guerre ou ils sont fort empressez. Au 4. liure, chap. 8.

Sire, ces jours passez j'ay sceu certainement que le Roy Lisuard & Amadis de Gaule (les deux plus grans ennemis que vous puissiez auoir) sont en telle querelle, que sans esperer d'auoir jamais paix ensemble, ils font grand amas de gens, pour se donner la bataille, de laquelle il ne peut sortir que la finale destruction de l'un ou de l'autre, & peut estre de tous deux ensemble. Et pource que l'occasion vous appelle maintenant tant à vous venger de la perte qu'auiez faite contre eux par le passé, qu'aussi pour estendre vos limites, en vous faisant Roy paisible de la grand' Bretagne, il me semble que vous ne deuez plus différer d'assembler vos gens, & semondre tous vos amys, à ce que durant l'empeschement des autres, vous puissiez facilement entrer dedans leurs pays, par l'endroit plus esloigné de leurs secours, & s'il aduient qu'ils se rencontrent & combattent, il faudra sans donner loisir au vainqueur de rafraichir ses gens le surprendre, & luy donner si rude bataille que nul d'eux n'en puisse eschapper. Et entendez sire que l'occasion de leur inimitié procede, pource que le Roy Lisuard enuoyoit à Rome sa
fille

fille aînée, l'ayant donnée pour femme à
 l'Empereur : mais Amadis de Gaule, l'un
 de ceux qui se faisoit nommer à la batail-
 le que nous perdîmes dernièrement, le
 cheualier des seipens, qui auoit (s'il vous
 en peut souuenir) l'Armet d'oré avecq'
 gros nombre d'autres, ont rencontré sur
 mer les Romains qu'ils ont assaillis, & fi-
 nalement deffaits, & mis à mort le Prince
 Saluste Quide, proche parent de l'Empe-
 reur : les autres prins prisonniers, avecq'
 les dames ou damoyelles, qu'ils ont men-
 nées en l'isle Ferme, ou ils les tiennent en
 cores : toutesfois ie ne vous sçauois bon-
 nement declarer la cause qui les meut de
 commencer ceste guerre, mais ie suis seur
 que le Roy Lisuard pour venger son iniu-
 re, fait la plus grosse armée qu'il peut, &
 aussi qu'Amadis a enuoyé de toutes pars
 pour amasser gens, & se defendre, s'il est
 assailly. Et pourtant sire, durant ce trou-
 ble, vous aurez moyen (si vous voulez) de
 leur donner à tous deux la plus grande
 trouffe du monde, les surprenant ainsi
 que je vous ay dit. Et afin que vous cog-
 noissiez à veüe d'œil vostre victoire certai-
 ne, ie feray tant que Barsinan, Seigneur de
 Sansuegue, fils de celuy que le Roy fist
 brusler à Londres, & semblablement tous
 ceus du lignage de Dardā le superbe, qu'
 Ama-

Amadis deffit à Vindilifore viendrôt à vostre aide, avecq' le Roy de la profonde isle par ainsi estant avecq' si gros nombre de bons Cheualiers, il ne faut douter que vous ne parueniez à vostre intention.

Responce du Roy Arauigne à Arcalaus, par laquelle il delibere de suivre son conseil. Au quatriesme liure, chap. 8.

MOn grand amy Arcalaus, respondit Arauigne, vous me dites de grandes choses, & combien que j'eusse deliberé de ne tenter plus la fortune, m'ayant monstré si peu de faueur par le passé, si seroit ce grand' folie (ce me semble) de laisser les choses qui s'offrent par tant de moyens à augmenter mon honneur & grand' profit: car si en tel cas les entreprises guidées par raison prennent l'issue que l'on desire, on reçoit le fruit de son labour tel qu'on le merite. Et s'il aduient autrement, pour le moins on execute ce, en quoy vertu oblige les personnes pour maintenir leur autorité, lesquelles ne doyuent tât estimer les infortunes passées, que quand l'heur se presente, ils different à le receuoir, sans perdre le cœur, & demourer tout le reste de leurs vies timides, recreuz & pusillanimes. Puis doncques que ie suis en ces termes, je vous croiray: vous priant (ce pendant que je dres-

seray

seray mō armée) donner ordre au surplus & aller vers Barsinā & les autres, pour les faire joindre avec nous.

Harangue d'Agraiés aux Cheualiers de l'isle Ferme, sur l'entreprise de la guerre, les incitant à se porter vertueusement en l'affaire qui s'offre. Au quatrième livre, chap. 10.

IE ne sçay mes Seigneurs, cōme honnestement nous puissions differer à entreprendre ceste guerre, veu la iuste occasion que nous en auons, & mesmes que desia nostre ennemy fait semblāt de nous venir trouuer: toutesfois qui me voudra croire, il n'en aura pas l'honneur, ains diligenterons d'assembler nos forces, & marcherōs droit en ses pays, nous faisans cognoistre tels que nous sommes: car si vne fois nous permettons qu'il marche jusques icy, croyez que nous luy ferons tellement enfler le cœur, que luy (qui de sa nature est presumptueux) pēsera desia auoir le dessus de nous, & en serons en plusieurs endroits mal estimez, donnans occasion à maints de douter tant de nostre bon droit, que de celsuy de madame Oriane, pour laquelle nous sommes tombez en ces termes: quant à moy, je vous iure sur mon honneur, que n'eust esté la grand' priere & requeste qu'elle m'auoit faite de ne destourner la paix, je n'eusse jamais con-

cōsenty q̄ l'on eust enuoyé ambassade en la grande Bretaine, estans si outragés comme nous sommes: mais puis que nostre ennemy se declare tant sur nous, je suis maintenant quitte de ma promesse, & resolu de n'entrer jamais en amitié ou alliance avecq' luy, jusques à ce qu'il ait senty combien nous luy pouuons nuire ou ayder, veu qu'auons moyen de recourir gens autant belliqueux que ceux qu'il amenera. Ainsi Messieurs, je suis d'aduis que nous nous deliberions à la guerre, & que sans plus differer, aussi tost que nostre secours sera arriué nous marchions droit à Londres pour luy donner la bataille, s'il vient au deuant pour nous combattre.

Harangue d'Amadis à Agraies sur la resolution de la guerre, estant prest de faire son deuoir, & de suyure l'aduis d'Agraies: au quatriesme livre, chap. 10.

Mon cousin, ie n'ay encores veu nul qui ne fust prest de faire ce que vous dites, & si quelqu'un a debattu les inconueniens qui peuent cōmunemēt aduenir en la guerre: ce n'est pour tant à dire qu'ils s'en vueillent exempter, ains pour y pouruoir, comme il est raisonnable, & quant à ce que trouuez bon que nous entriōs es pays du Roy Lisuard
sans

sans luy donner le loisir de nous venir
trouuer icy, j'ay tousiours eu ceste delibe-
ration en mō esprit si le reste de vous mes
Seigneurs & bons amys, le voulez ainsi :
car par ce moyen (nous sentant appro-
cher si pres de luy) il changera, peut estre,
incontinent d'opinion, & nous requerra
de faire ce dont nous l'auons supplié au-
tresfois.

*Harangue de Guillan le pensif à l'Empereur
de Rome de la part du Roy Lisuard, luy annon-
cant la prinse de ses gens, & de madame Ori-
ane, & que pour raison de ce il a deliberé de fai-
re guerre aux Cheualiers de l'isle Ferme, &
que par ce il luy plaise de luy donner secours.
Du quatrième liure, chap. 13.*

Sire, dit Guillan, le Roy Lisuard mon
maistre vous mande, que pour auoir
vostre amitié & perpetuelle alliance,
il auoit esté bien content (suyuant la re-
queste que vous luy auiez fait faire par
vos ambassadeurs) de vous donner à fem-
me madame Oriane sa fille aînée, & prin-
cipale heritiere : & de fait apres plusieurs
difficultez vuidées entre les Princes, Seig-
neurs & subiets de son Royaume, il l'a-
noit liurée es mains de ceux qui auoyent
puissance de la recenoir de par vous : mais
il est aduenü qu'Amadis de Gaule, & au-
tres ses complices, avecq' quelque nom-
bre

bre de fustes les ont espiez & assaillis au destroit, en sorte qu'apres auoir longuement combattu, le Prince Saluste Quide est demeuré mort, & tout le reste de vos gens emmenez prisonniers en l'ile Ferme ou encores de present est detenuë madame Oriane, la Royne Sardamire, & les autres qui se trouuerent en ceste compagnie. Toutesfois depuis cuidans rappaiser la faute qu'ils auoyent faite, ont enuoyé ambassadeurs deuers sa maiesté, luy offrans plusieurs bons partis, lesquels il n'a voulu accepter, premier qu'il ayt entendu vostre vouloir, d'autant que l'iniure qui luy a esté faite vous touche autant ou plus qu'à luy. Et pourtant il m'a commandé vous dire, que si voulez entendre à prendre vengeance d'eux qu'il iettera vne bone grosse armée aux champs, pourueu que de vostre part vous faciez le semblable, assuré qu'estans vos puissances iointes, qu'aysement vous & luy les ferez mettre à telle raison que bon vous semblera.

Harangue du Roy Lisuard aux Romains, leur proposant deuant les yeux le grand tort fait à leurs compagnons : et que par ce ils se mettent en deuoir d'en auoir la vengeance contre leurs ennemis, & qu'ils ne perdent courage en si iuste querelle au 4. liure, chap. 29.

Messieurs & grans amys, vous avez
 veu & experimenté en ces deux
 rencontres, comme fortune s'est
 monstree nostre ennemye, tellement qu'
 en nous donnant le pire, elle a triomphé
 de la mort de mon frere l'Empereur vo-
 stre maistre, & de maints autres preux che-
 ualiers, qui par effet (en eux vengeans de
 nos ennemis) ont voulu venir à ce qu'ils
 sont venus : pource que c'estoit la plus
 belle experience qu'ils eussent peu faire
 de leur vertu, pour acquerir la gloire ou
 ils aspiroyent. Pour à quoy paruenir, il
 leur a semblé moins que rien de hazarder
 leurs vies, & qu'il estoit trop meilleur
 mourir en soy defendant vaillamment,
 que d'eschapper en reculant. En sorte
 que pour ne tomber en ce deshonneur
 & honte, ils ont voulu plustost par vne
 tresgrande magnanimité de courage en-
 durer la fortune, qu'obeir à la crainte,
 non que pour cela ie vueille en rien taxer
 ceux qui sont eschappez, sçachant le
 grand deuoir ou ils se sont mis, mais
 vous priei tous que preferant vostre hon-
 neur au regret que pourriez auoir de la
 perte de vos compagnons, vous essayez
 (la tresue faillie) à les venger, combatans
 vigoureusement ceux qui ont par trop les
 cœurs enfléz de leur victoire. Bien suis
 d'ad-

d'aduis que nous deuons moins exposer aux hazars & dangers, que si nous auions sur'eux ce qu'ils ont sur nous , non pas d'auoir moins de courage à les assaillir, ou nous defendre , si la fortune continue à nous defauoriser , attendu que si nous y mourons tous , ce nous sera vne gloire immortelle , & vne sepulture la plus honorable que nous sçaurions souhaiter: car toute la terre en general est le vray lieu ou doyuent estre mis les corps des hommes illustres & magnanimes, la memoire desquels n'est pas conseruée tant seulement par les epitaphes & inscriptions priuées, ains par la renommée d'eux, qui s'estend & publie entre les nations estranges, qui cōsiderēt en leurs esprits plus la grandeur & hauteſſe de leurs courages que ce qui leur est aduenu , veu que la lascheté accompagnée de hôte est plus grieve & desplaisante à vn homme qui a cœur bon & entier , que la mort qui luy suruient par prouëſſe auecque l'esperāce de la gloire publique. Cela me fait croire mes grans amys que pour ne degenerer à vos predecesseurs vous ferez en sorte que le monde recognoistra la grande vertu & constāce qui est en vous & qu'en la mort de vostre Prince n'est pas jointe celle de vous tous . Pourtant je vous prie

prie me dire la deliberation ou vous rendez, afin que fuyuant vostre resolution, j'aduise de mon costé à mettre ordre à ce qui sera necessaire, vous asseurant, en parole de Roy que si je deuois mourir de mille mors, je ne partiray d'icy que je n'aye la fin de mes ennemis, ou eux de moy.

Harangue de l'hermite Nascian au Roy Lisuard l'aduertissant ne s'estre trouué si pres de luy sans grande occasion, & au parsius luy remonstre qu'il ne deuoit tendre à marier sa fille Oriane à l'Empereur, par ce qu'elle estoit couiointe à vn autre, & luy en donne la raison. Et à ce moyen tend à le destourner de son entreprinse de guerre. Au quatrième liure, chapitre 19.

Sire respondit il, vous auez bien raison d'ainsi le penser, car pour certain ma grande vicillese & l'estat ou il a pleu à nostre Seigneur m'appeller long temps a, m'excusent bien de me trouuer entre ce peuple de sang: toutesfois considerant le mal qui pourroit aduenir, si j'eusse differé mō entreprise, je n'ay craint le trauail de ma personne, esperant faire seruice agreable à Dieu, & salutaire à vostre ame. Et entendez, Sire, qu'estans ces jours passez en l'hermitage ou aduventure vous guida lors que vous & moy communi-

municipales ensemble premierement de l'estrange nourriture d'Esplandian , j'ay sçeu l'occasion de la guerre que vousauez commencée contre Amadis & les siens, & neantmoins je suis seur que vous ne pouuez faire ce qu'avez entrepris , qui est de marier madame vostre fille à l'Empereur de Rome , par lequel trop de malheurtez sont desia auenues , non seulement pour n'estre agreable tant aux grâs qu'aux petits de vostre royaume , ainsi que plusieurs fois ils vous ont fait dire : mais pour quelq' autre raison Sire qui vo^e est occulte, & à moy manifeste : à laquelle selon la loy de Dieu vous ne pouuez contredire. C'est que madame Oriane est desia conjointe par mariage à vn autre, que nostre Seigneur a eu agreable , & luy a pleu qu'ainsi fust. Lequel continuant son propos, dit encores : Sire, c'est pourquoy je vous ay dit, que ce qui estoit à vous caché, m'estoit manifeste , ainsi que je vous declareray presentement, car d'autre que de moi ne le pouuez sçauoir. Sire , le propre jour que par vostre commandement je vous fus trouuer en la forest, ou pour donner plus long plaisir de la chasse aux Dames qui estoient avecque vous , auiez fait tendre vos pauillons (je ne sçay s'il vous en souvient) je vous me-

nay le jeune Esplandian, lequel vous presenta la Lyone qui l'auoit alaité du commencement, & ce jour mesmes ouy madame Oriane vostre fille en confession, ou elle me declara qu'elle auoit promis mariage à Amadis de Gaule, au tēps qu'il la deliura des mains d'Arcalaus l'enchanter à qui vous l'auiez liuée, vn peu deuant que la damoyelle par laquelle vous fustes enchanté, mist vostre personne & estats au plus giād danger qu'il estoit possible, dont Galor vous retira: & croyez, Sire, qu'il est vray semblable, que nostre Seigneur ait donné consentement à tel mariage: car Esplandiā en est issu, duquel Vrgande la descogneue à predict les giāds merueilles que vous sçauetz. Et pourtant vous n'en deuez estre desplaisant: mesmes qu'Amadis est fils de Roy, & outie estimé en tous lieux l'vn des meilleurs et plus gracieux cheualiers du monde: parquoy, Sire, je vous conseille qu'en vous monstrāt tel que vous avez tousiours esté vous gardez l'honneur & la conscience de ma dame vostre fille, & que mettant fin à ceste guerre, vous la r'appellez & traictiez desormais comme il est raisonnable, ce faisant nostre Seigneur se contētera de vous, lequel autrement se pourra courroucer par l'effusion de tāt de sang humain, que
sans

sans aucune occasion vous auez faict déjà respandre.

Harangue de Nascian l'Hermitte à Amadis, ou il l'admoneste de remettre toutes ses affaires en Dieu, par le moyen duquel il a euité tant de dangers & perils euidens, & qu'il pourchasse la paix enuers le Roy Lisnard, le plus qu'il pourra Au 4. liure, chap 19.

M On fils auant que vous entendiez la cause qui m'a meü vous venir veoir, je vous veux mettre deuant les yeux les grandes obligations dont vous estes redeuable à nostre Seigneur, à fin que vous soyez desormais plus enclin à faire chose qui luy soit agreable. Je croy que vous auez souuent ouy dire & asseuerer que des premiers iours que vous naquistes, vous fustes abandonné aux ondes de la mer, & mis dedans vne nacelle seul, sans autre garde que de Dieu, par la bonté duquel vous tombastes es mains de tel qui depuis vous a eleué, tant que vous estes paruenü à estre cheualier le plus accompli que lon sçache à present: car nostre Seigneur vous a donné la force de combattre, & à venir au dessus de plusieurs Geants, monstres Tyrants, & bestes tres cruelles, dont vostre renommée s'est estendue, en tous les endroicts de la terre, & puisqu'il vous a pourueu de tant de graces

il est bien raisonnable que vous le recog-
noissiez comme souuerain Seigneur, &
mettez peine de le remercier, vous humi-
liant deuant sa face, autrement toutes ces
faueurs, qu'il vous a prestées, vous tour-
neront en honte & vitupere. Mon fils,
vous me pouuez veoir tât vieil & caducq'
que quasi nature me defaut: toutesfois
je n'ay craint d'entreprendre ce long voy-
age vers vous, pource que j'ay entendu
(estant en mō Hermitage) le discord d'en-
tre vous & le Roy Lisuard, auquel j'ay n'a-
gueres parlé, & trouué tel, que doit estre
vn bon Prince, seruiteur & ministre de
Dieu, & prest, s'il ne tient à vous) d'enten-
dre à la paix, ce que ne deuez refuser, tant
pour le repos de vostre conscience, que de
vostre personne. Et afin que vous ne des-
guisez vostre fantasie, je vous assure que
je scay de vos affaires plus que ne pensez:
car ma dame Oriane m'a diét en confes-
sion le secret de vous deux.

*Responce d'Amadis à Nascian l'Hermitte,
ou il recognoit sa faute, avec promesse d'amendement. Au 4. liure, chap. 19.*

MOn pere, si ie seruois nostre Sei-
neur selon les graces qu'il m'a fai-
tes, ie serois bien le plus heureux
che-

cheualier du monde : mais comme pecheur que ie suis , prefeiant quelquefois mon plaisir à fa gloire , je faux ainsi que les autres hommes faillent, dont il me deplaist, & espere (cognoissant ma faute) faire desormais mieux que je n'ay faict par le passé, vous suppliant treshumblement ne craindre, ou differer me dire , ce que vous verrez que je doy faire pour luy être agreable : car je vous obiray à mon possible.

Harangue de Nascian l'Hermitte au Roy Perion, pere d'Amadis, le sollicitant de procurer la paix. Au 4. liure, chap. 19.

Sire, je vous supplie croire, que ven l'estat ou je suis de long temps appelé, & le grand' aage qui est en moy, je ne sullè sorty de mon bois pour venir entre tant de guerre, n'eust esté que mon retardement eust peu causer vn mal, duquel nostre Seigneur se fust courroucé; non seulement contre vous, & le peuple qui est assemblé en ces deux camps, ains aussi contre mains autres qui ne peuuent mais des discords d'entre vous & le Roy Lisuard, auquel j'en ay desia parlé, & si bien conuerty à la paix, qu'il est prest d'entendre à la receuoir, ainsi que j'ay dit à Amadis vostre fils, qui m'a du tout remis à vous : pourtant je vous supplie Sire, (pre-

ferant vos passions au bien & tranquillité de tant de peuple) ne dedaigner ce qui vous est offert , & que vous mesmes deuiiez pourchasser.

Response du Roy Perion à Nasçian, ou il demenstre la grand' faute commise par le Roy, & que toutes fois en receuant Oriane en sa court, avecq' sa bonne grace, il est prest de faire la paix: aussy. pourueu qu'il ne la marie entre son vouloir. Au mesme chap

MOn pere (respōdit le Roy Perion) Dieu me soit tesmoing du des- plaisir que j'ay eu pour les choses qui se sont passées avec la perte de tāt de gens de bien, & comme volontiers j'eusse prins autre voye , si le Roy Lisuard eust voulu y entendre: mais il s'est mōstré tous jours si haut à la main, que quelque remonstrance que nous luy ayons faict mettre en auant par nos ambassadeurs, specialement pour l'estat de madame Oriane, qu'il vouloit desheriter, il n'en a tenu compte, presumant tant de foy, que par l'ayde de l'Empereur de Rome, il assujettiroit le monde. Au moyen dequoy il a refusé, nō seulement mettre ce differēt en iustice, ains mesprisé d'en ouir parler. Et toutesfois s'il se veut maintenāt soumettre à la raison, je me fie tant des miës, qu'ils suiurōt mon aduis, lequel a tousiours aspiré à ac-
cour-

coursir ces discords, qui ne procedent que par chose à quoy il est obligé par droit de nature enuers son sang: tellement que s'il veut r'appeller ma dame sa fille en sa bonne grace, & ne la marier point à personne si peu agreable, non seulement à son peuple, mais à tous ceux qui le cognoissent, ou en oyent parler, nous la luy rendrons, demeurants ses bons amis, s'il en a enuie, ou tels qu'il voudra.

Harangue du Roy Perion, aux principaux de son armée, ou il leur recite les propos de Nascian: Et qu'i's n'oyent pas si affectez à la guerre, qu'i's ne procurent la paix, si elle se peut obtenir, Et leur donne les moyens de l'auoir.
Au mesm' liure, chap. 19.

Messieurs & grands amis, tout ainsi que no^s sommes tenus de mettre nos biens & persones en danger, non seulement pour la defense de nostre honneur, ains aussi à maintenir l'equité & iustice, aussi sommes nous obligez de postposer toute passion & haine, pour nous reconcilier avecq' nostre ennemy, quand de luy mesmes il presente la paix. Car encores que du commencement la guerre se puisse conduire sans offencer Dieu, toutesfois à la fin si par fantasie & peu de cognoissance nous esloignons de raison, ce qu'au premier est raisonnable.

se conuertist en iniustice. Et n'estimez que sans cause je vous tienne tel propos. Nascian le sainct homme (cogneur de la plus part de vous) est venu n'a gueres vers moy, comme auez peu voit, pour essayer de mettre quelque paix entre nous & nos ennemis, à quoy le Roy Lisuard est prest d'entendre, s'il ne tient à nous: & neantmoins je n'ay voulu luy donner aucune resolution, sans premier entendre vos deliberations: car il me semble raisonnable, que tout ainsi que vous vous estes faicts participans aux travaux, que vous lesoiez aussi au bien du repos & tranquillité: & pourtant je vous prie que sans dissimulation chacun de vous die ce qu'il aduifera pour le meilleur, puis Dieu nous conseillera au surplus. Quant à moy, suyuant l'aduis que m'a donné Nascian, je trouuerois bon que nous eslussions deux cheualiers des nostres, ausquels nous donnerons toute puissance pour determiner avecq^e les deux autres que nommera le Roy Lisuard de tous les differens, pour lesquels ceste guerre a prins commencement, combien que je ne vueille seul estre creu en ce cas: mais suyure l'aduis que vous trouuerez propie pour le bien de nous tous ensemble.

Ref.

Responſe d'Angriette d'Eſtraux au Roy Perion, qui le loue de ſon bon conſeil, que ſuyuant iceluy, il ſera plus raiſonnable d'acquiescer paix que ſouſtenir le danger de la guerre. Au meſme liure, chapitre 19.

Sire (reſpondit il) vous auez eſté eſleu ſchef de ceſte entrepriſe, tant pour la dignité de Roy, qui eſt en vous, que pour l'eſtime & faueur que chaſcun vous porte: au moyen dequoy vous pouuez reſoudre des affaires de ceſte guerre, ainſy que bon vous ſemblera.

Toutes-fois puis qu'il vous plaist que ie die premier mon aduiſ, il me ſemble (ſoubs correction) que ſi la paix nous eſt offerte par noſtre ennemy, que nous la deuons accepter: car elle ne peut venir à preſent, qu'à noſtre aduantage, ayant non ſeulement le deſſus de luy, mais madame Oriane encores en noſtre uiſſance, pour laquelle nous auons mis ceſte armée aux champs. Et quant au regard de nommer deux de nos compagnons, pour accorder (comme vous dictes) de tous differents, ie n'en cognois point de plus propres en ceſt affaire, que les Seigneurs Quedragant & Brian de Moniaſte, qui eurent au commencement quaſi ſemblable charge, lors qu'ils furent en la grand' Bretagne nous excuſer enuers le Roy Liſuard de l'arreſt

qu'auons fait à sa fille, la tirant hors du pouuoir des Romains: & croy qu'ils prendront volontiers ceste peine de paracheuer, s'ils en font priez.

Arquifil interrogué par le Roy Lisuard de sa deliberation, respond qu'il est prest de luy obeir avecq' ses compagnons, Et que tout s'ois il sera plus expedit de pourchasser la paix que la guerre. Au mesme liure, chap. 20.

Monsieur (respondit il) si l'Empereur viuoit aujourd'huy, nous qui estions ses vassaux, serions cōtrains le seruir en la guerre comme en la paix: mais estāt mort comme il est, avecq' la fin de sa vie est fini le pouuoir qu'il auoit de nous commander: & toutesfois nous ferons pour vous à present comme pour luy, en sorte q' vostre seruice (quand à nous) ne sera aucunement retarde, tant que vous trouuerez bon nous employer. Neantmoins si le Roy Perion veut entendre à la paix, je croy que ceux qui aiment vostre honneur (ainsi qu'ils doiuent) vous conseillerōt tousiours de l'accepter, pour ueu qu'elle ne vous soit trop dommageable, vous pouuez cognoistre à veüe d'œil que fortune n'est à present des vostres, & qu'à la longue nous aurons (peut estre) encores pis qu'au precedent.

Reso-

Resolution du Roy de Suesse sur le precedent propos, ayant pour resolu que le bien de paix, est a preferer aux travaux de la guerre. Au mesme liure, chap. 20.

Monsieur (dit le Roy de Suesse) si la paix se peut traicter avecq' vostre ennemy, je vous conseille de ne la refuser, veu que la plus part de vos gens sont naurez, les autres malades & creus : à tout le moins faictes vne bien longue trefue, durant laquelle vous vous pourrez renforcer, puis recommencer apres si bon vous semble.

Response du Roy Lisnard au Roy de Suesse, par laquelle il declare qu'il ne desire que paix & promet enuoyer gens pour ce faire: au quatrième liure, chap. 20.

Sil m'est possible, respondit le Roy, nous ne serons pas en ceste peine: car le Roy Perion a de sa part esleu deux de ses cheualiers pour accorder nos differents, & j'en nommeray deux autres qui seront vous, dit-il au Roy Arban de Nor-gales, & Guillan le Pensif, qui entēdez les choses comme elles se sont passées, pour y auoir tousiours esté presens. Ce pendāt je renuoiray Nascian vers le Roy Perion, luy prier qu'il face retourner son camp d'une journée plus arriere, & nous autres prendrons le chemin de la ville de Lu

banye, tandis que le pour parler de la paix durera.

Le Roy Lisuard parlant de l'entreprise du Roy Aruaigne par le moyen d'Arcalaus, reproche la meschanceté d'Arcalaus qui prouoque à faire mal les autres. Au quatriesme liure, chap. 23.

Cela aduient souuent (respondit le Roy Lisuard,) aux meschans comme luy lesquels s'enhardissent à faire mal, & y prennent tout plaisir, trouuans le commencement doux, & aisé, à l'instigatiō du diable, qui leur oste la cognoissance du deshōneur qui leur en peut aduenir, auecq' vne si miserable vie qu'à la longue, la mort leur est plus agreable que le viure ainsi qu'Arcalaus peut esprouuer, se trouuant maintenant en la puissance de ses plus grans ennemis, seruant d'exemple à tous autres entachez de vice semblable.

Amadis parlant à Arcalaus prisonnier qui demandoit misericorde, luy dit qu'il ne merite pardon, veu qu'à luy mesme ne la veut faire: Et toutesfois en se repentant, Et renoncant au mal, promet de luy pardonner. Au quatriesme liure, chap. 23.

Misericorde (dit Amadis) je ne sçay comme tu veux que je te la donne, veu que toi-mesme ne la peuc onc

oncques donner à toy-mesmes : car s'ain-
si fuit, tu eusses mis fin (long temps a) à
tāt de cruantez que tu as exercées. Neant
moins si tu te veux repentir, & de bon
cœur me promettre de plus ny retourner
je te feray pardon.

*Response d'Arca'aus à Amadis, qui dit que
son naturel ne peut s'encliner à se repentir si la
nécessité ou il est ne l'y contraint. Au quatriè-
me liure, chap. 23.*

IE pense (respondit-il) qu'il me seroit
trop difficile, voire impossible : car la
coustume a sceu tellement me vain-
cre, & accoustumer à prēdre plaisir de fai-
re mal, que je ne pourrois maintenant
m'adonner à bien : mais nécessité qui est
le frain dur & rigoureux, pour transmuier
toute coustume mauuaise en vertueuse,
contraindia parauenture mes ans vieux
(voyant l'estat ou je suis) d'auoir en eux
ce que ma jeunesse & liberté ont desdaig-
né de fait & de vouloir.

*Arca'aus continuant son dire luy, mettane
deuant les yeux le Roy Arauigne, le prie d'e-
stre bienueole enuers les pauvres affligez, qui
tombent quelque fois au pouuoir de leurs enne-
mis, & qu'il ne se glorifie trop en sa bonne for-
tune. Au 4. liure, chap. 23.*

IE te prie Amadis contemple ce Roy
mal-heureux, lequel estoit n'agueres
prest

prest d'estre l'un des grands Princes du monde, & en vn moment la mesme fortune, qui se monstroit luy estre amiable, l'a abbatu & ruiné du tout, à quoy tu dois bien auoir esgard : Car toy & tous autres qui aspirent es plus grandes choses, sont sujets à semblables defaveurs. Et pource que le vaincre & pardonner sont communemēt familiers des cœurs nobles & magnanimes, fais nous à present tout tel traitemēt, que tu voudrois receuoir de nous tenant le lieu que nous tenons, à ce que tu n'en ayes reproche à l'aduenir.

Harangue d'Amadis, aux Romains qui estoient captifs, sur le traité de la paix. Au 4. liure, chap. 23.

Messieurs, il n'est pas que n'ayez desia sceu la fin qu'à prins la guerre esmeuë es pays de par deça, par le moyen de laquelle quasi tous les Princes Occidentaux, & la pluspart de ceux du Leuant estoient en armes : & pource que nous sommes maintenant sur les termes d'une paix perpetuelle, il m'a semblé raisonnable, que nonobstant que soyez mes prisonniers, rien ne se doie conclure sans vous en communiquer : & tant pour ceste occasion vous ay-je fait venir, qu'aussi pour vous prier qu'en ma faueur vous trouuez bon d'eslire & accepter Arquisil

qu'il, pour vostre Empereur: car outre ce qu'il ne se trouuera (comme j'ay entendu) autre plus proche pour paruenir à l'empire que luy, je sçay qu'il merite, & pour ceste raison, vous en prie-je plus affectueusement. Ce faisant vous vous appresterez deux grans biens: le premier appellant au gouuernement de si excellente monarchie vn Prince sage, prudent, & vertueux, pour biē la conseruer & vous traicter doucement & amiablement: l'autre, que pour l'amour de luy je vous donneray (auecq' liberté) la rançon que j'aurois de vous, demourant outre tant que je viuray vostre amy particulier. Or aduisez doncq' quelle responce vous me donnerez, à fin que de ma part j'aduise a pres comme je me deuray porter aussi enuers vous.

Responce de Brandaiel le plus ancien des Romains à Amadis, qui luy declare estre prest d'obeir à son vouloir, & qu'en conseruant de l'affaire à Flamian, pourueu qu'il ait liberté de ce faire: & aux autres Romains, il s'assure que tout se rapportera au vouloir d'Amadis. Au quatriém. liure, chap. 23.

Monsieur, il est vray que nous sommes vos prisonniers, & cognoissons tres-bien l'honneur que vous nous faites, & le bon traictement que

que nous auōs eu de vous depuis le jour que nous arriuasmes en l'isle ferme : parquoy je respondray asseuremēt pour mes cōpagneons, qu'il n'y a celuy d'entre nous qui ne s'employast tresvolontiers à vous faire seruicē. Mais nous ne sçaurions resoudre ce que pourchassēz pour le Seigneur Arquifil, premier que d'en parler à Flamien, & autres Capitaines Romains, qui sont en ceste armée : à ceste cause no^s vous suppliōs permettre que leur en conferions, vous jurans que de nostre party tiendrons la main en sorte que vostre vouldoir sera du tout satisfait.

Harangue du Roy Lisuard à Amadis son gendre, l'aduertissant de louer Dieu, pour la faueur qu'il luy a portée en ses grans affaires: Et qu'il ait à récompenser ceux qui ont exposé leurs personnes Et biens, pour le secourir en ses plus grandes affaires. Et aussi qu'il ait memoire des Dames qui ont tousiours accompagné Oriane, Et icelle consolée. Au quatrième liure chapitre 25.

MOn fils, puis qu'il a pleu à Dieu qu'auecq' tant d'honneur vous ayez mis fin à vos querelles, il faut que la gloire luy en soit du tout referée, & que tant que viurez vous en sachez grē à vos amys, lesquels pour vous secourir en tel besoin, n'ont espargné leur
pro-

propre vie, qui vous oblige à les aymer & honorer & outre à les recompenser le mieux qu'il vous sera possible, attendu que sans l'ayde qu'ils vous ont faite, il est certain q̄ vous eussiez esté en grād brâsse de perdre non seulement la vie: mais l'honneur, que j'estime cent fois plus. Et pour tāt il est raisonnable que tout ainsi qu'ils ont esté participans aux perils & dangers qu'à present ils le soyent aussi aux plaisirs & contentemēs que vous avez receuz par leur moyen. Ainsi doncques aduisez à les favoriser en tout ce que cognoistrez qu'ils sont affectionnez, leur distribuant le butin qui est entre vos mains, tenant prisonniers les Roys Arauigne, Barfinan, & autres. Et outre faire tant pour ceux que cognoissiez pretendans aux Dames, qui sont en la compagnie d'Oriane, qu'ils ayent semblable contentement que vous avez, espousant celles qu'ils ayment: & à ceste cause je mets entre vos mains vostre sœur Melicie, pour la donner à celuy que vous estimerez la meriter, vous avez aussi vostre cousine Mabile, la Royne Briolanie, qui vous a tant obligé à elle, Grasinde, & la Royne Sardamire, qui toutes ont eu bonne part aux ennuis d'Oriane: il me semble qu'elles se doyuent sentir de son oysc & auancement, ie les vous recommande

mande, vous assurant que le plus grand plaisir que je pourrois auoir en mesvieux ans, est que voz freres Galaor, & Florestā soyent mariez, à fin de me voir auant mourir, reuiure en eux par la lignée de vous tous. Et pourtant je vous prie aduiser à ce que je vous ay dit, & plustost que vous pourrez.

Harangue d'Amadis à ses compagnons, leur offrant recompense de leur travaux en duree, à la guerre pour l'amour de luy. au quatriesme liure, chap. 25.

MEs compagnons & amys, les grans travaux & fatigues passées que vous avez soustenus en ceste derniere guerre, meritent bien que maintenant vous donnez plaisir & repos à voz espritz, & que pour l'obligation que j'ay à vous, j'essaye par tous moyens à vous faire auoir ce que je cognoistray vous estre plus affectionné, tout ainsy que par le bon secours que m'avez donné, j'ay ataint la chose que j'ayme mieux en ce monde, qui est ma Dame Oriane: Aussi doncques je vous prie de bien bon cœur, que chacun declare tout presentement s'il pretent à Dames ou Damoyelles, de celles qui sont icy, vous assurant en foy de Cheualier, de faire tant enuers elles qu'au cōtenteuēt de leurs amis, elles
me

me croirôt de ce que je les supplieray. Et au surplus, vous sçavez cōme le Roy Arauigne, Barlinā, & plusieurs autres nos prisonniers, postposant la vertu, à quoy les obligeoit l'ordre de cheualerie ont exercé (tant qu'ils ont eu moyen) tyrannie: au moyen dequoy ils ne sont dignes d'aucune rançon, ains grandement punissables, pour la grauité de leurs trahisons. Et pourtant il me semble que deuez aduiser à de partir leurs biens entre vous. Quant à moy j'en quitte ma part, me tenant trop plus que satisfait si je puis auoir moyen de vous faire particulieremet plaisir ou seruice, qui vous soit agreable.

Ha angue de Bruneo de bonne Mer, aux Citoyens de la ville en laquelle la Roine de Daro l'auoit mené pour secourir, les admanestant de tenir bon pour la iuste querelle de leur Prince, à l'encontre de son ennemy. A: quatrième liure, chap. 27.

SEigneurs Citoyēs, l'amour que vous nōstrez à ce jeune Prince vostre droiturier Seigneur, l'oblige grandement à vous vouloir bien tant qu'il viura, & la fiance aussi qu'il a en vous, vous doit esmouuoir à l'honneur, vous le voyez jeune, & avecq' peu de moyen pour chasser son ennemy hors de vos limites, lequel (comme vous sçavez) meurdrit en

trahison le feu Roy vostre bon Prince , & depuis pensant vsurper son Royaume assiegea la principale cité , & la tient encores si de pres, que sans vostre ayde elle est en danger de succumber & venir en ruine, avecq' les gens de bien & bons cheualiers qui sont dedans, parquoy Seigneurs citoyens, maintenant que l'occasion s'offre d'elle-mesmes , par le retour de la Roynne vostre bonne maistresse : qui a amené quand & elle trois cheualiers de l'isle Ferme (dont je suis l'un) deliberez vous de venger l'iniure qu'avez receuë par le traistre, & faire tant que voz Seigneurs liges puissent estre remis en leurs terres, vous assurant si me voulez s'uyure , que j'auray moyen de surprendre luy & son armée, & le deffaire par la faueur que nous aurons de mes compagnons qui sont dedans la ville, lesquels ne faudront à sortir aussi tost qu'ils verront le signal que ie leur donneray.

Harangue d'Amadis à Dragonis, luy promettant en faueur des travaux passez, faire tomber en ses mains le royaume de la profonde isle, & accorder le mariage d'entre luy & Esloilleite. Au 4. liure, chap. 29.

MOn cousin, depuis que vous nous laissastes , nous auons fait plusieurs mariages des principauz che-

cheualiers qui sont icy, avecq' celles auxquelles ils aspiroyent de long temps: Et outre, par l'aduis de tous, les pays du Roy Arauigne, Barfinan, & d'autres nos prisonniers ont esté departis: & pour vostre absence auez esté mis en obly: mais Dieu y a pourueu, ainsi que vous entendrez. L'ay presentement esté aduertty par vn Escuyer, que depuis nostre partement de Lubanie, le Roy de la profonde Isle (qui auoit esté nauré) est mort sur la mer peu de jours apres qu'il s'est embarqué, pensant se retirer: & à ceste cause je vous feray tomber és mains son Royaume, & si aurez par mesme moien Estoillette à femme, que vous auez aymée de long temps & à bon droit, estant belle, sage, & vertueuse Princeſſe, yſſue de Roy des deux costez, & autant aymée d'Oriane qu'autre que je ſçache. Il me semble que (pour vostre contentement) l'on ne vous ſçauroit mieux ſatisfaire qu'en vous faiſant jouyſſant de ce que vous aimez & eſtimez plus que vous meſmes.

Complainte de Dariolette pour Amadis qui estoit aſſiegé de toutes pars, a l'occasion d'elle.

Au 4. liure, chap. 34.

HElas chetive & infortunée que je ſuis! faut il qu'à mō occasion meure le meilleur cheualier du monde?

de? comme oseray-je desormais comparaistre deuât le Roy son pere, & la Roynne ou aucuns de ses amys, sçachans le mal que je luy ay pourchassé? Ah! ah! malheureuse, & plus mal-heueuse que ne pourrois dire, si quelque fois je fus moyen de luy sauuer la vie par l'inuention du berceau ou je le mis, lors qu'il fut abandonné à la mercy des vagues, maintenant tout au contraire je luy ay auancé la fin de ses iours, quand plus j'esperois auoir d'ayde & support de luy. Helas! auois-je pas l'entendement bien esgaré à l'heure que le trouuay le long de la marine, ne luy voulant permettre retourner seulement jusques au chasteau d'Apolidō prendre congé de madame Oriane, d'ou il eust peu amener quelques autres Cheualiers, desquels il auroit maintenant support? Mais quoy? qui en doit receuoir punitiō sinon moy trop haye de bon heur? & qui ay fait vn tour de femme legiere & trop mal preuoyante.

Balam redarguant son fils Brauon de trahison & la chet. de ce que contre la promesse de son pere il tenoit Amadis assié. Au quatriéme liure, chap. 34.

PAillard infame, as tu bien osé faucher ma parolle en chose que j'aye promise. Meschant que tu es, quel honneur

neur ou quel gaing te peut il succeder du lasche tour que tu as fait ? veu qu'il n'étoit en ton pouuoir reuoquer ma vie, si la mort m'eust appelé, & moins t'excuser de trahison, paracheuant ce que tu as commencé si imprudemment contre le cheualier, qui est entré en ma terre sur la feureté de ma foy ? As tu jusques icy ignoré qu'onques pour chose qui m'auint je fisse iniure à ma promesse ? ains l'ay obseruée à mon pouuoir, l'estimât plus que toy, ou que ma vie propre. Foy que je doy à Dieu peu s'en faut que je ne te face pendre aux carreaux de ceste place, pour estre exemple aux meschans comme toy, ennemis de verité & de vertu. Prenez, prenez moy le paillard, & luy liez les pieds & les mains, puis que l'on le porte au cheualier, luy disant de par moy que je luy enuoye le traittie qui l'a offensé, & moy encores plus, & que je luy supplie d'en prendre pour nous deux la vengeance qu'il a meritée.

Harague de Balā aux principaux de l'armée, se presentant de la part d'Amadis, re:ognoissant qu'injustement il auoit voulu prendre les armes cōtre luy, au quatrième liure, chap. 37.

MESIEURS, si vous eshahissez de mō armée vers vous tant à l'impourueu, moy-mesme suis-je esmerueillé

rée de tant de peuples, & sur tout mariée à vn puissant & vertueux Roy, en vn seul moment me le faisant perdre, tu m'as osté tout le surplus & honneur de mon bien, veu que de luy seul despend ma joye, mō honneur & ma vie: & par tant je cognois bien que tu t'esbats à me faire payer l'interest de mes plaisirs que tu m'as autresfois prestez. Mais pourquoy me plains je de toy, ayant de si long temps apperceu & cognu, que c'est ta façon de faire? au soit la mort mettra fin à tout ce que tu sçauois inuenter pour me nuire, & ayant celle esperance, je me conforteray, & auray la victoire de toy-mesmes.

Consolation de Grumdan à la Roync Brisen trop desolortée pour la perte du Roy Lisuard, l'aduertissant que fortune a deux filles, l'une bonne & l'autre mauuaise. Au quatrième liure, chap. 38.

SVI ma foy madame, vous auez tort de prendre ainsi les choses au pis, veu que je vous ay ouy cent fois reciter, que la vertu de prudēce ne peut estre cognue en la personne, sinon d'autant qu'elle est sollicitée d'ennuy & d'affliction: ainsi donques le conseil que vous souliez donner aux autres, vous est maintenant plus que necessaire. Est-ce du jourd'huy que vo^s sçauiez fortune auoir deux filles, l'une
I
appel-

appellée par plusieurs bonne, & l'autre mauuaife? Si la bonne vous a accompagnée jusques à l'heure presente, & que la mauuaife vous visite en son lieu, armez vous (comme Princeſſe vertueuſe) des armes de conſtance & prudence pour vous défendre contre elle, & vous verrez qu'elle ſ'ennuyra de vous ſuyre & vous abandonnera: autrement je preuoy deux accidens prochains & irreparables en voſtre endroit, l'vn de la peidition de vous-mesmes, & l'autre de celle du Roy, ſi à ſon retour il vous trouuoit morte. De dire qu'il ſoit perdu, ce ſont parolles: car il ne peut eſtre ſi caché qu'il ne ſoit veu, que l'on en ait bien toſt nouuelles, ſoit en ce pays ou ailleurs, ou ſa priſon & captiuité ne pourra eſtre ſi forte, que par l'ayde de vos ſubiets, & la faueur de vos amis & alliez, il ne ſoit deliuré, & bien toſt ſi Dieu plaift. Et par ainſi je vous ſupplie, madame, que laiſſant à part les choſes qui vous ſont plus dommageables, vous vous reparez de nouueau conſeil & confort pour paruenir à ce qui ſera neceſſaire en ce regard.

Lettre de la Royne Briſcne à Amadis, l'e priant de ſecourir le Roy Liſuard, qui eſtoit priſonnier. Au quatrieme liure, chap. 38.

Mon-

M Onseigneur mon fils, si par le passé l'estat du Roy Lisuard vostre pere a esté defendu & augmenté par vostre moyen, il est mieux saison que jamais de vous employer (voyant la ruine qui luy est appareillée) pour le garder & conseruer en son entier, car puis quelque temps aucuns de ses ennemis (comme il est vray semblable) l'ont emmené & emprisonné sans que nul de nous puisse sçauoir ou, ny pourquoy: qui me fait estimer, que sans occasion de plus grande entreprinse, ils ont premeditée ceste trahison. Et poui autant que la chose vous touche (apres moy) plus qu'à nul autre, je vous ay bien voulu aduertir par Brandoymas present pourceur, qui a le tout veu & entendu: & lequel vous dira l'enuy & fascherie ou je suis mienx que je ne le vous sçauois escrire: parquoy je vous prie le croire comme moy-mêmes, & aduiser au surplus.

Vrgande reconforte Oriane fort faschée pour la perie du Roy Lisuard son pere qui estoit captif, l'exhortant à patience, & à remettre le tout en Dieu. Au 4. liur. chap. 38.

M Adame (respondit Vrgande) je vous prie ne vous desconforter ainsi: ne sçaez vous que tât plus les personnes sont appellées es grands estats

estats, tāt plus sont elles sujetes à receuoir les grandes tribulations ? car encores que nous soyons tous d'une mesme masse, tous obligez aux vices & passions egaux à la mort, le Seigneur tout puissant nous à faits diuers en biens de ce monde, aux vns donnant auctorité, aux autres le vasselage & suiection : aux vns poreté & misere, aux autres abondance & prosperité, le tout comme il luy plaist : Et pourtant, madame, compassant les grans biēs que vous auez eus avec le mal & ennuy ou vous estes : la douleur & tristesse avecques vos plaisirs & passe-temps passez, vous n'aurez cause de tant vous plaindre, ains deuez remercier nostre Seigneur estant tel son plaisir. Quant au Roy vostre pere je scauois de long temps ce qui luy estoit à aduenir, toutes-fois je n'y pouuois mettre remede : car ainsi estoit il ordonné de la prescience de Dieu, lequel permettra (avecque le temps) qu'il retournera en ses pays autant content qu'il fut onques.

Complainte de Matroco, sur le corps d'Arcalaüs son oncle, qui Amadis auoit occis. Au cinquiesme liure, chap. 5.



Elas Arcalaüs mon bon oncle, que tant m'est dure la perte de vous, en quelque lieu qu'elle m'eust sceu aduenir: & par plus forte raison en celuy mien chasteau ou je pësois vous faire bonne chere longuement. Helas faloit-il apres auoir passé en la fleur de vostre aage tant de rencontres dangereuses, & perils infinis, venir sur la fin de vos ans vieux receuoir vne telle mort en ma maison, que j'estimois la seureté, non seulement de vous & de moy, ains de tous mes parens & amis: Dieux immortels! quelle vengeance pourray-je jamais prendre du traistre qui m'a si fort offensé: veu que le faire mourir cent-fois le jour est moins quë rien, au respect du mal qu'il m'a pourchassé. Au moins si c'estoit Amadis de Gaule tât renommé entre les hommes, ou aucuns de ses deux freres, ou bië tous trois ensemble: mon dueil pourroit auoir quelque relasche, pour le mal que leur ferois souffrir. Mais quoy! force m'est de combattre vn qui par raison, & veu l'effort qu'il a fait tout le jour, se doit desia estimer vaincu. Quelle gloire donc-

ques pourray-je rapporter de sa victoire ? Certes toute telle que si je combattois vne simple femme debile comme elle est de nature. Et par ainsi luy indigne de ma presence augmentera en gloire s'il aduient que je face seulement contenance de le vouloir outrager. Toutesfois aduienne ce qui en pourra aduenir, à mon honneur, ou autrement, il faut qu'il meure.

Harangue d'Esplandian à ses gens estans en la montaigne defendue, combatans le Roy Armato pour les animer a combattre vertueusement, attendu que c'est pour la gloire & liberte du nom Chrestien. Au cinquiesme livre, chapitre 26.

MEs amys, nous ne sommes presentement entre les aduentures de la grande Bretaigne, ou les combats se font plus par fantasie ou vaine gloire, que pour iuste occasion: mais ceste guerre que nous faisons contre les propres ennemis de nostre foy nous appelle non seulement à faire nostre deuoir ains à defendre l'honneur & liberte du nom Chrestien. Et partant je vous supplie (mes compagnons) que chascun de nous se delibere jeter crainte arriere & preferer la vertu à tout inconuenient qui nous pourroit suruenir, vous assurant
si nous

(si nous faisons ainsi) qu'auant qu'il soit jour, le Roy Armato & son aimée sentira bien que nous ne sommes pas si endormis qu'ils pensoient.

Harangue du Roy Lisuard à ses vassaux & amis, leur remonstrant les biens & plaisirs qu'il a receu d'Amadis, & qu'à ceste raison il luy cède sa Couronne, son Sceptre & le droit de son Royaume, & qu'à ceste occasion ils luy soyent fideles & loyaux vassaux. Au cinquiesme liure, chap. 28.

MEs bons vassaux & mes amis, premier que vous faire entédre pour quoy je vous ay mandé assémbler, je vous veux ramenteuoir partie des fortunes & dangers ou je me suis trouué depuis la mort de mō frere le feu Roy Falangris, & qu'il pleut à nostre Seigneur m'appeller au gouuernement de vous & de ce Royaume, auquel (comme je pense) y a encores maints viuans qui se pourroyent bien souuenir du danger, ou moy & mes pays cuydasmes tomber quand par le moyen & subtilité d'Arcalaüs l'enchanter je fus mis au pouuoir de ceux qui long temps auparauāt auoyent conspiré ma mort, dont mon fils Amadis me deliura. Et neantmoins quelq tēps apres (mal cōseillé, je luy menay forte & dure guerre, laquelle appaisée ainsi que chascun sçait)

fortune enuieuse de mon repos, m'appresta depuis vn tel banquet, que sans luy mesmes j'estois prisonnier du Roy Arauigne, & perdu pour jamais. Et ce qui m'a encoires plus estonné à l'heure que je m'estimois certainemēt hors de tous tels malheurs, vn pire que les autres m'est aduenu, lequel je pensois bien, considéré le lieu ou je fus mené, estre la consommation de mes ennuis, & de ma vie ensemble. Toutesfois nostre Seigneur me regardant en pitié adressa mon petit fils Esplandian en ma triste prison, d'ou il m'a deliuré, ainsi que vous tous auez peu estre aduertis. Or me voyez vous vieil & tout blanc, ayant desia atteint l'an septantiesime de mon aage, qui me fait penser estre désormais saison que j'oublie les choses du monde pour retourner à Dieu, qui m'a tant obligé à luy. Et pour ceste cause ay deliberé vous laisser désormais pour vostre Roy mon fils Amadis, auquel des à present je cede ma Couronne, mon Sceptre, & le droit que j'ay en ce Royaume, vous prians tous autant qu'il m'est possible, que d'icy en auant vous luy soyez fideles & obeissans comme vous m'auiez esté. Et combien qu'il soit mary de ma fille, si je le cognoissois indigne de vous, croyez (mes amys) que plustost euf

se je esleu (pour me succeder) vn qui m'eust esté moins que luy. Mais il n'y a ce-
luy de vous qui ignore ses merites , & la
lignée dont il est descendu , qui se peut
nommer aujourd'huy l'une des plus no-
bles & heuteuses de tout le monde, com-
me descendue des Troyens , dont la me-
moire ne perira jamais. Il est fils du Roy,
heritier du Royaume de Gaule , & à pre-
sent vostre Prince & Seigneur. Je le vous
laisse, avecq' ma fille vostre Royne & Prin-
cesse legitime , sans retenir pour moy au-
tre chose , que le seul chasteau de Mire-
fleur , ou (Dieu aydant) la Royne & moy
finirons nos jours religieusement , ser-
uans nostre Seigneur comme nous som-
mes tenus.

*Harangue de Cormellie à Esp'land'ian , qui
estoit fort estonné de ce que luy mandoit Leonor-
rin, l'aduisant qu'il ne doit prendre en mau-
uaise part la responce qu'auoit faicte Leonori-
ne, à son pere, & que la dissimulation de l'a-
mour des Dames, ne se doit prendre comme re-
fus, d'autant que ce signifie le plus souuent par
faicte & entiere amitié. Au cinquiesme liure
chapitre 33.*

COMMENT! monsieur, vous estonnez
vous de si peu? Par mon ame je cog-
nois bien maintenāt que l'affectiō
& amour des hommes est bien differente

aux passions que nous autres simples femelles endurons quād nous tombōs en ceste extremité, & sçavez vous en quoy ? Vous hommes prenez cōmunement plaisir à manifester ce que vous aimez, soit par parolles ou par contenance : & bien souuent feignez dauantage qu'il n'y à, & (qui pis est) tant plus la dame, ou damoiselle aymée est de maison ou de grand merite : d'autant plus vous prenez de gloire, qu'on cognoisse que non seulement vous luy portez affection : mais que vous estes aimez & bien voulus d'elles sur tous autres, qui est bien le contraire du naturel des femmes (j'entens celles qui se peuuent nommer sages & prudentes) car tant plus elles sont hautement aparentées, & plus ont de crainte que lon apperçoie leurs passions amoureuses, de sorte qu'elles nient ordinairement de parolles, de gestes & de contenance ce qu'elles ont plus imprimé en leur cœur & esprit. Et non sans cause, attendu que ce qui vous tourne à loiiange (comme vous estimez, qui est vostre amour manifestée) leur apporte vne certaine tache à leur honneur, que bien souuent elles ne peuuent puis apres effacer. Par ainsi doncq', il est plus que nécessaire d'observer en nous ceste modestie & constance (non que je me vueil-

le

le reſtraindre ſoubs ceſté loy) veu que toute ma gloire & felicité deſpend de vous, tellement que je ne deſire plus grãd bien en ce monde, que l'amour & ſeruitude que je vous porte ſoit publiée en tous endroits, afin que ceux qui auront cognoiſſance de voſtre grand' valeur & de mon peu de merite, apprennent l'heur qui eſt en moy, pour eſtre voſtre comme je ſuis. Ainſi monſieur il me ſemble que vous devez prendre en bonne part, & grandemēt à voſtre avantage, les propos que vous eſcrit Gaſtilles auoir eſté tenus de par madame Leonorine, & en la preſence de l'Empereur: car je vous reſponds ſur mō honneur, que vos deux affections ſont reciproques, & à treſſagement parlé, vſant de telle diſſimulation. Je ne dy pas qu'elle n'ait quelque occaſion de ſe meſcontenter, veu les parolés que je luy ay autrefois portées de voſtre part: mais cela eſt ayſé à rabiller. Et quand l'amitié qu'elle vous porte de ſi long temps ſeroit deſchirée du tout, (ce que je ne penſe) ne plus ne moins qu'un arc rompu & reſſoudé eſt plus ferme au lieu de la ſoudure qu'à nul autre endroit: auſſi vous préſent, & en ſa cōpagnie, rafſemblez ce que vous trouuez eſſé: & la rēdrez plus voſtre qu'elle ne fut oncques. Et partant je vous con-

seille qu'en luy obeissant, vous alliez vers elle, & des demain s'il vous est possible.

Lettre du Roy des Turcs, Armato, à tous les Princes d'Orient, leur commandant d'assembler leurs forces, pour chasser les Chrestiens de ses limites, & pour conquerir l'Empire de Constantinople. Au cinquiesme liure, chap. 43.

Armato par la prescience de nos dieux immortels ayant le gouuernemēt du grand Royaume de Turquie, frōtiere & bouleuart de la loy Payenne, à tous les Califfes, Rois, Soudans, admiraux & gouuerneurs des pays qui sont es parties d'Orient salut. Au retour de la prison, dont nous sommes deliurez maintenant, il m'a semblé bon vous faire entendre, comme puis n'agueres, est sorty du Septentrion & venu en ces marches, vn cheualier descendu, comme l'on dit, de la lignée de Brutus le Troyen, auquel nos Dieux ont permis, pour nos iniustices, comme il est vray-semblable, conquerir la montagne defenduë, mettant à mort Matroco & Furio, deux cheualiers estimez entre les meilleurs de tout l'oriēt. Et qui pis est, s'augmentant de jour en jour le nombre des Chrestiens, s'efforcent exterminer & suuertir nostre sainte loy: pour à quoy obuier, auions prins les armes, & mis sur vne forte & puissante armée,

mée, pensans pour le moins les chasser de nos limites. Toutesfois apres auoir tenu longuement le siege deuant la montagne Defendue, & reduict en telle extremité ceux de dedans, qu'ils n'auoyent plus nuls viures, celuy duquel tous nous doutons le plus, premier entrepreneur de ceste guerre, trouua moyen soubs la faueur d'un paillard qui fut nostre, appellé Frandolo, d'entrer dedans, & nous surprendre par cautelle. En sorte que demourât nostre armée deffaicte, demourasmes aussi prisonniers en leurs mains, ou ils nous ont gardé estroittement par l'espace quasi d'un an entier, durant lequel tombant nos affaires de mal en pis, se sont saisis par trahison ou d'emblée, des ports d'Alfarin, & de Galatie, les deux meilleurs de nostre Royaume. Ce qu'ils n'eussent jamais entrepris, sans le secours que leur a faict le traistre & desloyal Empereur de Constantinople: qui pour le secourir & favoriser, a rompu laschement les treues que nous auions ensemble. Et maintenant leue tant de gens, que sans l'ayde de vous autres nous sommes comme vous sçaez, frontiere & rempart de vous tous. Pourtant nous vous prions, & admonestons en nos dieux, que tant pour la defense de nostre loy, que pour l'vtilité de

tout le pays du Leuant, vous assemblez vos forces en si grand nombre, que nous puissions chasser ces Chrestiens de nos limites, & conquerir l'Empire de Constantinople, jusques es pays de Gaule, & de la grand' Bretaine, qui nous sera aisé & profitable.

Lettre d'Esplandian à l'Empereur de Rome luy remonstrant de la grande armée des potentats infide'es: mise sus pour deffaire les Chrestiens. Et qu'à ceste cause il ait à donner secours à chose de si grande importance. Au mesme liure, chap 47,

Monsieur, le danger que je voy préparé pour toute la Chrestienté, mecontrainct vous enuoyer Enil par lequel vous pourrez au long entendre le grand effort & trop puissante armée, que tous les Roys & potentats du pays du Leuant, ennemis de nostre foy, ont mis sus à la persuation d'Armato Roi de Turquie, pour venir ruiner non seulement l'Empire de Grece, mais passer outre jusques à ce qu'ils ayent exterminé nostre foy & creance. Et pour autant, que ceux dont vous tenez le lieu, ont tousiours esté les vrais defenseurs & protecteurs de nostre religion, mesmes que le cas vous touche de si pres, il me semble (monsieur) que n'y deuez espargner chose

se qui soit en vostre puissance, ains assembler vos forces en toute extremité, & équiper vos vaisseaux pour donner secours à ce bon Prince, qui est frontiere (comme vous sçauiez) à vous & à tous les potentats qui tiennent la Loy de I E S V S Christ. P'en escry semblablement au Roy mon pere, & à la plus part des autres seigneurs Chrestiens, vers lesquels j'enuoye Gandalin. Et par ce que j'ay chargé Enil vous dire le surplus, je ne vous feray plus longue lettre : mais vous supplieray le croire comme moy-mesmes.

Lettre de Rodrigue grand Soudan de Lique au Cheualier de la grand Serpente, le menassant de son entreprinse. Et qu'il s'assure d'estre ruiné: Et qu'il ait à se combatre avecq' luy. au 5. liure, chap. 48.

Rodrigue grand Soudan de Lique amy des Dieux, ennemi mortel de leurs ennemis, défenseur de la loy payenne, à toy qui te dis Cheualier de la grand' Serpente, salut. Sçachez que l'occasion qui nous a faict passer tant de mer pour venir en ces marches, a esté sous esperance de venger les outrages que mon oncle Armato Roy de Turquie a receu de toy, & de tes cōpagnons, sans t'auoir oncques mesfaict. Et cōbien que nous teniōs seure la ruine du meschant Empereur qui

te fauorise en tant de mal-heureuses & damnées entreprinſes, & qu'auant peu de jours luy & les ſiens paſſeront au fil de nos eſpées, ſi aurois-je regret que ceſte infortune t'auint premier que je fiſſe eſpreuue de ma perſonne à la tienne, pour la renommée qui eſt de toy par tout le monde. Par ainſi aduiſe ſi tu veux accepter le combat de nous deux ſeuls, de dix contre dix, de cent contre cent, ou en plus grand nombre, ſi bon te ſemble. Te jurât par tous nos dieux, que ceux que tu ameneras avecq' toy, pour ceſt affaire, n'auront non plus de déplaiſir que ma propre perſonne, ſi n'eſt de ceux qui ſeront ordōnez pour les combattre, ſuyuant la conueuance que nous ferons. Par tant fais moy reſponſe digne de toy, & que ton honneur n'y ſoit foulé.

Lettre de Norandel & autres ſes compagnons pour reſponſe à Rodrigue, en acceptant le combat par luy offert avecq' la ſeureté du cāp. Au cinquieſme liure, chap. 48.

LEs Cheualiers ſeruiteurs de Ieſus Chriſt, eſtans de preſent avecq' l'Empereur de Conſtantinople: pour la deſenſe & augmentation du nom Chreſtien, à toy Rodrigue ſoudan de Liquie, condigne ſalut. Tu as mandé deuers le Cheualier de la grand Serpente vne Damoi-

moiselle qui se dit tienne, laquelle nous a baillé aucunes lettres adressantes à luy, le sommaire desquelles cōtient deux choses: la premiere, tu te plains des entreprin- ses qu'il a faictes sur le Roy Armato, ton oncle, l'autre le desir que tu as d'esprou- uer ta personne contre la sienne, ou plus grand nombre contre plus grand si bon luy semble. Mais pourtant que le Che- ualier que tu demandes n'est à present icy n'en lieu pour te respondre, nous auons aduisé te satisfaire pour luy, & accepter les offres que tu luy as faictes, t'assurant qu'il y a tel personnage en ceste troupe, fils de Roy, & neuf autres avecq' luy, qui te cōbatront jusques à pareil nombre des tiens, si tu les veux bailler, avecq' la seu- reté du camp, nous ne faudrons à nous trouuer au lieu qui sera estably.

Lettres de Rodrigue Soudan de Liquie, & de Calasie, Royne de Californie, à Amadis de Gaule, & son fils Esplandian, pour accepter le combat, afin de cognoistre la vertu des meilleurs combatans. Au 5. liure, chap. 52.

Rodrigue Soudan de Liquie, enne- my mortel des ennemis de nos dieux, Et calasie Royne de Califor- nie, region opulente en or, & precieuses pierres, plus que nul autre, faisons sca- uoir à vous Amadis de Gaule Roy de la
grand


grand' Bretaigne, & à vostre fils le cheualier Serpentin, que l'occasion de nostre descēte en ces pays; a esté causée sur deux points: l'un esperant la ruine de la Chrestienté, & l'autre pour essayer à faire perdre la renommée, que l'on vous dohne d'estre les deux meilleurs Cheualiers du monde, car nous nous pensons tels, que si voulez accepter le combat de vostre personne à la nostre, nous ferons euidentmēt cognoistre que nostre prouesse n'est moins que la vostre. Et à fin que la gloire des vainqueurs soit manifestée, les vaincus demeureront en leur pouuoir, pour en disposer puis apres, ainsi que bon leur semblera. Aulsez doncques de nous faire responce par ceste nostre messagiere, à laquelle auons donné charge vous declarer (si refusez ce parti) que desormais aurons iuste cause de nous attribuer le dessus de toutes les louanges & faueurs que fortune vous a portées jusques à present, & vous estimer aussi peu à l'aduenir, cōme vous auez esté beaucoup par le passé.

Harangue de l'Empereur de Constantinople à Amadis & autres ses amis, pour aduiser au mariage de sa fille avecque le ieune Esplandian, auquel il promet en ce faisant le gouuernement de l'Empire. Au cinquiesme liure, chapitre 54.

MEs freres, Seigneurs, & bōs amys,
 l'obligation en quoy je vous suis
 redeuable est si giāde, qu'encores
 qu'il ayt pleu à nostre Seigneur me faire
 Empereur de toute la Grece: si sçay-je biē
 qu'il est hors de ma puissance de vous
 pouuoir satisfaire, ne tenāt tout l'hōneur
 & le biē que j'ay (apres Dieu) que de vo^s,
 soit en particulier ou en general. Or suis-
 je desia sexagenaire, tout chenu & fort ca-
 ducq' pour les peines que j'ay souffertes
 en mes jeunes ans, suyuant les armes: j'ay
 vne seule fille, qui est le baston & esperan-
 ce de ma vieillellē, laquelle j'ay deliberē,
 si vous le trouuez bon, donner en maria-
 ge au preux Cheualier Esplandian, & par
 mesme moyen luy remettre l'Empire &
 gouuernement de tous mes pays. Et pour
 mieux viure en solitude, & me separer du
 monde: ay aussi conclud en moy-mesmes
 me retirer, avec l'impatrix ma femme au
 monastere que j'ay fait bastir, & la viure
 religieusement, recognoistre Dieu, & fai-
 re penitence des maux que j'ay commis
 par le passē. Pourtant mes bons Seig-
 neurs & amys, je vous prie, si auez agrea-
 ble ce party, me le declarer tous, & vous
 premierement monsieur mon frere (dit il
 à Amadis) à qui l'affaire touche comme
 de pere au fils,

Harant.

Harangue de Lisuard, à l'Empereur de Trebisonde, le priant luy enseigner le Cheualier par luy n'agueres armé, pour receuoir cheualerie de sa main, au sixiesme liure, chap. 6.



Ire, la haute renommée & grand' bonté de vous cogneuë par tout le monde, ont esmeu mes compagnons & moy, venir en vostre court: non seulement pour vous faire la reuerence, comme la grandeur de vostre majesté le merite, ains esperans auoir nouuelles d'un jeune Gentil-homme, lequel (ainsi qu'il nous a esté dit) vous avez armé Cheualier puis n'agueres à la requeste d'une damoyelle qui le vous a mené. Et pour autant, sire, que je n'eu oncq' intention de receuoir cheualerie, d'autre main que de la sienne, & que l'aage me semond déjà à plus de deuoir que je n'ay encores fait: je vous supplie tres-humblement nous dire ce que vous en sçaez à fin que l'ayant trouué, j'aye de luy ce que j'espere & desire sur toutes choses.

*Lettre de Melie à l'Empereur de Trebisonde
se vantant de surmonter & vaincre les Chrestiens, & les forcer de croire à la loy Payenne.
Au sixiesme liure, chap. 7.*

Melie

MElie dame sur toutes magiciens, ennemye de la foy des Chrestiens, & curieuse d'augmenter de jour en jour la loy de nos dieux. Sçachez Empereur de Trebisonde, que Constantinople sera en bref assiegée par soixante sept Princes de la loy Payenne, ou je me trouueray en personne, pour auoir plaisir de la voir bruser, & le meschant qui la possède, mesmes celuy duquel toute Chrestienté deuoit esperer faueur, comme de son refuge, & principal ayde. Mais il en ira autrement : car celle à qui ta fille l'a liuré, l'ayant mis en mon pouuoir sera baillé en si seure garde, que ny Amadis son ayeul, & moins Esplandian ton pere, encores qu'ils fussent desenchantez, n'auront moyen de le secourir. Et toutesfois cela est peu au respect de ce que j'entens faire : car petit à petit j'auray le reste de vous autres, pour en disposer selon mon vouloir, contrainnant le surplus du vulgaire à se conuertir à nostre foy, soit par amour, ou par force : & de ce ne fais aucune doute : car tout ce aduiendra sans difficulté.

Franlalo faisant la reuerence à Perion luy offre son seruice. Au sixiesme liure, chapitre 12.

Sire

Sire Cheualier, je suis tant vostre, que vous me pouuez commander, cōme à celuy qui desire vous obeir, pour l'honneur du Roy Amadis, & Esplandian vostre frere, desquels je suis amy, & seruiteur affectionne.

Lettre de Melie infante à l' Empereur de Constantinople, luy predisant qu'il deuoir recevoir beaucoup de malheur : & destruction. au six. e. me liure, chap. 12.

Melie infante la plus cruelle ennemie de toute Chrestienté, à toy Empereur de Constantinople, ruine, & entiere malediction. Scachez que tu sentiras en brief le malheur qui t'est preparé à mon occasion, tel qu'onques n'en fut parlé d'un semblable : car tu verras de tes propres yeux la mort des tiens, la destruction de tes pays, un martyre estrange en la personne q tu aymes le plus en ce monde, & finablement, la fin de ta vie en misere. En tesmoignage dequoy ceste espée demeurera en l'air sur ta grād' Cite, jusques à ce qu'une prophetie d'Apolidon, qui reste à accomplir, sortisse effect. Lors se dispaioistra, & ne sera veüe de la en auant.

*Harangue d'Alquifz à la princesse Griclerie de la part de son Cheualier Lisuard, par laquelle il luy presente un prince, & luy en-
sans*

fans du roy de Hierusalem, & la prie de les bien traicter pour l'amour de luy. au sixiesme livre, chap. 24.

M Adame, vostre Cheualier (qui surpasse tous autres en prouesses & grand' bonté d'armes) vous salue, comme celle qu'il desire seruir toute sa vie, en tesmoignage de quoy il vous en uoye par moy ce qu'il a conquis depuis le jour qu'il se partit de vous à son tres-grand regret. Adoncq' luy presenta Alquise, le Soudan de Liquie, & les deux enfans du Roy de Hierusalem. C'est dit elle, ce Gentil-homme, Prince tresredouté entre les Payens, & à bon dioict: car lui en liberté peut commander es pays de Liquie, ny plus ny moins que l'Empereur vostre pere fait es siens. Et ces autres sont enfans du Roy de la Palestine, frere & sœur, lesquels il vous prie receuoir & en disposer cōme de vostre chose. Bien m'a il chargé vous asséurer, que les traitant gracieusement & selon qu'il estime de vostre bonté, il en aura vn singulier plaisir, pour le lieu dont ils sont yssus, & la conqueste qu'il a fait d'eux à son comancement.

Lettre de Perion appelé le Cheualier de l'Esphère à la Princesse Gricilerie, la faisant certain: de la grand' amour qu'il luy porte, & aussi qu'il se sent tres-heureux d'auoir en adresse

*dressé à vne dame de si haut prix : à laquelle
il est prest d'obeir. Au sixiesme liure, chap-
stre 24.*

IENE sçay (madame) comme je pour-
rois satisfaire au grand bien que me
ottroyastes le jour que vous m'accep-
tastes pour vostre : veu que le meilleur
Cheualier du monde se deuoit estimer
non suffisant à seruir si grand' dame &
Princesse. Et moy lors pource muet, &
sans auoir encores fait acte de Cheualerie
estant venu à tel honneur, est-ce merueil-
le si mon cœur a desiré entreprendre cho-
se, dont (auecq' raison) il ait esperance de
demourer en si haut lieu? esloignant de
luy toute crainte & peril de mort, par la
souuenance continuelle, qu'il a de vostre
bonne grace : laquelle a tellement capti-
ué ma liberté que mes yeux sont de-
mourez enchainez aux liés de vostre heu-
reuse presence, du jour mesmes qu'ils vi-
rent la splendeur de vostre diuine face.
Mais ceste prison est muée en telle liberté
qu'elle me fait viure pour l'enuie que j'ay
de vous obeyr & seruir à jamais : assuré
qu'autrement mon ame affligée pour vo-
stre absence, ne demeureroit vne seule
heure en ce corps passionné, pour trop
vous desirer, Ainsi madame, je vous sup-
plic commandez ce qu'il vous plaist que
je face

je face, & en ayant pitié de vostre pource
esclauue, luy mander par ceste damoyse
fidelle, vostre vouloir: la croyant au sur-
plus, de ce qu'elle vous dira. De la part
de celuy qui baise les mains de vostre grā
deur en toute humilité.

*Lettre de la Princesse Griselie à Perion,
dit le Cheualier de l'Esphère, estant fort aise
d'auoir receu de ses nouuelles: qui luy renouuel
loit ses passions d'amour, luy recommandant le
beau damoyse Lisuard, & le priant l'oster de
danger. Au sixiesme liure, chap. 21.*

LE grand plaisir que j'ay receu avecq^e
vostre lettre, & les presens que vous
m'auiez enuoyez par ceste damoy-
se ont renouuelé en mon triste cœur
l'ennuy, que mon ame souffre pour vo-
stre longue absence. Et croyez mō amy,
n'estoit la continuelle presence de vostre
personne que j'ay aux yeux de mon enten-
dement il me seroit impossible de resister
tant de jours au dur assaut qu'amour me
commença à liurer des le jour propre,
que vous vinstes muet en ceste court, au
moins sans vouloir proferer vne seule pa-
rolle à moy ny à autre: mais l'esperance
que j'ay, que bien tost vous retournerez
(ainsi que m'a assuré ceste messagere) me
donne quelque force pour souffrir ce que
j'endure sans aucune relasche. Or pour

cōclusiō, & à fin qu'auecq' plus d'ocasiō vous me puissiez venir veoir comme j'espere, je vous prie vous tenir prest de la personne de l'Empereur mon pere: qui ne faudra (comme je pense) à vous ramener quant & luy, estans les affaires passées. Ce pendant je desirerois bien que vous essayiez par tous moyens à tirer de danger le beau damoiseau Lisuart, estant certaine, si vous voulez tant faire pour luy, & pour moy, que vous en viendrez à vostre honneur, comme le plus fauorisé de fortune & de haute Cheualerie qui soit aujourd'huy entre ceux qui portent armes. Ce que je vous supplie autant qu'il m'est possible pour le bien de ma sœur, laquelle s'est tāt affectionnée à luy, qu'elle n'est pas pour viure, si nostre Seigneur ne la reconforte de la tristesse qu'elle a prinse, du jour qu'elle le perdit de veuë, & meurt jour & nuit pour trop l'aimer & souhaiter. Et pour ce que j'ay donné charge à Alquise vous dire le surplus, je vous supplie la croire comme venant de la part de celle qui est plus vostre que sienne.

Lettre du Roy Armato à l'Empereur de Trebisende, luy presentant le combat. Au sixiesme Livre. chap. 22.

Arma-

ARmato, Roy de Perse, ennemy mortel des Chrestiens, seruiteur de nos dieux, & principal protecteur de leur sainte loy : à toy Empereur de Trebisonde, salut con-digne. Scachez que pour auoir la cité de Constantinople, avecq' ce pays à ma discretion, je me suis n'aguères mis aux champs, accompagné de si grosse puissance cōme chacun sçait. Et pource que j'ay entendu que tu es nouuellement arriué au secours de mon ennemy, j'ay pensé d'enuoyer presenter le combat à toy, qui es le principal defenseur de l'Empire Grec contre moy, qui suis le principal pretendant à sa ruine. Et ne t'excuse sur tes ans vieux : car si tu as at-taint l'an octante de ton aage, à l'heure que tu nasquis, i'auois ja cognoissance de la tette de ma nourisse. Le combat que je pretens auoir de ta personne à la mienne, il est seulement pour acquerir honneur, & esprouuer à coups de lance & d'espée, leq'l la fortune fauoriserà le plus de nous deux : pourtant auise à faire responce, qui te soit honorable.

Lettre de Grisilant Seigneur de l'isle Sauvagine, à Amadis Roy de la grand Bretaigne, le priant d'entrer semblablement au camp de bataille pour veoir qui obtiendra la victoire. Au sixiesme liure, chap 22.

GRifilant, Seigneur de l'isle Sauuagine, seruiteur des grands dieux de la mer, affectionné à la ruine des mal-heureux Chrestiens, dont toy Amadis, Roy de la grand Bretaigne, es bouclier & protecteur: neantmoins cela ne m'a tant esmeu au desir que j'ay de m'esprouuer contre toy, comme la haute cheualerie dont tu es renommé par tous les endroits du monde. Or puis que l'occasion principale, qui m'a meü sortir de mes pays, a esté non seulement pour secourir le puissant Roy des Turcs, mais pour acquerir louange & reputation par armes, & que fortune m'a tant fauorisé, de m'auoir amené en temps & au lieu, ou j'ay moyen de combattre: je te supplie que nous entrions en camp l'un contre l'autre, t'assurant, si mes dieux m'ottroyent la victoire que je m'estimeray le plus heureux cheualier qui nasquit oncques, & à bon droit, ayant le dessus du chef & premier de toute Cheualerie. Et quand bien le contraire m'aduiendra, si n'en seray-je moins estimé entre les preud'hommes, car on sçait assez quels, & combien de personnages redoutez ont esté vaincus par toy: au pis aller, la mort honorable, que je receuray, me sera en grand repos d'esprit, assuré que ma vie ne peut durer.

ayant

ayant delibéré espargner ma personne (moins que rien) aux rencontres & combats qui se feront d'oresnauant par nos gens, & les vôtres.

Ottroye moy doncques ce que je te demande, & en ce faisant tu feras pour moy & pour ton honneur.

Lettre de la Roine Pintiquinestre à la Roine Calasie, l'admonestant de combattre avecques elle, au sixiesme liure, chap. 22.

Pintiquinestre, Royne de la gent qui n'a nulles tettes à toy Calasie, qui commandes es Isles estranges de Californie, salut tel que je le te desire: Je t'aduerthy, que pour faire cognoistre ma prouesse, à ceux qui hantent plus continuellement les armes j'ay puis n'aguères abandonné ma contrée, & suis arriüée en ce camp, ou j'ay sceu pour certain, que tu es nouuellement venue, pour deffendre celui qui nous veut destruire entierement. Et pour ce que tu es estimée adroite au combat, autant, ou plus, que le meilleur Cheualier du monde: Je me suis persuadée, que si en camp de bataille je te pouois vaincre, c'est honneur me seroit immortel. Or est (ce me semble) la partie bien faite de femme à femme, pretendantes toutes deux à vne mesme chose, qui est la gloire & rénom de prouësse. Par-

quoy aduise si tu veux esprouuer ta force à la mienne, à ce que d'huy en auant, on puisse juger, qui a meilleur droit de porter la courōne de Roine, & auoir gouuernemēt de femmes, qui sçauent gagner les hommes par amours & par armes.

Harangue de l'Empereur de Trebisonde à ses Cheualiers sur l'accord du combat, les aduertissant qu'il est resolu d'all. & combattre l'en nemy. Au 6. livre, chap. 22.

TRes-vertueux Cheualiers, estant asseuré que vous auez tousiours eu le cœur si bon & entier, & l'honneur en telle recommandation, qu'onques ne vous trouuastes estonnez pour peril & dāger qui vous peust aduenir: je vous supplie affectueusement penser de moy ce, que je doy, & veux croire de vous. C'est, que pour mourir de mille mors, ie ne voudrois de tāt m'oublier, que mes ans vieux diffamassent, ou pour mieux dire missent en doute tant soit peu la reputation que j'ay acquise lors que j'estois jeune & dispos, plus que je ne suis maintenant. Pay certes le poil blāc, & chenu, mais le cœur jeune & delibéré, & la volonté aussi bōne qu'elle fut oncques. Arinato demande combat, il l'aura: il se dit amy & augmenteur de sa loy, ie suis seuriteur treshumble de Iesus Christ, qui m'aydera s'il luy plaist

plaist , & comme j'espere en luy. Ainsi doncques je vous prie tant qu'il m'est possible , ne contester plus si je doy entier en combat contre l'ennemy, ou non: car ma resolution est de vaincre ou de mourir, & en face Dieu ce qu'il luy plaira.

Lettre de l'Empereur de Trebisonde respondant par ensemble à Armato, Grisilant, & Pintiquinestre: pour les aduertir qu'on leur offre le combat, s'assurant d'obtenir victoire, attendu la iuste querelle des Chrestiens. Au sixiesme liure, chap. 22.

Nous par la grace de Dieu, Empereur de Trebisonde, Amadis Roy de Gaule, & de la grande Bretaigne, & Calasie, dominant es isles de Californie, ou l'or & les pierres plus precieuses croissent en tresgrande abondance, respondans par ensemble aux trois Cartels, que vous Armato Roy de Perse, Grisilant Prince de l'isle Sauuagine, & Pintiquinestre Dame de la gent sans tettes, nous auez enuoyez, vous faisons sçauoir, que nostre voyage en ces marches de Leuant a esté cause pour la defence & accroissement de la loy de IESVS. Christ; en qui nous croyons, & aussi pour destruire ceux, qui luy sont contraires. Par ainsi apres auoir receu vos Cartels, auons esté contens vous accorder le combat que de-

mandez, avecq' telles armes que vous esli-
rez: car quant au camp, nous entendons
qu'il soit fait deuant ceste grand' Cité, es-
perans que nostre Dieu seul (en la main
duquel sont les victoires) nous la donne-
ra sur vous, à la confusion de vos idoles,
& grand dommage & deshonneur de vos
personnes. Et pour ce que ceste damoy-
selle a charge, & pouuoir de nous, d'ar-
rester avecq' vous du surplus, nous no' re-
mettons à elle: tant y a que nous vous ju-
rons & promettons en loy & parolle de
Roy, que durant le combat nul de nostre
camp ne s'esmouuera pour vous iniurier,
ou endommager, pousueu que faites le
semblable de vostre costé, dont nous vou-
lons auoir assurance & promesse jurée,
comme il est raisonnable.

*Harangue d'Amazilis à ses gens, sur le refus
de la paix par les Payens demandée, les enhor-
tant à combattre vertueusement. Au sixiesme
liure, chap. 28.*

IL est certain messieurs, que ceste gent
maudite, & reprouuée, est descendue
en ces marches, plus pour offendre no-
stre religion, & la foy de Iesus Christ, que
non le Pays de Thrace, ny le peuple de
Cōstantinople: à ceste cause il me semble
pour le mieux, nous ayant fortune porté
si bon visage au commencement, que ne
la

la deuons esloigner de nous , ains faire tant auecq' l'aide de Dieu, que nous chassions ces canailles jusques au fons de Tartarie, & plus outre, non pas leur accorder appointement , ny treues comme ils demandent, autrement soyez certain si leur prestez l'oreille , que ne leurs donnerions seulement loysir eux r'asseuer , mais en nous desestimans , reprendront nouuelle force , faisans autant d'estat de nous que de poulles baignées , ou de paillardes eshontées, & plaines de pusillanimité. Par ainsi je louërois grandemēt que sans plus dissimuler nous les alissions visiter, jusques en leurs cabanes. Et si vous m'alle- guez qu'ils sont en plus grand nombre que nous ne sommes , il y a responce : la plus part d'eux sont malades, allengouris & desia deffaits par famine : & qui plus est, nous combatons pour la foy de Iesus Christ, es mains duquel sont les victoires : qui me donne asseurance qu'il sera des nôtres, & que ne deuons rien douter.

*Lettre de l'infante Onoloric au Cheualier Li-
suard, le taxant de dissimulation & fentise.
Au sixiesme liure, chap. 30.*

PVis que la desloyauté de vous Cheua-
lier (le plus ingrat qui soit entre les
vians) s'est maintenant si manife-
stée en mon endroit, que nulle excuse,
tant

tant puisse elle estre bien palliée, ne pourroit couvrir la faute de vostre cœur : je vous defens desormais sur vostre vie ne vous trouuer en part ou je vous puisse voir , ni seulement auoir nouuelles de vous : car ce n'estoit pas à moy, qui suis de maison telle que l'on sçait, à qui vous ve^o deuez adresser, pour vser de dissimulation, souz couleur de seruitude : qui me fait grandement esbair comme vous fustes tant temeraire me dire ce que vous me distes auant vostre partement de ceste ville, & moins me mander ce que donna-stes charge dernièrement à Alquise me faire entendre de vostre part. Essayez doncques desormais , à deceuoir les simples Damoyselettes, sans tendre ainsi voz laez pour abuser les grand' Dames qui me ressemblent, & qui se plaignans de vous ont bien moyen de vous faire mourir , n'estoit que par la mort de si malheureuse & miserable personne que vous estes, vostre legereté pourroit estre descouuerte, & mon honneur mis en doute.

Lettr' du Sulpicie Roy de la Sauvagine à Amadis Roy de la grande Bretaigne, luy offrant le combat, souz les conditions employées par ladite lettre, au sixieme livre, chap. 51.

Sulpicie

S Vlpicie Roy de la Sauuagine (par la mort de feu nostre Oncle Guilant de bonne memoire, que noz dieux traictent d'Ambrosie, & de Nectar (Garfante & Bostioffe noz treschers & trefamez freres, faisons scauoir à toy Amadis Roy de la Bretaigne, que nous ayans les Dieux donez de forces & moyens, pour venger tant la mort d'iceluy nostre feu Oncle, que l'vsurpation que tu as faite sur nous du Chasteau de la Roche, ou tu as laissé pour Gouverneur vn nommé Sarquiles, lequel depuis ton partement a assemblé grand' nombre de Chrestiens, qui sont entrez en noz pays, dont est ensuyuy infiny meurdre, & pouria encores aduenir cy apres. Pour à quoy obuier auons pensé te presenter le combat de nous trois, contre trois autres des tiens, souz condition, que si nous sommes vainqueurs, tu reuoqueras ton Sarquile, nous remettant entre nos mains nostre chasteau, & tout ce qui nous a esté vsurpé depuis: & si nous demourons vaincus, le reste de nos pays demeurera aussy en ton obeissance, & le te laisserons quitte & fianc, sans plus jamais rien y quereller: ce que ne mettrions souz le danger de fortune tant variable, n'estoit le bõ droit que nous auõs, & le tort que tu nous fais.

Et

Et afin que tu ne recules à chose si raisonnable, nous te jurons & promettons en parolle & foy de Roy, n'y faillir d'un seul point, & outre te donner seureté enuers tous & contre tous fors que de nous trois si tu veux venir ou enuoyer par deça: sinō nous deliberons aller vers toy, ou autre part que tu aduiferas, pourueu aussi que tu vses enuers nous de pareille loyauté que nous te presentons.

Miramolin respond au Heraut de Brian de Moniaſte, par lequel il luy mandoit qu'il cuſt à vider ſes pays, & qu'il ne le craignoit. Au ſixieſme liure, chap. 52.

Heraut, retourne à ton maiſtre: dy luy que je n'ay point trauerſé tant de mer, ny entrepris la conqueſte d'Eſpaignes pour m'en retirer avecques Menaffes. Quand j'ay eſté petit, on m'a fait peur des Loups, maintenant que je ſuis Roy, commandant aux hommes, je ne crains point la menaſſe de ceux que j'eſpere vaincre, & que j'auray à ma diſcretion, auant qu'il ſoit nuit fermée.

Lettres d'Vrgande la descognue au Cheualier de l'ardente Espée, luy prédisant ce qu'il luy doit aduenir, qui est vne affliction presque insupportable. Au septiesme liure, chap. 19.



Vrgande la descognue, salut au Cheualier de l'ardente Espée. Sçachez que pour retirer autruy de prison, tu entreras auant peu de jours en plus grand captiuité ou fut oncques mis pource esclaue, & auras l'ame & le corps tant affligez, que ceste mesme espée qui maintesfois a sauué le lieu dont tu es yssu te transpercera le corps, & sera puis apres retirée par les mains de celle, qui pensant te garentir, te restituera la vie pire que mil le morts ensemble, & te durera ceste amertume jusques à ce qu'estant ta maison paternelle sur le poinct de tomber en ruine, sera garentie & sauuée par son premier possesseur, & me croy : car ainsi aduendra comme je le prediçts. Et afin que tu y adioustes foy, entends que pour te garentir d'un malheur ou tu deuois tomber ce jourd'huy combatant le Cheualier du Quay, je te donnay l'escu blanc, & te manday le don que depuis tu m'as accordé & tenu, dequoy tu me dois sçauoir gré, par ce que sans ma prouidence tu tombois en vn repentir pour toute ta vie,

comme tu sçauras mieux auecq' le temps & plustost ne te trauaille pour en penser rien cognoistre car ce seroit peine perdue aussy bien que de me chercher : fustise toy que je te cognois mieux que tu ne te cognois toy mesmes, & que poui l'esperance d'un secours que j'espere auoir de toy quelque jour, je t'ay voulu porter telle faueur. Suy au demeurant ton entreprinse, sans differer pour occasion qui se presente, entendu que c'est le vouloir de celuy à qui tu seras quelque fois.

*Zirfée parlant au Cheualier de l'ardante
Espée qui la louoit beaucoup, tant pour son es-
prit que pour son sçauoir, Et pour les causes
contenues par le discours de louange cy dessous
contenu. au 7. liure, chap. 29.*

EN bonne foy Cheualier, respondit elle, vous me dites de grandes louanges, pour la chose non meritée, & que je ne pourrois laisser de faire, sans menier trois poinctz principaux, qui sont requis à mon estat, dont le premier est : recognoistre en temps d'aduersité le plaisir qu'on a receu de l'ennemy, faisant entendre à chascun, que celuy qui l'en peut recompenser en saison de grace, à bien moyen de se vëger aussy des injures souffertes
durant

durant son infortune: le second, se mon-
strer en toute saison ciuile & pitoyable se-
lon le cas qui s'offie. Et pour le tiers, ne
troubler jamais son esprit pour ennuis
ou fascheries qui aduiennent, ains que rai-
son & discretion soyent tousiours domi-
nantes. Et sont notoirement ces trois
poincts necessaires à toutes personnes ge-
nereuses, pour maintenir tousiours leur
grandeur ferme & immuable: car vertu
non perissable rend la personne trop plus
noble & exaltée, que tous les biens de for-
tune corruptibles & subiects aux passions
& mobilité d'elle, veu mesmement qu'ils
sont quelquefois, & trop souuent eslar-
gis à tel qui ne les merita oncques: mais
tout autrement va de la vertu: car celuy
seul l'obtient qui fait acte digne de la con-
querir: aussi par elle seule doyuent les
hommes estre estimez & honorez, voire
reputez riches, plus que s'ils auoyēt tous
les tresors du monde: par ce que la vraye
richesse non perissable, est la renommée
des faits bons & heroïques de la person-
ne vertueuse.

*Harangue de Maudan au Roy, luy requerant
pardon de la trahison par luy commise, luy pro-
mettant en ce faisant, de luy obcir plus que ia-
mais. Au 7. liure, chap. 46.*

Sire

Sire, vous pouuez voir en moy comme fortune se jouë des meschans tels que je suis : aussi ne fut-il oncques veu, qu'un pesché n'attirast un autre, & un second plusieurs, tant qu'à la fin ils aveuglent si bien les personnes, que (pensant aller le grand chemin) tombent en la fosse qu'ils ont faict eux mesmes, dont ils ne se peuuent puis apres retiter. Ce qui se manifeste presentement en moy, qui (enueux de l'honneur que vous faisiez au Cheualier de l'ardante Espée) controuuay ce que je vous dis de luy & de la Roine, pour le chasser de vostre court, & tenir son lieu. Lequel continuant son propos dit encores. Oray-je esté cause de grand mal, & sçay bien que je merite un torment n'ompareil, toutesfois Sire, je vous supplie que préférant pitié & misericorde à la rigueur de vostre justice, il vous plaise me pardonner, faisant cognoistre par cela à un chascun, que d'autant que mon peché est grief, vostre clemence & bonté est extreme, qui tournera à grand' louange, demeurans à jamais moy & les miens, plus tenus de vous seruir, que nuls autres de vos subiects, d'autant que vous m'aurez plus pardonné & remis.

Harangue de la Roine Baruta au Roy de Sabas son mary, le suppliant la recevoir en sa bon-

*ne grace, & n'estre plus si leger à croire sans
ouir les parties d'une part & d'autre. Au sep-
tiesme liure, chap. 45.*

Monsieur, puis que mon innocen-
ce est auerée, je vous supplie me
recevoir en vostre bonne grace
comme au parauant, & vous souuenir
vne autre fois de croire moins de leger,
sans vser de vostre puissance sur l'accusé,
premier que l'ouyr en ses justifications:
considerant comme vous auez procedé ri-
goureusement, non seulement contre ma
pudicité, ains contre l'honneur de moy,
& de la maison dont je suis issuë.

*Harangue de Magadan Roy de Saba au che-
ualier Amadis de Gaule, s'excusant de ce qu'il
n'auoit receu Amadis, comme il meritoit, le
prieant ne prendre en ce mauuaise part, Au sep-
tiesme liure, chap. 46.*

Mon grand amy, dit le Roy, si je
vous eusse aussi bien cogneu
le jour d'hier que je fais à present
je vous eusse porté plus d'honneur; mais
l'ennuy que j'auois des meschantes parol-
les qu'on m'auoit tenues de la Royne me
faisoit oublier toute courtoisie, voire mō
naturel propre, qui est de recevoir gra-
cieusement tous estrangers qui viennent
en ma court, ainsi je vous prie ne prendre
en mauuaise part cete faute, ains l'excuser

& à

& à la charge que d'oresenauant je mettray peine de l'amender.

Harangue du Duc de Buillon à ceux de son lignage de la vengeance de la mort de son fils, les incitant d'en faire la vengeance & recouurer leur honneur si abaissé. Au septieme liure chapitre 48.

Messieurs, mes bons amis & alliez, vous auez veu & scéu le deshonneur que l'Empereur nostre Prince a pourchassé, non seulement à moy, ains à vous tous, tant en particulier, qu'en general: en sorte que non ayant esgard à nous qui sommes si grands & puissans que chascun sçait, a vilainement faict pendre celuy qui apres moy se pouuoit dire chef de vos armes, & Duc de Buillon, dõt j'ay telle douleur, que i'en meurs cent fois le jour. Et quant à vous ses bons parens, ie croy pour certain que nature vous esguillonne tellement que le cœur vous pleure, & saignera ceste playe tant que vous ou les vostres auez nom de Gentils-hommes. Toutes-fois si vous voulez suyure mon aduis, nous n'en differerons si long temps la vengeance: mais vous donneray moyen de recouurer nostre honneur tant abaissé, & qui vous tournera à gloire & grand profit.

Ha-

Harangue de Branzahar Prince de Clarence au Cheualier Birmarthes, le louant de son heureuse entreprinse, luy offrant par ce toute courtoisie & bon vouloir. Au septiesme liure, chapitre 54.

Cheualier, tu as ja tant acquis d'honneur, qu'à jamais la gloire t'en demeurera : & combien que ç'ait esté outre mon gré, & que mon cœur ne se puisse cōtenter de la perte des miens que j'aymois tāt, & que tu as mis à mort, ains suis appellé à leur vengeance, neantmoins considerant que mal-heur leur est adueni par ta seule prouesse, faisant ce que tu deuois faire pour acquerir bruit entre les preud'hommes, je ne me puis tenir d'vfer enuers toy de la courtoisie que la raison me commande, te voyant las, sans glâue, & sans monture. Tellement quē si j'auois le dessus de toy (equippé & mōté comme je suis) telle victoire, me deueroit plus tourner à blasme, qu'à nulle gloire. Au moyen dequoy j'ayme trop mieux descendre à pied, & estans egaulx en armes, laisser jouer fortune son rolle pour rendre la main à qui il luy plaira de nous deux.

Respon'e de Birmarthes à Branzahar Prince de Clarence, estimant fort la courtoisie, de laquelle il s'esbahit plus, que de voir la grāeur & force

Et force de ses membres, l'incitant toutesfois à combattre l'un contre l'autre. au septieme livre, chap. 54.

PRince, vostre courtoisie m'a plus estonné, que la grandeur de vostre corps, & puissance de voz membres gros & lourdz : car la magnanimité des cœurs ne consiste point à la masse de la chair, ains à la gētillesse & vertu de la personne, qui ayme honneur, & desire perpetuer sa memoire, non par brauerie & outrecuidāce, ains faisant son deuoir avecq' peu, & doux langage, & roide execution en sorte qu'ayant desia trouué en vous l'un de ces deux points, qui est la courtoisie, je ne fais doubte que le second en soit esloigné: veu que peu souuent, ou jamais ilz s'abandonnent, non plus que faict le feu de chaleur, & la chaleur du feu. Vöy la pourquoy s'il m'estoit honnorable & raisonnable je ferois plustost & plus volontiers amitié avecq' vous, que passer d'auantage à esprouuer noz personnes l'un contre l'autre: mais n'y ayant ordre, ny vous ny moy ne pouuons iefuser la carriere qui est offerte, d'autant q̄ ce vous feroit injure de laisser l'entreprinse que vous auez commencée, & à moy grand' blasme de ne poursuyure l'heur qui m'a donné vn tel commencemēt que chascun
à peu

à peu voir. Ainsi doncques soit la victoire comme il plaira à fortune, & au bois qui aura bonne beste.

Lettre du Cheualier de l'ardente Espée, à Magadan Roy de Saba, luy remonstrant que les choses futures sont cachées aux humains, dont ils se doiuent donner garde: puis luy declare l'occasion de son absence. Au septiesme liure chapitre 61.

TReshaut, trespuissant & tresexcellent Prince, si les choses futures estoient présentées aux hommes comme elles leur sont incognuës, il se trouueroit peu de personnes trompées, & moins de meschans qui les peussent decouoir par faux donner à entendre: mais estant tel secret hors de nostre puissance, nous deuons (certes) plus craindre ceste malice des hommes que la mesme mort, qui ne fait mourir qu'une-fois. Car celle ou nous acheminent ces traistres & meschans, n'oste seulement la vie, ains l'honneur immortel, que peut acquerir toute personne de vertu, conuertissant sa bonne renommée en vitupere & blasme, dont ils repaissent les oreilles de ceux qui les escoutent. Et de ce (Roy victorieux) pouuez maintenant juger mieux que nul autre, ayant esté sur le point de tomber en la reputation de Roy inique, voulant à
si grand

si grand tort faire mourir la Roine pour la fausse accusation, qui vous auoit esté rapportée d'elle & de vostre loyal subiect & seruiteur, le cheualier à l'ardante espée. Non Sire, que je me vueille excuser de la faute que je fis, m'absentant de vostre court, suyuant le conseil que me donna Maudan: car ou estoit mon innocence, la peine ne pouuoit auoir lieu. Et d'auantage sans laisser mon hōneur douteux par ma fuite, je me deuois plus tost soumettre à vostre chastiment (cognoissant vostre vertu & ma justice) que craignant vostre fureur & fuyant la mort que je ne meritois, me rendre ainsi soupçonné de coulpe. Or ont permis les dieux à ce que i'ay entendu, que la verité a esté descouuerte depuis, par celuy mesmes qui l'auoit chargée & l'honneur de la Roine & le mien, recouuert par la prouesse inuincible du roy de la grand Bretaigne Amadis, qui soustenant mon droict, a mis à mort le traistre en plein champ de bataille deuant vostre majesté. Et neantmoins Sire, s'il vous restoit encores quelque estincelle de mal-talent à l'encontre de vostre humble seruiteur, ie vous supplie de l'oublier, & me donner part en vostre bonne grace, attendant que j'aye moyen de retourner vers vostre excellence, ou desia je me fusse acheminé

cheminé, n'eust esté la promesse que j'ay
faicte à ces Rois assemblez, ne les aban-
donner, que la guerre entreprinse contre
deux autres traistres, n'ait prins fin.

Parquoy il vous plaira m'excuser,
baissant les mains de vostre
grandeur en toute hu-
militéé.

*Harangue d'Abra à son frere Zair Soudan de
Babylone, voulant sçavoir d'ou procede son en-
nuuy pour luy donner remede. Au huietième li-
ure, chapitre 2.*



Elas! monsieur, d'ou vous
peut proceder cest accident?
Je vous supplie ne m'en ce-
ler plus l'occasion, vous ju-
rant par la foy que je vous
doy que si c'est chose ou je puisse donner
remede, ma vie ne vous sera espargnée: car
aussi bien elle ne me pourroit durer, vous
voyant souffrir comme vous faites.

*Harangue d'Abra aux Princes & seigneurs
estans en la court du Soudan Zair son frere, de
la part de luy, leur declarant la vision du Sou-
dan Zair son frere, par laquelle il luy est appa-
ru de l'indignation des Dieux & que pour les
appaiser il est necessaire de combattre à leur hon-
neur, contre les Chrestiens. Au huietième li-
ure, chapitre 2.*

Excel

EXcellens Princes & grans Seigneurs,
 Il semble que fortune vous presente
 à tous vn moyen pour (faisant serui
 ce à nos Dieux) augmenter leur loy & a-
 moindrir celle par laquelle ils sont mes-
 prisez. Et pour vous declarer que je ne
 parle sans raison, entendez que le grand
 Dieu Iupiter & Mars se sont l'vne de ses
 nuits passées apparus à vostre bon Prince
 Zair, dont est procedé le mal qui le tient.
 Et l'ont grandement menacé & repris,
 disant qu'ils ne l'auoyent appellé en telle
 grandeur qu'il est pour ainsi laisser agrā-
 dir la foy des Chrestiens, & ne prendre
 soing de celle en laquelle il viuoit: & que
 pour ne tomber du tout en leur indigna-
 tion, il eust à vous commander d'entre-
 prendre incontinent la conqueste de Tre-
 bisonde, autrement que nous & luy se-
 rions si bien chastiez, qu'esprouuans les
 rigueurs de fortune viendrons tard au re-
 pentir. Aussi ou nous leur rendrons o-
 beissance, executans leur saint vouloir,
 la victoire nous sera certaine, & espousera
 Zair l'infante Onolorie fille de l'Empe-
 reur dont je vous parle, yssant d'eux deux
 vn cheualier tant accompli, que le Soleil
 n'est point plus luyfant entre les estoilles,
 que la renommée de luy sera entre les
 hommes, depuis l'Orient jusques en l'Oc-
 cident

cident. Et voila (Princes & Seigneurs) la raison, pour laquelle le Soudan vostre souuerain Roy vous a fait appeler ce jour d'huy, delibérant de sa part ne se mōstrer autre, que treshumble & tresobeissant au vouloir diuin, esperant que de vostre part ne serez retifs en si bonne œuvre, ains faisans cognoistre par tout le monde la haute prouësse & Cheualerie qui est en vous, poursuyurez ce qui vous est predestine, dont je pourray porter resmoignage: car encores que je ne sois autre que femme, si serois-je par trop desplaisante, que si glorieuse entreprinse passast hors ma presence. Ainsi Princes honorez, faites ensemble resolution sur ce que vostre Roy auoit intention vous remonstrier par sa bouche mesme, si le mal qu'il sent ne luy eust interdit le long parler, delibérant suyure du tout en cela l'intention de Iupiter, & vostre bon aduis, se confiant en la loyauté de vos personnes, & au zele que chascun a comme je pense, à l'acroissement de son honneur, qui sera vostre bien & auancement.

Lettr. d'Abra à l'infante Onolorie de la part d. Zair son frere Soudan de Babylone luy d. d'ausant comm. il est par le vouloir du Dieu d'amo. rs espr. ns de sa beauté, tellement qu'il est priné de sa lib. erté, estat, sa t. seruitur de sa

L

banno



bonne grace. Au huitiesme liure, chap. 7.

MA Dame, je vous supplie autant qu'il m'est possible considerer (lisant ceste lettre) cōme Zair Sou-dā de Babylone, le Prince des Rois paiēs, & le plus puissant Monarque qui soit aujourd'huy sur la face de la terre, se trouue tellement cōbatu par les fleches du Dieu qui fait aymer, qu'estant forcé librement à vous declarer la peine qu'il endure, pour estre vostre, a eu la hardiesse de vous escrire ce mot: afin ausy de vous faire entendre que la seruitude qu'il vous porte a esté moyennée diuinement, & par l'inspiration du filz de Venus: lequel apres s'estre apparu à moy vne nuiet entre autres, ma representé l'excellence de vostre beauté si au vif, qu'il a voulu que moy dominateur & Seigneur des Seigneurs, & qui toute ma vie auois esté libre & sans suiection, deuinse Seruiteur & esclau de vostre bonne grace, que je vous requiers humblement ne me desnier: ains m'en faire part telle que je merite, si vous balancez la grandeur de mon estat, & le sang illustre dont j'ay prins origine, vous asseurant ma Dame qu'ayant ceste faueur, je l'estimeray d'auantage, que si le reste du monde me tenoit à leur Seigneur naturel: & plus encore receuant quelque
bague

bague ou manchon de vous pour porter, paracheuant la fin des combats q̄ j'ay mis en auant, pour soustenir vostre parfaicte beauté, laquelle ternist toutes celles des plus excellentes qui furent & pourront estre à jamais: baissant au surplus par mille & mille fois voz diuines & blanches mains en toute reuerence.

Harangue d'Abrasœur de Zair à l'Infante Ono'rie, luy exposant la vehemente amour que son frere luy porte, qui la doit esmouuoir à le traiter doucement, & à prendre pitie de son tourment. au bûctusme liure chap. 7.

IE m'esbahis (ma Dame) comme il est possible qu'avec la grand' beauté & prudēce qui est en vous, rigueur & del dain y puissent auoir part. Vous avez à ce que j'ay entedu faict peu de cas de la lettre que le Soudā mō frere vous a t̄scrit, & du mal qu'il souffre pour vous aymer si parfaictemēt qu'il vous a fait entendre. Je vous prie pour Dieu, cōsiderer, q̄ si vo' v- sez longuemēt enuers luy de telle cruauté la vie luy sera briefue, & perdiez en le perdāt le meilleur & plus affectionné seruiteur, que vo' pourriez jamais acquerir & moy quant & quant, qui merite plus grā de punition du tort qu'il vous a faict en vous ayment (si tort se peut apeller) que non luy: car il ne pēsa oncques qu'à vous

obeir & complaire : & moy à luy trouuer remede de sa passion desmesurée , qui a esté cause que je vous ay enuoyé (par l'vne de mes femmes) ce qui vous a donné quelque mescontentement , comme elle m'a rapporté.

Response d'Onolorie à Abraſœur de Zair, la redarguant de ſa folle en:reprinſe, &c. que ſon frere la pourſuit plus. en fera faire vengeance. au huitieſme liure, chap 7.

IL me ſemble, ma Dame, qu'il vous deuoit bien ſuffire de ce que deſia vous auiez fait , ſans me donner nouuelle charge : tellement que ſi j'ay eu occaſion de quelque ennuy cõtre voſtre frere pour s'eſtre trop oublie en mon endroit, maintenant que vous le cuidez excuſer , vous l'accuſez d'auantage , & me faites penſer que vous doutez que je ne me ſente eſtre fille d'un ſi grand Empereur , & extraicte de tel ſang que j'aymerois mieux n'auoir oncques eſté, que de fouler en riẽ la moindre part de mon honneur. Et par tant aſſezuez celuy qui vous fait parler tel langage que s'il continue en ſa folle pourſuite, & vous à voſtre importunité j'en auer tiray tel , qui en me vengeance ſe plaindra de vous & de luy, ainſi que le meritez.

Harangue du Cheualier Birmartes à l'Empereur de Trebyſonde, pour l'aduerſir du vou-
loir

*loir qu'il a pour combattre en l'honneur & fa-
ueur de ma Dame Onolorie : qu'il estime la
plus parfaite en toutes choses qu'autre du mō
de. au huiſt ſme liure, chap. 9.*

TRespuissant & excellent Prince, la
representation que je porte de cel-
le qui n'a son per en parfaite beau-
té m'oste la coulpe que je pourrois rece-
voir, ne vous ayant (a mon arriuée) faict
l'honneur & reuerence que merite la
grandeur de vostre personne. Et pour
vous declarer la cause qui m'a meu venir
en ceste vostre court. Entēdez, Sire, que je
delibere y maintenir contre tous que ma
Dame Onolorie Dame de la beauté, Prin-
cesse d'Apolonie, excede en perfection
toutes les plus excellentes du monde,
comme j'espere prouuer par armes, souz
telle condition que celuy qui en voudra
faire essay s'il aime fille d'Empereur, ou
de Roy, sera contraint la porter en pain-
ture, comme je fais ceste cy, que vous
voyez, à fin que ou je demeureray vain-
queur, je puisse mettre son tableau au
rang des autres que j'ay conquis. Et ou
aussy j'aurois du pire, force me sera doref-
enauant cesser mō entreprinſe, sans plus
quereller la beauté de ma vie, au preiudi-
ce de celles qui y ont interest. Maintenant
doncques, Sire, que vous auez entendu

ma volonté, s'il y a aucun qui vueille four-
nir aux conditions recitées deuant vostre
excellence, il me trouuera demain hors
ce Palais prest à le receuoir.

*Harengue de Zair Soudan de Babylone à
l'Empereur de Trebisonde, luy declarant ses
heureuses fortunes, & grandes conquestes: &
qu'il protestoit de viure avecq'ses gens en la
Loy de nostre Seigneur, & à ceste fin prend le
baptisme. au huietieme liure, chap. 11.*

TRespuissant Empereur, j'estime
bien que ce n'est pas du jourd'huy
que vous auez cognoissance des
Royaumes & grandes Prouinces que j'ay
subjuguées & reduites à ma couronne,
depuys le temps que les Dieux m'appel-
lerent à Gouverner la plus saine & meil-
leure partie de l'Asie. Et conduysant en
personne mes armées inuincibles, durans
ces longs voyages, je ne me monstray onc
ques tardif, ny paresseux: ains (sans auoir
esgard à peril, chaud, froid, longueur de
temps, ny autre danger qui se presentast)
j'ay le tout souffert ausly liberalement,
que le moindre de mes soldatz. En sorte
que (fauorisé de fortune) quinze grands
Rois se sont rendus mes tributaires, la
pluspart desquelz m'ont suiuy & accom-
pagné jusques en vostre court, ou encores
ilz sont maintenant. Or ay-je toute ma
vie

vie esté tenu le Prince plus heureux qui porta oncques le sceptre , mais tout le bien que j'ay reçu par le passé est peu, ou rien, au regard d'un que vous entendrez, & dont je pense que vous & toute ceste noblesse ferez esmerueilliez. Il a pleu à Dieu le createur m'auoir gardé en ceste vostre grande cité, & me donner quant & quant la cognoissance de la vraye foy que vous autres Chrestiens observez : & à laquelle je delibere desormais viure & mourir, n'ayant plus grand desir en mon ame que d'auoir tant differé à ce faire. Et à fin que vous voyez par effect que je ne parle en vain , presentement & en la presence de toute ceste assemblée , moy, ma sœur, & tous ces Princes mes sujetz receurons le baptesme esperāt que puis apres (vsant de vostre liberalité accoustumée) ne me refusez vn don que je vous supplie m'octroyer.

Cōplainte de Zair Souïan de Babylone, pour l'infante Onolorie, qui l'auoit laissē pour s'acoointer de Lisuart. Et se plaint grandement de sa desloyauté, & faute par elle commise. au huietiēme liure, chap. 11.

AH! ah! disoit il, triste penser! qui me gelles & ars le cœur, & auances la tristesse qui sans cesse me lime & ronge l'ame, & l'esprit. Las! que doy je fai

re , estant arriué si tard & mal à propos, qu'un autre a premier cueilly le fruit, que j'aye seulement la veue de l'arbre. Un autre en a obtenu la despoüille & entiere richesse, & je suis encores à jouir du moindre bien, ou faueur, que l'on scauroit estimer. Pourquoy doncques estât priué (cōme je suis, & de la fleur & du fruit ensemble) me passionne-je ainsi ? & pour celle qui (a l'exēple de la Louue) à trouué bon me laisser, & choisir Lisuard, pour me desdaignant à Seruiteur, se rendre sa serue & esclauē, & s'abandonner à luy , perdant par ce moyen le meilleur qui estoit en elle. Car à bien dire , la fille vierge & pudique ressemble la rose, qui estant jointe au beau Rozier, sans receuoir dommage, ny du bestial, ny de l'injure du temps, l'aube du jour pleine de rosée s'encline à sa faueur. Et à ceste occasion souhaitée souuent des jeunes Dames amoureuses , qui la cueillent & s'en saisissent , pour faire guirlandes, bouquets , & chapeaux à orner leur chef, & parer leurs petits tettons, ou pommelettes rondes, plantées sur leur tendre & deslié estomac. Mais elle n'est plustost rauie & ostée de sa verde branche & maternelle nourriture , qu'elle pert petit à petit la grace & beauté, qui la faisoit desirer, & du ciel, & des personnes. Sem-
blable.

blablement la Dame ou Damoyſelle, laiſſant raiſſir à autrui la fleur de virginité, qu'elle doit tenir plus chere, ne que ſon bien ne que ſa vie propre, altere du tout le prix, qui la rendoit eſtimée, & biē voulue de ceux qui luy portoyent affection & ſeruitude. Mais quoy? il eſt bien raſonnable, qu'elle ſ'en ſoucie peu ou rien: pouruen qu'elle demeure aymée de celuy auquel elle a fait ſi grande liberalité de ſa perſonne. Ah fortune cruelle! fortune ingrate & aueugle! Liſuart ſeul en triomphe d'abondance, & j'en meurs de neceſſité. Eſt-il doncques poſſible qu'elle me ſoit à jamais agreable? Doy-je auſſy laiſſer perir & conſommer ma propre vie, & requerir d'auantage la perſonne ſi ingrate? Non, non, pluſtoſt meurent mes jours que mon affection reuienne jamais en ſon endroit. Auſſy ſeroit il peu raſonnable. Et toutesfois le meſchāt qui m'a procuré ceſte injure & tourment, en payera la tare, luy faiſant perdre (ſi je puis) la vie & l'honneur enſemble.

Reſponce de l'enſante Gradafillee à Liſuart qui oubliant ſa dame Onolorie eſtoit content obeyr à ſa volonté impudiquement & ſ'en àmourer d'elle à ſon grand deshonneur & ſcandale au meſme liure, chap. 15.

EN bonne foy mon amy , respondit elle, vous estes (à ce que je voy) bien deceu , & me faites quant & quant tort , d'estimer amoindrir ma peine , avecq' vn vitupere trop malheureux à mō honneur. Je vous prie beau Sire , n'auoir jamais vostre Gradafilée en telle opinion, de penser d'elle que les forces d'amour soyent suffisantes pour corrompre sa chasteté, ny son vouloir pudique, & vertueux estans ces choses reseruées pour le mariage seul , non pas aux appetitz sensuelz & blasmables. Aussi ce que je pleure n'est pour me voir frustrée de mon intention: ains seulement pour la consideration que j'ay que vous ne paruiendrez de vostre vie à ce que vous auez presumé de moy, sous ombre de mitiguer & adoucir le mal qui me tourmente. Car vous pouuez tenir pour certain, puis qu'Onolorie seule vous merite, que ma volonté n'aura jamais sur moy plus de puissance , que j'ay sur elle , demourant l'amour que je vous porte avec ma pudicité, & mon esperâce certaine, mon desir inexecuté, & mon travail en repos: ne cherchāt autre plus grād bien , que vostre continuelle presence, & compagnie: avecques laquelle je sentiray en moy plus de gloire & de contentement , que si j'auois les entieres faueurs,

grans

grans biens & preheminences , que tous les autres Roys , & Princes de la terre me pourroyēt ottroyer & consentir. Parquoy je vous supplie , que ceste honneste amytié & ordinaire compagnie que je desire avecques vous , ne me soit refusee : ains me permettre vous suiure à jamais, sous le pretexte que la loyauté que vous deuez à ma Dame vostre femme n'en fera en riē corrompue : ainsi aussly certaine & asseurée que si elle vous auoit ordinairement pendu à son col.

Lisuart louë beaucoup l'excellente responce de Gradafilé, & la grand vertu qui est en elle de ne se laisser tromper en fol l'Amour dont il extolle sa vertu, & constance plus qu'autre qu'il ait iamais cognue. au huietieme liure, chap, 16.

PAR Dieu ma Dame, (à ce que je puis cognoistre en vous) les œuvres de Dieu sont grans & admirables: & seroit malaysé de croire (sans l'auoir veu & entēdu) qu'en la personne d'une Damoyelle, jeune, & belle , peust auoir tant de force, & de vertu, que veritablement vous meritez le prehier lieu entre celles , dont la renommée vit encores aujourd'huy. Qui me fait trop plus estimer en vous la vertu de constance , que celle du Romain qui de gayeté de cœur se brusta le pro-

le propre bras. Auffy n'est la cruauté qu'il
 prepara à soy-mesmes comparable au tor
 ment qu'avez voulu , & voulez souffrir
 pour l'amour de moy : car celuy dont je
 vous parle, outragea seulement l'un de ses
 membres : & vous exemplaire de toute
 chaste pudicité , avez permis (pour gar
 der vostre honneur) laisser non seulemēt
 ardoir vostre propre bras mais par force
 d'amour le cœur, & le corps, ou repose l'a
 me gentile, & l'esprit si parfait. A l'ocasi
 on dequoy je me promets tresbien , qu'
 oncques Cheualier ne fut tant redevable
 à Dame, ou Damoiselle , comme je suis à
 vous , d'autant que je me puis vanter la
 fortune m'auoir esté plus fauorable, qu'à
 nul d'eux, m'ayant abbaisé tāt bas, pour
 à vn instant m'exalter en si haut degré, ap
 prestant l'occasion de me faire aymer sy
 parfaitement de la plus sage, belle, & cha
 ste Princeesse de la terre. Tellement qu'à
 bon droit je maintiendray contre tous,
 que ni la renommée d'Amadis de Gaule,
 mon ayeul, ni l'effort ou hardiasse de mō
 Pere, & moins les hauts faits d'armes du
 Cheualier à l'ardante espée (la prouesse
 duquel a desia tant de fois circuy le mon
 de) ne se peuuent raisonnablement ega
 ler à mon bon heur que je sens en moy,
 jouyssant , & auecque tant de difference
 de

de l'amour honorable des deux plus hautes Dames de la terre. Et quand à ce que vous me demandez, dit il, & dont moy-mesme vous deurois premier requerir, je le vous accorde de tres bon cœur, reputât vostre compagnie si auantageuse pour moy, que je ne vous abandonneray de ma vie outre vostre gré: si force ou prison ne m'y contraint.

Lettre de Niquée Princesse de Thebes au Cheualier de l'ardente epee, luy declarant qu'estant aduertie de ses vertus, & grandes prouesses, elle a prins affection en luy, & desire estre mariée avecques luy au huietieme liure. chap. 18.

Niquée Princesse de Thebes, & que les dieux ont auantagée en si parfaite beauté, que nulle Dame, ou Damoysselle de ce temps n'est comparable à elle, donne salut aux preux, tresrenommé, & tresvaillant Cheualier, de l'ardante espee. Sçache donques l'excellence de luy que je n'a y encores esté veüe, ne regardée d'homme viuant: ains leur est ma presence defendüe, & ma beauté non moins preiudiciable, que le regard venimeux du Bazilique. A l'occasion dequoy, l'on me tient close en ceste forte tour, accompagnée seulement des femmes, qu'il a pleu au Soudan mon Pere me donner

Et

Et neantmoins la renommée de vostre proüesse & bonne grace a tellement volé par deça, qu'elle à fait entiere conqueste de mon cœur, pour le bien de vous seul, & mal de tous. Sans toutesfois alterer en rien par cela l'honneur de moy, ains (gardant ce qui doit estre plus recommandé à toutes vertueuses Dames) le mariage seul donnera lieu à mon contentement, & au bien que deuez desirer, estant si fauorisé de fortune, qu'elle vous rendra aimable de celle, qu'autre que vous ne mérite seruir. Parquoy receuant l'heur que les Dieux vous ont reserué, je vous prie incontinent qu'aurez reçu & leu ma lettre, venir voir celle q̄ nul ne peut regarder qu'à son desauantage & mal certain, estât tout ce qu'elle a de bon en elle dedié à vous, afin de joindre ensemble le Parangan de toute beauté, avec que l'excellence de Cheualerie. Le reste Busando, ce mien feable Nain le vous dira de ma part, que vous croirez (s'il vous plaist) comme moy mesmes.

Harangue de Niquee Princeesse de Thebes à son Nain Busando, le priant de tenir secret: ce qu'elle à volonté de luy dire qui importe beaucoup à son honneur. au 8. liure, chap 18.

M On petit Busando, je t'ay autrefois promis, que tu serois le premier, qui auroit part à mes douleurs, & à qui je dirois la cause de ma tristesse. Et tant pour ceste raison, que pour la confiance que j'ay en ta loyauté, m'estant seruiteur comme tu es, je ne te tairay d'oresnauant le pur secret de mon cœur, esperant que l'ayant mis en tes mains, tu le garderas fidellemēt, & sans le descouurir à creature qui viue. Toutes fois je te prie (premier que je cōmence) considerer cōbien la force qui me contraint te dire ce que je te diray, doit estre aspre & vehemente, veu que ny la hôte, ny la grandeur de mon estat, n'ont peu satisfaire à mon hor. nestete : d'autant que les fleches d'amour ont tellement attraint le cœur de moy, qu'estant desia l'vlcere istome née, le remede y est mortel, & incurable, je dy cecy par ce que ma vie est non seulement en peril, ains mon propre honneur, qui est le pis. Parquoy mon Busando, je te supplie auoir deuant les yeux la confiance que j'ay en toy, sçachant tres-bien que qui baille son secret à autruy à cestuy la est commise la chose qu'il deuoit tenir plus chere que sa propre affection. Et ainly ayez en memoire d'aussy bien celer ma pensée, comme

comme j'ay eu de peine premier que la
te manifester.

*Respōce du Nain Busando à Niquée, l'assen-
rant qu'il ne voudroit p. ur mourir luy faire
chose, ou ell: fust offēcée. au 8. liure, chap. 18.*

Pardonnez moy (ma Dame) car vous
me faites tort, doutant que j'en soys
autre qu'obeissant à vostre volonté.

Aussy eslirois-je plustost la mort, que la
transgriesser en rien: vous suppliant tres-
humblement croire, que vostre Busando
n'a non plus de pouuoir sur soy-mesmes
qu'il vous plaist luy en donner. Ainsi don-
ques commandez luy hardiment tout ce
qui vous sera agreable, & avec autant de
foy qu'il le taira, comme si ne le disiez à
autre qu'a vostre propre ame: m'estimant
tant amy de vertu, qu'elle vaincra en mon
endroit toutes choses au contraire, qui se
pourroyent offrir en ma pensée.

*Harangue du Cheualier de l'ardente espée
à Lucelle Princesse de Sicile, l'aduisant comme
il est atteint de son amour: la priant humble-
ment de ressentir en elle ceste grande amitie,
afin d'auoir pitié de sa douleur. au huitiesme
liure, chap. 21.*

PLeust à Dieu! ma Dame, qu'amour
eust aussi bien employé ses forces
sur vous à mon auantage, comme il
a voulu faire enuers moy, pour vous, me
rendant

rendant du tout vostre, & tant affectionné à vous honorer & seruir, que si toutes choses alloyent par raison, les flammes, qui ardent mon triste cœur, seroyent moyen de me donner tel allegement que (sentant ce qui me fait souffrir) vous mesmes donneriez blasme à vous mesmes, pour vous estimer & penser tant cruelle. Mais puis que mon malheur consent que moy seul patisse, j'estime ce trauail heureux s'il vous est agreable, esperant que m'ayant cogneu tel que je suis en vostre endroit, vous aurez pitié de moy, sinon tost, au moins auecques le temps: me confiant de sorte en vostre bonté, & honnesteté, que vous (sçachant qu'estes cause de mon martyre) ne serez tant cruelle, pour laisser mourir si miserablement un tel Cheualier que ie suis, & né en ce monde seulement pour vous obeir, & complaire en tout ce que trouuerez bon luy commander.

*Response de Lucelle au Cheualier de l'ardre
de espée, qui luy fait entendre, qu'elle luy porte
bien autant bonne affection, qu'il luy peut por
ter, en amitié vraye & loyalle, & pour se ma
rier ensemble s'il se peut faire, au huitiesme
liure, chap. 21.*

Ab

AH! ah mon amy! respondit la Pri-
cesse, comment me dites vous ce-
la? Pensez vous que je vous tienn-
si esloigné de raison, pour auoir en l'es-
prit que je voulsisse recognoistre les serui-
ces que vous m'auiez faitz par chose mal
seant à mon honneur? croyez moy, que
vous ne viuez point trompé en l'amour
que me portez: car je vous ayme & estime
tant, que si toute la Monarchie du mon-
de estoit mise d'une part, & vous seul d'an-
tre costé & l'un & l'autre fust en mon cō-
mandement, je vous accepterois & esli-
rois pour mon seul Seigneur & mary plu-
stost que demourer Dame & Imperatrix
du reste: & voyla qui me cause toute seu-
reté, que vostre cœur ne desire, ni vou-
droit penser à chose, ou ma reputation
peust receuoir tache, ou le moindre blas-
me qu'on scauroit presumer. Aussi vous
jureray-je quant à moy, qu'autre que vo-
ne sera jamais possesseur de mon cœur:
car il est & sera vostre tant qu'auray la vie
au corps, pour vous vouloir bien.

*Lettre du Cheualier, à l'ardente espée surmō-
mé Amadis de Grece, à Niquée pour l'aduer-
tir, qu'il est prest de l'aller voir, puis qu'il luy
plaisl luy oſtroier sa bonne grace, qui le fera
vostre content, au huitiesme liure, chap. 22.*

Ma Dame

MA Dame, j'ay reçu la lettre, qu'il vous à pleu m'escire par ce porteur, lisant laquelle, j'ay aussi tost senty mon cœur enclin à vous rendre toute la seruitude qu'il vous plaira auoir de luy; ne desirant autre plus grand bien que voir & jouir de vostre presence : assuré que mes yeux receuans cest heur, les vostres doux & pitoyables auront compassion du mal que je souffre pour chose nō offensée. En sorte que me donnant part certaine en vostre bonne grace, je viuray content, & vous obeir, & honorer par ce luy, sur lequel vous auez entier commandement, & qui vous supplie de faire tant pour luy, de permettre & donner ordre qu'il vous voye, & vous puisse baisser vos diuines mains, recognoissant la grace & faueur que vous luy auez fait luy mandât par Busando vostre vouloir, qu'il mettra peine d'accomplir, ainsi que je luy ay prié vous dire de bouche, & que vo^s croyez s'il vous plaist de la part de vostre tres-humble & obeissant Seruiteur le Cheualier à l'ardente espée.

Complainte d'Onolorie pour Liſuart, absent, se tristant fort de son esloignement, le priant à ceste cause d'auoir pitié de son extreme douleur, & venir par deuers elle, au huitiesme liure, chap. 26.

Helas mon

HElas mon cher amy, à quoy pensez vous maintenant pour laiser ainsi seule & de fauorisee celle, de qui l'esperance est plus que demye morte?

Car ainsi que l'ombre s'augmente au departir du Soleil, & rend l'obscurité offroy aux cœurs timides, & mal assurez: semblablement vous absent & hors ma veüe la paour me tient tellemēt assiegée, qu'elle ne m'abandonne vne seule heure, ains faict ce qu'elle peut pour me faire perdre vous & ma vie ensemble. Parquoy, ò ma douce lumiere, & mon seul Soleil: auancez vous & venez rendre la clarté à mon esprit, lequel est maintenant si offusqué de nuage mortel que les premieres nouvelles que vous aurez de moy pourete, fera (comme je pense) la fin desesperée de vostre Onolorie, qui ne vous regrette & appelle moins à son secours, qu'elle est aysée & joyeuse de vostre liberté & deliurance.

Harangue d'un Trompette à la Royne Liberna, de la part des gens d'Abernis la priant de les excuser & pardonner la faute qu'ils ont commise à sa maiesté. au huietième liure, chap. 31.

MA Dame, vos humbles suiets contrains par la violence d'Abernis prendre les armes contie vous,
vous

vous supplient en toute humilité les recevoir deormais en vostre bonne grace, & oublier la faute qu'ils peuuent auoir commis enuers vostre Majesté, à la charge qu'à l'aduenir ils vous seront fidelles & obeissans, autant ou plus qu'autres subiects ou vassaux qui soyent en autre Prouince, ou Royaume.

Responce de la Roine à ses gens, leur declarant qu'elle leur pardonne de bon cœur leur offense. sous l'esperoir de leur amendement. au 8. liure, chap. 31.

MEs amis puis que vous auez prins ce chemin, vous trouuerez en moy vne Princeesse autant gracieuse & effable, comme Abernis vous estoit graue & mal-aisé. Je sçay assez que vraiment beaucoup de vous autres ont esté reduits & forcez à me mener la guerre: mais aussy quelques vns se sont oubliez plus qu'ils ne deuoyent. Et neantmoins sous promesse que vous me faites, & l'esperance que j'ay en vostre amendement, je suis presté de vous faire vn pardon general, & vous traicter dorelnauant ainsi qu'une bonne & vertueuse Roine & Princeesse doit traicter & gouuerner ses bons & loyaux subiectz.

Harangue de la Roine Liberna au Cheualier sans r. pos, luy faisant entendre qu'elle est esprise

esprise de son amour, & a toute puissance sur elle. au 8. liure, chap. 31.

IE vous promets, Cheualier sans repos que considerant la grand' proüesse qui est en vous, & le bien que j'ay recouuë par vostre moyen, & seule occasion, j'ay delibere vous faire perdre le nom que vous portez, pour vous donner telle puissance sur moy, que peut prendre le Seigneur & espoux de sa femme & amie. Car je confesse qu'oncques Princessë, ny autre fut si esprise d'amour, comme je suis en vostre endroit, encores que vous me soyez quasi incogneu.

Lettre d'Abra Princessë de Babilone, à Lisuard, luy reprochant sa grand lascheté d'auoir tuë son frere Zair; oubliant en ce faisant leur amitié, luy declarant qu'elle se sacrifiera à la mort pour 'a celebre memoire de son dit frere. au 8. liure, chap. 34.

ABra Princessë de Babilone, seruant des Dieux souterrains, & ennemie de leurs contraires, à toy le Constantin, Prince Lisuard, meurdrier & rauisseur de l'expoux de la diuine terre Babilonique, la laissant par la mort du tresillustre Zair, orpheline de sa Royale Cheualerie, & desnuëe d'esperance de plus recouurer vn tel Seigneur. Ty moy ingrat est-ce l'amour reciproque en quoy tu m'estois

m'estois obligé , t'ayant fait entendre le bien que je te desirois ? Est cela la reconnaissance de l'election que j'auoys faicte de ta personne pour estre mon Seigneur & expoux ? Est ce le fruit de l'esperance en quoy tu me mis lors qu'en la presence de tant de Princes , je te requis me daigner prendre à semine & perpetuelle amie ? t'ayant si bien emprins en mon cœur, que tu n'en partiras tant que la vie luy restera, ains y seras residēt pour mieux y nourrir le desir que j'ay de venger la mort de mō tresaymé frere. Mais helas ! qui eust jamais pensé la mer espouuentable deuon estre cōsacrée de son corps, & sepulture de lui ? Certes je croy qu'elle mesme ignore qu'elle le tient submergé en la profondeur de ses eaux. Car si elle l'eust entendu, il est vray-semblable que les ondes en eussēz desia triomphé, voire en communication avec ses souuerains cieux, se tenans honorez pour jouyr de son sang corps diuin. Et si la mer n'est encores aduisée, la terre ne l'a aussy entendu, par ce qu'elle n'eust tant différé à ses complaints & dolean-ces , aux souuerains Dieux pour raur son espoux & juste possesseur qui a esté vsurpé de sa domination , & mis en element si contraire , dont pourra aduenir quelques fois guerre eternelle, entre sa rō-

tondité &

roûté & la profondeur des abyfmes, pre-
tendant chafcune d'elles à la jouïffance
& garde de fon Prince & dominateur tres
magnanime. Mais fi ces deux en font que
relle , le feu & fon element ne s'en taira
pas, ains fe plaindra à jamais , pour le re-
gard des facrifices que les dieux efperoy-
ent s'il fust mort en la terre. L'air donc-
ques eft feul qui jouift de ce que tu poffe-
des, qui a l'affeuance de la mort de Zair.
Auffy eftoit il prefent & occupé au con-
flit entre les fureurs infernales , qui durât
le combat vomiffoient foudre & puân-
teur par la bouche d'une infinité de ca-
nons, & autre artillerie. Mais helas! helas!
quelle vengeance fera faiète pour celuy
duquel l'air , la terre & le feu receurent
quelques fois fentiment de fon abfence
& ces profondes eaux, gloire de la poffèf-
fion de fon corps? Certes autre que celle
j'efpere en ta mort , & à la fin de ma vie,
me voyant ainfi priuée de mon Seigneur
& frere. A la fin (dy-je) de ma vie: par ce
que le cruel amour ne veut permettre la
vengeance fur toy , finon que moy mef-
mes me facrifie pour decorer ta mort,
qui me rendra la mienne bien heueufe.
Ainfi feront les obfeques de toy entiere-
ment celebriées par le trespas de Zair & de
moy , afin que fortune les rende egales à
la

la victoire qu'elle t'a voulu ottroyer, non seulement en la vie contre les Cheualiers & bestes plus cruelles, mais en la mort que te pourchassera celle qui te deffie tât qu'elle viura, qui ne sera plus longuemêt que tu resideras au monde : afin que par telle & si estrange cruauté soit executé le desir de ma vengeance.

Lettre de Zahara Royne des mōts de Caucase à Lisuard, luy declarant qu'elle est venue en Babylone, pour contracter mariage avec le Soudan. Au huietieme livre, chap. 35.

ZAhara Royne des mōs de Caucase, dame de toute Hiberie, victorieuse des grandes Prouinces des Sarmates, Corfcs, Yrcanie, & Messageres, A toy Lisuard Infant de deux souuerains Empires de Grece & Trebisonde, salut. Sçachez que la renommée du magnanime Soudan Zair m'a faict venir de mes pays lointains en sa grande cité de Babylone, esperant le rendre possesseur de moy & de mes Royaumes ensemble, demeurant soubs son nom ma gloire immortelle: ou j'ay sceu que la fortune qui luy fut autres fois amie, à permis que espendisses le sang de luy, me laissant par ce moyen, & à iamais vefue de mary, pour n'en rester autre qui peust ataindre le merite de ma

grandeur, estant Princeſſe telle que je ſuis,
& douée de la beauté que les dieux ont
mis en moy, par l'aduis deſquels le ma-
riage de nous deux ſe fuſt conſommé, ſi
malheur n'y euſt contredit comme il a
faict. Mais quelque empeschement que
fortune ingrate ait mis à ma deſtinée, ſi
ne ſe pourra celer ny eſtindre la gloire
de Zair, demeurant ſa mort vengée par la
tienne propre. Pour à quoy paruenir, je
te deſſie de ta perſonne à la mienne, & a-
uec les armes que voudras eſlire, eſtant
le camp deuant le palais du tieſpuiffant
Empereur de Trebiſonde. Et afin que tu
ne contemnes ce combat pour t'eſtre pre-
ſenté par vne femme, je t'auise que la cou-
ſtume de Sarmate m'a acquis poſſeſſion
de Cheualerie, & nom de Cheualier. En
ſorte que la victoire que tu obtiendras
ſur moy (ſi tu l'obtiens) ſera illuſtrée par
tant d'autres que j'ay acquiſes ſur maints
auſſi preux que toy, qui ont eſpiouué la
force de mes bras, & n'en demeurera en
rien moindre ton ancienne gloire, quel-
que bon viſage que t'ait monſtré fortune
juſques à huy : ains s'augmentera d'auan-
tage, ayant le deſſus d'une telle Roynesse
ſi puiffante, que je ſuis, & qui deſire
eſtindre (à ſon pouuoir) ceſte cruauté,
avec laquelle la beauté de ton œil ſçait
vain-

vaincre (comme lon dit) & conquerir les hautes dames & damoïselles qui te voiēt.

Lettre de Lisuard à Abra Imperatrix de Baby'one, par laquelle il monstre quelle cause l'a meu de s'acheminer au pais du Prince Zair Et se sumet à Abra. Au huitième liure, chapitre 36.

SOuveraine Imperatrix de Babylone & de Parthes, Lisuard de Grece Infant de Constantinople & Trebisonde, & seruiteur de Iesus Christ, vous salue & honore ainsi que la grandeur de vous merite. Entendez dame tres-honorée, que le sang Imperial de Grece joint avec la glorieuse & invincible Bretagne, m'ont acheminé au lieu ou veritablement j'ay trouué moyen de venger l'injure que j'auois receüe par le Prince Zair. En quoy faisant (& avecq' si bonne & iuste cause) je ne pense auoir offensé en rien la grande obligation que veritablement j'ay à vous, pour l'amour que vous dictes me porter. Aussi n'est amoindri en mon endroit le desir de vous faire humble seruiue: ains tant que viuray, seray vostre, (comme ie suis) sans toutesfois alterer le deuoir d'honneste fidelité que j'ay porté à madame Onologie ma chere sœur & épouse. Or (madame) pour aucunement respondre à la lettre qu'il vous a plu

m'escrire , mesme sur ce que vous vous
plaignez de la mer , qui se pourra glori-
fier , ayant en elle le corps & le sang du
Prince Zair : il me semble (sous meilleur
aduis) qu'il n'eust peu recevoir plus glo-
rieuse sepulture , estant honoré (comme
vous publiez) par si grande multitude
d'eaux, lesquelles (selon vostre iugemēt)
en doyuent faire plus de cas , que de leur
propre Neptune . Et ou le Ciel le ravi-
roit aux abismes pour le colloquer plus
haut, quel lieu sçauriez mieux souhaiter ?
Certes l'un & l'autre sont plus propres à
le loger , que non la terre qui en a perdu
la possession , & se doit tenir trop petite,
pour contenir en soy le corps de celuy
dont les vertus & prouësse sont inenara-
bles, voire innumerables . Ainsi mada-
me, je vous supplie humblement amoin-
drir vostre passion . Ce que la raison pour-
ra faire, plustost que le temps vous cog-
noissant sage & vertueuse Princesse , au-
tant qu'il en soit au monde . A l'occasion
dequoy j'ay, considerant les dernieres lig-
nes de vostre lettre, receu plus de pitié de
vostre mal , que de crainte pour la mena-
ce que vous me faictes à pourchasser ma
mort : laquelle m'aduenant par vostre
moyen, demeureriez peu satisfaite , &
perdriez en me perdāt le meilleur & plus
affection

affectionné seruiteur que vous sçauriez jamais acquerir , & tel me trouuerez , ou quand il vous plaira m'employer , & commander sans espargner la vie , & vne douzaine si je les auois en vous obeïssant.

Lettre de l'Infant Lisuart à la royne de Caucase, par laquelle il l'aduertist qu'il a destruit ses gens-d'armes & Zair , lequel la vouloit espouser. Et en la hayne de ce a enuoyé vn Cartel à Lisuard, pour luy signifier guerre. Au 8. liure, chap. 36.

TRes-haute & puissante Royne de Caucase, j'ay sceu par le cartel, qu'il vous a pleu m'enuoyer, comme l'occasion de vostre arriüée en Babylone estoit sous l'esperance du mariage futur de vous avec le Prince Zair, que j'ay fait passer au fil de mon espée , vous disant par ceste mort vefue de tout point, pour n'estre autre viuant digne de vous.

Certes madame la grandeur de vostre estat, & la beauté, qui vous accompagne avecq' ceste prouesse dont vous estes renommée, merite bien qu'on vous estime telle que vous estes. Mais si ne consentiray-je pas aysemēt qu'il ne soit assez d'autres Princes, Seigneurs, & Cheualiers aussi bons ou meilleurs que Zair pour se joindre à vous par mariage, & satisfaire à son deffaut. Au reste je vous promets que je

suis tresdeplaisant du cōbat q̄ voulez entreprendre contre moy à toute outiance : Car vous pour estre femme, estes plus à craindre par grande beauté, que non à l'effort de vos armes, attendu que pour le seruice de vous & vos semblables, je suis plus coustumier mettre la vie en hazard, que la defendre contre elles. Toutesfois puis qu'en ce regard vous voulez plus tenir du cheualier preux & hardy, que non de damoysselle douce & gracieuse, me defiant de vostre personne à la mienne, je l'accepte. Et pour reseruer à part l'obligation que je doy à vostre seruice, je vous remets l'election des armes. Car j'espere tant en vostre bonté naturelle que vous mesmes serez vaincue par vous mesmes, sans que ie pourchasse la victoire sur vous avec celles dont ie me pourrois defendre contre ceux qui à meilleure occasion entreprendroyent m'assaillir. Quant au camp & autres choses requises par ceste prudente Royne, elles vous seront accordées ainsi qu'elle les a demandées de vostre part. Le temps sera d'huy en cinquante iours, afin qu'avecq' la solennité de tant glorieuse entreprinse mes nocces puissent estre mieux celebrées & honorées.

*Lettre de Niquée Princesse de Thebes au
Cheualier de l'ardente Espée, par laquelle elle
Luo*

louë ledict Cheualier, & rasche à s'insinuer en son amour, pour à quoy paruenir luy enuoye vn pourtraict des belles dames. Au huiſtième liure, chapitre 40.

Niquée Princeſſe de Thebes donne ſalut au Cheualier de l'ardente eſpée, plus valeureux qu'autre qui porta oncques armes. Entende doncq' l'excellence de luy, que j'ay receu la lettre qu'il m'a eſcrite, & ouy biē au long la creance de ce miē fidele Buſando, & les nouuelles de ces hautes cheualeries, qui ont deſia tant de fois enuironné le monde, que mon cœur paſſionné ne prendra repos, iuſques à ce que mes yeux ayēt jouy de ſa preſence, & luy receu la gloire de me voir. Pour à quoy vous inciter d'auantage, mon ſeul Seigneur & amy, ie vous enuoye le pourtraict des plus parfaitement belles dames qui ſoyent aujourd'huy au monde. Entre leſquelles vous pourrez cognoiſtre, ſi les Dieux ont mis quelque auantage en moy par deſſus elles & le biē que ce vous eſt d'eſtre aymé comme ie vous aime, eſtant ma veuē nuyſante à tous autres pour trop deſirer ce, dont vous ſeul deuez jouyr, & pour qui ie ſuis reſeruée, ainſi que i'ay donné charge à ce Nain vous dire de ma part, & vous amener ceste fois ſans plus differer.

ment elle aura seurte du camp pour qui elle la demande, ains en route autre chose qu'elle estimera luy tourner en seruice: car encores qu'elle trauaille à son possible pour me faire perdre la vie, si ne laisseray-je de mettre peine de l'honorer & seruir tant que i'en auray le moyen.

Harangue du Cheualier à l'ardente Espée, surnomme Amalus de Grece, à l'Inſant Liſuard de Grece. Au 8. liure, chap. 48.

SOuuerain Prince (dit lors Amadis de Grece) les accidens de fortune sont tels, que bien souuent les hommes se trouuent plus contraints (par obligation que de leur volonté) à faire ce qu'ils doyuent, ainsi que je puis experimenter en moy presentement, & dont sera tesmoin cy apres le peril de mon entreprinſe, veu que n'estant que simple cheualier incogneu, & de nom & d'armes ay osé demander camp à l'encontre du plus adroit & vaillant Prince de la terre: me confiant que ou je seray vaincu, la gloire de victoire cōquise sur moy par vous, ne me pourra redonder qu'à honneur, tenant compagnie à tant d'autres plus estimez que je ne suis, & desquels vous auez auantage. Et ou l'heur me dira tant soit peu, Dieu ſçait en quelle reputation ie passeray d'icy en auant le reste de ma vie. Sur l'esperance

rance dequoy ie veux maintenir qu'auex
 (cōtre le deuoir enquoy vostre estat royal
 vous obligeoit) desdaigné non seulement
 l'amour dont vous estiez redeuable à la
 Princesse des Parthes, & failly à don par
 vous à elle promis en la présence de tant
 de Princes & Seigneurs: ains respondant
 le sang illustre du Soudan Zair. Et a ce-
 ste cause ie vous desfie à toute outrance,
 afin que par vostre teste, ou la mienne,
 soit auerée l'ingratitude vostre, & la mort
 du Prince Zair Soudan de Babylone a-
 uoir esté trop iniustement entreprinse
 par vous & vos complices. Et pour au-
 tant que selon le droit des combats, il est
 à moy d'essire le camp, ie vous declare qu'
 il sera deuant ce Palais au lieu ou j'ay veu
 en passant quelque femme encharée com-
 me l'on m'a dit. Au reste, pouruoyez y se-
 lon que mieux vous semblera.

*Responce de Lisuard au Cheualier de l'ar-
 dente Epee, louant le cheualier, en luy attri-
 buant gracieus té. Au 8. liur 2. chap. 49.*

Sire Cheualier, respondit Lisuard, le
 gracieux parler, & l'honneste façon
 de deffier dont auex vsé enuers
 moy, ne m'ont point donné moindre esti-
 me de vostre persōne, que la prouesse que
 jecroy certainement y estre: Car volon-

ment elle aura seurete du camp pour qui elle la demande, ains en toute autre chose qu'elle estimera luy tourner en seruice: car encores qu'elle traueille à son possible pour me faire perdre la vie, si ne laisseray-je de mettre peine de l'honorer & seruir tant que i'en auray le moyen.

Harangue du Cheualier à l'ardente Espée, surnommé Amadis de Grece, à l'Infant Lisuard de Grece. Au 8. liure, chap. 48.

SOuuerain Prince (dit lors Amadis de Grece) les accidens de fortune sont tels, que bien souuent les hommes se trouuent plus contraincts (par obligation que de leur volonté) à faire ce qu'ils doyuent, ainsi que je puis experimenter en moy presentement, & dont sera tesmoin cy apres le peril de mon entreprinse, veu que n'estant que simple cheualier incogneu, & de nom & d'armes ay osé demander camp à l'encontre du plus adroit & vaillant Prince de la terre: me confiant que ou je seray vaincu, la gloire de victoire cōquise sur moy par vous, ne me pourra redonder qu'à honneur, tenant compagnie à tant d'autres plus estimez que je ne suis, & desquels vous auez auantage. Et ou l'heur me dira tant soit peu, Dieu sçait en quelle reputation ie passeray d'icy en auant le reste de ma vie. Sur l'esperance

rance dequoy ie veux maintenir qu'auex
 (cōtre le deuoir enquoy vostre estat royal
 vous obligeoit) desdaigné non seulement
 l'amour dont vous estiez redevable à la
 Princesse des Parthes, & failly au don par
 vous à elle promis en la présence de tant
 de Princes & Seigneurs: ains respondant
 le sang illustre du Soudan Zair. Et a ce-
 ste cause ie vous desfie à toute outrance,
 afin que par vostre teste, ou la mienne,
 soit auerée l'ingratitude vostre, & la mort
 du Prince Zair Soudan de Babylone a-
 uoir esté trop iniustement entreprinse
 par vous & vos complices. Et pour au-
 tant que selon le droit des combats, il est
 à moy d'essire le camp, ie vous declare qu'
 il sera deuant ce Palais au lieu ou j'ay veu
 en passant quelque femme enchâtée com-
 me l'on m'a dit. Au reste, pouruoyez y se-
 lon que mieux vous semblera.

*Responce de Lisuard au Cheualier de l'ar-
 dente Epee, louant le cheualier, en luy attri-
 buant gracieux té. Au 8. liur 2, chap. 49.*

Sire Cheualier, respondit Lisuard, le
 gracieux parler, & l'honneste façon
 de deffielement dont auex vsé enuers
 moy, ne m'ont point donné moindre esti-
 me de vostre persōne, que la prouesse que
 j'ecroy certainement y estre: Car volon-

tiers telles courtoisies sont accompagnées de cœurs hauts & magnanimes. Et pour autant que je vous repute tel que vous estes, & que peut estre (mal informé) pourriez hazarder à tort vostre honneur, & offenser ma iustification je suis content que premier vous entēdiez comme les choses vont à la verité, afin que ne perdiez sous mauuaise querelle, ce qu'autrement vous seroit facile (par la prouesse qui est en vous) de conquerre auecques equité. Il n'y a rien plus certain, aussi ne le voudrois-je pas nier, que la Princesse des Parthes m'a demandé vn don, que je ne luy octroyeray liberalement: mais chacun sçait que les hommes ne doiuent ny sont obligez à donner ou demander plus que le possible: par ce que defaillant la possibilité, l'obligation & promesse n'a point de lieu. Abra me requist de mariage, & j'estoye desia lié: par ainsi hors de ma puissance. Au reste, quant à la mort de son frere, dont elle se deult tāt, sur mon Dieu, pour auoir faict Zair la trahison & meschanceté, qu'il inuenta contre monsieur l'Empereur, l'impératrix, mes dames ses filles & autres, elle a plus de raison de plaindre l'honneur de luy, que le chastiment qu'il en a receu par diuin iugement, comme il est à presumer.

sumer. Toutes-fois je confesseray bien, que pour l'amour d'elle je le desue encores en vie: Mais ayant ses jours prins fin combatant comme bon cheualier, & elle receu la Couronne & Empire de Babylone ainsi que sage & vertueuse Princeſſe qu'elle est, il me semble quelle doit oublier ses pleurs & querelles & prendre la raison en payement sans desirer ainsi ma teste, pour sacrifier à l'iniustice de son fiere. A la verification de laquelle je mettray peine (en me gardant) d'auoir la vostre à telle mercy que desirez la mienne. Et pour ce faire j'accepte & le desfiement & le camp par vous présenté. Les armes serōt celles accoustumées entre cheualiers d'honneur, escu & lance: & le jour d'huy à huiſtaine pour vostre soulagement: car je pense que ſoyez trauaillé du long chemin que vo⁹ auez fait. Dieu iuste & droit soit gardien, & de l'hōneur & du droit de celui de nous deux à qui il appartient.

Harangue de Zahara Royn^e de Caucaſe à l'Empereur de Trebiſonde & autres princes, accusant fortune de ce qu'elle luy a tollu ce qui estoit en ses mains, pour l'empartir à autrui. Au 8. liure, chapitre 49.

LA verité est, & ne le veux nier, q̄ par le conuenant que nous fismes ensemble le jour que nous nous com-

batismes , celuy de nous deux qui per-
droit les armes, demeureroit pour vaincu
& obligé de faire la volenté du vain-
queur : de ce qui en auint, vous tous seig-
neurs le sçauiez. Et combien que la for-
tune ayt voulu faire si peu pour moy, que
me tollir ce qui estoit en mes mains, pour
le vous donner, je ne veux pourtant vous
denier le reste de ce, que je vous doy : par
ce que faisant d'autre sorte, la coulpe qui
d'entrée se peut attribuer à telle fortune,
redondeoit à mon plus grand desauan-
tage, faillant de promesse à qui je la doy.
Aussi ne le permettent les Dieux , ains
plus tost m'enuoyent la mort. Car en-
cores que je ne sois autre que femme, si
ay-je bien certaine cognoissance, que la
corde ny le clou ne peuuent point tant
estreindre ny serrer la chose contre laquel-
le on les veut approprier, pour tenir fer-
me, comme la foy tient estroictement vn
gentil esprit de son indissoluble lien. Et
pour ceste cause (comme j'ay entendu)
les peintres anciens la peignoyent vestue
d'un seul linge blanc, demonstiant par ce-
la la purité d'elle, qui ne peut n'y doit
estre souillée par aucune tache, ou peril,
tant soit estrange & dangereux. Et voila
la raison par laquelle je me sou mets du
tout à vostre volenté, deliberée de vous
obey

Obeir, selon toutes-fois que l'estat & honneur de moy le permettra. Maintenant doncques aduilez qu'il vous plait que je face.

Response de Lisuard à la Roynie Zabara.

Au huit: me liure, chap. 47.

MAdame respondit Lisuard, je ne pense Prince, ny autre qui ait bien considéré nostre combat, qui n'estime bien la victoire, que vous me donnez, estre procedée de vostre seule volonté, & non de mes forces. Car (comme je vous ay maintefois dit) c'est vous mesmes qui vous estes vaincue, & non pas moy. Et par ainsi ceste gloire que vous m'attribuez retourne à vous, & est bien raisonnable qu'elle soit accompagnée de vostre bonne & entiere liberté, sans que j'en dispose autrement qu'il vous plaira. Vous l'avez doncques, & en jouissez ainsi qu'au parauant, ne vous demandant point autre recompense pour le service & bien que ie vous desire, sinon que nous demeurions amys : vous assurant, madame, que de ma part je ne seray autre de ma vie en vostre endroit quelque mal ou desplaisir que vous me ayez pourchassé.

Harangue de l'impératrice Eclairiane à l'Empereur de Trebisinde & autres Princes presens

*par laquelle les aduertit de la mort d'Arquifil
& de son fils. Au 8. liure, chap. 52.*

IE croy que peu de vous autres excellens Princes sont ignorans la mort cruelle de l'Empereur de Rome Arquifil & de son fils le Prince d'Inerpie, à l'occasion dequoy la couronne imperiale m'appartient de droit successif. En tantmoins fortune non contentee de l'injure & inhumanité commise en la personne de ceux qui m'atouchoyent de si pres, essaya depuis à me donner encores vne recharge trop malaysée à digerer. Ce fut que l'imperatrix ma chere & dolente mere, cuydant me sauuer des tyrans vsurpateurs de mon bien, m'en leua par mer en lieu, ou non seulement elle & moy tombasmes quasi au perdre la vie, ains l'honneur mesmes par le plus grand vitupere qui aduint oncques à pource Dame ou Damoiselle infortunée. Ce que je n'eusse jamais euité, sans le bon secours & ayde de Florestan present, lequel a tant fait pour moy, de m'auoir amenée & sauuée jusques es mains de vous Monsieur (dit elle au Roy Amadis) que ie vous supplie humblement trouuer bon & auoir agreable, si je l'ay choisy pour Seigneur & espoux: car il est raisonnable puis qu'il a prins tel soin, & avecques tant honeste
& pu

& pudique amitié de moy, qu'il ayt aussi la iouissance de mon bien, & de ce qui en depend.

Responce du Roy Amadis à Esclariac. Au huitième liure, chap. 52.

EN bonne foy, ma niece (respondit le Roy Amadis) Florestan mon neveu est fils de tant bon pere, & luy chevalier de si grand merite, que vous n'eussiez peu vous adresser en meilleur endroit. Et vous sçay tresbon gré de l'aymer, & luy pour s'estre montré tant courtois & si prompt à vous servir comme il a fait. Vous me le demandez à mary, & je vous l'accorde, & vous prie tous deux que ce soit de ceste heure sans plus différer.

Harangue d'Amadis de Grece à Abra, la conseillant qu'elle prenne en gré les choses à elle aduenues par la volonté de Iupiter. Au mesme liure, chap. 53.

MAdame, je vous supplie vstant de vostre prudence auoir en bonne part les choses telles qu'elles vous sont enuoyées selon la volonté de Iupiter, auquel il faut obeyr sans murmure. Et la ou vous pourrez tant commander à vous mesmes, & suyure ce cōseil, fortune prompte & nuysante changera le tour de sa rouë, & paruiendrez à la fin à ce que
plus

plus vous aspirez, s'il est gouverné par raison, car autrement ni vous ne le devez desirer, ny ne vous doit estre accordé par nos dieux qui sont iustes, & desquels depend la mesme iustice. Et afin madame que vous estimez que je ne parle sans raison, vous sçavez que vaincra soy-mesmes est œuvre tenant plus du celeste, que de l'humanité. Et toutesfois elle nous est ay-sée, pourueu qu'y dōnions consentemēt. Oubliez donques je vous prie ce ducil, qui ne vous peut que nuire, & vous ressiouyssant en vostre mal, prenez les choses non pas au pis, ains au mieux qu'il vous fera possible. Car il est biē seant faire voir & démonstrer la vertu qu'on a en soy-mesmes toutes les heures qu'on en a l'occasion. Neantmoins j'entens tresbien que voyant vos deliberations au rebours, ce vous est vn despit & desplaisir quasi insupportable. Mais quoy? vous ne pouuez ny commander aux destinées, ne faire retarder le cours de la moindre planette du ciel. Puis donques que tel est le vouloir des dieux, voulez vous les combattre? Ils ont permis la mort de vostre frere, ils ont conserué mon pere, ils veulent vous frustrer de vos entreprises, & fauoriser aux siennes: voulez vous rompre l'anguille au genoil? Pour Dieu (madame) oubliez

bliez le souuenir du mal que vous luy desirez, & faites qu'il demeure autant vostre que de vostre part vous estes peu sienne, & je suis seur qu'avec son amitié vous acquerrez plus de louange, qu'à la poursuyte que vous faites pensant luy nuire. Vous auez veu comme il s'est depesché des combats que vous luy auez dresséz, vous auez fait experimenter ses forces, & par moy & par d'autres, dont l'yssue en a esté telle, que vous vous ferez tort, si ne cedeز à la raison: ayant en tant de sortes pourchassé la vengeance de la mort de Zair, & dont auez rapporté si peu de fruit que cela seul doit amortir deormais & vostre peine, & leur pourchas d'auantage pensant en auoir la raison.

Responce d'Abra à Amadis de Grece, le louant de ce qu'il luy a pleu la consoler, au huitième me liure, chap, 53,

Veritablement (Seigneur Amadis) vous n'estes pas hors de propos de dire ce que vous me dites: aussi est il aysé à la personne saine de conseiller le malade. Et neantmoins, tout ainsi que plusieurs (durant grosse fièvre) trouuent meilleur le goust de l'eau, que l'esperance de la vie, aussi confesseray-je bien qu'encores que ce que vous me conseillez soit

soit equitable, si n'a il en moy partie vaine, ny disposée suyure ce bon aduis. Et quand bien i'en sentirois aucune, ie vous promets que je mettrois plustost peine à la desraciner, qu'à la conseruer en mon cœur, estant si resoluë en l'inimitié de Lisuard, q si je ne luy fais perdre la vie comme je veux, il mourra comme je pourray. Et pourautant qu'en cela gist tout mon mal & esperance, j'ay commencé par ce point à me plaindre, & vous respondre, non pas par l'entrée des propos que vous m'avez tenus: mais par l'acheuemēt que vous en avez fait: encores qu'avec le temps je vous satisferay tresbien, & à l'un & à l'autre. Vous dites qu'il me sera bien seant, & qu'il faut que i'obtempere sans murmure au vouloir des dieux. A cela ie vous promets, qu'ils me priueront plustost de vie, qu'ils puissent oster de mon entendement ce qui y est empreint & mieux graué, que ne fut oncques esriture sur cuyure ou marbre bien. Parquoy jugez deormais de ma fermeté & constance telle que je vous depeins assurement. Vray est que je n'ignore (ainsi que vous m'avez ramenteu) que je ne puis cōmander ny aux choses superieures, ny à la mesme fortune. Et toutesfois je sçay bien aussi qu'estāt sa rouë mobile (cōme

VOUS

vous acertenez) elle se pourra tourner
quelque jour, & m'estre autant propice,
qu'elle m'a esté contraire. Lors pourray-
je jouer autre personnage, & tel que la
mort iniuste du mien frere demeurera vë-
gée, & moy contente, & non plus tost. Ce
pendant je ne veux point rompre l'an-
guille au genoil : ains desire seulement
employer les forces & du corps & de l'es-
prit, pour satisfaire à mon intention, He-
las! quant au premier que je vey & eu ac-
cointance de celuy qui m'a depuis tant
offencée, je n'eusse jamais estimé que d'a-
mitié si grande peust sortir haine si par-
faite: je l'ay aymé plus que moy-mesmes,
j'ay cherché son aliance plus que d'autre
qui viue ny viura, & maintenant je le hay
plus que la mort, & poursuiuray sa ruine
plus que l'entretienement de ma propre
santé: vous priant pour resolution (Seig-
neur Amadis) puis que la plainte ne peut
jamais resusciter les mors, & que la ven-
geance descharge aucunement le cœur,
ne me parlez jamais de luy. Car son nom,
& la memoire que j'en ay m'est si odieu-
se, que je souffre par trop toutes les foyz
que il se represente en mon esprit. Et à ce-
ste cause soit certain, que tant que j'auray
vie, ny moy en, la sienne ne demourera as-
surée. Ains, quoy qu'il tarde, je le feray,

ou tuer, ou ruiner : voire & deussiez vous vous-mesmes y metie effort pour l'empescher.

Harangue de la damoisele traitresse qu'elle tint deuant l'Empereur, apres que Lisuard fut sorti du dang r'ou il estoit tombe à son occasion au huit. esme liure, chap. 55.

HElas Seigneur, lon dit communement que les plus courtes folies, sont volontiers les meilleues, & qu'il vaut trop mieux asséurer vne vengeance deliberée auecques long moyen que l'accelerer sans regarder au danger de l'issue qui en peut aduenir, dont se presente quelquesfois accroissement de honte à celuy qui la cuide estaindre & assopir. Ce qui se peut experimenter maintenant par l'infortune aduenue au Roy de Crete mō souverain Seigneur : car luy pensant venger la mort de Sulpitio & ses freres, à qui Lisuard, Perion & Olorius firent donner fin à leur vie, il a luy-mesme perdu la sienne. Et fut le premier que ceste inuincible Royne desarçonna d'un coup de fleche. Or auoit il trop inconsiderement basti la reuence de l'iniure, qu'il se promettoit luy auoir esté faite par ceux dont je vous parle, sans qu'il eust jamais trouué occasion propre à son dessein, jusques à vn jour entre autres, que me cognois-

sang

fant caute & malicieuse, comme je suis, il me declara ce qu'il en pensoit: me priant y aduiser de ma part. Ce q̄ je luy promis faire, & si à point qu'estant aduertie de la grande assemblée qui se faisoit pardeça, proietay mon entrepiise telle que vous entendrez. Ce fut que je luy conseillay m'enuoyer vers vous, avecques les espèces saintes, & tellement forées qu'elles deuroyent rompre du premier coup qu'on les mettroit en besongne. Et pour ne rien oublier: amenay avec moy ces deux Nains, tant bien instruits, qu'ils se saisiroyent les lances des deux Cheualiers que ie rendrois au filé: les abandonnans aussitost qu'ils les verroyent prests d'y entrer, comme ils sceurent tresbien faire. Le filé dont ie vous parle, estoit l'embusche ou estoit mon Roy en personne avecq' son frere, & dix autres Cheualiers, qui assauroyent incontinent mes pigeons. Mes pigeons dy-je ceux que ie deliberois englner, sous ombre de la pitié que je leur desguisay en vos presences, par ce que tout le propos que ie vous tins hier estoit faux, & controuué seulement pour surprendre ou le Roy Amadis, l'Empereur Esplandian, ou quelque autre de leur lignage, ainsi que dextremement il estoit aduenü, & eust sorty effect.

Si la

si la fortune ou (pour mieux parler) les dieux souuerains n'y eussent contrarié, car le Roy de Crete voulant asséurer son entreprise, auoit amené quant & luy plus de mille cheualiers, esleus . qui tous ont esté taillez en pieces par je ne sçay qu'elles Amazones, dont ils se doutoyent peu. Et n'en eussent jamais fait cas, n'eust esté le rapport que leur vindrent faire quatre ou cinq espies, que le Roy auoit ordinairement en ceste ville. Qu'ils sont deuenus, je ne sçay : mais je vous diray bien, que si nostre proiet eut eu en lieu, le but & volonté du Roy estoit telle, qu'il eust fait passer la mer aux deux Cheualiers que j'auois tiré de ceans, pour essayer de s'auoir par leur presence le chasteau de la Rocque & celui de Lica, n'agueres vsurpé sur le Roy Mouton son frere, & puis leur faire trancher les testes, & les vous enuoyer. Quant au reste de la fortune, vous la sçauiez autant bien que moy, parquoy je m'en tairay : vous suppliant, si n'avez enuie de preserrer misericorde à mon meffait, me donner la plus prompte mort qu'il vous sera possible, laquelle j'auray tresagreable, puis que mon Seigneur & Prince ne vit plus.

Complainte d'Abra à la representation de Cupido, qu'elle trouua au chasteau des secrets.

An

Au huitième livre, chap. 57.

AH ! ah sire, ceux qui n'ont expérimenté vos forces les pensent, comme je croy, toutes autres qu'elles ne sont, je vous supplie humblement ou prendre désormais nom conforme à vos œuvres, ou les faites semblables à vostre nom. Car quant à moy, j'ay trop plus de raison, de vous nommer Dieu d'inimitié & mesconnoissance, que non pas tel que vous le vous adaptez. Aussi ont eu les autres Dieux (ce me semble) grand tort de vous permettre n'attribuer aucune iurisdiction, ou puissance, pour en vser ainsi que vous continuez : veu que le propre d'un Dieu est, bonté, iustice, mansuetude, pitié, liberalité, & amitié, desquels il recompense ses seruiteurs, & vous leur administrez tout le contraire. Et qu'ainsi soit : comme vous pourriez vous excuser, ny faire trouuer bon à toute personne raisonnable l'iniustice & cruauté dont auez vsé enuers mon frere ? ny de quelles armes sçauriez vous honorer vostre Trophée, pour me donner la mort cent fois le iour pour ne pouuoir mourir ? Mais hélas ! que dy-je ? à qui parle-je ? ne pourquoy veux-je ainsi contester ny entrer en raison avec celuy qui n'en a point ? Certes les yeux ne vous furent oncques bandez,

N

finon

sinon pour excuser vostre coulpe, sur la cecité qui est en vous : vous attribuant par ceste occasion telle iustice, ou (pour mieux dire) tel plaisir, qu'il vous est agreable.

Complainte de Lucelle pour Amadis de Grece, duquel elle se voyoit deceuë, & Niquee preferée. Au huietième liure, chap. 63.

HElas ! fut-il oncques Damoysselle plus mal-heureuse que je suis ! ne qui ait plus grande occasion de se plaindre, m'ayant vn amy feint mise au lieu de parfaicte amitié, pour puis apres me delaisser moquée ? Mais helas ! ou est maintenant ceste promesse tant de fois jurée, & ces feinctes larmes que pour m'attraper, vous Amadis auez si souuent espandues sur vostre visage, en ma presence ? Ah ah ! meschant, vous me paisiez quelque jour d'une Venus, qui residoit (comme vous m'assuriez) en vostre cœur, mais maintenant que la poison est manifestée, je voy clerement quelle est la Venus dont vous vous vantiez. Qui me fera tant que je viuray vous estimer lasche & malheureux, ayant tant pris de peine & de plaisir à me deceuoir. Par ce que veritablement tout bien considéré, vous deuriez, ce me semble, auoir esgard, qu'estât fille (cōme je suis) de si grand Roy, je meritois.

ritois autre traictement de vous, non pas la moquerie telle que vous me l'auez dressée. Mais j'entens biē qu'encores en ferez vous gloire, dont je me plaindray à jamais, & de vo⁹ & de l'amour laquelle j'ay maintenāt en plus d'horreur que je n'eus oncques en reuerence. Car tout ainsi qu'il n'est plaisir qui se peust egaler à la parfaite amitié de deux amans, aussi n'est-il haine ou impatience, qui sache plus troubler l'esprit que la juste jalousie, sans laquelle toute autre amertume, qui se mesle parmi la douceur d'aimer, n'est ce me semble qu'une multiplicatiō d'amour & vn vray alembic, ou elle s'affine parfaitement. Vne soif extreme faict trouuer l'eau meilleure & le long jeuner donne plus grand goust à la viande. Aussi ne pourra estimer ne cognoistre le bien de paix & de repos d'esprit celuy qui n'a experimenté l'effort de la cruelle & dure guerre que faict le soupçon. On supporte bien quelquefois l'absence d'un amy, pour l'esperance d'une nouvelle joye à son retour, une excuse, vn desdain, vn refus, vn mauuais visage, vn legier mescontentement : mais depuis qu'hypocrisie & fauceté est auerée au cœur qu'on estimoit loyal, il est certain qu'il n'y a martyre, ny desplaisir, qui tormeute plus la personne, ou foy & vraye amitié

tié font leur demeure. Helas! mō Amadis, auez vous jamais trouué en moy autre chose, sinon affection & bon vouloir enuers vous? Fis-je oncques chose pour vous causer tant soit peu mescōtentemēt? Sur mon Dieu vous me faites tort.

Harangue d'Abra Imperatrix de Baby'one aux Rois, Princes & autres subiects à son empire. Au 8. liure, chap. 65.

ZAir auoit entrepris l'esté passé le voyage de Trebisonde, esperant avec vne perpetuelle paix & amitié prendre alliance, & espouser la fille de l'Empereur. Mais le malheur est tellemēt succédé, que le Soudan frustré de son intention y a perdu la vie, ainsi qu'il est notoire à vn chacun. Parquoy Seigneurs, dit elle, il n'y a celuy de vous à qui telle injure ne redonde, ayant esté vostre Prince si mal traicté, & finablement occis, & par la main de celuy que moy-mesmes auois choysi & esleu pour Seigneur & espoux.

Certes l'amitié honneste que je luy portois a esté mal recompensée, espanchant ainsi le sang illustre du Prince des Babylo niens, & d'une infinité d'autres vos amis, parens & aliez. En sorte que si vous considerez bien comme le tout s'est passé, il se trouuera que ou les peres, ou les freres, ou les cousins de vous en parti-
cu-

culier , & en general , ont esté pasture aux monstres marins , demourans leurs corps priuez d'honorable sepulture , & enseuelis entre les ondes des abysses. Sera doncques ceste iniure oubliée ? Sera ce nom de Babilone fable à tous ceux qui orront parler de leur meschef ? Sera la iuste vengeance assopie sans en faire autre cas ? Ah ! ah ! Rois magnanimes. Je vous adiure par nos hauts dieux puissans , que chacun de vous prenne les armes : non seulement pour faire cognoistre par tout le monde que vous estes des dompteurs des Princes qui vo⁹ offendēt, ains le fleau & chastiment de toute nation. A ce que l'on m'a rapporté les Chrestiens s'assemblent, & font courir le bruit de nous venir trouuer , pour (en nous chassant de nos propres heritages) faire proclamer pour Imperatrix de ceste Monarchie Axiane fille de Zirphée : mais si vous me voulez croire , nous les rendrons bien loin de leur conte, & les irons deuancer , entrans de fureur dans l'Empire de Trebisonde, laquelle destruite & saccagée , passerons en Constantinople, ou le feu & le tranchant de nos espées seront executeurs de nostre vengeance, sans espargner Roy, ny roc, hōmes, femmes, ny enfans. Estans asseurez ou vous voudrez mettre vos ban-

nieres & enseignes aux champs , qu'ils n'auront non plus de resistance à nos forces, que la paille au feu.

Et voyla la cause pour laquelle (Princes tresexcellens) je vous ay mandez, vous priant & commandant qu'en la plus grande & extreme diligence qui vous sera possible, vous faictes sonner le tabourin par toutes vos terres, & assembler gens de pié & de cheual, Galeres, Nauires, & autres vaisseaux, tant pour la guerre, que pour le port des viures : afin qu'estant nostre equipage dressé, nous parfaisions le reste de nostre entreprise telle que je vous ay faict entendre qui vous sera grandement honorable & profitable. Ce pendant j'enuoyeray vers nos amis, & aliez les requérir & semondre à nous estre fauorables & aydans, attendu que ce faict leur touche, pour la raison que je vous ay déclaré, voulans ceux de Chrestienté enuahir, aussi bien leur contrée, comme ceste cy, si nous l'endurons.

Harangue de Niquée, à Amadis de Grece, luy donnant congé de secourir son pere Lisuard à son grand besoin. Au huitiesme liure, chapitre. 74.

Monsieur, l'amour que je vous porte est si parfaicte, que mal-aysement je vous pourrois donner cō
seil

seil qui me fust agreable & sain, en ce que vous me demandez: mais plus grande est encores la force de vostre honneur & renommée, puis qu'elle seule a esté moyen du bien que nous auons l'un par l'autre. Et à ceste cause, suyuant la raison, & considérant que nul Empereur ou Roy se doit assubiectionner (s'il luy est possible) ny payer aucun tribut, il me semble que vous & moy deuons postposer nos plaisirs, & entendre au deuoir qui vous sembleroit à la conseruation de vous, & de vostre estat. Parquoy je vous donne (si je doy parler ainsi) tout tel cōgé qu'il vous plaira, encores que veritablemēt ce soit du tout contre mōuouloir. Tenant à grand gloire me captiuer ainsi moy-mesmes pour vous permettre telle liberté, avec laquelle vous executerez & ferez cognoistre de plus en plus l'excellence de vos prouesses & haute cheualerie.

*Regrets de Lisuard, pour sa femme Onolorie
decedée. au 8. liure. chap. 73.*

HElas ! hélas ! fortune que te reste-il désormais pour te saouler à me nuire ? Tu ne veux ma vie. Cent & cent-fois toy-mesmes l'as tirée du lieu où je te l'auois abandonnée. Et neantmoins pour me faire mourir cent fois le jour, tu m'as osté ma chere femme & espouse, & amené par ce malheur, tous les autres

que tu m'auois reſerué. O Dieu ! Dieu e-
ternel. Lequel continuant, Helas, diſoit-il
m'amie, ma femme, & ma loyalle com-
pagnie, vous eſtes (quand tout eſt conſide-
ré) bien-heureuſe, viuant au ciel, & je de-
meure entre telles & tant de melancolies
& triſteſſes. Pardonnez moy, je vous ſup-
plie ſi trop indiſcrettement je vous pleure.
Ce n'eſt pour l'heur que vous auez, ains
de regret que je ne vous ſuy, & accom-
pagne en vos aiſes, ainſi que m'auez quin-
ze ou vingt ans ſuiuy en la plus part de
mes trauaux.

*Exhortation de Gradafilée au Roy Liſuard,
lui remonſtrant qu'il faut eſtre conſtant en ſon
aduerſité, & ne ſe doiſoir ſi fort de la mort, au
8. liure, chap. 73.*

Comment ! dit elle, monſieur eſt ce
la magnanimité de cœur qui ſou-
loit eſtre en vous ? Auez-vous ou-
blié que vous & moy ſommes nez pour
mourir ? Penſez vous faire reuiure ma da-
me, pour plorer, ny vous tormenter ainſi ?
Elle eſt (certes) bien heureuſe. Pourquoi
doncques la regretez vous tant ? Elle vous
a mōſtré le chemin, & vous attend au lieu
ou ſi Dieu plaïſt, nous la verrons quelque
jour. Laiſſez ces larmes, & telles apparen-
ces exterieures, pour ceux qui n'ont eſpe-
rance en la ſeconde vie, & vous reconfor-

tez en nostre Seigneur, luy suppliant qu'il vous donne la vertu de patience, & telle qu'elle vous est necessaire pour la gloire de son saint vouloir.

Lettre d'Abra Imperatrix de Babylone, à Lisuard de Grece Empereur de Trebisonde, luy declarât estre fort marrie de son ennuy. Et que toutesfois il ait à se consoler, par ce qu'elle s'offre à l'aymer de toute son affection. Au 8. liure, chap. 76.

ABra Imperatrix des Babylonien, Princesse des Parthes, & commandant à soixante Roys mes Vassaux, salut à vous Lisuard de Grece, Empereur de Trebisonde, consecrateur des eaux marines, par le sang Royal de Zair mon tres-honoré Seigneur & frere. Entendez doncques Prince illustre, que hier tard ie sceu, la visitation que vous a faict fortune, par la mort de vostre chere espouse, & de vostre fils vnique Amadis de Grece. Dont ie vous promets, ay esté tresdeplaisante. Car encores que l'obligation que j'ay à la iuste vengeance de celuy, duquel je suis seul le heritiere, & mesme le tort que vous sçaez vous mesmes m'auoir faict, me cōtraignent grandement à vous haïr du mal de mort. Amour cruel, qui mine de iour en iour mon triste cœur pour trop vous aymer, ne luy veut permettre qu'il con-

sente à la ruine, que ie vous tiens preparée. Qui me fait certes vous nommer & à bon droit, amy & aymé des haux Dieux, lesquels ont trouue bon faire esprouue de vostre courage & constance extreme, non seulement par l'effort & des plus braues hommes & animaux plus cruels que vous auez conquis & domptez : mais aussi avecq' la verge de leur puissance supresme, vous ayāt affligé de si dure & griesue persecution, que moy estant vostre ennemie, comme je suis, l'ay sentie en mon ame jusques à en pleurer de mes deux yeux, jugeant par là, quelle peut estre la douleur que vous souffriez pour auoir perdu femme & amie si chere, & vn seul vostre fils tant recommandable, Et toutesfois il est vray (comme il est vray) que la consolation des infortunez gist à trouuer leurs semblables, vous auez quelque occasion de moderer ce grand ennuy par celui que je porte tout tel (ou peu s'en faut) qu'est le vostre. Vous auez perdu à ce que l'on dict, vostre femme, & ie n'ay jamais peu recouurer celui que je meritois seule à seigneur & mary, c'est vous-mesmes qui m'a fait souuent esmerueiller comme il estoit possible que tant d'amytié peust cōcevoir si grād' haine au cœur ou telle conformité deuoit estre représentée. Et neant
moins

moins si vous balancez bien toutes choses, le temps present vous demonstre celui que deuez suyure à l'aduenir. Et qu'ainsi soit, voyez la fin ou vos grandes prosperitez vous ont acheminé. Les cieux ne sont pas tousiours en vn estre, ny Lisuard deuoit aussi despeurer continuel victorieux, ny Abra tousiours vaincue de luy. Quoy doncques? faut-il que je regrette & me deule du desastre, qui moyenne & auance à veüe d'œil la fortune plus prospere que je pourrois souhaiter, & qui me promet la seure recompense de l'amour que j'ay nourry si longuement en mon ame, voire & iusques à mettre entre mes mains celui qui si cruellement & par tant de longs jours a allumé & enflammé le cœur de moy, presque desia destile au feu de la jalousie? Certes tout bien considéré il semble, Lisuard que le temps s'approche auquel je pourray executer sur vous la vengeance meritée, finissant mes angoissès & la hayne que je vous porte par augmentation & accroissement d'amitié vous donnans les dieux cognoissance du mal q̄ vous m'avez fait avec la volonté à vous de me requerir pardō, & à moy de le vous octroyer. Parquoy je vous conseille preuenir au temps & croire plustost mon aduis, que vostre opiniatre volonté, sça-

tant les forces que ie tiës si pres de vous
& bien deliberées de vous faire pis que ie
ne vous desire.

*Responce de Lisuard à Abra, la remerciant
de son bon vouloir, & qu'il se sent tresheureux,
d'estre retenu en sa bonne grace. au huitiesme
liure, chap. 76.*

M Adame, j'ay presentement receu
la lettre qu'il vous a pleu mescri-
re, & par icelle me faire entendre
l'ennuy que vous auez senty de l'infortu-
ne aduenüe à ma chere compagne & es-
pouse, à mon fils Amadis, & à moy Prin-
cipalement, pour l'amour d'eux. Dont ie
ne vous sçaurois assez remercier: vous as-
seurant, que n'estimois pas autrement de
vostre hōnesteté, la cognoissant nō moins
accōpagnée de clemence, douceur & nay-
ue bonté, que de vertu, prudēce & royalle
geniture. Toutes-fois je me suis de pri-
me face estonné comme il estoit possible
que me jugissiez bien heureux pour estre
ainsi touché que ie suis de la verge de
Dieu, & auoir tant & tant perdu, si n'est
en ce que j'espere le loyer de ma patience
en l'autre vie. Et plus encores m'esmer-
ueille-je de ce que vous maintenez & cō-
parez vos pertes à la mienne, ausquelles
(sous vostre correction) il n'y a similitude
quelconque. Car j'ay perdu madame &
amye

amye, & vous tenez encor' en moy vn ser-
 uiteur bien affectionné, & qui tel sera en
 vostre endroit toute sa vie (l'honneur &
 le deuoir d'estat reserué comme il doit es-
 tre) en sorte que nonobstant les grandes
 inimitiez que vous auez en luy, il essayera
 & s'efforcera à vous obeir, honorer, & ser-
 uir : Esperant tant en la bonté de nostre
 Seigneur qu'avec prompte ou briefue sai-
 son ma iustice sera cogneuë & vostre tort
 manifesté & repris, rescindez de vostre
 propre conscience. Vous m'escriuez d'a-
 uantage que le temps s'aproche que for-
 tune me rendra en vos mains pour recom-
 pense de la peine par vous soufferte en
 trop m'aymant. Je ne sçay pourquoy vo^s
 esperez ainsi vne chose qu'auiez desia: car
 je vo^s jure le dieu du ciel & de la terre, qu'
 il n'y a Gentil-homme au monde plus vo-
 stre, & à vostre cōmandement que ie suis
 ne qui vous aime tant ou d'auantage. Ce
 que vous cognoistrez ou & quant il vous
 plaira me cōmander, vous aduisant pour
 le reste, que ne vous deuez tant fier à for-
 tune que vous en faictes semblant. Car
 encores qu'à la verité elle me soit ores en-
 tierement contraire, si n'est il pas dit pour
 tant qu'elle vous vueille de tout poinct fa-
 uoriser : jugeant en vous mesmes, ainsi
 que tref-bien me conseillez. Vn bien y a,

que la menace que vous me faictes sur le dernier de vostre lettrie m'asséure tant, que je crains trop plus les doux traits de vos deux yeux, que la fureur de tous vos soldats ensemble. Baisant au ieste les mains de vostre grandeur, celuy qui desire auoir tres-bonne part en vostre bonne grace, qui est & demeurera à jamais vostre ancien & perpetuel amy, voyfin, & seruiteur Lisuard.

Cartel d'Axiante à l'Imperatrix Abra, luy denoncant la guerre. Et luy promet destruction & entiere ruyne d'icelle. au huitiesme liure, chap. 78

NOus desheritée Imperatrix des Babiloniens Axiante, Princeesse de Argenes treshumble seruante d'un seul Dieu tout puissant, à vous Abra usurpatrice de nostre Empire & bien paternel faisons scauoir, que la diuine justice voulant faire l'execution de la sentence, & arrest prononcé par le juge souuerain à l'encontre de vous, & en la faueur de nostre rappel & bannissement, nous a fait acheminer jusques en ceste contrée, ou vous & les vostres receurez le loyer de vos merites. Tant y a qu'il nous desplaist aucunement de ce que vous estes arriuee au point ou la cheute & ruine de vostre iniustice vous menace, pour estre vous & nous si pro-

proches parentes, qu'amytié deuroit estre autant nostre familiere comme la hayne nous est voisine & domestique. Mais puis que le juge souuerain n'a voulu permettre nostre possession estre prinse, qu'au prix du sang de plusieurs respandu, nous vous signifiôs la journée & bataille d'huy en quatre jours, à toute outiâce de vostre armée à la nostre, & dedans le camp propre ou nous sommes. Et pour nos iuges celuy seul, que nous autres Chrestiens adorons en trinité de personnes, Dieu tout puissant, premier & fin de toutes choses, qui y donnera s'il luy plaist, pour la seureté des vostres aux nostres, la justice rigoureuse de son eternité, & pour l'egal compartiment du Soleil, la nuit, ou la victoire: Quant aux armes, vous les auez en la main, & fait prendre contre nous à nos propres vassaux & suiets si iniustement, que le Ciel & la Terre, & les ondes en crient desia vengeance, qui ne leur sera deniée par le Seigneur, ainsi que leur sang respandu, donnera certain tesmoignage.

Lettre d'Abra à Axiane, luy accordant la bataille par elle requise. Au huitiesme liure, chap. 78.

ABra Imperatrix de Babylone, roine des Parthes, à vous Axiane Princesse d'Argenes Salut tel que nous
vous

vous estimons le meriter. Nous auons receu vostre cartel, non moins accompagné de parolles temeraires & superbes, que de querelles iniustes & sans aucune raison. Ce que nous esperons donner à cognoistre au camp mesmes que vo⁹ auez esleu. Et si vous accordons la journée telle que vous la demandez, & pour iuges souverains, vostre Dieu, & les nostres, Mars, Cupido & Venus, de laquelle nous ne nous pouuons nullement passer. Mais pour autant que la victoire consiste plus à l'effect qu'au long parler, nous remettons le tout à ce qui en aduiendra. Vous aduisans que nous auons pitié de vous, qui sous ombre de je ne sçay quelle presomtion prenez peine de vouloir perdre si peu de païs qui vous est demeuré, & lequel nous esperons joindre en brief à nostre Empire, ayant donné fin à l'entreprinse de cestuy-cy. Ce pendant soyent trefues entre vous & nous, durant les quatre jours qu'auiez requis, lesquelles de nostre part nous vous promettons en foy de Princeesse obseruer, sans nullement les enfreindre.

Regrets d'Abra, ayant perdu la bataille, au 3 liure, chap. 80.

AH! ah! disoit elle fortune, fortune, tu m'as tant pourfuyue, que la despouille & de moy, & de mes biens
te ser-

te seruira desormais de trophée. Fortune ennemie & contraire à toute personne de vertu. Fortune chimere, ingrate & malheureuse, qui pour me deceuoir & abuser me promettois non seulement l'Empire & Monarchie de tout l'Orient, ains la jouissance, ou libre, ou forcée de mon Lisuard. Helas ! mien ne fut il jamais, encores que je l'aye merité plus qu'autre qui nasquist oncques. Et toutes-fois tant s'en faut que tel merite ait eu lieu, qu'il m'a ruinée & des biens & d'honneur, non de l'honneur que toute Dame de vertu doit preferer à la vie, mais de l'honneur & victoire qu'il a conquis sur mes tristes vassaux, tous mors ou esclaves. Ah ! ah ! Lisuard, quelle recompense, quel gré d'amitié si ferme & constante que je vous ay porté tant que j'ay vescu. Helas ! si vous en auez douté par le passé, je supplie au puissant Iupiter, que la mort que je sens approcher vous en puisse donner seur témoignage : car je proteste que je ne meurs pour regret que j'aye à la perte ny de gens ny de biens ou reputation : ains seulement pour n'esperer jamais plus rien de vous : estimant que ceste glorieuse victoire vous aura tellement enflé le cœur, que desdaignant vostre Abra ne la voudriez recevoir pour la moindre de vos esclaves.

Lecture

Lettre de Niquée au Soudan son pere, luy exposant le fait de son mariage, & que d'autant qu'elle l'a accompli sans son vouloir, qu'il luy plaise luy pardonner. au huitiesme livre, chap. 84.

Monsieur, je vous supplie treshumblement plustost que blasmer mon absence, vous donner la peine, s'il vous plaist de lire ceste mienne lettre, & la lisant considerer en vous mesmes de quelle puissance amour est coustumier de se faire obeir par ceux qui sont en sa dition. Ce que voulant exercer en moy, me representa passé à longs jours deuant les yeux de l'esprit, non seulement la renommée du vaillant & inuincible Amadis de Grece, ains la beauté, dextérité & bonne grace dont il est tant recommandé enuers toutes personnes qui ont eue le bien de le voir & frequenter. Et pour ceste cause mis-je seulement mon amour & affection en luy, que j'en fus au mourir, aussi estoit malaisé que je peusse viure sans le moyen que je trouuay de luy faire sçauoir, non pas vne fois, mais plus de deux, la peine que j'endurois pour trop le desirer, dont il n'eut seul compassion. Car amour mesmes me fut si propice, qu'il le naura du pareil traict, qu'il m'auoit offensé, le rendant tant
mien

mien, que sous l'habit saint de Nereide esclave, il vint en ceste vostre court, ou il eut depuis combat avec l'vsurpateur de son nom, & de sa figure. Quelle en fut l'issue, Monsieur, vous l'entendez assez. Tant y a que peu de temps apres l'heur me fut donné pour le recognoistre. Et si bien accordasmes nos intentions ensemble, que finablement le mariage de luy & de moy en est survenu, que ne prendrez s'il vous plaist en mauuaise part, estant sa personne de tel merite, pour sa prouësse, & pour le sang illustre dont il est yssu, que luy seul m'a semblé digne de ma beauté, & Trebisonde plus propre à la celebration de nos noces, que vostre ville de Niquée, pour tant d'Empereurs, de Roys, de Princes & hautes Dames, que luy & moy esperons y trouuer. Et pour ceste occasion seule nous y conduist en ses vaisseaux l'excellente Roynce de Caucasé, par le moyen de laquelle nostre entreprinse a eu lieu: non que par tant je vueille nier ne vous auoir offensé. Mais j'espere tant en vostre paternelle bonté, qu'oubliant ma faute, considerant à qui je me suis vouée, me donnerez le pardon que je vous requiers en toute reuerence. Vostre treshumble & tresobeissante fille Niquee.

Lettre

Lettre d'Amadis de Grece au Soudan de Niquée, luy declarant le moyen du mariage de luy & de sa fille, luy priant l'excuser & luy pardonner ou il s'en trouueroit offense. au huitiesme liure, chap. 84.

Sire, l'amour qui vous a peu solliciter en vostre jeune aage, & depuis, vous ramenteura assez en quelle peine & & mal-ayse viuent ceux qui sont surmontez de la passion que je vous ay veu souffrir, attendant la jouyssance esperée de vostre Nercide. Et sera moyen, s'il vous plaist, d'excuser la faute que j'ay commise enuers vous, tant pour vous auoir deceu sous nom & habits empruntez, que faisant le mariage de Madame vostre fille & de moy, dont ne m'en deuez sçauoir nul mal gré: considerant les beautez, & les perfectiōs desquelles elle est doiñe des cieux, & (par vous mesmes) la juste occasion que j'ay eu de la choisir à femme & amye telle qu'elle m'est. Toutesfois sire, ou vous vous trouueriez en cela ou autrement offensé, je vous supplie tres-humblement en donner le blâme seul à l'amour, & nous pardonner à tous deux, puis que le sang illustre de Niquée ne peut recevoir que gloire & honneur par l'alliance qu'il aura desormais à celui de France, de Constantinople & Trebifonde dont je suis

suis descendu, & principal heritier. Et à ceste cause nous acheminons nous presentement vers l'Empereur mon pere, qui fera si bon recueil à Madame vostre fille, que ce vous sera plaisir de l'entendre, & à moy assés contentement. Esperant au reste Sire, estre désormais tel en vostre endroit, que vous aurez grande raison de trouuer bon & raisonnable tout ce qui s'est passé pour ce regard iusques à ce jourd'huy que vous baise les mains en toute humilité. Vostre treshumble & tresobeyssant fils Amadis de Grece.

*Harangue de Lisuard à Abra, Axiane & autres les exhortant à paix & amitié perpe-
tuelle. au 8. liure, chap. 20.*

VErtueux Princes, & vous dames excellentes vous auez assez veu & entendu qu'elle yssue a eu ceste guerre de long temps commencée, & sçauiez aussi bien que nous l'occasion pour laquelle elle s'entreprint & aygriit depuis. Et maintenant que les affaires sont es termes que vous pouuez considerer, il nous semble iuste & raisonnable (puis qu'il a plu à Dieu le createur nous prester si belle victoire) essayer de mettre paix & amitié, ou guerre & discord a eu vigueur de si longue main. Pour à quoy paruenir, apres longue & meure deliberation de conseil

seil, nous sommes d'auis: & ordonnons que vous madame Abra delaissez à madame Axiane l'Empire de Babylone, ainsi que le tenoit & possédoit feu de bonne memoire Zarafiel, & que vous jouyssez paisiblement de tout le reste, soit qu'il ayt esté conquis par le vertueux, & sage Prince feu Zair, ou en autre sorte demeurant la paix perpetuelle entre vous deux, qui serez si bien parties & appanées, que vous aurez grandement dequoy entretenir vos estats & vous contenter. Et afin que les Infantes & jeunes Princesses qui vous ont accōpagnée (dit-il à Abra) soyent participantes du plaisir de ceste amitié & confederation, nous leur donnerōs maris dignes d'elles, & tels qu'elles auront grande occasion de nous en sçauoir bon gré. Et voyla pour resolution ce que nous auons deliberé vous faire entendre & declarer en si haute & grāde assemblée. Vous priant toutes deux trouuer bon nostre aduis, & l'ensuyure, ainsi qu'il est raisonnable, pour le bien & grandeur de l'une & l'autre. Car quant à nous, nous nous tiendrons à l'honneur seul qu'il a plu à Dieu nous oſtroyer, sans rien quelconque vsurper ny prendre sur les vaincus, soit par rançon, en argent, ny en terres ou possessions.

Lettre de Lucelle Princeſſe de Sicille à Amadis de Grece, le taxant de deſloyauté, menſonge & temerité. au 8. liure, chap. 93.

IE ne ſçay à quelle occaſion faux & déloyal Amadis, j'ay prins encre & papier pour vous eſcrire ceſte lettre, ſi n'eſt ſur l'eſperance que j'ay, que vous ne la verrez pluſtoſt que le tort que vous m'avez fait ne vous face rougir de honte, & que remors de conſcience ne vous appreſte vn tel regret en vous meſmes, qu'il ne ſera jour de voſtre vie que n'ayez deſplaiſir de celuy que vous m'avez pourchaſſé ſi mal-heureuſemēt, & en ſorte que vous receurez partie de la punition q̄ vous méritez, m'ayant ſi laſchement trahie pour vous aymer bien & loyaument. Certes quand ie penſe à ce qui eſt aduenū, ie penſe aſſeurement ſonger ou eſtre hors de moy: mais hélas! à qui m'adreſſe-je? Eſt il poſſible que vous ſoyez celuy propre cheualier de l'ardante eſpée, qui vainquit les ſept gardes du Chateau, & domptaſtes les fors Geans de l'iſle de Silenchie: & du quel le renom eſt aujourd'huy tant illuſtre & en Leuant & en Ponant? Certes il ſeroit bien malaiſé: car ou la prouèſſe & cheualerie eſt ſi recommandée, malayſement peut reſider vn cœur tant felon & plein de menſonges comme le voſtre s'eſt
mon-

monstré enuers moy, m'ayant sous couleur d'amitié & assurance de mariage, abusée & deceuë pour vous renger en lieu, ou j'espere, que le repentir sera vray executeur de ma vengeance. Mais quoy? je vous sens desia tant esloigné & d'honneur & vertu, que desormais vous n'aurez aucune honte de chose qu'on vous sache dire ou reprocher, ainsi que peut porter bon tesmoignage, l'iniure propre que vous vous estes faite, changeant de nom tant celebre pour prendre celuy d'une femme, avec habit & accoustrement si mal propre à ceux, qui veulent faire estat de magnanimité & grandeur. Las! quand la fidelité de vostre ayeul le bon Roy Amadis se represente deuant mes yeux, l'espreuue qu'il fist le jour qu'il conquist l'Espée verde, & la Roine Oriane le couurechef nom pareil, l'entrée & l'ysue de l'un & de l'autre sous l'Arc des loyaux Amans, la gloire que receut Lisuard vostre pere, par le heaume Diamantin qu'il eut de mon Roy au temps que Madame vostre mere acquist la couronne inestimable, & tout par la force de vraye & non feinte amour, en ma foy je ne puis ny ne dois dire, sinon ou que tout le bon est demeuré en eux, & en vous seul le pire, ou que nature au lieu de vous dōner cœur semblable qu'ils ont

VOUS

Vous a pourueu de celuy d'un Tigre, ou autre plus selon, s'il en fut oncques. Mais hélas ! quel bien vous est ce (je vous prie) de me voir maintenant priuée & de vous & du monde, & auoir abandonné pere, parens, biens & tout plaisir, pour plaindre vostre mort que nous tenions assurée ? Ne pensez vo⁹ point donques à la force de cest amour extreme, & à la hayne q^e vous me monstrez ? En bonne foy Amadis, vous deuriez mourir de hôte, & plaindre pour jamais, avec moy le tort que m⁹ auez pourchassé, & qui m'est si grief & malaysé à soustenir, que je delibere me reseruer la vie, le plus que je pourray, non pour ayse que j'y espere, ains pour y trouuer moyen de me venger, & en me vengeant viure longuement, pour en viuant faire viure en vous la faute qui ne pourra mourir tant que vous sentirez, entre les viuans celle de qui ne meritastes oncques la moindre faueur d'un milier, qu'elle meritoit. Et qui prie le iuste Iuge de vostre iniquité, & ma justice vous donner pour le moins cognoissance de vostre peché, & de mon innocence, & amour trop singulier & parfaite.

Lettre d'Amadis de Grece, pour respence à celle de Lucelle, s'accusant aucunement, & neantmoins se iustificiant des iniures & torts à luy

*à luy imputez, de par elle. Au huitiesme livre,
chapitre 93.*

M Adame, receuant la lettre qu'il vous a pleu m'escire par ce Gentil-homme present porteur, j'ay receu quant & quant en mon ame tout le desplaisir que raisounablement vous pouuez auoir en la vostre. Toutesfois, je vous supplie premier qu'entrer en propos, croire que je n'ay nulle enuie, ny ne pretends en sorte du monde, vñer de palliation ou aucune excuse enuers vous, que je ne confesse vous auoir fait vn tort irreparable, & si grande offense, qu'il est hors de mon pouuoir jamais y satisfaire, si vous (vsant de vostre bonté naturelle & vertueuse condition) ne reiectez le blasme de moy sur la puissance d'amour. Et neantmoins il m'a semblé tresconuenable vous respondre aucunemēt à ce dont vous m'accusez, demandant par le discours de vostre lettre, si je suis encores celui duquel la renommée a laissé marque de gloire & en Leuant & en Ponant, je vous assure, Madame, que je suis celui mesmes qui sous la faueur de vous, & au merite de l'excellence de vostre beauté, ay quelquesfois atteint renom de prouesse & cheualerie, par le merite de vous dy-je. Car sans le continuel souuenir de
vostre

vostre presence qui m'accompagnoit lors il eut esté malaisé, voire impossible d'ôner bout aux hautes entreprinies que j'ay menéz à fin. Parquoy si gloire en est suruenue, elle redondé à vous seule, & non à moy. Mais quant au blasme que vous me mettez deuant les yeux, disant que je vous ay abusée, sous couleur de la promesse de mariage qui estoit entre vous & moy, vous me pardonnerez s'il vous plaist, car vous sçavez tresbien que le dernier propos que nous eusmes ensemble fut que je vous demanderois à femme au Roy vostre pere, sans passer outre, demourant par ce moyen chacun de nous en sa pure liberté, laquelle amour me raut depuis, tellement que (comme vous avez entendu) il me contraignit changer de nom & d'habit, & prendre celuy d'une femme ou fille, pour paruenir au dessein qu'il me presentoit, dont je ne suis nullement reprehensible: car nom ny habit estrange n'amoindrirent oncques la force & le bon heur d'Amadis, demeurant victorieux sur le Prince de Thrace, par la victoire aduenue à Nercide, laquelle sous ceste couleur a attainit jouyssance de celle de qui vo' mesmes pouuez tesmoigner la parfaite & incomparable beauté, l'ayant veüe par deux diuerses

fois, l'vne au chasteau des secrets, & l'autre en sa gloire, avec bonne & belle compagnie. Et quant à la loyauté de mes parens, que vous me depaignez si au vif, je vous supplie Madame, considerez qu'estant homme comme les autres, ce n'est pas merueille si celle qui par les dons de grace, & de nature qui sont en elle, peut vaincre tous les parfaits qui la virent oncques, m'a reduit au nombre d'eux : mais c'est chose quasi hors le naturel & incroyable que moy qui fus vaincu de vous en accoustrement de cheualier, l'ay peu vaincre en habit & vesture de Damoysefle esclave, & la conquerir à femme & espouse telle qu'elle m'est à present. Et neantmoins par ce que le fait est fait, & que la pierre jettée est irreuocable, je vous supplie humblement ne le prendre au pis, & moderer le juste courroux que vous avez contre moy, ainsi que j'ay veu sur la fin de vostre lettre, ou vous dites vouloir conseruer longuement vostre vie pour pouichasfer longuement la vengeance du tort que je vous ay fait. Certes Madame, si de ma mort vous demeuriez satisfaite, je me tiēdrois grandement heureux : car je ne scay tourment que je ne vousisse souffrir de bien bon cœur, pourueu qu'il me fust donné par vostre moyen, & qu'en ce faisant
effa-

effaçast aussi quelque partie de ma coulpe à vostre contentement, pour auquel satisfaire en aucune sorte, je delibere vous voir plustost que ne pensez, & vous (demandant pardon) moy-mesmes executer sur moy toute la cruauté que vous m'ordonnerez, & de mes propres mains: car des vostres duietes en toute œuure de vertu, ne pourroit receuoir que tout bien, & douceur celuy que vous tenez pour singulier ennemy, & luy vous pour sa dame honorée, à qui il presente ses tres-humbles recommandations, voulant demourer à jamais vostre plus obeyssant & affectionné seruiteur Amadis de Grece.

Fin du huitième liure d'Amadis.

A. B. AVX LECTEVRS.

*Par cy deuant huit liures d'Amadis
(Par des Essars traduits tant proprement
Que mieux ne peut) furent vendus tandis
Qu'au residu estoit l'empeschement.
Mais ce pendant quelqu'vns improprement
Auoyent extraict epistres & cartels.
Les imprimant si mal & laschement,
Et mal corrects, qu'onques n'en fut de tels.*

Lettres

LETTRES DE ZAHARA EN-
 voyées aux Empereurs, Imperatrices, Rois; &
 Roins Chavaliers & Damoselles, estans en
 Trebisonde. Au 2. liure, chap. 6.



Eigneurs & dames, depuis
 nostre derniere entieueüe
 qui fut en Trebisonde, il a
 pleu au consistoire des sou-
 uerains dieux me receuoir
 en leur diuine compagnie, cōmuniquant
 en moy la semence du Dieu Mars, duquel
 suis tant aymée & bien voluë, que m'ay-
 ant receuë & acceptée pour sa compagne
 il a engendré en moy fils & fille, si beaux
 & de tant belle taille & proportion, que
 leur forme monstre indubitablement le
 fruit estre engendré d'un dieu, qui me
 faict dire que leur vertu, magnanimité &
 prouesse sera telle qu'ils seront tenus en-
 tre les humains pour demi-dieux: duquel
 plaisir & honneur ainsi receu par moy,
 m'a semblé raisonnable vous faire part, à
 fin de demener joye comme ils meritent,
 estans enfans d'un tel Dieu qu'est le puis-
 sant Mars, l'ire duquel (faisant le contrai-
 re) vous pourroit grandement nuire &
 endommager, dont moy Zahara vostre
 amie, ferois merueilleusement desplaisan-
 te, qui m'a faict encor' vn coup vo' prier
 au

au nom de mon Seigneur & amy, auoir la natiuité de ses deux enfans en singulier honneur & recommandation, & tenir dorésenauant la mere deux au reng qu'elle merite, puis que la diété c'est joincte à elle, si que le monde participe par moy de la diuine semence, vous ayant outre ce (illustre Empereur de Trebisonde) esleu & eslis encores presentement, afin de donner l'ordre de cheualerie à mon fils Anaxartes aussi tost qu'il aura atteint l'age pour le receuoir, & l'espée par les mains de ma grande amie Abra: Et vous Amadis de Grece, je vous requiers en cas pareil pour la donner à ma fille Alastraxerée, & que Niquée (que tant aymez) face office conforme à celuy d'Abra, ne sçachant autres plus dignes que vous pour approcher de la diuinité, estans tels que chascun vous estime, & pour tels vous recognoistray-je à l'aduenir, donnant paix à vos monarchies & estat Royal, lors qu'iceux mes enfans imitant le naturel du pere, mettront en leur obeïssance toute la terre ronde, pour la reduire à l'obeïssance de la loy de nos dieux, que vous auez delaissée pour suiure celuy qui n'a nulle puissance, & lors cognoistrez-vous le pouuoir & merite de Zahara, laquelle vous salue tous.

Vostre cousine & parfaicte amie la diuine Zahara.

Responce de l'Imperatrix Abra, sur la lettre de la Roynne Zahara. Au neufiesme liure, chap. 6.

TRes-haute & excellente Roynne de Caucaſe, amie & compagne des dieux immortels, l'Empereur mon ſeigneur & espoux, avec la grande compagnie des Rois & Princes, Dames & Damoyſelles, ont veu par la lettre, que vous auez enuoyée par deça, la faueur & giād bien qui vous eſt aduenu, vous ayans (à ce que vous dites) les dieux tant eſtimée, que Mars a engendré en vous vn fils & vne fille, dignes pour leurs perfections, d'eſtre enfans d'un tel pere: dont, certes, nous ſommes tous joyeux, ce que mōdit Seigneur & espoux m'a cōmandé, & toute ceſte haute compagnie, vous faire entendre & ſçauoir. Toutesfois je m'eſbahy comme vous entendez qu'à l'aduenir vous aurez quelque recognoiſſance de noſtre amitié, pour laiſſer les pays & Empires de mon Seigneur en paix & ſeureté. Je ne ſçay pas ſi vos enfans pourront conquerir tout le monde ſelon voſtre aduiſ, mais ie ſuis ſeure que nous tenōs la vraye loy, & honorons vn Dieu en trinité, avec l'aide duquel nous n'auons occaſion de
crain

craindre, ny vostre Mars, ny Iupiter, ny autres qui vous tiennent les yeux de l'esprit fermez, pour ne cognoistre celuy au pied duquel toutes creatures, soyent au ciel, en la terre ou enfer, se doyuent prosterner & rendre obeissance. Et la bonté duquel m'a tant visitée, qu'elle m'a pourueüe de pareille lignée que vous avez, à sçauoir fils & fille, & à Amadis de Grece mesmes vn petit Prince tant excellent, que pour le moins il se pourra vanter ne deuoir rien à vostre Anaxartes, dont je vous ay bien voulu aduertir, esperant que vous ne serez moins joyeuse de nostre bõ heur, que toute ceste grande & noble compagnie a esté du vostre : en nous recommandant tous à vous.

Vostre cousine & bonne amie Abra.

Lettre d'Anaxartes, & Alastraxerée aux habitans de la vallée aux Rochers. Au neuuesiesme liure, chap. 10.

ANaxartes & Alastraxerée, fils & fille du Dieu des batailles, & de la trespuissante Roine Zahara de Caucase, aux trois estats de la vallée des Rochers, amour & faueur. Tres-chers & bõs amis, comme il ait pleu aux grans dieux immortels que, ny l'expugnable forteresse du chasteau du Lac, ny l'incroyable force des horribles Geans Bradaran &

Brandanel, avecq' toutes leurs puissances
astuces & finesse, n'ayent peu empescher
que la diuine justice ne soit executée sur
eux par nous (enfans de Mars) enuoyez
en ce monde pour mettre à effect le juste
& immuable jugement de leur suprefine
puissance, voulans par là demonstrier que
toute resistance est vaine & inutile contre
les forces du ciel , & vouloir de ceux qui
gouuernent & maistrisent tout ce qui est
cōtenu sous sa rondeur: nous vous auons
bien voulu aduertir de la ruine mortelle
des quatre Geans, tyrans de ce pays, adue-
nuë par le trenchant de nos glaiues , à fin
que vous & tous autres puissiez cognoi-
stre que les dieux ont l'auctorité & pou-
voir (eux seuls) de faire toutes choses,
par la mesme puissance de laquelle ils les
ont créez de rien resistans specialement à
ceux qui sont tant tenus les recognoistre,
& toutesfois en font moins leur deuoir :
ce qui se peut alleguer : à l'encontre de la
creature raisonnable , qui meine vne vie
semblable aux brutes, n'observant la loy
ordonné par le createur infalible , afin
de se conduire par raison sous son vou-
loir , considéré mesmement que toutes
autres creatures (par la prouidence & bon-
té des dieux souuerains) sont mises
sous la main & subiection des hommes,
fai.

faisant chacune d'elles deuoir de se main-
tenir en son ordre, & garder ce à quoy les
Dieux l'ont establie: comme nous voyõs
l'esmerueillable ordre des cieux de leurs
planettes & clartez, des bestes priuées &
sauuaiges, des oyseaux en l'air, des pois-
sons es fleues & mers profondes, des pla-
tes & herbes odoriferantes, dont on voit
la terre riante & diaprée de diuers ouura-
ges tresgracieux en la saison: se sentant
chacune de ses choses à son naturel, sans
l'exceder ne passer peu ne point. Puis
doncques que toutes choses ont esté mi-
ses en la main, voire sous les pieds de l'
homme, quelle raison l'excusera de n'ob-
seruer l'ordonnance du createur? & s'il
ne le fait, combien doit il plus auoir de
punition & chastiment par les diuins lé-
gislateurs? Certes (treschers & bons amis)
il ne merite pas moindre punition que cel-
le qui est aduenue sur les Geans vos cru-
els tyrans & dominateurs, la mort & cor-
rection desquels ne deuez estimer procé-
der d'ailleurs que des dieux immortels,
dont il vous donne trescler tesmoignage
ayans deux personnes seules ruiné & def-
faict tels & si espouuentables monstres,
nonobstant la situation du lieu inacces-
sible & tresfort, leurs forces gigantines
O 6 & tou-

& toutes leurs puissances, ruses & cautelles. Derechef doncq' (treschers & bons amis) nous vous conseillons & admonestons de ne donner lieu à vos affection's, de sorte que le courroux des dieux descende sur vous autres, si desobeissez aux enfans de Mars, enuoyez icy pour en estre souuerains, & mettre paix en vostre contrée. Au reste vous viendrez vers nous, afin d'entendre le surplus de nostre vouloir.

Lettres d'Arlade Princeesse de Thrace, à don Florisel de Niquée, au 9. liure, chap. 14.

ARlande Princeesse de Thrace, au Cheualier de la Bergere, salut. La renommée de vostre excellente beauté & glorieux faicts d'armes qui court non seulement par tout ce pays de Thrace, ains quasi par toute la terre, m'a tirée en si grande admiration, & desir d'en sçauoir la verité, qu'apres auoir cōsulté nos dieux sur cest affaire, qui m'en ont donné response selon le commun bruit: i'ay bien voulu vous enuoyer là presente, pour prier vostre seigneurie de se transporter par deça, afin d'entēdre vn tort qui fut fait par le traître & desloyal Amadis de Grece, à mon trescher & vnique frere Balarte, Prince de Thrace, par la mort duquel la succession de ce Royaume (apres le decez de mon

mon dolent pere) m'appartiendra à la charge toutesfois, de poursuiure & venger la mort de mon dit Seigneur & frere. Parquoy s'il vous plaist vous transporter par deça pour executer ceste raisonnable vengeance j'ay deliberé, & vous promets (en recompense du deuoir que vous en ferez) de vous faire Seigneur & maistre de moy & de tout ce que je possède en ce monde, vous aduertissant d'auantage que les dieux m'ont reuelé que vous seul estes celuy auquel ceste tant iuste & glorieuse vengeance est reseruée. Obeissant doncques à la diuine prescience des dieux, laissez desormais à poursuyure la vengeance d'un tas de friuoles iniures & querelles de damoysselles, de trop petite qualité, & venez prèdre possession & jouyssance des grans biens & honneurs qui vous sont aprestez par deça: ce faisant, vous me rendrez joyeuse & contente.

Celle qui desire demeurer à jamais en vostre bonne grace & souuenance, Arlande.

Responce de dom Florisel de Niquée aux lettres d'Arlande Princesse de Trace: au 9. liure, chap. 14.

DOm Florisel de Niquée, fils du tres vertueux, & magnanime Prince Amadis de Grece, à Arlande Princesse

celle de Thrace, salut tel que son excellen-
ce le merite. Madame, j'ay receu les let-
tres qu'il vous a pleu m'enuoyer par ceste
vostre damoyelle, lisant lesquelles j'ay
cognu le grand desir que vous auez de
venger la mort du feu Prince Balarte vo-
stre frere, occis comme j'ay entendu, vail-
lamment en champ de bataille (par les
mains de mon trelcher pere Amadis de
Grece) pour vne bonne & juste querelle,
chose qui vous deuroit diuertir de faire
telle poursuyte: car tant plus la cause de
sa mort sera publiée, tant plus tombera
de deshonneur & sur luy & sur ceux qui
se parforceront de la venger; cognoissant
vn chacun son tort euident, pour le mes-
chant tour aueré qu'il auoit proposé de
faire à celuy qui (auecq' toute gracieuse-
té & bon traictement) l'auoit receu en sa
maison. Ne trouuez donc estrange, ma-
dame, si en cela je ne satisfais à vostre de-
sir non point pour le regard de l'honneur
& reuerence que doy naturellemēt auoir
à celuy qui m'a engendré, mais pour au-
tant que je offenserois grandement Dieu
& mon honneur, & ferois contte toute
raison de venger vn acte tant vertueux,
posé le cas qu'autre que mon pere l'eust
faict. Et si vous assure bien, que quicon-
ques voudra vous obtemperer en cela, se
trou-

trouuera frappé de la diuine iustice, augmentant la honte & deshonneur de celuy qui merite estre enseuely es tenebres d'oubliance. Quand au bien que vous me promettez, qui est de me faire possesseur & iouissant de vostre excellente beauté & toutes vos possessions, vous pouuez entendre par ces presentes, que j'ay iuste occasion de le refuser sous la condition que demandez, vous remerciant neantmoins, tant qu'il m'est possible, de la bonne volonté & affection que me portez en recompense de laquelle je vous promets m'employer pour vostre seruice, en tout ce que l'honneur & la vertu me commandera. A tant, ma dame, prieray le createur de toutes choses (auquel la vengeance doit estre reseruée) vous donner sa sainte grace, apres m'estre affectueusement recommandé à la vostre. Celuy qui vous desire tout bien & accroissement d'honneur, le cheualier de la Bergere.

Lettres de dom Florsfeld: Niquée à la belle Helene Princesse d'Apolonic. au neufiesme liure, chap. 33.

M Adame, si vous voulez mesurer vostre grâdeur, & aduiser au reng que vous tenez, au respect de moy, qui ne suis que Cheualier errant, & encores à vous incognu, je pense
bien

bien que vous vous esbahirez de ma remerité ou trop grande hardiesse, qui a osé vous escrire la presente : Mais si vous venez à considerer combien est grande la force d'amour, je m'asseure que vostre benignité & douceur m'excusera, & en accuserez ceste diuine beauté. & bonne grace, laquelle me raut hier tellement la liberté, que je ne puis auoir la puissance ny le vouloir de jamais en aymer & seruir d'autre que vous. A ceste cause je me suis enhardy de vous prier tant humblement qu'il m'est possible de receuoir mon cœur fidele, qui m'a laissé pour estre du tout vostre, & permettre que je me tiène & nomme vostre Cheualier & tresaffectionné seruiteur, qui estimera peu toutes ses infortunes passées, si vous luy faites tant d'honneur qu'il vous puisse, vn de ces jours, dire de bouche ce qu'il craint à vous rescrire, pour le trop peu de cognoissance qu'auuez de luy : priant le createur de toutes choses (qui vous a doüée de tant parfaite beauté) vous donner accroissement d'honneur & felicité.

Vostre treshumble & obeïssant le Cheualier de la Bergere.

Responce de la Princesse d'Apollonie aux lettres de dom Florisel. Au neuuesiesme liure, chapitre 34.

Le ne

IE ne me puis assez esmerueiller de vostre presomtion, qui a entrepris de m'escrire la lettre que m'aués enuoyée par laquelle il est aisé à cognoistre que vous taschez à me deceuoir, & desrober ce que j'ay tant cherement gardé jusques à present, & qui est de long tems promis à vn autre qui le merite, mais assurez vous que vos parolles saintes emmiellées ne me feront condescendre à vostre mauuais vouloir, car j'ay biē appris (grace à Dieu) à me garder & deffendre contre tels assauts. Dauantage quand je serois en ma puissance, estimez vous que je me voulusse tant abbaïsser (moy qui suis fille de Roy, que de me donner à vn cheualier errant & incogneu comme vous estes?) pensez vous que j'ignore quel peut estre le cheualier de la Bergere, duquel vous vsurpez le nom par vostre lettre? certes pour me faire accroire cela, vous vous deuiez monstrier vn petit plus modeste, & faire vn acte de plus grande prouesse & vaillantise que celuy que vous fistes auant-hier, quand vous outrageastes mō nain en ma presence. Cessez donc de me plus importuner par vos lettres ny en sorte quelconque, & ayez deormais plus grande consideration à ma hauteur & au lieu dont je suis yssue, autrement j'en pourrois aduertir.

tir qui vous feroit sentir vostre folie.

De par Helene Princeſſe d'Apolonie.

Lettres de dom Florisel de Niquée à la belle Helene Princeſſe d'Apolonie. au neuſieſme liure, chapitre 35.

TResexcellente Princeſſe, le Cheualier de la Bergere deſtitué de tout ſalut, le vous enuoye tel que ſon infortune le permet. J'ay receu les lettres qu'il a pleu à votre grandeur m'enuoyer, par leſquelles j'ay cogneu que vous vous ſentez fort offenſée de ce qu'Amour ſeul m'a contrainct vous faire entendre, ſous eſperance d'obtenir de vous quelque grace, mais puis qu'au lieu de ce j'ay trouué courroux & deſdain, avec dures menaces de me faire ſentir ma preſpmtion, il m'a ſemblé que je ne puis mieux vous rendre ſatisfaite de la vengeance qu'en deſirez, que receuoir de bon cœur la mort dolo- reuſe, laquelle je trouueray trop plus douce & amiable que de viure, ayant votre male grace. Toutesfois auant que d'en faire l'execution, je vous ay bien voulu enuoyer la preſente, pour vous donner à cognoiſtre que mon amour & affection extreme n'eſt point feinte en votre endroit, ny le ſurnom que je porte fauſſement vſurpé, comme vous me mandez, eſperant qu'auant ma mort, ou apres vous

vous le sçaurez asseurement, & lors peut estre qu'aurez regret d'auoir vſé de ſi grande cruauté enuers celui qui vous ayme plus que ſa propre ame: lequel (en attendant voſtre reſponce & derniere ſentence de ſa mort) prie le Createur vous maintenir à jamais en joye & contentement.

Vostre treshumble & affectionné ſeruiteur le Cheualier de la Bergere.

Lettres de la Princeſſe Syluie à dom Floriſel de Niquée. au neuſieſme liure. chap. 38.

REmemorât l'entiere & parfaicte amour que vous m'avez portée, ſeigneur Floriſel, enſemble les grans biens & honneurs dont je me voy à preſent jouyſſante par voſtre moyen, je n'ay voulu faillir (en recognoiſſance de cé) à vo^{re}reſcrire la preſente, pour vous aduertir que depuis que la fortune de mer nous ſepara l'un de l'autre, eſtant à la fontaine des amours d'Anaſtarax, preſte à me donner la mort de voſtre propre eſpée (pour le dueil & regret que j'auois de voſtre malheur & du mien) ſuruint la Princeſſe Alaſtraxerée, qui me garda de tomber en ceſt inconueniêt, & me cōduiſit à l'enfer d'Anaſtarax, lequel en fut mis hors par le moyen d'elle & de moy: & pour recōpence d'un ſi grand bien-fait, il m'a priſe en

ma-

mariage, apres la solennité duquel faite, je fus par vne estrange auanture recogneue pour fille de l'empereur Lisuard de Grece, par ainsi sœur de vostre pere. A ceste cause je vous prie transmuer ceste amour & vehemente affection que me portez, en la Princeſſe Alaſtraxerée que ſeulement vous meritez, pour la conformité des grandes vertus, prouesses & beautez qui ſont en vous deux, & m'eſt aduis que je ne vous puis donner meilleure ny plus cōdigne recompense de tant de trauaux qu'auiez prins & ſouffers pour moy, que de moyenner le mariage de vous & elle laquelle j'ay priée ne partir de ce pays juſques à ce que j'aye receu de vos nouuelles. Parquoy je vous prie tant qu'il m'eſt poſſible vous transporter par deçà ſi toſt qu'en pourrez auoir l'opportunité, afin que nous y puiffions donner ordre pendant que l'occasion ſe preſente. Au reſte, pour ce que ce gentil-homme vous pourra cōter de bouche tout ce qui s'eſt paſſé par deçà depuis la deliurance du Prince Anaſtarax mon cher amy & eſpoux, je feray fin à la preſente, de laquelle je deſire Darinel eſtre participant: Priant le Seigneur Dieu vous donner l'accompliſſement de vos bons deſirs, apres auoir preſenté de bien bon cœur mes recomman-

da-

dations à vostre bonne grace.

Vostre tante & parfaicte amy^e Syluie.

Lettres de dom Florisel de Niquee à la princesse Syluie. au 2. liure, chap. 41.

M Adame, j'ay receu vos lettres & par icelles entendu les nouuelles de vostre aduenement à la principauté de Niquée, semblablement la consanguinité d'entre vous & moy, dont je suis autāt joyeux que de chose qui m'eust peu aduenir en ce monde, par ce que mon cœur sera désormais exempt de la passion amoureuse qu'il a soufferte pour lamour de vous, ne cognoissant l'excellence du lieu d'ou estes yssuë, & vous de vostre costé demourerez quitte de l'obligation & promesse que m'auiez faite de me rendre content & satisfait de ce que je vous ay requise par plusieurs fois aduenant que le Prince Anastarax refusast vostre party, ce que le Seigneur Dieu n'a permis ne vous voulant frustrer du merite de vos vertus, dont je luy rens graces immortelles, comme à celuy qui nous a gardez tous deux de commettre chose contre son honneur & commandement. Sur ma foy ce nom de Bergere ne vous conuenoit pas mal, & croy c'estoit vn certain presage que vous deuiiez vn jour conduire & mener ce troupeau vertueux, c'est à dire, tout ce peu-

ce peuple qui vous est tant obeissant, l'amour duquel vous avez acquis, non par la grandeur de vostre lignage, mais par vostre vertu seule, de laquelle je ne pense qu'un homme puisse porter plus certain & vray tesmoignage que moy, pour vous auoir accompagné es lieux ou il la falloit monstrier, dont vous meritez plus grande louange, à laquelle je ne m'arresteroy, car mon esprit ny ma main ne sont capables pour l'exalter & donner le lieu qu'elle merite: parquoy laissant ceste charge aux parfaits Orateurs & vrais Chroniqueurs, je feray fin à la presente, & ne vous manderay pour maintenant autres nouuelles des auentures qui me sont suruenues depuis que nous fusmes separez sur la mer, parce que j'estime que vostre Darivel (qui partit pour vous aller trouuer aussi tost que je luy eus communiqué vos lettres) vous en pourra cōter, car il m'a tousiours tenu compagnie, joint aussi que j'espere m'acheminer par dela incontinent que je seray guerry de quelques playes que j'ay receues à vn combat sur le chemin d'Apolonie, duquel cestuy vostre gentilhomme present porteur vous pourra dire l'occasion & contre qui. Ce pendant, madame, ma tante, je me recommanderay treshumblement à vostre bonne grace, & à toute
vostre

vostre noble compagnie, spécialement à madame la Princesse Alastraxérée, que je desire grandement veoir, priant l'Eternel vous maintenir en sa grace. Escrit au roy aume d'Apolonie, par vostre tres humble & obeissant seruiteur & nepueu, Florisel de Niquée.

Lettre d'Aristibel des Sciences à la Princesse Arlande de Thrace. au 9. liure, chap. 50.

MAdame, j'ay esté tresioyeux d'entendre l'emprisonnement qu'avez fait faire des personnes de l'infante Alastraxrée & du Prince dom Florisel de Niquée, esperant que vostre excellence receura, par ce moyen, contentement de son esprit, & vengeance de la mort de feu monsieur le Prince vostre frere : mais pourautāt que j'ay trouué par mon art de Magie que le Roy Amadis de Gaule, les Empereurs de Constantinople, Trebisonde & autres Princes & Princesses leurs amys & alliez sont enchantez en la tour de l'Vniuers, & doiuent estre deliurez dedans l'an qui court presentement. Pour ceste cause je vous ay biē voulu aduertir, afin de preuoir à tous inconueniens qui pourroyēt aduenir cōment vous pourrez auoir vengeance de dom Florisel de Niquée vostre prisonnier, de ses peres & mere, & generallement de tous ses proches

pa-

parens par vn mesme moyen, qui est d'en uoyer incontinent l'infante Alastraxerée à la tour de l'Vniuers garder que personne n'y entre, pour voir l'aduenture & donner fin à l'enchantement, sçachant qu'elle en viendra tresbien à bout, veu la grande proüesse, force, & magnanimité qui l'accompagne par dessus toutes les personnes de la terre. Et si elle tient le pas l'an durant, je vous assure que tout le reste de leurs vies ils demoureront enchantez, & dom Florisel ne sortira de vostre prison s'il ne vous plaist. Par aihsi ne vous vengerez pas seulement de ceux q̄ desirez, mais outre vous aurez moyen & cōmodité de deux Empires par l'alliâce q̄ pourrez faire avecques celuy que vous aimez, qui l'acceptera volontiers pour se mettre en liberté & hors de vos prisons. Il vous plaira doncques, madame, y aduiser prestement, d'autant que vous aimez le bien & repos de vostre esprit. Qui sera l'endroit ou je prieray l'Existant vous maintenir en sa grace, me recommandant tres-humblement à la vostre. Par vostre humble seruiteur Astibel des sciences.

Lettre de l'Infante Alastraxerée aux Princesses Helene d'Apollonie & Timérie de Boëtie Au 9. Livre, chap. 50.

Tres-

TResexcellentes Princesses, ayant cogneu en vous le zele de parfaite amitié que portez à dom Florisel de Niquée (comme chascune de vous me declarà de sa propre bouche, quand vous me pristes pour luy auprès de l'hermitage des amâdiars) je n'ay voulu faillir, voyant la commodité de vous faire entendre de ses nouvelles. Sçachez donques mes dames qu'il se porte bien quant à la dispositiō de sa personne, mais ie pense que son esprit est aucunement trauaillé, pour estre tombé & arresté prisonnier entre les mains d'Arlande Princessse de Thrace, laquelle auoit deliberé de se venger sur luy de la mort de son frere Balarte, tué en cāp clos par Amadis de Grece, son pere & croy qu'elle lui eust faict endurer la mort tost apres qu'il fut arresté au chasteau du miroir d'Amours, s'il ne se fust aduisé d'vsurper mon nom, & dire qu'il estoit Alastraxerée, pour autant que luy & moy nous ressemblons fort bien (comme vous sçauiez) de sorte que croians les cheualiers qui le prindrent, son dire estre vray, le menerent en la cité de Thrace, ou il fut receu fort humainement du Roy, & de la Princessse Arlande pour moy, & a si bien joué son personnage jusqu'à ce jourd'huy en habits de femme (desquels la Princessse

luy a fait present) qu'il est impossible de faire mieux: dequoy je luy scay tresbon gré. Or il est auenu qu'en m'en allant en ce chasteau du miroir d'Amours, j'ay esté auertie de sa bonne ruse par vne estrange auenture (dont mes damoyelles vous feront certaines) & depuis la fortune a voulu que j'y aye esté arrestée tout ainsi que dom Florisel, duquel j'ay vsuré le nom, afin qu'il ne fust decelé, & pour tel j'ay esté amenée à Arlande en vne maison de plaissance ou elle me tient enfermée, & tous les jours me sollicite fort de l'payer, vsant enuers moy de gestes & contenaices amoureuses ny plus ny moins que si elle parloit à Florisel, mais je la scay si biē entretenir & contenter de parolles, que j'espere (pou estre plus à son priué avecques moy) qu'elle le mettra bien tost en liberté, & quand il y sera, je pense qu'il trouuera moyen de m'y mettre. A tant mes Dames je presenteray mes recommandations à vos bonnes graces, priant le grand Seigneur vous maintenir en la sienne.

Vostre cousine & bonne amie, la diuine
Alastraxerée fille de Mars.

*Lettres d'Helene d'Apolonie & Timbrie de
Boëtie à l'infante Alastraxerée. Au 9. liure,
chapitre 53.*

Tref-

TResexcellente dame, nous auons entendu par vos Damoyelles la bonne subtilité dont auez vscé, pour moyenner la deliurance de dom Florisel, qui est tombé entre les mains de la Princesse Arlande de Thrace, chose qui vous doit rendre immortelle à tousiours, veule danger ou vous auez mis vostre personne pour monstrier vne si parfaite amitié. Et pour vous en dire ce qu'il nous en semble à la verité, nous trouuons les actes que vous faites tant excellens & insignes, qu'à bõne raison tout le monde deuroit souhaiter vn tel personnage que fut le Grec Homere pour descrire vos hauts & heroyques faits, afin de donner exemple à la posterité, & l'inciter à les ensuyure. Il ne faut que le grand Alexandre marche deuant vous Annibal, ny les Scipions, car s'ils ont eu de grandes victoires ça esté avecq' vne multitude d'hommes, mais vous seule en auez tant vaincu que deuez tenir le premier lieu, non seulement entre les preux & vaillans hommes, mais aussi entre les femmes plus heroyques. Tous les hauts faits d'armes de la noble Roine Gradafilée ne se doyuent en rien comparer aux vostres, car tout ce qu'elle en fist oncques, fut par la force d'amour qui est inuincible, & pour conseruer son integrité

ré: mais vous auez esté seulement esmeüe
par vne certaine naturelle & nayue vertu
à faire bien à celuy que vous ne cognois-
siez aucunement, & non pas à luy seul,
mais à tous ceux ausquels vous auez veu
faire iniures & extorsions, dont la gloire
& louange redouble en vous. Certaine-
ment la belle & pudique Iudith, qui tren-
cha le chef au cruel Olofernes, pour con-
seruer sa virginité ny Cleopatra qui vain-
quit Ptolomée son frere, ny la Roynie Pan-
tasilee & tant d'autres, ne se doyuent au-
cunement egaler à vous, qui n'excellez
pas seulement tous les hommes & fem-
mes en prouesses & vaillantise, mais aussi
en excellente & parfaite beauté sans en
excepter vne seule, non pas mesmes ceste
belle Syluie, laquelle (comme nous auõs
entēdu) vous preseruastes de cruelle mort
qu'elle se vouloit donner auprès de la fon-
taine des amours d'Anastarax pour l'ab-
sence de dom Florisel, lequel est tenu à
vous de sa vie, & moy aussi pour le bien
que m'auiez fait en le sauuant. Combien
certes qu'il me semble que (veu la pro-
messe qu'il me fit au partir d'icy de se
trouuer en Apolonie à l'auenture de la cō-
tention des quatre freres) il ne deuoit s'es-
carter ny jeter aux auentures & quētes
tant hazardeuses sans me mander de ses
nou-

nouvelles. Je ne luy escriis toutesfois afin qu'en luy presentant le doigt, il ne prene toute la main, attendant que sa venue par deça nous rendra raison de son esloignement & tant ennuyse absence, moyennant qu'il plaise à vostre bonté luy permettre de retourner, à laquelle & luy & moy sommes tant tenus pour le bien que receuons d'icelle, qu'il nous est impossible d'y pouuoir satisfaire, ny vous en rendre graces condignes. A tant Madame, nous prions le Createur vous donner telle & aussi bonne paix comme nous la desirons pour la guerre qui nous tourmente en presentant nos treshumbles recommandations à vostre bonne grace. Vos grandes amies & prestes à vous obeyr Helene d'Apolonie & Timbrie de Boëtie.

La sentence de Rayson, sur le differet d'Honneur & d'Amour. au 9. liure, chap. 53.

Honneur & vous Amour, il me desplaist grandemēt de quoy vous ne vous pouuez accorder au salut de ces deux armes: toutesfois puis que le point & la verification de vos droits ne se peut cognoistre sinō par effusion de sang humain, & par la victoire de l'une des deux armées (l'ysue de laquelle depend de la volonté de Dieu) autre conseil ne vous puis donner, fors laisser joindre vos

gens, afin que la vengeance & jugement de Dieu soit arbitre de vostre different.

Lettre d'Anaxenes l'philosophe & magicien, à dom Florisel de Niquée. Au neuuesme liure, chapitre 54.

M Onseigneur, le Roy Arpilior & la Royne Galathée sa treschere compagne & espouse m'ont chargé de vous présenter leurs recommandatiōs de bien bon cœur à vostre bonne grace, & de ma part je n'en fais pas moins, qui suis leur Philosophe & maistre des arts magiques. Entendez monsieur, que la bonté & prouesse que je sçay estre en vous m'ont incité de vous aduertir de certaines & grandes auentures qui vous doyuent aduenir, lesquelles j'ay preueuës & cognuës par mes sciences & hauts secrets de Magic. Et afin que vous en puissiez sortir à vostre honneur, je vous enuoye l'armet que vous perdistes en la mer alors que par tempeste fustes separé d'auecques Syluie, lequel vous seruira tresbien en vn combat que d'eux brauës lyons feront, voire au prix de vostre sang, & sortira des combats vne lumiere qui est ores cachée en profondes tenebres, laquelle illuminera tous ceux qui la pensoyent auoir perduë, si bien qu'estant vostre teste rachetée du peril que cognoistrez deuant vos yeux

On verra en vous renoueller vne vieille playe, qui vous fera vne extreme douleur, & ne se pourra estancher, jusques à ce que son remede souuerain multipliera en vous & en tous ceux qui voudront soutenir vostre party seront playes nouvelles, desquelles sortira vn sang qui arrosera toute la terre de Grece. Au moyen dequoy vostre corps sera racheté par generale effusion, tant que le payement soit parfait, & n'en aura meilleur marché que vous le Prince autheur de ceste guerre, ni ses amis & confederez, vous aduertissant que le temps du plus grãd danger en quoy vous pourriez estre sera alors que le lyon qui engendre les lyons legitimes, se trouuera en plus grand peril que vous. Et suruiendra peu apres la bastarde qui abattra par ses luisantes armes la gloire non esperée. Alors se leueront les fils bastards & lyonceaux, lesquels resusciteront leurs peres par vne plus estrange façon, que les lyons progeniteurs n'ont donné la vie à leurs petits, le tout auecques accroissement de vostre grand honneur & inestimable effusion de sang de costé & d'autre. Parquoy regardez bien au commencement de ce mal duquel vous serez cause, pour louer tousiours celuy qui est louable sur toutes choses, par permission duquel tout

cecy se fera , & vous tiendra tousiours sa diuine main en sa garde. Ne doutez doncques point, car tout aduiendra comme je vous l'ay dit. Vous priant n'estre curieux d'en vouloir plus sçauoir , jusques à ce que le souuerain juge aura executé sa determination & volonté, pour vous monstrier vne guerre de laquelle procedera vne paix. Et en cest endroit supplieray le modérateur de toutes choses vous maintenir tousiours en sa protection.

Vostre humble seruiteur Anaxenes,

Philosophe & Magicien.

Lettre de la Princesse Arlande à l'infante Alastraxérée. Au 9.^e liure, chap. 56.

M Adame Alastraxérée, le dueil (accompagné d'une extreme colere) que j'ay eu de me voir abusée par vous & dom Florisel de Niquée a tant gagné sur moy, que pour me venger d'un tel tort je luy ay voulu procurer sa mort & la vostre semblablement, vous ayant fait la requeste d'aller à la tour de l'Uniuers le combattre , pensant bien que la meslée de vous deux ne se termineroit sans la mort de l'un ou de l'autre , ou de tous deux ensemble , toutes-fois ayant depuis bien pensé & considéré en moy-mesme que sa mort seroit cause de la mienne, pour l'extreme amour que je
luy

luy porte, comme vous sçauiez, j'ay mieux
 aymé me desister de ceste vengeance, &
 vser d'humanité & douceur enuers celuy
 qui ne l'a merité. Et pource, madame, j'ay
 bien voulu enuoier apres vous ceste mien
 ne Damoysselle, pour vous prier cesser &
 vous desister de la promesse que m'auiez
 faite, laquelle je vous quitte & remets par
 la presente, en laquelle vous trouuerez
 mes humbles recommandations à vostre
 bonne grace, priant le Souuerain me fai
 re tant de gracieuseté & faueur, que dom
 Florisel cognoisse quelque jour l'amour
 entiere que je luy porte, & le grand tort
 qu'il m'a fait desdaignant mon alliance.

La bien vostre Arlande Princeesse de
 Thrace.

*Lettres de dom Florisel de Niquee, à la Prin
 cesse Helene d'Apolonie. Au neuuesme liure,
 chapitre 57.*

M Adame, depuis mon partement
 d'Apolonie (ou de vostre grace
 me fistes tant de bien, & bon re
 cueil) j'ay esté par plusieurs auentures e
 stranges, tant esloigné de vous outre mō
 esperance, que je n'ay eu le moyen d'ac
 complir la promesse que je vous fis, pre
 nant congé de vous à l'abbaye des Rois,
 dont j'ay esté & suis en telle perpelexité
 qu'il me seroit impossible le pouuoir de

clarer par lettres : vous asseurant neant-
moins, qu'autre chose ne m'a contraint à
me tenir si longuemēt loing de vostre pre-
sence, fors l'honneur, auquel tous Cheua-
liers sont obligez : parquoy je vous sup-
plic treshumblement ne m'en donner au-
cune coulpe, & penser qu'aussi tost que
je pourray auoir le moyen de m'achemi-
ner par deuers vous, n'y aura faute que
ne m'y transporte, ce que j'espere assure-
ment faire au partir de ce lieu, ou je suis
contraint par promesse, me tenir pour
quelque temps, comme vous pourra dire
Darinel present porteur, que cognoissez
estre fidele & secret, qui m'engardera d'y-
ser pour maintenant de plus longues let-
tres : vous priant cependant me faire tant
de bien que de me rescrire de vos nouuel-
les, car il n'ya chose en ce monde, que plus
je desire sçauoir. A tant Madame, apres
auoir prié treshumblement nostre Seig-
neur vous maintenir en sa grace, je me re-
commanderay de tresbon cœur à la vo-
stre & celle de Madame Timbrie.

Vostre fidele & tresaffectioné seruiteur,
le Cheualier de la Bergere.

*Lettre de la Princeſſe Helene d'Apolonie à
don Florisel au 2. liure, chap. 58.*

Seig-

Seigneur dom Florisel, j'ay receu la lettre qu'il vous a pleu m'escire par Dainel, lequel m'a rendue certaine d'une grande partie des auentures, qui vous sont aduenues depuis que partistes de ce pays, ensemble de l'entreprinse qu'avez faite de garder la tour de l'vniuers pour quelque certain temps, lequel je desire estre de bref accompli, afin que vous vous puissiez transporter par deça, pour dōner cōsolation à mon debile esprit, qui a esté tousiours enuelopé de tristesse & melancolie depuis vostre absence. Helas! combien de fois ay je esté sur le poinct de me mettre en queste, pour vo⁹ recouurer. Certainement si j'eusse peu trouuer quelque bō moyen pour m'acheminer la part ou vous eussiez esté, assurez vous que je ne me fusse montrée paresseuse au partir, & ne m'en eust destourné l'honneur & reuerēce que je doy au Roy mon pere, encores moins la foy que j'ay promise à dom Lucidor, lequel n'aura jamais de mō consentement aucune part en moy, car l'extreme amour & affection que je vous porte ne le pourroit permettre. Considererez doncques, trescher amy, ce que je fais en vostre faueur, & ne soyez ingrat de le recognoistre, ce que je n'espere de vous, veu le propos que me tenez

par vos lettres, & ce que m'a dit Dairnel, Vous priant ce pendant tenir secrette l'amour d'entre nous deux, & estre fidelle gardien de mon honneur, attendant que la fortune se monstrera à vous & à moy plus fauorable à l'aduenir qu'elle n'a fait le temps passé. Et en ceste esperance supplieray le Createur nous donner la grace de paruenir à nostre affectionné desir, apres auoir présenté mes treshumbles recommandations à vostre bonne souuenance, à laquelle ma cousine Timbrie desire estre participante. Vostre parfaicte amye Helene d'Apolonie.

Lettres du Prince Anaxartes, à la belle Oriane. Au 9. liure, chap. 64.

TResexcellente Princesse le diuin Anaxartes fils de l'immortel Mars, Dieu des batailles, vous donne tel salut qu'il le desire pour luy. Madame la playe & douleur que j'ay receüe par le regard de vostre excellēte beauté, est si grande & de telle vehemence, qu'elle n'a pas seulement subiugué les forces naturelles qui m'ont esté communiquées de la part de ma glorieuse mere Zahara Roine de Caucaſe, mais auſſi ont tellement debilité ma diuine vertu (de laquelle je participe du coſté de mon pere) que je ſuis contrainct me retirer par deuers vous pour la
gue-

guerison de ma playe, & tout ainsi que ceux qui sont piquez des scorpiōs ont de coustume de prendre le remede d'iceux, au semblable puis que vous auez esté cause du mal que j'endure, j'en cherche le remede en vous, lequel ne me devez refuser veu le lieu de ma naissance, & le pouuoir que m'ont donné les puissans Dieux, la plus part desquels ont esté frappez des dards d'amour comme je suis à present, sans y pouuoir aucunement resister. Et pource madame, ne vous esbahissez, si me voyant participer de la diuinité, mō cœur est embrasé de vostre amour, veu que ceux qui sont entierement diuins en pourroyent aussi bien estre attaincts que moy. Ceste infante (laquelle je vous prie recevoir selon que sa grādeur le merité) vous pourra dire de bouche, le tourment & ennuy ou j'en suis : à ce moyen je vous supplie ne me refuser vostre confort, lequel je ne demande sinon auecq' intention honeste qui est d'une vraye & perpetuelle alliance de nous deux. Et en ceste esperance feray priere au tout-puissant vous donner sa grace, presentant mes tres-humbles recommandations à la vostre. Celuy qui ne peut long temps estre sans vostre secours, le diuin Anaxartes.

Lettres du Prince Anaxartes, à l'infante Orsane au 9. liure, chap 65.

TResexcellente Princeſſe, ayant entendu la reſponce qu'auiez faiſte à l'Infante Artymire, par laquelle je vous ay enuoyé mes lettres, j'ay peu cognoiſtre que ne trouuez bõ ny decent que je me ſois adreſſé à vous, pour la raiſon mentionnée en icelles, qui eſt qu'eſtes en puiſſance de pere & de mere, auxquels vous lez obeyr, & ne faire autre choſe que leur bon plaifir, ce q̃ je vous accorde bien eſtre raiſonnable & honneſte à toute perſonne tant grande ſoit elle, mais ſi vous euſſiez biẽ ſceu quel pouuoir à ce petit Dieu d'amour ſur les humains (je diray ſur les diuins auſſi) je m'aſſeure que vous n'eufſiez trouué mon humble requeſte tant eſtrange: car voſtre grandeur euſt conſideré qu'il auẽg liſt tellement les perſonnes qu'il luy plaifit frapper de ſon doré trait, que le plus ſouuẽt il leur oſte toute diſcretiõ. Nous en auons infinis exemples par les hiſtoires, leſquelles pour le preſent je ne veux reciter, (craignant vous ennuyer par trop longues lettres) ſeulement vous ſupplieray croire que voſtre excellente beauté m'a reduit en tel eſtat, que ſi brieſ il ne vous plaifit me monſtrer quelque benigne faueur, je crains fort que ne me voyez
tombe

tombé en la plus grande infortune qui pourroit aduenir à cheualier. Presentant en cest endroit mes treshumbles recommandations à vostre bonne grace, en laquelle je desire participer, attendant le moyen que je vous pourray demander au Roy vostre pere, puis que ne me voulez promettre aucune chose sans entendre sa volonté.

Celuy qui est plus vostre que sien, le diuin Anaxartes.

Lettres de l'infante Helene au Roy d'Apollonie son ayeul. au 9. liure, chap. 70.

Sire, vostre tres humble fille Helene vous supplie, auant que lire ses lettres tout au long, cōsiderer quel pouuoir Amour a sur les humains, autremēt vous jugerez la faute que j'ay commise enuers vostre bonté, plus grande qu'elle n'est, si voulez mesurer l'obligation de l'obeyssance que doyuent tous enfans à leurs peres & meres. Or afin Sire, que je ne vous deguise rien, j'estime bien que pensiez faire pour le mieux, & m'esloigner des amoureuses affections, me separant de vostre court, pour me mettre en ce lieu solitaire auecq' ma tante & ma cousine Timbrie de Boëtie: mais je vous assure qu'amour m'y a tellement assaillie, me representant en la fantasie la beauté, bon-

ne

ne grace , prouëſſe & magnanimité du Prince Floriſel de Niquée, que m'ayant la Fortune tant fauoriſée que je l'aye veu, & cogneu les ſingulieres vertus qui ſont en luy, enſemble l'amour indicible qu'il me portoit, j'ay eſté forcée de le ſuyure apres toutesſois l'auoir eſpouſé par parolles de preſent, & de ce eſt reſmoing ma couſine Timbrie, laquelle m'a voulu tenir compagnie, craignāt en receuoir de vous quel que mauuais viſage elle preſente ſes humbles recommandations à voſtre bōne grace, & vous prie , & moy auſſi tant qu'il m'eſt poſſible, l'excuser enuers Monsieur ſon pere, vous aſſeurant qu'elle n'eſt cauſe de ce que j'ay faiēt, ains au contraire elle y a reſiſté de tout ſon pouuoir, mais vous ſçauiez que toute la prudence ny les forcēs humaines ne ſçauroyēt reſiſter aux fatales deſtinées, parquoy Sire vous deuez croire aſſeuremēt que le vouloir de Dieu a eſté tel, & ne pouuez dire que j'aye offenſé mon honneur ny le voſtre, prenant mary non ſortable à ma grandeur, car celuy que j'ay choiſi en merite bien vne de plus grande eſtoffe que ne ſuis pour les biens qu'il poſſede tant de fortune que de l'eſprit, voire trop plus que le Prince Lucidor, lequel je prie m'excuser & conſiderer que je ne luy ay promis aucune

choſe

chose, à ce moyen ne se doit tenir grandement offensé de moy, ny de ce que j'ay fait, combien certes que ce n'a esté pour desdaigner son alliance, & cognois bien qu'il me fait beaucoup d'honneur, me voulant prendre pour telle que je suis maintenant à dom Florisel de Niquée, le quel me conduict en Constantinople accompagné du Prince Falanges d'Astre, Prince autant preux & vaillant comme il est vertueux & de bonne grace. Priant en cest endroiect le souuerain Createur de toutes choses vous donner en santé heureuse & longue vie. Vostre treshumble fille Helene d'Apolonie.

Lettres du Prince Lucidor des Vengeances à l'infante Alastraxerée. Au neuuesme liure, chap. 72.

MAdame, n'estoit que je pense qu'avez esté mal informée du grand tort que le Prince Florisel de Niquée me fait, j'estime que vostre diuine excellence ne se fust trouuée en bataille contre moy pour empescher l'effect de la iuste execution de vengeance que je doy prendre sur luy; tāt en mon propre nom, comme à l'occasion de l'iniure qu'Amadis de Grece son pere, à faite à ma sœur Lucelle qui est icy avecques moy. Or afin madame, que vous cognoissiez qui m'a
meu

meu de l'assaillir en tel equipage qu'auez
veu, entendez qu'il a rai & emmené He
lene infante d'Apolonie, qui m'a de long
temps esté promise à femme, & pour tel
le l'ay acceptée, & veux. Je vous prie
doneques considerez combien cela me
doit estre grief, & ne vous montrez tant
ennemie de vostre grandeur & bonne re
nommée que d'empescher vne si juste vë
geance, mais plus tost prestez faueur &
ayde à qui la poursuit, ce faisant vous con
seruerez l'integrité de vostre diuine iusti
ce. Atant madame presentant mes hum
bles recommandations à vostre bonne
grace, prieray le Souuerain vous donner
l'accomplissement de vos diuins desirs.

Vostre cousin & entierement bon amy
Lucidor des Vengeances.

*Responce de la Princeesse Alastraxerée aux
lettres du Prince Lucidor des Vengeances. au
neufiesme liure, chap. 72.*

EXcellent Prince Lucidor, la diuine
Alastraxerée fille du puissant Mars
Dieu des batailles, & de la triom
phante Zahara Royne du mont Caucase
& des montaignes Orientales, vous en
uoye salut & amitié. Sçachez que j'ay re
ceu & leu vostre lettre, par laquelle vous
vous plaignez grandement, dequoy j'ay
donné

donné secours à dom Florisel de Niquée
cōtre vous, qui maintenez auoir esté fort
offensé par luy. Pour responce à cela, je
vous prie considerer, que combien que je
sois tenuë & obligee (comme doyuent
estre tous autres Princes) à fauoriser & ad
ministrer justice à ceux qui ont bõ droit.
si est-ce que je ne suis pas moins tenuë de
reconoistre vn bien faict & seruice. Or
est-il que je suis autant obligé à dom Flo
risel que pourroit estre aucune personne
à quelque autre, pour beaucoup de cho
ses, lesquelles pour le present je n'ay loisir
vous faire entendre, par ainsi il me sem
ble que ne me deuez inculper ny sçauoir
mauuais gré du deuoir qu'ay fait en son
endroit: & quand ores j'eusse sceu & en
tendu vostre different, si est-ce que ma grã
deur m'obligeoit à le secourir en telle ne
cessité comme je l'ay trouué par ce que
vous ne deuez procurer vostre vengeance
& iustice par inegallité de force, ainsi que
j'ay veu par experience, ains le sommer &
aduertir qu'il ait à vous reparer l'iniure
que maintenez vous auoir esté faicte par
luy, & s'il est refusant de vous en faire rai
son, vous y deuez alors proceder par bon
conseil & meure deliberation. Estimez
doneques que je n'ay fait que mō deuoir
enuers dom Florisel, & ne delaisseray de
vous

vous satis-faire & maintenir vostre bon droit à l'encontre de luy, l'ayant biē cogneu & examiné. Toutesfois je vous prie ce pendant que vous vous efforciez d'accorder vostre différent sans effusion de sang s'il est possible, & ne suyuez l'impetuosité de vostre colere, qui vous a faict prendre vn surnom des Vengeances non conuenable certes à vn Prince, car les Dieux veulent que nous leur laissions la vengeance, pour autāt que nous ne pourrions tenir le moyē à l'executer nous mesmes sur ceux qui nous ont offensé.

Quant à ma part, je mettray peine & le prieray de paix avec vous, m'asseurant qu'il ne la me refusera. Et en ceste esperance feray fin à la presente, ou vous & tous messeigneurs de vostre compagnie trouuerez mes recommandations à vos bonnes graces, suppliant les dieux vous maintenir tous en santé. La bien vostre preste à vous faire plaisir, la diuine Alastraxérée.

Fin du neufiesme liure

d'Amadis.

de 3 en 06

*Lettre de dom Florisel de Niquée à la
Princesse Arlande. au dixieme
liure, chapitre 4.*



Adame, le los des victoires
belliques publié par tout à
si claine trompette, me sem-
ble de vil prix à comparaï-
son de celuy que merite qui
par prudence est vainqueur de soy-mes-
me. Car du premier, souuent la plus
grand' part est deuë à la fortune qui est
commune entre nous & nos lieutenans
& soldats. En l'autre personne ne peut
prendre aucun droit, fors celuy seul à qui
tout l'honneur appartient. Or le fait ja
passé entre vous & moy vous semond &
conuie au conquest de ceste gloire nom-
pareille: veu les assaux que vostre propre
volonté vous liure jour & nuict, lesquels
deuez soustenir & repousser vertueuse-
ment par vostre grande sagesse: car vous
sçauiez que de mon costé je ne puis obeïr
à la loy de vostre vray amour, ayant per-
du ma liberté entiere: dont ne me reste
plus aucune part que puisse employer en
vostre seruitude. Ie le voudrois & si ne
puis: je confesse & recognois la dette:
mais je n'ay plus dequoy satis-faire, pour
vne obligation precedente qui me tient
engagé corps & ame: Parquoy force vous
est

est de prendre ma bonne volonté en payement, sans vous plaindre de moy, quant à faute d'amour enuers vous, d'autant que mon impuissance m'excuse, l'ayant tout mis parauant en autre endroit, ny desloyauté, veu que ma foy estoit desia arrestée en lieu d'ou ne la puis retirer. Considerez doncq' qu'amour non moins que les autres choses naturelles, retient toujours sa propriété qui est d'exercer tyrannie enuers ses vassaux, comme il fist contre la Royne Dido, & plusieurs grans Dames, lesquelles firent sacrifice à ce Dieu cruel de leur pur sang, & de la vie au bout: Prenez exemple & vous mirez en moy, pour obeir à sa force, ainsi que voyez que je n'y ay sceu resister, & gaignez sur moy (qui vis en continuelle guerre) c'est auantage de demeurer en paix & repos d'esprit: laquelle vous souhaite, avecq' accroissement de gloire & prosperité, d'ausi bon cœur que presente ses treshumbles recommandations à vostre bonne grace.

Celuy qui est tout vostre en ce qu'il est sien, Florisel de Niquée Prince des deux empires.

Harangue du Prince Lucidor. Au dixiesme Livre, chapitre 5.

Sire

Sire, dit-il, Princes, Barons, Capitaines & Soldats Appoloniens, si nos sages ancestres (que les siècles passez ont porté) en la succession de tant bons enseignemēs nous eussent encore laissé la cognoissance certaine du train & gouuernemēt de fortune, son ineonstance ne me donneroit à ceste heure occasiō de la blâmer, ne sa certitude loy de dire ce que j'en dy : Mais d'autant qu'elle a prescrit l'autorité d'executer elle mesme ses desseings les Princes de ce mōde gagnēt beaucoup moins de vouloir resister à ses efforts, qu'à obeyr & s'aquitter de l'obligation que souuent elle leur impose. Non Sire que je vueille sous ceste couleur denier en rien celle que je doys à vostre honneur, ne pareillemēt laisser à exiger de vous en justice celle que deuez au mien, estant deliberé faire des deux pareille mise & recepte, au cas du rauissēmēt d'Helene vostre fille & mō espouse. Auquel n'a esté fait moindre force à vous qu'à moy, qui m'induit à requérir presentement qu'à l'entreprinse de la juste vègeāce vostre vouloir se cōforme au miē pour la satisfaction mutuelle. Nō pas que j'aye doute (Seigneur Birmartes) ne defiance aucune en ce cas de vostre franc & magnanime courage : mais crainte seulement du conseil qu'on vous pourroit

roit donner au contraire, soit pour vous en diuertir du tout, ou pour le moins retarder la diligence requise en tel affaire à l'occasion de l'ancienne amitié qu'avez tousiours eüe avec les Princes Grecs, chose qui me tourneroit à perte inestimable si elle tiroit à longueur, veu l'arroy & equipage, auquel voyez que me suis mis, lequel me demeureroit inutile s'il n'étoit renforcé & augmenté par le vostre. Parquoy esbahir ne vous deuez (Sire) vous Princes, Barons, Capitaines, & Soldats Apolloniens que je vous sollicite si vigement à ceste entreprinse, & moins refuser ma requeste, estant de telle consequence pour vous, qu'en la cuidant rejeter comme mienne, vous vous trouuerez en effect autant contrarier à vous mesmes. Qui est celuy qui pourroit dire que c'est outrage n'ait esté autant à vous qu'à moy? Quant est de ma part, je suis disposé à la vengeance, en laquelle si je ne cōtente mon desir en satis-faction de mon honneur, autant que fortune l'a mal contenté, je tourneray sur ma personne le reste de l'effort pour ne luy seruir plus de subiect à autre cruauté nouuelle. A ceste cause, vous supplie tresaffectueusement (Sire) & vous autres Seigneurs Appoloniens vouloir en cest endroit employer
vos

vos forces, & celles de vos amis & aliez, adjoindre aux miennes, pour mettre sus vne telle puissâce contre les Princes Constans, que si de leur gré ils ne s'offrent à la reparation du tort & iniures, nous soyōs suffisans à l'executer sur eux, & les forcer à la raison. Icy fay-je fin à ma demande, sans la faire de mon intention premier que de la vengeance, soit à bailler ou à prendre.

Harangue du Prince Birmartes. au dix-septieme liure, chap. 5.

Seigneur Lucidor, puis que le bō plaisir du Roy mon seigneur & pere, & des Seigneurs assistans me charge de la responce qu'ils entendent vous estre faite: je vous diray en brief ce qu'il leur en semble, remettant neantmoins ma volonté & resolution à la vostre. En premier lieu, je vous confesse que nous auons interest commun avec vous en l'issuë de ceste cause, laquelle n'est de condition en rien differente à celle qui fut jadis demeslée entre les Grecs & Troyens pour le rauissement de leur belle Helene, de laquelle me desplaist extremement que ma fille porte le nom & effect de seconde. Je ne denieray non plus l'amitié ancienne que j'ay avec les Princes Grecs. Si est-ce qu'en la balance de mon jugement elle

Q

n'est

n'est de tel poix, que le respect de mō honneur, & de celuy de ma fille, ne trebuche & l'emporte : lequel j'estime deuoir estre racheté à quelque prix que ce soit, tāt des biens que de la personne. Toutes-fois comme les affaires de telle importance requierent leur commencement estre diligemmēt consulté & debatū, de peur que la fin mal succede : seruant tel deuoir à la descharge des Princes enuers Dieu & les hōmes, principalement leurs suiets, au cas que la fortune tournast mal à point selon leur proget. I'ay aucunement esgard aux choses qui sont contre mō propre goust ; car delaisant toutes passiōs (comme l'on doit en cas de conseil) j'estime qu'en ceste entreprise nous couchons la somme totale de nos estats & finances, & les mettons en la main de fortune, sans assurance de paruenir à la reparation pretendue, autre que de nostre bon droit, qui a souuent mestier d'aide, comme suieēt à l'inconstāce de la variable Deesse. Bon droit auoyent les Princes Grecs contre la Ville de Troye, qui soustint neantmoins leur siege & assaut l'espace de dix ans, & eult soustenu (peut estre) jusques à la fin, sans la trahison si cauteleusement pour-pensée, & si vaillamment executée. Mais laissons à part la grande effusion de sang que
je

je voy apprestée: considerons seulement quelle en sera l'issüe: car au vray l'effect des armes est quasi fortuit, ne jamais fondé en seurété quelconque, dont nous faut descendre spécialement à la conseruation de nostre honneur: touchant lequel (combien qu'ait esté offensé à l'enleuement d'Helene, peut estre que raison nous sera faicte de la reparation plus grande que n'esperons, apres que la partie aura bien entendu & discuté le fond de nostre complainte. Sur quoy on ne pourroit aiseoir aucun jugement legitime, auant qu'auoir ouy la deduction des deux parties. Pour ce regardons à y proceder par meure deliberation, de peur de nous repentir trop à loysir, de nostre temerité precipitée. A ceste cause, serois d'auis, Seigneur Lucidor, qu'auât que passer outre, vous fissiez entendre vostre intention par Cartel, au Prince Florisel, le sommant de reparation de l'outrage, à fin que par son reffus, rendiez nostre cause d'autant meilleure. Lors luy pourrez sans difficulté denoncer guerre mortelle à feu & à sang jusques à l'accomplissement de la vengeance. Et quant à le combattre vostre personne à la sienne, je n'en serois pas d'opinion, d'autant que le fais de si generale offence ne se doit charger sur les espayles

d'un seul, lequel perdât, le reste de la poursuite touchât aux autres, demeurast sans amendement. Non que je vueille en cecy reuoyer en doute aucune, la valeur de vostre personne : mais par ce que la faueur de Mars est incertaine & commune, en laquelle on ne doit reposer sa confiance de chose si importante, l'eust-il promis & assuré par seing & seel autentique.

Voilà à quoy tend l'avis du Roy, & de ceste assistance, d'attendre la responce que le Prince Flotisel fera aux embassadeurs enuoyez de vostre part : pour sur icelle prendre fondement de nostre resolution finale. Ce pendant ne requierir ne mettre encore en peine les amis (desquels desirons le secours en cest affaire) jusques à ce que leur puissions monstrier le plus que deuoir, auquel nous serōs mis pour chercher paix, & couter l'horrible furie de la guerre : ce qui les animera d'auantage à prendre les armes pour nous, quasi contre l'ennemy commun de droit, equité, paix & repos de peuples, sans que le laps de ce peu de temps vous puisse porter aucun preiudice en expedition de telle consequence, dont l'ordre & appareil requiert longueur & demeure, de peur que de soudaine entreprise nous encourions trop tard de repentance.

Let-

Lettres de Lucidor le Vengeur au Prince Florisel de Niquée. au dixieme liure, chap. 5.

SEigneur Florisel, Lucidor le Vengeur, Prince naturel de Frâce, & d'Apollonie par alliance, prie Dieu vous inspirer tellemēt que puissiez cognoistre la faute qu'avez commise enuers luy, & la reparer ainsi que droit & raison le commandent. Ce qui m'a meu à vous escrire ce mot de lettre, est afin que vostre erreur recogneu, & l'amende faite à mon contentement, je puisse demeurer, avec vous en telle paix & amitié comme deux Princes Chrestiens, de telle grandeur que nous sommes, deuroyent, pour employer nos communes forces contre les infideles. Je desire fort sçauoir quelle excuse voustrouuerez du grand tort que vous m'avez fait & à vous mesmes (ce que je puis dire) en violant mon estat Royal, ensemble l'amitié que vous deuiez au pere de ma fiancée, vous suppliant me la vouloir escrire par le menu, à fin que j'y puisse prendre consideration qui soit suffisante, pour accomplir la satisfaction de vostre part en mon endroit: car ou je ne la pourrois recevoir de vous, de vostre bon gré, force me fera de la prendre au fil de l'espée, par le moyen des armes, seulemēt entre vous & moy, jusques à outrance de vostre vie.

ou la mienne. Je m'esbahy trop comme vostre vertu tant cogneuë jusques icy en si glorieux affaire, s'est tant oubliée par appetit desordonné de jeunesse effrénée, que de se declarer tant ennemy de la raison; mesmement de la paix inuiolable que vos peres & predecesseurs ont tousiours entretenuë, avec les parens de mon espouse. Vous asseurant qu'à grand peine vous lauera toute l'eau de vostre mer, d'une si grande tache & macule: car vostre estoffe estoit tenuë de resister à si vilain acte, ne faisant chose que ne voudriez que vous fist celuy qui est de vostre qualibre, dequoy ne vous pourriez descharger aucunemēt enuers Dieu ne les hommes. Au moyen dequoy, encores que j'eusse bon droit de vous faire la guerre comme à violateur de ma femme & de sa propre foy, si est-ce qu'ayant Dieu deuāt les yeux & les affaires de nos republicques Chrestiennes en recommandation, vous ay bien voulu semondre de m'en faire raison de vous mesmes, consideré que les loix obligent les Princes quant à foy, à fin que par ce moyen on escheue vne si cruelle guerre comme je voy estre apprestée, non moindre que jadis vos predecesseurs eurent deuant Troye, laquelle Dieu vueil le destourner par sa grace, au moyen de

vostre juste satisfaction. En cas que non, je proteste vous mener telle guerre, que l'un de nous deux y demeurera pour les gages.

Floriselde Niquée, Prince de deux Empires, de la grande Bretagne & de Gaule, de Thebes, & Rhodes, heritier d'Apolonie: à Lucidor le Vindicatif. Au dixiesme liure, chapitre 6,

Seigneur Lucidor, je m'esbahy de cest outrecuidé surnom que voulez occuper, vous faisant appeller le Vengeur, sçachant (ou devez sçauoir) que tel titre n'appartient qu'à Dieu seul. Et pour pertinemment respondre aux articles de la lettre que le conte d'Armignac vostre ambassadeur m'a présentée, je dy que vous-mesmes estes tenu de satisfaire aux parolles de presumption, desquelles vsez contre moy, & Helene mon espouse. Quant à ce que vous dites que l'excuse n'est suffisante qu'amour m'ait induit à telle faute, inferant que persone d'estat, comme vous ou moy, ne les deuroit commettre si lourdes: je dy que l'excelente beauté de madame Helene, joint le parentage & lieu dont elle est yssüe, m'ont obligé à si nobles pensemens, m'ayant tousiours tiré hors de moy-mesmes, comme ententif continuelle-

ment en l'honneste amour que je luy por
tois sous pure loy de mariage, qui me
doit seruir de descharge, pour effacer la
coulpe que me voulez imposer, dont ne
me sens aucunement reprehensible, si n'e
stoit de la faute que je puis auoir faite à
ses parens, de l'emmener sans leur consen
tement: chose qui me desplaist beaucoup
pour l'amour d'eux à qui je deuois bien
ce respect. Sur ce que vous dites, que je
m'oste à moy-mesmes ce que la bonne re
nommée m'a tousiours voulu ottroyer:
je maintien ne l'auoir en rien violée ne di
minuée: ains espere que ce que j'ay fait
en ce cas me sortira à grâde augmentatiō
de gloire. Aussi de tout temps les Prin
ces Grecs sont coustumiers de garder le
point d'honneur, & de bien venger les ou
trages qu'on entreprend de leur faire. Et
maintenant que l'Empire est regy par les
plus magnanimes & belliqueux seigneurs
qu'il eut jamais, il n'est prest de cheoir du
degré de sa reputation ancienne. Quant
à vous, si voulez entendre raison, vous de
uez deporter de ceste querelle, voyant qu'
Helene est ma femme, & que le fait est ir
reuoicable: Mais pour la reparation en
ueis vous, messeigneurs & parens ont cō
clu vous donner autre Dame, de grâdeur,
beauté, & richesse, telle qu'aurez raison
de

de vous en contenter : sinon, vous fuffife remettre le fait à la difcretion de vos parens, des miens, & de ceux de ma femme, promettant defcendre à toute condition raifonnable & honnefte, enuers le Prince Birmartes, & le Roy d'Apolonie. Autrement je protefte deuant Dieu de defendre ma juſte cauſe, tant que l'ame me reſpirera au corps. Vous ſuppliant par amitié, Seigneur Lucidor, prendre eſgard à la fin douteuſe & incertaine des batailles, & au grand nombre des amys de la Grèce, ſans celuy de ſes propres vaffaux : ſans y comprendre les meurtres que ſuſcitera contre vous ce titre énorme de vengeance, que vous vſurpez ſur la puiſſance diuine.

*Lettre de Lucidor le Vengeur à Zahara,
Roine de Caucaſe. au 10. liure, chap. 6.*

M Adame, m'eſtant n'aguères adueni, que Floriſel de Niquée ait entrepris ſur l'alliance faite entre moy & la Princeſſe Helene d'Apolonie, me la rauiffant par violēce indeue, je n'ay penſé meilleur recours qu'en voſtre excellence, & celle de vos illuſtres fils & fille, pour obtenir ſecours à venger le tort & honte qu'il m'a pourchaſſé. lequel ſi ne le me vouliez accorder, nonobſtant quelque amitié qui pourroit eſtre entre vous &

luy, ou les siens, je vous prie auoir plus d'esgard à la diuinité dont vous participez, laquelle vous oblige à rendre justice en terre à ceux qui la vous requierent.

A tant ma dame, les hauts Dieux vous maintiennent tousiours en leur communication, vous inspirant volonté incline à ma iuste querelle.

Celuy qui est tousiours prest de faire seruice à vostre Royale majesté Lucidor le Vengeur.

Cartel de Lucidor le Vengeur à Florisel de Niquée. Au 10. liure, chap. 6.

LVcidor le Vengeur, Prince naturel de France, & de Secile, & d'Apolonie par alliance. A toy Florisel de Niquée, malheur pour tout salut. Je t'auois n'agueres requis de me restituer amiablement ma femme & espouse Helene, que contre Dieu & raison tu m'as enleuée, en la maison de son ayeul. Ce qu'as refusé de faire, contre toute loy Diuine & humaine, au moyen dequoy je dy que tu as fait acte de Brigant, voleur, ravis seur, & malheureux adultere, Si te deffie à feu & sang, toy, tes amys, fauteurs, & allicz, pour (avec les miens) te renger à telle raison, que bien tost viendras à ma mercy, pour receuoir punition à mon contentement.

Ref-

Responce de Florisel au Cartel de Lucidor le Vindicatif. Au 10. liure, chap. 6.

Lucidor le Vindicatif, Florisel de Niquée Prince des deux Empires, &c. a reçu ton presomptueux cartel de deffy, sur lequel il te respond, qu'il ne fît oncques chose que gentilhomme aimant son honneur ne deust faire : t'auertissant de rechef qu'Helene d'Apolonie est sa femme & espouse, laquelle il deffendra contre toy & tous autres qui la luy voudrôt quereler avecques telle recharge, que toy & les tiens maudirez l'heure que jamais ceignistes espée cōtre les Grecs, pour la playe qui enseignera sur toute ta posterité, & celle de tes confederez. Car par l'inique refus des conditions & offres, auxquelles me soumettois, tu as fait de ton droit ton tort. Dont auons Dieu de nostre costé, qui par sa justice punit & dompte tousiours les superbes, & ne te lairra vsurper sur luy le droit de vengeance qu'il a reserué nommément à sa diuinité.

Lettre de Florisel au Soudan de Niquée. au dixiesme liure, chap. 6.

Monseigneur, la fortune m'a voulu ce biē, de me colloquer en mariage avec la Princesse Helene d'Apolonie, & combien que la fortune soit

aucunement legere, moyennant la force dont m'a fallu vser, pour l'emmener à Constantinople: si est-ce que pour purger le forfait qu'on y pourroit pretendre, je leur ay fait depuis tāt d'offres equitables, que le droit est demeuré de ma part, ayant offert l'alliance de nostre maison, à Lucidor Prince de France, avec lequel y auoit eu quelque propos de mariage d'elle, d'autant que les choses desia faites, ne se pouuoient deffaire, Il n'a laissé toutes-fois de m'en importuner, jusques à enuoyer cartel de deffy à moy, mes parens, fauteurs, & alliez, à feu & à sang, par mer & par terre, pretendunt (comme il escriit) ne me tollir seulement ma femme: mais ma teste aussi. Dequoy j'ay bien voulu aduertir vostre imperialle majesté, espérant qu'icelle ne me faillira en ce besoin. Monseigneur je prie le Createur donner à vostre hauteſſe bonne & longue vie.

Lettre du Prince Anaxartes, à la tresexcellente Preceſſe Oriane. Au dixieme liure, chapitre 6.

M Adame, celuy vous presente salut, à qui vous l'avez tollu, desirant le comble des heurs de ce monde, à celle qui l'a dejetée au fons de toutes infortunes, qu'il estime moindres que le desespoir de vostre bonne grace, ou l'aucez

L'avez plongé par vostre rigueur derniere, lequel s'il sentoit en luy quelque offense qui vous prestast occasion de luy tenir rudesse, non seulement ne s'ingeroit de vous en requérir mercy, ains vous en voudroit venger sur luy mesmes, faisant office de plus que Pellican pour ses petits : mais si son affectiō desmesurée soit causée par vostre beauté extreme, il a, neantmoins, tousiours refrenée à bride de raisō contre le naturel, si oncques en ce peu d'accez & conuersation qu'il a eu prez de vous, il ne fit seulement vn clin d'œil à l'interest de vostre grâdeur, tant s'en faut que la langue se soit hazardée de changer le fais de son las cœur. Quelle raison pouuez vous pretendre pour le bannir ainsi de la fruition de vostre veue, laquelle perdant luy semble viure en perpetuelles tenebres, sinon d'autant que la flambe continuë de son cœur, luy peut esclairer, qui l'eust pieça ars & cōsommé en cendre sans les larmes ordinaires dont il l'amortit ? Plaise vous doncques pour toute satisfaction que non pas moy, mais amour merite pour moy, me rappeler de cest exil, au moins me faire entendre de vostre main la conception de vostre esprit que le mien ne peut comprendre, si ne desirez la mort briefue de celuy que le seul pen-

ser de vostre excellence soustient en lan-
goureuse vie.

Vostre ou plus nul Anaxartes le diuin.

*Harangue du Prince dom Florisel de Niquée
aux Rois, Princes, Capitaines & soldats de son
armée. au 10. liure, chap. 18.*

TRespuissans Empereurs, Rois, Prin-
ces, vaillans Capitaines & Soldats,
si le temps passé ne nous eust de-
laissé la mémoire des nobles & vertueux
faits de nos predecesseurs, mesmes de plu-
sieurs qui sont encores en vie & presens
en ceste bataille, i'eussè estimé assez raison-
nable que moy (qu'il vous à pleu eslire
chef de ceste armée, combien qu'indigne
au prix de plusieurs d'entre vous) vous
eusse fait vne harangue, pour exciter les
cœurs à magnanimité & prouësse: mais
vostre vertu desia cognue entre les Troy-
ens, Romains, & Carthaginois qui ont
souuent experimenté les forces de vos
bras m'excuse de ceste peine, & tourne
mon oraison enuers nostre Dieu, luy sup-
pliant par sa grace vouloir maintenir, har-
diësse en ceux d'ou elle ne partit iamais.
Si ainsi lui plaist, nostre victoire est indubi-
table, laquelle auenât ie vo⁹ prie (mes sei-
gneurs & amis) persister en vos rengs,
moderans l'ardeur de l'execution, de sor-

te que la rapine & butin (qui apres ne nous peut eschapper) ne mette personne en desarroy, par lequel on pourroit perdre le certain, & reuolter fortune. Plus je vous aduise de ne mespriser & contemner vostre ennemy, ains l'estimez bien autant que vous mesmes pensez valloir. Comme à la verité les François à qui aujourd'huy aurez affaire, sont de la plus belliqueuse nation du monde, qui a tousiours desconfit toutes celles qu'elle a voulu assaillir. Vous suppliant au surplus faire mieux que ne pourrois dire: & considerer que ceste victoire sur les vainqueurs de tous les autres peuples, vous dresse vn trophée de gloire inestimable, effaçant ou obscurissant à vn coup les plus illustres de nos ancestres.

*Harangue du Prince Anaxartes à ses payens.
au 10. liure, chap. 18.*

SEigneurs, dit-il, Capitaines & Soldats, on voit souuent que les Dieux monstrent leur puissance au fait des batailles, en ce que plusieurs fois le grād nombre de gens est rompu par le moindre. Mais cōbien doyuēt vos courages estre assëuré de tout tel hazard & danger, cognoissāns pour certain q̄ le bō droit est de vostre costé? mesmes vous ont icy enuoyé

enuoyé leur fils & fille, pour executer leur victoire, de laquelle personne ne doit faire aucune doute, voyant la multitude de nos alliez, & cognoissant la vaillance nonpareille des conducteurs de l'armee. A tant me tairay, assuré qu'estes plus prompts à l'effet des œuvres, qu'à escouter tels sermons.

Harangue de Lucidor aux Chrestiens. Au dixiesme liure, chap. 18.

MEssieurs, je ne vous veux user de grand langage, pour accroistre en vous la hardiesse qui vous est naturelle & tant experimentée jusques ici par tous vos ennemis. Seulement vous veux reduire en memoire que deuez appuyer vostre assurance en la majeste divine, laquelle recogneuë certainemēt roidira vos nerfs, & redoublera vos haleines, pour executer sa justice par nos mains, sur les iniques vsurpateurs de l'autrui. Si est ce toutesfois que bon droit a mestier d'ayde: parquoy regardez sur toute chose à maintenir l'ordre militaire, qui vous sera ordonné par vos Capitaines & sergens de bandes. Estans certains que ce seul poinct nous peut tollir la victoire, que tenons quasi desia entre nos mains. Considererez aussi outre le droit commun de ceste entreprinse, l'obligation qu'avez d'as-

d'assister chacun à son Prince naturel pour luy aider à maintenir l'honneur qu'ils ont de long temps acquis, joinct le vostre mesme tant celebré & tympanié, lequel seroit du tout aboly & aneanty par la perte de ceste journée. Aduisez encores combien moins nous nous hazardōs en ceste bataille que ne font nos ennemis: car jaçoit (que Dieu ne vueille) que nous fussions rompus par eux, le dommage ne pourra estre si grād de nostre part: car cōbatans en ceste cāpagne: nos femmes, enfans, parens, & amis, demeurerēt en leur entier, sans perdre vn seul pied de terre, & si nos ennemis deuient à estre defaits (comme j'espere) nous serons tous riches, occupans leurs terres & Seigneuries, avec glorieuse satisfaction de nostre iniure.

Cartel & deffy du Roy des Scithes, adressant à Amadis de Grece, & à Florisel de Niquee. Au 10. liure, chapitre 20.

E Stans venus en ce camp pour fauoriser iustice, contre le tort qui par vous deux a esté fait au sang Royal de France, specialement par toy Florisel, vsurpateur du vray liēt du Prince Lucidor nous estans à ceste cause trouuez en la bataille passēe, nous semble chose enorme que tant de gens de bien soyent mors, & autres

autres encores prests à les suiure : & tout à cause d'une femme. Ce considéré, iugeons raisonnable, que vous deux qui estes la source & origine du faict deussiez aussi porter le fais entier de l'entreprise. Parquoy dom Frises de Lusitanie & moy auons deliberé de vous combattre vous deux, avec dixhuiet Cheualiers des nostres, contre autant des vostres : esperans que Dieu nous donnera vengeance sur vous, avec le fruit de toute vostre gloire, redondant par mesme moyen à la nostre. Et ce à la condition que les vainqueurs pourront iecter hors du camp tous les vaincus, & ceux qui sont deffous leur charge tandis que la guerre durera: vous offrant seureté de camp, de nostre part, telle que la desirons de la vostre, partissant le soleil par egal auantage, tant aux assaillans que deffendeurs : les iuges de nostre costé sont, le Prince Anaxartes & la Princesse Alastraxerée: & ceux de vostre part serõt tels que voudrez nōmer dedans le troisieme iour de la date de ces presentes, auxquelles mettons fin, comme esperans la mettre à toute la guerre.

*Responce d'Amadis de Grece & de Florisel
au deffy du Roy des Scithes au dixiesme liure,
chap 20.*

Le

LE souuerain Dieu à tellement réservé sa superintendence en chascune des choses par luy créées, que fortune n'y a autre pouuoir que tāt qu'il luy plait permettre : il est le seul appuy de sa sainte foy, laquelle il soustiendra contre toutes les inuasions des infideles, & des faux Chrestiens prenās leur alliance sans laisser transporter sa louange à qui elle n'affiert. Et pour respondre à vostre cartel, Amadis de Grece, & Florisel de Niquée acceptent le combat, avec dixhuiēt gentils-hommes qu'ils ont choisis contre les dixhuiēt vostre avec telle seureté de camp, departement de Soleil, vent ou poudre, & autres conditions qu'avez capitulées : auquel nous denommons pour nos iuges tres-hauts & tresexcellens Prince le Roy Amadis, & les Empereurs Esplandian & Lisuard de Grece. Surquoy nous faisons fin, remettans en la dispositiō diuine celle de nostre combat.

Lettre de d'ffs de la Princesse Alastraxerée, au Prince Falanges d'Astre au 10. liure, chapitré 22.

LA iustice humaine comdamne en grosse reparation le vassal commettant felonnie contre son Seigneur lige: mais ceux qui encourent le crime de lese maiesté diuine, sont punis cruellement

ment eux & toute leur posterité. Ce que ie di pour toy Falanges qui es attainct de ces deux vices enormes : car tu ne peus nier que ne m'ayes présenté ton seruice avecq' foy & hommage : & pour tout droict & deuoir tu te rebelles , & prens maintenant les armes contre moy & les miens. A quoy tend la ceremonie & adoration de mon image que tu publies , me faisant honneur diuin, si tu tasches à me ruiner & deffaire en guerre ouuerte? Ceste audace tant outrecuidée me contrainct à te denoncer par ce cartel combat mortel de ma personne à la tienne: pour te faire recognoistre celle que tu as mescogneüe. Pour iour , ie t'assigne celuy auquel nos Cheualiers combatrōt contre les vostres, afin que la memoire de ta temerité & orgueil soit celebrée en theatre de tant de gens de bien. Je t'assure le camp de mon costé, ne demandāt point de seureté du tien, le Soleil se partira iustement, si celuy de mes luyfantes armes ne t'esblouuit la veuë,

Responce de Falanges d'Astre au deffy de la Princeesse Alastraxeree. au dixiem. liure, chap. 22.

M Adame, i'ay receu la lettre de desfy adressant à moy de vostre part, laquelle ne veux (par ce que ne puis

puis) accepter en aucune sorte : car l'offense que pretendez en moy en vostre prime colere, irritée par des blasonneurs qui sont entour vous, j'espere en vostre discretion de l'effacer quand m'aurez receu en ma justification. Je suis venu (dient ils) à Constantinople secourir contre eux le Prince Florisel, vous leur ayant fait l'honneur qu'ils n'ont merité de vous camper pour leur defense : en quoy vous n'estes ignorante de tels cas souuēt aduenus entre les Roys allies, prenans aucunes-fois armes contraires à cause de quelque obligation precedée, telle qu'est la mienne enuers le Prince Cōstātin. Pensent-ils ces lourdeaux rengier cōtre vous en conflit mortel celuy qui pour vous meurt tous les jour mille-fois ? Cuident ils acoupler ainsi le seruiteur fidele contre sa treshonorée maistresse ? A ceste cause ma treschere Dame je vous supplie par l'honneur que m'auez fait de me receuoir pour vostre cheualier ne leur vouloir plus prester l'oreille, & vous cōtenter de ma mort ordinaire, sans m'en pourchasser autre, laquelle ne prēd respit en sa langueur, que par la contemplation de vostre diuine pourtraicture : vous suppliant traicter plus humainement désormais celuy qui (vueillez ou non) ne peut estre jamais que vostre.

Cartel

*Cartel de deffy de Macartes Roy de Thyr, au
Roy Amadis de Gaule. au dixieme liure, cha-
pitre 24.*

MAcartes Roy de Thyr, à Amadis
Roy de la grand Bretaigne, salut.
La fortune jadis contraire à mes
ancestres en faueur des vostres & des Ma-
cedoniens, ayant maintenant tourné sa
rouë à ma poëte, m'a commandé mainte-
nant venir prendre vengeance du sang de
mes Syriens passez par le trenchât de vos
espées, suyuant l'occasion de la nouuel-
le iniustice par vous commise à l'encôtre
du Prince François Lucidor, auquel je
m'adjoincts pour la restitutiõ de la secon-
de Helene, en espoir de pareille issuë que
vous eustes contre les Troyës pour la pre-
miere. Parquoy ayant entendu que vous
Roy Amadis, estes chef de la race de ceux
qui font ceste guerre, vostre nom reson-
nât par toute l'Asie, m'a incité de venir en
ceste armée, pour esprouuer si l'effect de
vostre vertu respõd à son incroyable renõ-
mée: entiât cõtre vous en camp clos à ou-
tiâce, dõt la victoire me seroit chemin ab-
bregé au souverain prix des armes si je
puis vaincic le vainqueur de to⁹les autres

*Responce du Roy Amadis de Gaule, au car-
tel de Macartes Roy de Thyr, au dixieme liure,
chapitre 24.*

Roy

ROy de Thyr, si vous attribuez au Dieu souuerain la gloire que tenez de fortune, & de la force de vos bras, je vous aurois en trop plus grande estime: mais je cognois que cest abus procede plus de la fausse creance de vos Dieux, que d'autre imperfection de cerueau & jugemēt. Pour venir au point, j'accepte le cōbat que me presentez avec les cōditions specifiées, choisissant jour au troisieme apres cestuy, en vous assurant le camp de ma part. Je demāde pour mes juges la Princeſſe Alaſtraxerée, & le Prince Falāges d'Aſtre, demeurāt à voſtre choix ceux que voudrez elire pour vous.

Lettre de la Roine Cleofile de Lemnos, aux Princes de Grece. au 10. liur., chap. 25.

CLeofile Royne de l'isle de Lemnos, salut & paix aux Princes de Grece: Meſſeigneurs, cōbien que ſois iſſuē du noble ſang Troyen, de la ſouche du vaillant Roy Gedeon, je ne vous viens à preſent renoueller l'ancienne querelle de voſtre Grecque Helene, mais ayant eu nouuelles en mon Royaume de la merueilleuſe aſſemblée faiſte en ceſt empire, à l'occasion du raviſſement de la ſeconde Helene, & du grand nombre des Princes & gentils cheualiers qui s'y trouuoient, tant du coſté de vos ennemis comme du

vostre, je suis partie de mon Royaume, pour la venir voir, accompagnée seulement de Damoyelles, pour demeurer neutre de tous vos differens: & arrivée en ce port, vous ay enuoyée ceste embassade, pour vous aduertir de la cause de ma venue, qui est pour juger les priuées & hauts faicts, qui seront expietez d'un costé & d'autre, afin d'employer mes terres & Seigneuries, avec le gage de la beauté, dōt les dieux m'ont voulu douer, en tel cheualier que je verray estre accompli d'estat, vertu & perfection de sa personne. Parquoy s'il vous plaist me donner saufconduict pour moy & ma troupe de femmes, je mettray pied à terre, & vous iray visiter à Constantinople pour voir ce braue tournoy que lon solennise aux nopces d'Helene d'Apolonie.

Harangue de la Roine Cleofile, au Roy Amadis de Gaule. au 10 livre, chap. 38.

Monsieur, j'ay ouy dire aux sages, que les Dieux ont mis aux mouuemens du ciel & en ses lumieres vne force par dessus toute creature, & q̃ les choses fatales ne peuent faillir de tomber ou elles sont destinées, sans qu'il soit en la puissance des hommes d'y resister: mais il y a des accidens de grande violence, lesquels peuent estre surmontez par mag-

magnanimité, tels que ceux que vous avez mis à chef, à la grande admiration de tous les viuans. Aussi me semble qu'une Dame d'estat ne merite pas moins de gloire à soutenir les assaux d'amour, & que celle en obtient encore plus que toutes, qui en est plus cruellement affligée par sacrifice irreuocable de sa foy, ayant plus cher mourir q̃ de l'entacher & souiller. Ce que je dy, pour vous declarer l'inconuenient ou je suis tombée par influence d'amour, que je pense ineuitable à l'effect duquel suis delibérée resister, pour la conseruation de mon honneur. Car Monsieur, je vous prie croire que des le jour que je vis vostre maïeste venue au deuant de moy, accompagnée des Princes de vostre sang, il n'y eut personne qui me pleust tant en toute la troupe, & y imprimay tellement mon affection qu'il seroit impossible de l'effacer, & si tiens à grand danger de demeurer longuement en vostre presence, attendu la loyauté tant esprouuée en vous, & la raison de mon estat & sexe, qui m'oblige par tous moyens à m'en deporter, & ayant faict veu de ne me marier jamais qu'à celuy que trouuerois paratigon de tous les hommes (tel que je vous juge estre) pour n'associer au tre indigne des dons & graces que nature

R

& for-

& fortune m'a largement departis: vous trouuant appareé à autre Dame, je demeure tourmentée de maladie incurable laquelle reçoit quelque allegement en vous descourant mon cœur. Ce fait ay proposé partir de ce pays pour retourner en mon Royaume, considéré qu'il n'y a desormais plus que voir digne de memoire, & que les plus grands coups sont ruez des combats des vaillans hommes des deux armées. Ainsi ne pouuant mon desir s'accomplir en vostre endroict, vous supplie ne le vouloir prendre en mauuaise part, ains attribuez la faute à amour, duquel cognoissez la puissance, qui est telle sur moy, que jamais ma volonté ne sera rengée en autre que par vostre consentement, auquel je me submets toute mon honneur sauue.

Responſe d'Amadis de Gaule, à la Royne Cleofile, au dixiesme liure, chap 38.

M Adame, je vous remercie humblement de la bõne affection qu'il vous plaist me mōstrer, & louë Dieu que la vous donnāt telle soiez adressee à celuy qui l'accepte, avec la discretion & jugement tel qu'il est conuenable pour vostre honnesteté, promettant y respondre de bon cœur jusques à ce que je me sois acquitté enuers vous d'aussi bon

che-

cheualier que je pense estre , afin que vostre foy n'en soit plus longuement en charge.

Harangue de dom Florisel de Niquée, à Lucidor, au 10. liurē, chp. 30.

Lucidor, je vous ay desia par lettres fait entendre suffisamment le peu de droit qu'avez en ceste querelle, vous offrant au par-sus conditions plus liberales que n'y estois obligé, pour le respect de la tranquillité de nos peuples, lesquelles maintenant je ne vous viens ores augmēter ne diminuer, ains entendre seulement si les journées ja passées (esquelles avez cogné vostre desauantage) vous rengeroyent point à la raison. Voyla la somme de ce qui m'amene.

Responce de Lucidor, à dom Florisel de Niquée. Au dixiesme liure, chap 30.

Florisel, si j'eusse eu le courage si failly que vous m'imposez, j'eusse premier mis en auant le parlement, ou n'eusse accepté la journée: nostre contenance & equipage vous faict assez foy du contraire. Quant à l'aduersité de fortune que nous alleguez auoir esprouuée en quelques combats, vous sçauiez bien qu'en avez par fois senty bonne part. Et quand il seroit ainsi, le hazard de sa varieté ordinaire me la seroit ores espe

esperer propice : comme j'ay faict , ioinct
 le nouueau secours que Dieu nous à en-
 uoyé par le vaillât Roy de Thyr: Parquoy
 ne pensez pas me conuertir par tel langa-
 ge, vous tenant certain, qu'en la confian-
 ce que j'ay en luy , & en la justice de ma
 cause , j'attendray la fin telle qu'il nous
 voudra donner en la bataille , vous lais-
 sant l'assurance que tenez en fortune qui
 vous a esté fauorable par-cy deuant , en
 vous eleuât au plus haut de sa rouë pour
 vous ruiner tant plus bas. Puis qu'ainsi
 est, replique Florisel, que persistez en vo-
 stre obstination de vengeance, nous nous
 tiendrons sur nos gardes en nostre corps
 defendant , estimant bien qu'il ne nous
 aduiendra pis à la conseruation de nostre
 Helene qu'à nos ancestres au recouure-
 ment de la leur: sinon qu'ils y furent lon-
 guement au siege, & nous esperons de ne
 vous y laisser tant languir. Mais nous
 (dit Lucidor en coleie) ne serons autant
 de moys à mettre vostre ville à sac , que
 furent d'ans vos Grecs à prendre Troie,
 encores que ce fust par fraude & trompe-
 rie, indigne de gens magnanimes. Par-
 tant retirez vous , & ne perdons plus en
 parolles le temps que voulons employer
 en juste effect.

Harangue de Fa'anges, à ses compagnons &c
 fol-

Soldats. au dixiesme liure, chapitre 31.

SEigneurs, Princes & soldats, les dieux ont donné à vous & a moy par-cy deuant de grandes victoires, par lesquelles auons fait en maints païs trembler la mer & la terre. Je ne doute pas d'en faire autant ou plus icy avec la fleur de cheualerie du monde, qui pour nous assurer & honorer nous ont donné charge de la bataille, voulant soustenir l'auangarde & arrieregarde pour nostre seureté : Bien que je pense que plusieurs d'être vous desireroient plus le premier reng, auquel ils pourrôt venir selon la rencontre. I'ay senty qu'aucuns de vous mal instruits, ont peur des signes, de coulons & corneilles qui ont ce jourd'huy combatu en vostre presence. Or je vous dōne qu'il soit ainsi que ce soit mauuais presage, le vo^s di que les Dieux nous ont enuoyé tels signes celestes pour nous donner marque de plus grande victoire, ayans menacé nos courages pour les couronner des plus hautes gloires, d'auoir eu en eux la magnanimité de resister à si douteuses tentations qu'ils nous ont voulu mōstrer pour nous esprouuer. L'assurance vraye des armes ne se doit prendre des oyseaux qui ne nous cōbattrōt pas pour nos ennemis, mais en la force des bras des soldats, & bon art mi-

litaire des Capitaines, en laquelle je vous
veux bien aduertir, touchant la besongne
que je voy nous estre taillée pour ce jour
que les escadrons (comme vous pouuez
voir) vont ouuers larges, & estendus loin
l'un de l'autre, pour représenter plus gran
de multitude, & nous faut au contraire
marcher serrez l'un pres de l'autre, com
me nous sommes. (Ce qu'il faignit à pro
pos, pour leur oster la crainte du nombre
de leurs ennemis.) Ce fait j'ay esperance
que nostre bon ordre (qui est le principal
poinct de la guerre) les rompra bien tost
estant ainsi ouuers, peut estre par non
challoir & negligence, leur prouenant de
la fiance que leurs magiciens leur auoit
donné par ceste vaine & fuiuole volerie.
Or voyez vous desia leur desordre à l'œil,
qui est vostre auantage certain si le sçauiez
prendre. Voila compagnons ce que je
vous ay voulu dire, en vous recomman
dant mon honneur & le vostre.

*Harangue du Roy Amadis de Gaule à ses
Cheualiers & Soldats. Au dixiesme liure, cha
pitre 32.*

SEigneurs, Cheualiers & Soldats, je
vous veux proposer icy le fait d'au
truy, pour faire comparaison au no
stre: qui est qu'ayant esgard à la forte &
cruelle bataille de Pharsalie, en laquelle
Iules

Iules Cesar deffit Pompée, après plusieurs victoires qu'il eut contre luy, comme pensez vous qu'il eust esté possible aux enfans de Pompée ramasser le peu de gens qu'ils auoyent de reste, n'eust esté que crainte & lascheté n'occupa oncq' son courage? qui le remist depuis en estat de conquerir l'empire, s'il eust bien sceu suyure sa fortune. Et posé que je ne voye en vous maintenant que douleur & desplaisance à cause de ceux qui sont morts : si est-ce que je ne penseray jamais en vous telle faute de cœur, que chacun ne desire se venger de son ennemy, & vëdre sa peau bien chere. Or il nous conuient vn peu dissimuler nostre dueil, & prendre patience par force, pour ne descourager les autres. Vous pouuez croire que la plus grãde partie de l'ennuy repose en mon cerueau : mais je l'enferme pour la manifester par force redoublée quand la saison & le tēps m'en donneront occasion. Pour ce vous commande à tous d'aller reposer vn peu, pour tout aussi tost que la belle Diane se leuera vous mettre en train d'aller assaillir nos ennemis, prenant chacun vne chemise blanche par dessus son harinois, pour no⁹ entrecognoistre : vo⁹ assèurrāt q̃ la joye qu'ils aurōt eue de nostre defaite les pourra auoir assopis en nōchaloir

Au moyen dequoy nous leur pourrions donner vne si estroyte main qu'il leur en souiendra. Et ce sera demonstration que le petit troupeau que nous sommes n'a le cœur failly cōtre si grād ost, voyant q̄ nostre execution de vengeance n'a surisise pour le travail & peine recente. Quant à moy mes amis, combien que i'ay esté bleissé au conflit comme les autres, ie ne sens ces playes là, q̄ celle q̄ j'ay au cœur d'e despit & maltalent: en croyant autant de vous autres, & que plusieurs d'entre vous qui ne sont naurez mortellement ne laisseront à venir, en ceste camisade, laquelle je voudrois donner deux heures apres minuit le plus secretement que faire se pourroit, de peur de resueiller nos ennemis, ains les berser si bien qu'ils en dorment à jamais. Ce que j'estime facile, veu la grand chere qu'ils firent hier au soir, & le peu de guet qu'ils feront, en confiance de nostre infortune.

Complainte d'Amadis de Grece, estant au desert des Lyens. au 10. liure, chap. 30.

O Force qui me forces cōtre ma propre volonté à rompre la foy que je deuois plus garder, combiē me l'as tu fait changer, en me changeāt moy mesme? certes ma peine en est grandement redoublée par le bien qui me fait
tans

rant de mal. O gente Lucelle qu'est-ce à dire, que lors que vostre beauté souloit tourmenter mon cœur par vn mortel desir, je le portois patiemment alaiété de bonne esperance: mais maintenant que je n'en ay plus, hélas! je souffie vn mal insupportable. Las! espoir qui me soulois entretenir la vie en ton absence, qui me la soustient maintenant? faut bien que ce soit quelque espoir pour me liurer plus grieve punitiō de ma desloyauté qui me bannist de la presence de celle de qui la vertu inestimable me promettoit quelque pitié: mais je suis moy-mesme contraire à moy, ne pouuant auoir repentance pour vous requerir pardon de ma foy faucée, quand me souuient de ma treschere Niquée, de qui j'ay tant receu de gloire & contentement. O mort! achue je ma vie pour finir mon travail: & toy vie ne me tiens plus pour faire durer ma langueur. O flots marins, que ne m'auiez vous englouty n'agueres en vos abismes, pour m'exempter de ceste trop plus horrible tourmente? O fontaine (regardât celle de sa cauerne) tu es heureuse en faisant ton cours ordinaire, & mes yeux infortunez à distiller incessamment par contrainte nō naturelle. Ta liqueur fresche m'oste bien le chaleur venue du soleil

leil commun : mais le feu que cause Lucelle (mon vray soleil) nulle eau ne peut esteindre qu'une piteuse larme d'elle espandue sur moy. Niquée, Niquée ! tu me dois bien le pardon de ceste offence, dōt tu as oublié l'obligation de mes premieres amours ! Lucelle Lucelle ! Resiouissez vous maintenant que le temps est venu que vous aurez vengeance de vostre desloyal Cheualier de l'ardante Espée, avec satisfaction de la faute que son fils a peu faire contre vostre frere.

Harangue d'Anaxartes, à la Princesse Oriante. Au dixiesme livre, chap. 41.

IE vo^s supplie Madame excuser la hardiesse que je prens à vous descouvrir le martyre que je souffre par vostre excellence, d'autant plus grief que je le tiens clos & couvert : car quelque reverence que je porte à vostre grandeur, la force d'amour est si vehemente que ma raison n'y peut plus resister : & pour bien le vous donner à entendre, il est tel que dire ne le puis pour l'extremité de sa violence : sinon que par luy je sens en moy comme vn petit monde selon le dict des anciens sages, toutes les passions diuerfes des elemens : las mes pauvres yeux monstrent bien les eaux courantes de la mer en mes larmes continuelles :

& mes

& mes profons fouspirs volent comme les vens en l'air : le tout esmeu par l'ardeur du feu caché en mon cœur, qui sans vostre pitié conuertira tout mon corps en terre sèche & cendres.

Responce de la Princeffe Oriane à Anaxartes. au dixiesme liure, chap. 41.

Monsieur, le lieu que tenez, tel que nous cognoissons, vous donne loy de parler à moy priuéement: mais de l'affection que me voulez declarer, vous me pardonnerez si je suis delibérée d'encroire ce que j'en pourray juger par effect plus que par l'agage qui est aisé à desguiser: Combien que j'estimerois la Princeffe heureuse à qui Dieu donneroit vn Cheualier auquel tant de vertu abonde, laquelle j'estime & honore en vous selon son mérite.

Harangue de la Roine Sidonie, à Fa'angel d'Astre. au 10 liure, chap. 44.

SI les excellentes Dames Romaines & Grecques ont par cy deuant fait sacrifices d'elles mesmes pour conseruer leur pureté, à fin d'acquérir par telle mort la gloire d'immortalité, moindre raison n'y à les loix par moy cōstituées & establies en ceste isle, pour la cōseruation de la chasteté de moy & de mes filles, les

preservant de plusieurs abus que les hommes leur machinent, pour les attirer à leurs affectations impudiques, par promesses & persuasions efficaces, au moyen du mesme feu d'amour par nature semblablement embrasé es cœurs d'elle-mesmes. Parquoy ay seulement reserué liberté aux filles de choisir maris, & aux Cheualiers d'elire femmes, m'ayant moymesme sous mise à la loy pour en vser ainsi selon mon desir, & le bien de mon Royaume, lequel est en ma puissance pour donner à qui me plaira comme à mary & espoux. Ce que ie fais à vous Cheualier (prenant la main de Falanges) vous requerant par amitié me vouloir prendre en mariage & ie vous fais seigneur de ma personne, & de tous mes pays, à cause de la grace, force, valeur & beauté que ie cognois en vous: lesquelles ie n'estime moindres que celles qu'on m'a rapportées de l'excellent Prince Falanges d'Astre, Parquoy choisissez maintenant, ou de passer par le contentement q̄ ie vous presente, ou par la rigueur de mes loix en punition du refus. Car d'annuler mes ordōnāces ie ne puis, moy qui les ay faites, mais le mary dont ie seray pourueu aura pouuoir les abolir.

Responce

*Responce de Falangès, à la Roine Sydonie
au 10. liure, chap. 44.*

M Adame, j'entens tresbien la somme de vos constitutions, tendans à la conseruation de l'honneur mortel : mais de ma part ie suis astraint à garder inuiolablement les diuines pensées infuses en moy de la celeste princesse Alastraxérée, fille du dieu Mars, & de la Roine Zahara, mais si on me veut forcer du contraire, j'ayme mieux mourir en la foy de ma deesse, & plus par si belles mains que les vostres. Parquoy madame ie mets ma vie entre vos mains : car l'ame & la volonté demeure à celle à qui elle est dediée de long temps. Au surplus, ie remercie les dieux & vous de l'honneur que m'avez offert, que ne puis accepter.

Harangue d'Amadis de Grece, à la princesse Lucelle, au 10. liure, chap. 54.

M Adame, ie cognois certainemēt qu'outre le desir ardent que la beauté telle que la vostre cause en toute personne bien nee, il y a encoires vn naturel plus semblable entre aucunes qui les tire à vne affection mutuelle, que les sages appellent sympathie, qui engendre vne amytié entiere, seruente & inuiolable, de laquelle entre vous & moy nos
premiere

premieres amours nous donnerent témoignage, combiẽ que ma longue absence vous puisse sembler y auoir mis quelque refroidissement, tandis q̃ j'ay esté allié à vn autre par quelque effort des secretes destinées. Mais vous voyez que ceste conjunction n'est durable, & que vostre aître rappelle le mien à sa prime influence qui vous doit faire estimer q̃ mō desir ayt dormy seulement cōme le feu couuert sous la cendre qui se refueille maintenāt, le plus fort & vehemēt que jamais. Et ne penſez madame, qu'il y en ait au mōde plus d'un apparié à vne telle extremité de volonte ne qui puisse auoir autre pair que moi sur la terre. Nous sommes cōme les deux luts accordez en mesme tons, tellemēt qu'en fornant l'un, les cordes non touchées de l'autre (qui est mis vis à vis) s'esmeuent & branlent la paille si luy mettez dessus. Madame, si ces raisons n'auoyent lieu en vostre entendemēt, au moins cōsiderez la cigoigne, dont les petits nourrissent leur mere à leur tour, ainsi recognoissant les plaisirs & seruices que vous ay premier auancez: sinon ceste rigoureuse penitence acheuira mes miserables jours.

Harangue de Lucidor aux seigneurs & Dames estans en Constantinople. Au dixiesme liure, chap. 56

MEs Seigneurs, le Dieu souverain architecte de ce monde, nous a fait jouer les tragedies tristes & sanglantes quand il luy plaist, puis les comedies & farces joyeuses, quand son diuin vouloir le porte. A quoy nous faut renger nos volontez sujettes, faisans de necessité vertu, sans regimber contre l'esperon, en se plaignant de ses ordonnances fatales. Les grandes aduersitez il nous enuoye, pour nous faire cognoistre sa grandeur, & nostre imbecillité : & apres la pluye le beau temps en tesmoignage de sa bonté, qui ne vous veut abyssmer & destruire selon sa puissance, & nostre demerite. Je ne vous ramenteuray les miseres passées, mais vous annonceray telles nouuelles, dont je croy que nul de vous ne me plaindra les gans : car en telles choses Dieu a vsé de moy pour moyen comme du Scorpion (qui a fait la playe) se tire apres le remede. Je m'adresseray à vous premiere, Madame Niquée, vous declarant que vostre Amadis de Grece estant enchanté en la queste de la Princesse Arlande, à cause de son frere qu'il auoit occis pour l'amour de vous, non seulement fut desenchanté par ma sœur Lucelle : mais auerty du danger dont il se sauua, voire depuis luy presta
telle

telle occasion qu'il rendit à vn coup à ma
sœur le plaisir qu'elle luy auoit fait : & cō
uertit la haine mortelle d'Arlāde en vraie
& cordiale amitie, les deliurāt des mains
d'vn Duc Payen , qui les emmenoit en
vengeance de son cousin le Roy Breon.
O quels yeux de fortune! nous apies arri
uans aux secours de ces Dames, nous at
tachons à luy sans le cognoistre, ou eus
mes tel affaire que sa vertu vous peut ju
ger. Ce pendant luy eschapoit le faux
Duc s'il ne se fust lancé dedans la nef, qui
l'emporta seul entre tous ses ennemis, ou
c'estoit fait de luy sans l'heur que Dieu
nous donna de l'aller tirer de peril si cer
tain. De la fortune de temps nous por
ta en l'isle de Rhodes, ou par rencontres
estranges ce vaillant Prince eut tel conflit
contre le preux Florisel son fils, qu'ils de
meurerēt en la place to^r deux pour mors.
En la faueur du pere la braue Royne Za
hara soustint contre la Princessse Alastaxe
rée, & l'Empereur de Rome contre le
fort Anaxartes. Et moy contre le hardy
Prince Falanges. Mais l'inconuenient
aduenu du Pere & du fils, la Royne fut re
cogneuë, qui mit fin à tous nos combats:
laquelle nous declara (apres les larmes so
lennelles espondues sur les deux Princes
roides gisans) comme par force de sort

& enchantement, que je vous certifie (regardant Niquée) ils s'estoyent assemblez une autrefois, dont estoyent yssus les gemeaux Anaxartes & Alastaxerée : de quoy elle n'auoit eu cognoissance ne souuenance, sinon à la seconde fois retrouuez ensemble en ce mesme lieu, qui leur remit la premiere en memoire par le desinement du charme. Ainsi que nous estions en ce desconfort, fusmes tous enchantez, jusques à la venue de la Roynie d'Argines, du sage Alquif, Vrgande, & maître Elisabeth, lesquels nous remirent en nostre estat, joint l'aduertissement du sage de Mirabelle, par lequel tous les secrets du Chateau furent descouuers : le pere & le fils guaris de leurs playes, & les gentils bastards chers par le pere si long temps incogneu. Or viennent tous ces Seigneurs & Dames en nostre flote, mesmement la Princesse Oriane qui fut rencontrée sur mer, & deliurée par estrange aduenture. Ils m'ont fait honneur de la presente ambassade, reste à moy de retourner vers eux pour les liurer entre vos mains en verification de ma parolle.

Harangue du Prince Palanges aux Seigneurs & Dames, estans en Constantinople. Au 10. liure, chapitre 57.

Tief.

T Reshauts & tresquissans seigneurs, la hardiessé de mes pensées, qui s'estoyent par cy deuant addressees à vne diuinité presomptiue, ne baissé auourd'huy les esles, la coignoissant tournée en lignage humain exaucé par vertu heroyque, par dessus la fragilité mortelle: aussi ne perds ie le cœur de l'atenter comme parauant, moyennant l'ayde que ie trouue nouuelle en vos maiestez, par la recognoissance de la parété de celle à qui de long temps i'ay voué mon cœur mon honneur, & mes biens. Laquelle (si vous iugez qu'e i'aye iamais rié merité de vous, & si ne m'estimez trop indigne d'elle) ie vous requiers, c'est la gentille Princeesse Alastiaxerée, à vraye & loyalle espouse, sommant en ce cas premier le Prince Florisel, de s'aquiter enuers moy du deuoir mutuel d'amours, en me rendant pareil cōfort & secours qu'il sçait auoir receu de moy en son affaire.

*Lettre de creance de la Princeesse Arlande.
au 10 liure, chap. 58.*

A Rlande de Thrace, desheritée de ses terres, pour auoir fait heritier de son cœur, celui qui auoit la propieté de sa liberté tant aliennée, qu'il ne pouuoit plus accepter part en la sienne
A Florisel de Niquée, Prince de Gaule, de la

la grande Bretagne, Apolonie, & Rhodes, salut. Fortune a tellement conspiré contre moy, qu'elle m'a seulement donné autre ancre que sang pour escrire, ni autre porteur qu'un enfât, ny adresse de secours qu'enuers les fils de mon ennemi mortel, à cause de mon frere, luy plus mortel encores ennemy, pour ne pouuoir estre ami à moy mesme. Mirez vous Dames en moy qui vous plaignez des tours legers de son incôstâce au coustumée: & prenez exēple à esperer en desespoir. Elle ne m'a laissé seulement mon surnom, lequel j'ay emprunté pour ne vous estonner trop en la prime veüe de la suscription de ma missiue: Aussi bien que le salut que mal peut enuoyer celle qui de long temps à le cœur captif & affligé comme bien scauez, & puis n'a gueres le corps emprisonné. Je n'ay plus grand loisir d'enuoyer mes plaintes de la main la ou la bouche ne les peut faire entendre. Vous suppliant vouloir du surplus croire ce damoisel de ma part, comme la raison le veut en vostre endroit. Vostre qui n'a peu estre à iuste titre Arlāde la prisonniere desheritée.

Narration de Florarlan à F'orisel de Nique, & aux autres nobles estans en Constantinople au 10. liure chap. 58.

Mon

Monsieur, respond l'enfant, le cas est: qu'au temps que la Princesse, madame, vous eut laissè en l'isle de Rhodes, & fut de retour en la court du Roy Monseigneur: elle y trouua le Duc Madafanil, Tyran des Isles prochaines, fier Geant, grand & puissant à merueilles, accompagné de quatre siens cousins semblables à luy, tous yssus du lignage de Furio Cornelio, soy reclamans les vengeurs de son sang. Ce duc la requist au Roy à femme, sous condition de la vengeance qu'il entreprenoit sur le Prince Amadis de Grece: pour laquelle j'auois esté nourry & instruit, si l'obligation depuis suruenue n'eust effacé ceste inimitié cruelle au moyen du secours que le Prince luy donna en son besoin extreme, lequel j'aymois & honorois sans le cognoistre, & desirois seruir de tout mon cœur. Mais le Roy ayant entendu ceste reconciliatiō nouuelle de ma dame, avec celuy qui auoit occis son frere, la liura aussi tost es mains de ce Duc, luy commandant de l'espouser. A l'heure estoit preste avec la duchesse Armide qu'elle auoit retenue pour venir à vos noces. Donc se oyant renuoyer en telles autres, respondit au Roy: Ne croyez (Monsieur) que la faute que j'ay faicte à ma grandeur, de ne pou-
voir

voir résister à l'effort de l'amour du fils, je la face maintenant de ma parole envers le pere: vous assurant que je n'auray jamais autre mary que le fils, ny plus grand ennemy que celuy qui mal pourchassera au pere à qui j'ay juré la foy de p^rix & accord. Le Roy fut tant irrité de sa responce, que sur le champ il la desherita: & fit faire le serment à Madasani, le Prince de Thrace, remettant ma Dame en son pouuoir, pour la loger incontinent en la forteresse du lac des quatre chaucées: qui est l'une des plus fortes places que lon estime au monde. Si luy en donna la garde, & des quatre chaucées aux Geans ses cousins: leur commandant la tenir en ceste prison vn an entier, si plustost elle ne rengoit sa volonté vers luy. Ce que ne faisant dedans ce terme, vouloit qu'elle eust la teste trenchée, pour l'appointement qu'elle auoit fait de celle de son frere. Le fier pautonnier ne faillit a accomplir ceste ordonnance diligemment, menant ma dame plorant & gémissant au Chasteau, ou il l'enserra seule, avec sa cousine Ailinde, baillant les clefs de la prison à vn grand mastin geolier, soy reseruant l'entree du chasteau mesme, ses cousins establis es quatre chaucées, lesquels font iurer tous ceux qui viennent
la, de

la, de le trouuer à la vengeance de la mort de Furio, si non les enferent en basses & cruelles prisons. La nuict ils ferment les portes de leurs chaullées, & par des caues sous terre se rendent au chateau, distant du lac de deux traits d'arbaleste, duquel le Duc mesme leur ouure & clost les portes. Or l'auois-ie suyue de dans la forteresse ou ils me laissoient pourmener à mon ayse: mais ie forcenois du dueil de la voir en tel estat, sans y scauoir remede. Vn iour qu'elle mit la teste en vne petite fenestre treillissée m'auisa en bas: Si me dit, Florarlan, informe toy du moyen par lequel tu puisses parler à moy. A l'instant ie monte droit en haut, laissant le Duc en bas, avec ses gens: & prie Bocarel le Geolier me faire ceste gracieuseté, de me laisser vn peu parler à madame la Princesse: qui me respōdit que si plus l'en preschois il me lanceroit du haut du mur. Dam Ribaut, luy dis-ie, si l'auois ames comme toi, ie te rengourmerois bien le groin. Lors iettant ma veuë de toutes pars, aperceu vne espée pēduë, q̄ soudain ie enpoigne, & le vilain s'en vient à moy vne guisarme en la main, dōt il me tire vn coup, q̄ i'euitay d'vn saut à costé, tellement qu'il ne me perça que la cazaque de veloux de part en part: autrement il me faucoit le

Cors à jour. Lors je luy donnay vne jaretiere au jaret, si droit à la joincture, qu'il tomba incontinent en la place, & me jecta les bras pour me harper : mais je couche l'espée entre luy & moy, qu'il se fourra parmy le ventre, jusques à la croysée. Adonc s'estendit de douleur, & moy craignant que ceux d'embas le sentissent, prins vne hache dont je l'esgorgeay, comme vn gros bœuf. Si prens les clefs, & vois ouvrir la porte de la prison, ou je trouue ma dame toute tremblant de la peur qu'elle auoit du debat qu'elle ouit entre Bocarel & moy, qui m'embrasse & baise cent fois, disant : Las Florarlan que sera de ta vie, si le Duc entend ton faict? mon mignon Dieu te vueille preseruer & garder à plus grands choses (dis-je) ce qui est faict ne se peut deffaire : mais je voy le remede d'aller au Duc luy dire que m'auez mandé par Bocarel de le prier m'enuoyer vers le Roy luy faire vne requeste, apres laquelle vous rengerez à sa volonté : Ainsi je sortiray & eschaperay. Elle m'acole derechef en soussiant de mon inuention. Lors je luy dis qu'il n'y auoit que tarder, & qu'elle regardast que j'aurois à faire pour sa deliurance, estant hors de la. Il faudra (respond elle) que

que vous allicz à Constantinoy le porter vne lettre de nra part au Prince Flouisel de Niquée : mais nous n'auons icy dequoy la faire. A cela (dis-je) ne tiendra : & vois prendre vn roseau en la chambre de Bocarel, que je pare, & le triampe au sang de ce Brigand duquel elle vous escrit la presente. Incontinent je luy baise les mains, elle me faisant la benediction, me recommanda à Dieu. Je ferme sa porte, & remets les clefs en la ceinture du Geolier, afin qu'on ne s'apperceust que j'eusse parlé à elle. Je vois au Duc qui m'accorde tresvolontiers ma demande, & me faict ouuir la porte, & deliurer vn roussin, sur lequel j'ay exploiéé jusques icy, sans tenir aucun chemin, jusques à ce que je fusse esloigné de Thrace. Et ay employé vn chesnon de ma trompe pour ma despence, & pour cest habit que j'ay pris conforme à l'estat de ma dame. Voila monsieur ce que j'auois charge de vous dire.

Harangue de la Princesse Arlande à son pere le Roy de Thrace. Au dixiesme liur., chapitre 62.

Monseigneur, dit Arlande, j'ay vn temps employé tout mon pouuoir à ; ou chasser la vengeance de Balarte mon frere sur ceux qui l'auoyent occis, comme chacun peut auoir entendu

tendu : depuis, mes ennemis m'ont rencontré en tel peril, que sans leur secours perdois l'honneur ou la vie. Qui doncq' seroit le cœur si inhumain de procurer la mort de celuy de qui la vie il tiendrait ? veu mesmement que l'accident de mon fiere ne le charge d'aucune trahison, ne desloyauté, & n'est à imputer qu'au hazard ordinaire de la guerre. A ceste cause estant par vous liurée contre mon gré à Madasnil, sous condition de vengeance sur les princes de Grece, auxquels i'estois redeuable de ma deliurance, à tout le moins eux quittes enuers moy par compensation du bien au mal, ils m'ont secouruë en la captiuité ou i'estois : de telle sorte que vous voyez, nonobstant les trahisons du Duc, comme ce noble sang est tousiours en la protection de Dieu. Pour ce vous supplie, monseigneur, considerer mon fait par raison, appaisant vostre courage en mon endroit, & faisant appointement avecq' ceux de qui l'alliance ne reçoit comparaison de celle de Furio Cornelio. Quant à moy, ie m'offie à vous pour en disposerá vostre volonté comme Isaac fit à Abraham son pere. Et d'eux ie vous assure que ne serez empeché en vn seul point de vostre liberté Roiale. Voyez cy le grand Roy Amadis de Gaule, voyla

S

Flo



Florisel de Niquée, de qui le pere m'a sur la mer sauué la vie, voyla, le Prince Falanges d'Astre, & la vaillante Alastraxerée, qui ne desirent que vostre amitié, combien qu'ils vous tiennent entre leurs mains.

*Lettre de la Roynie Sidonie. Au dixiesme li-
vre, chap. 65.*

Sidonie Roynie de l'isle de Guindaye, fondatrice des loix glorieuses, à sa hôte, A toy sainct Moraisel ce salut enuoye, pour mieux t'en pouuoir piuer. T'ayant fait present de ma personne & Seigneurie Royale, suyuant la rigueur de mes ordonnances, tu l'as frauduleusement acceptée, nonobstant l'incapacité de la tienne, te seruant d'une partie de l'edit, en violant l'autre. Et ayant ainsi injustement vsuré l'honneur de mon liét Royal, m'as laissée en long regret de ton absence, sans oncques puis m'aduertir de l'abus que m'auois brassé. Mais du nouveau liét par toy pratiqué qu'elle excuse en peux tu forger? sinon d'auoir voulu racheter la vie du gentil Prince Falanges d'Astre. A! a! l'amitié t'obligeoit bien à exposer pour luy la tienne, non pas ton honneur & la mienne: dequoy j'appelle les dieux à ma vengeance que tu as paru rez en nos espousailles: & la pourchasseray enuers les hommes par le fruit mesmes yssu de toy d'une fille, dont m'as lais-

sée enceinte : laquelle pour l'aduantage de beauté, qu'elle a sur toutes les belles du monde, ay nommée Diane, à la semblance de celle dont la planette efface au ciel les autres. Laquelle je nourris pour prix & loyer de ta teste, la promettant à femme avec mon Royaume, à quiconque le present m'en apportera. Pource ay fait bastir les tours de Phebus & Diane, ou elle sera enclosée, sans estre veüe d'homme viuant, jusques à la venue de mon vengeur son mary : qui luyra en ton lieu, elle eclypfant au mien, apres la compagnie que mon ame ira faire à la tienne. Pour assurance desquelles conditions ay signé ceste lettre de mon nom, & l'enuoye scellé de son sang en ta presence aussi innocent que le tien est lasche & coupable.

Harangue de don Florisel de Niqueux, x assistant en Constantinople. Au dixiesme livre, chapitre 65.

SI, tresillustres Seigneurs, par la loy de vraye amitié, on ne doit espargner corps ne biens à quelque besoin de l'amy, que pouuons nous reseruer au point de l'extremité de sa propre vie? auquel estoit tombé le Prince Falanges, par les loix rigoureuses de l'isle de Guindaye si je ne luy eusse donné secours soudain: cōbiē qu'au prejudice de la foy q̄ je deuois

à Dieu premier, puis à ma chere Dame Helene, de laquelle ie n'espere moïdie pardon que de la maïesté diuine ensemble offencée, la Roine qui m'accuse est douée de tant de grace & perfection, que seule pouuoit forcer tout cœur humain à son vouloir, & si elle se plaint du lien trop solennel des fainctes nocces, à elle meisme doit imputer le meschef aduenü par la contraincte de son ordonnance. Toutefois, pour satisfaction de son honneur, (dont on me vouldroit charger) ie consens que le present pourtraict soit attaché en vn peron qui sera esleué en la court de ce palais, & l'accident de ces pauures pucelles en vn autre, pour mieux publier le faict, afin que par ignorance Cheualiers ne luy faillent à l'entreprinse de sa querelle: pour laquelle des maintenant ie iure & promets assurance, telle qu'il conuient en tel deffy, à tous ceux qui sont ores en ceste cité, lesquels voudront contre moy entrer en camp pour elle, afin q̄ si la vengeance luy est deuë, de ma part ne soit differée.

Fins du dixiesme liure d'Amadis.

Complaincte de la Roine Sidonie . à l'onziesme liure , chap. 1.



Vraye semblâce de celuy qui sous l'image & nom d'autrui cueillit la prime fleur de ma ieunesse: que tu m'apportes de ioye me donnant le moyen d'estaindre ou amortir le feu de son amour par la vengeance que ie pourchasseray sur luy de l'outrage & rauissement de mon honneur . Car i'ay conclu & arresté te donner avecque mon Royau me , à quiconque presentera la teste du pere à la fille pour la satisfaction de la mere . Ce que vous supplie Dieux immortels vouloir consentir en punition iuste de ce faux Prince Grec , & temoignage de ma chasteté par luy cauteleusement violée , sans ce que mon vouloir en fust souillé ny entaché . Ô cher Moraïsel en quel excez de tourment m'as tu plongée , de forcer ma volonté tant affectionnée enuers toy à te iurer & brasser vne mortelle vengeance cōme de sacrifier ta teste à mō honneur rigoureux pour apres immoler ma vie à ton ombre ? Qui vit iamais telle cōfusion d'amour & de haine , ne deux telles extremités pour attādre le moyē d'hōnesteté ?

Autre complaincte de la Roine Sidonie . à l'onziesme liure , chap. 1.

O Dieux (disoit) que ne m'avez vous comblée d'heur pareil à celuy de ceste Dame en la iouissance de si excellent Seigneur? ou si ne me vouliez faire tant de grace, quelle raison y auoit il de me donner à sentir & goustier vn emmiellement de ses perfections, pour apres me laisser vne amertume affamée de ceste douceur de volupté? Amour je me plaindrois volōtiers de toy qui m'as si desloyalement traictée, si tu ne portois tō excuse par le priuilege de ta defraison naturelle, parquoy i'aurois tort de me fonder en raison contre celuy qui point n'en vse. Puis exlamoit

*Je suis en paix, & en mortel'e guerre :
 J'espere, & crains: i'ards, froide comme glace :
 Je vole au ciel, tout estendue en terre :
 Et rien n'estrains de fait, & tout s'embrasse :
 En pris, en suis, qui ne s'ouure ne serre :
 D'un m'sme laz, on me lace, & delace :
 Amour m'enserre ensemble, & me deffere,
 M'ayant donné, & puis m'ostant sa grace :
 Heur & malheur me sroyuent en ma chasse :
 Je veux mon bi-n, & à mon mal ie cours :
 Egalment la vie & mort ie fuis,
 Vire la vie & la mort ie pourchasse :
 Et veux perir, & demande secours :
 En tel estat, pour Florisel, ie suis.*

*Harangue d. Florisel à la Princesse Ar-
 lan-*

lande au liure II .chap. 5.

MAdame force m'est donc vous cōfesser vn creue-cœur qui me tourmente, de ce que ie considere auoir receu de vostre grace vn si bon traitement iusques ici: duquel l'obligation me charge d'un fais insupportable, partant que ie ne say encores qui ie suis, ny de quels pere & mere extraict: lesquels si ie scauois estre de basse condition, ie recognoistrois d'autant plus de vostre seul faueur la liberale nourriture que m'avez donnée, sans nul merite de moy ne des miens: & au cas qu'ils fussent autres, ie m'y adresserois pour les prier de la satisfaction que ie vous doy pour tant de biē & d'honneur que vous me faictes. Pource, madame, ie vous supplie m'alleger du grand ennuy que j'en porte, me faisant certain de tout ce qu'en pouuez scauoir.

A Florisel Prince des Royaumes, de la Gaule, Et grand Bretagne, Arlande de Thrace enuoye salut dont il l'a primée, le tenant tout en sa main. bonziesme liure, chap. 5.

Monsieur, ie vous enuoye vn joyau que vous ay autresfois desrobé, sans neantmoins auoir rien raiui du vostre, qui fut sujet à la loy commune de l'arrecin, toutesfois m'emparant & saisissant du plus grand bien que sou-

haitois en ce monde. l'espere que la confession que vous fais me deschargera de la coulpe, veu que la restitution ensuit. Tandis que l'ay eu en ma possession, je l'ay gardé tressoigneusement pour la part que j'y auois, maintenant est raison que vous en preniez soin pour la vostre: de quoy suis contraincte vous aduertir afin que plus n'en pretendiez cause d'ignorance. Ce porteur Florarlan le beau damoyssel voulant acquerir los ensuiuant la trace de ses ancestres, desiere estre fait cheualier de la main de l'Empereur vostre pere. le vo² prie faire tât pour vous, pour luy & pour moy, que de le luy presenter. Ce pendant me recommande tresaffecueusement à vostre bonne grace sans en auoir esperance, priant Dieu (mon sieur) vous rendre le loyer de vos fraudes, en pareille mesure qu'avez mesuré aux autres.

*Lettre du Prince Florisel à la Roynie Sidonie.
à l'onzieme liure chap. 14.*

MA Dame, ie vous enuoye le salut qu'avez pourchassé à me tollir par ce porteur, à qui je l'ay donné en faueur de vostre seruice, comme ay en volonté de faire à tous ceux qui se reclameront de vous, à quelque danger que ce soit de ma vie. Laquelle je guarentiray à mon pouuoir, pour estre cause de faire

faire pēser d'autre meilleur douaire pour Diane, & de plus honneste hanap pour boire à ses noces que dedans le tuis de sō pere. Parquoy ie soustiēdray ceste guerre q̄ me liurez, tant q̄ j'aye gaigné pais avecques vous, & que luy aye trouué mary, plus humain quē celuy que voulez lui faire joindre la main souillée en mon sang qui est le sien mesme.

Lettre de l'Emperiere Abra, au tresredouté Empereur de Trape sonde, Prince de Grece, de Gaule, de là grand' Bretagne, & Roy de Rhodes. au onzième liure, chap. 24.

Monsieur, si vous ne souffriez douleur extreme du decez de vostre bōne compagnie l'emperiere Niquée, vous seriez entaché de trop grande inhumanité & ingratitude, veu le regret que les estrāgers mesmes en portent, que devez auoir senty de plus pres que tout autre. Vne si douce & loyalle conjunction ne se peut departir sans vn grād naturel creuecœur. Mais apres que le premier mouuement a donné son alarme, il faut que l'esprit vienne à se recueillir en soy, & reprendre haleine, considerāt que les larmes sont perdues sur chose non recouurable, & le tourment vain en cas qui est sans remede. La desirez vous encores en ce monde? vous seriez enuieux de son

bien : gemissez-vous son mal ? elle est en vne vie immortelle plus heureuse que la vostre : souhaitez vous à la suyure au lieu ou elle est allée ? vous offenseriez Dieu de tascher à partir d'icy auant qu'auoir executé tout ce qu'il a ordonné estre acheué par vous en ce monde. Vous auez renom de magnanimité entre tous Cheualiers : mais si vous laissez ainsi abatre de vous-mesme, vous perdrez à vn coup toutes les victoires acquises sur les autres : aussi vous monstrant vertueux à resister à ceste grieue passion , ajousterez le feste & comble au troffée de tous vos faits illustres. Cest acte de lamenter est indigne d'un homme, encores plus d'un Prince qui doit seruir de lumiere exemplaire . Au reste, vous sçauiez qu'elle estoit née mortelle, & que ne tarderons gueres apres elle à franchir le pas. Auisez donc à secher vos larmes par prudence , que le temps effuye par longueur aux ignorans, en vous conformant du tout au diuin vouloir.

Abra Emperiere de Constantinople,
& Princesse des Regions Orientales.

Complainte d'Arlinges . à l'onzieme liure, chapitre 89.

A H ! amour ! en quoy t'ay-je offensé pour me traicter si cruellement ? es-tu pas d'estrange nature de tourmenter

menter & martyriser si durement ceux qui te celent & retiennent au clos de leurs poitrines ? & s'ils t'en mettent hors pour te donner air, les salarier de dedain, refus, & esloignement du bien qu'ils auoyent approché ? Amour, si c'est pour essayer la constance de tes subjets, la mienne n'est-elle point assez esprouuée par la lōgueur du temps ? Si c'est pour mieux faire sauouer le sucre de ton ambrosie par l'amertume de tes entrées & premiers mets, ceste-ci est si grande qu'elle pourroit tant hebeter le goust du palais, qu'il n'auroit plus vertu de sentir la douceur de la ceste viande. Je ne dy pas que l'appetit ne s'esucille, par ieusne & abstinēce, mais tant peut-on endurer faim, que les boyaux restroisissent & l'appetit se perd. Apres ces discours il fut assez longue pause sans plus parler, ains gémissoit & soupiroit tendrement, puis recommença : Amour, je recognois mon crime d'auoir osé vser de ce langage amoureux à dame si chaste, bien me deuois contenter de sa bonne chere, de ses propos amiables, de son doux regard, brief du simple bel accueil en attendant à sa discretion le don de gracieux oſtroy. A! a! fausse langue, que tu affliges tout le reste du corps par tō forfait, d'auoir ainsi vomi à la volée ce
qui

qui valloit mieux teu que diët : ores te trô
cirois volontiers entre mes dents , si n'ef-
perois que peusse encores par amêde hō
norable enuers elle reparer ta faute, & ren-
dre vn jour à ce las corps quelque plaisir
en loyer du mal que luy fais maintenant
souffrir. He Dieu ! quel mal ? d'estre pri-
ué de tout le bien que je receuois de son
œil riant , de sa bouche d'or, de sa main
prenant la mienne. Car de dame mieux
emparlée & mieux moriginée, je croy qu'
il n'en soit point , ne fut, ne sera jamais.
Se vante Diane de sa beauté , Cleofile ne
luy en doit gueres : face cas de sa blan-
cheur effaçant la nege , la couleur brune
de ma Royne la vaut biē nuée de vermeil
qui n'est tāt fade ne mignarde : le foy du
corps elle a gresle & aussi rond que s'il
fust fait au tour : vne disposition si gaye
qu'il semble (Amour) que sois attaché au
bout de tous ses membres, & que tu dan-
ses & jouës en tous ses gestes & mouue-
mens : Car elle a vne grace parfaicte , vne
certaine bienseance en tout ce qu'elle fait
& diët (qui n'a point de nom) laquelle
enrichist tousiours de moitié la beauté
ou elle se rencōtre, & ou y en auroit quel
que défaut le couure par sa splendeur di-
uine: tellement que je croy que Venus vo-
stre mere ne soit autre que la grace , ou
que

que ce soit sa compagne vniue. Et qui ne periroit par la veue de tel basilic? qui ne esblouiroit à la lueur de ce soleil?

Fin de l'onzeiesme liure.

Harangue du Prince Rogel, à la Princesse Leonide. Au 12. liure, chap. 1.



I vo⁹ cognoissiez la grâdeur de vostre beauté, aussi bien comme elle est empraincte dans mon cœur, je suis certain Madame, que vous excuseriez facilement la hardiesse que je me donne, pour vous declarer les douleurs, lesquelles je sens accroistre en moy de jour en jour, par la douce violence de vos diuines perfections. Et puis que vous estes la seule fontaine de mō bien, je vous supplie ne me faire point tāt de mal, que me frustrer de la consolation, laquelle je reçoÿ maintenant en vous racomptant ma misere. Toutesfois si en cecy je commettois aucune offence, il vous plaira cōsiderer que la crainte que j'ay de vostre chaste honnesteté, ne peut resister à mon desir, ny le feu cruel auquel je brusle, permettre que plus longuement je vous desguise mes angoisses. Mais si vostre haute valeur me veut entierement denier le

remede conuenable à ma maladie, à tout le moins ne me defendez point de manifester le mal que je souffre pour vostre beauté, à fin que vous le cognoissant, je aye le contentemēt de celle gloire, sans en attendre autre secours. Je vous requiers doncq^{ue} seulement pour aujourd'hui, que je me puisse nommer vostre Cheualier, & que sous vn si grand heur, je me trouue assēuré contre tous dangers : vous suppliant Madame, ne me refuser ce don, attendu qu'ayant mis toute ma puissance en vous, il ne me reste aucune force, que celle laquelle il plaira à vostre bonne grace me departir.

Responce de la Princeſſe Leonide au Prince Rogel. Au 12 liure, chap. 1.

Monsieur, contentez vous de la faueur que la hardiesse de vos pensées vous a oſtroyée sur moy, & ſçachez que comme damoyſelle que je ſuis, je n'ay moindre beſoin de ma chaſteté pour la conſeruation de mon honneur que vous (comme vous diſtes) de ma bōne grace, pour venir à cheſ de vos entreprinſes. Pour donc nous eſprouuer tous deux en l'auenture, à laquelle les ſages nous conduſſent maintenant ma preſence vous ſuffira, ſi vous en deuez receuoir tant de bon heur comme vous dites : car
quant

quant à moy je ne contenteray de la vostre, & des armes de ma chasteté.

Comp'ainte de Diane, pour l'absence de son amy Agesilan, au 12. liure, chap. 6.

AGesilan, vous vous deuiez contenter du nom de Daraïde, & de l'amitié qu'une Damoyfelle porte à l'autre, sans accroître ainsi mes passions amoureuses par le changement de vostre nom, à fin qu'en vostre absence je souffrie la crainte de cent dangers, esquels parauenture vous n'estes point. Mais que dy-je ? car si vous m'aymez d'un pareil amour, cōme je vous ayme, vous endurerez pour moy le mesme trauail, que maintenant j'endure pour vous. Las ! mon cher amy, je pense qu'amour veut q̄ je paye par l'enuy, lequel je reçois de vostre absence, la douleur que maintenāt vous deuez endurer pour estre tant esloigné de moy : O pleust aux dieux que je peusse tenir mon cœur en ma main, à fin que je peusse aussi bien contēpler des yeux du corps, mō Agesilan qui y est si viuement empraint cōme je l'ay de jour & de nuict, représenté deuant les yeux de ma pensēe. Helas ! amour, pourquoy as tu voulu que ma souffrance surpassast celle de celuy q̄ m'ayme en me contraignāt à tenir secret, ce que tu luy permets manifester : car en me donnant

vn pareil auantage, je suis assurée que la publication de mes douleurs, me pourroit preparer quelque repos, en lieu que les tenant cachées de jour en jour je sens accroistre leur felonnie dans mon courage, en la façon que le feu estroitement retenu dans la fournaise redouble continuellement ses forces. O fontaines de mes larmes, secourez ma vie en ce danger des flammes allumées esquelles vous voyez consumer & ardre mon cœur: & vous, tristes soursirs: fideles tesmoins de mes doléances, donnez quelque peu d'air à mon embrasée poitrine, à fin que je ne meure, & qu'en mourant je ne face pareillement mourir celuy, pour lequel seul je m'efforce à me maintenir en vie. Las! Daraïde, vous m'avez ostée de celle tromperie, par laquelle vous jouyssiez de mon amour sans me descouvrir vos pensées, à fin de plus tourmenter les miennes par la cruelle flamme, laquelle decelée ne vous a peu donner moins d'allegeance qu'elle me donne maintenant de desconfort en m'essayant de la vouloir tenir couuerte. Helas! Agesilan, comme vous tiendriez vos peines pour bien recompensées, s'il m'estoit permis de vous faire sauoir auant que mourir, que la crainte de perdre la vie n'a peu tant gagner sur moy que je

vou-

voulusse vous reciter l'extreme passion, laquelle j'endure pour vostre amour. Consolez vous mon Seigneur & amy, par la consolation que je reçois en vous, oyant seulement nommer, encorés que je tiennne ceste joye secrette à part moy. Las! Duchesse Lardenie, pourquoy avez vous descouvert ce que Daraïde vous auoit cōmandé celer? O que la reuerence, & l'esgard qu'elle a eu à mon honnesteté, ont bien surpassé vostre obeïssance, puis qu'avec ses cruels martyres elle ne m'a osé descouvrir, ce que sans aucune peine qui vous y meust, vous m'avez osé manifester? O combien j'en deurois hair le plaisir par lequel vous avez tant rendu Agésilan vostre redeuable, & moy tant trauail lée de douleur! O combien Daraïde vous est obligée, moy à elle, & bien peu à vous! O la griefue tristesse! car je me veux taire, mais en ce faisant, je paye par mon silence, ce que je doy à ma douleur, puis que je l'endure sans en esperer autre guerdon & l'endureray à l'auenir, avecques la raison que j'ay de l'endurer: en rechassant toutesfois tous les moyens, par lesquels je pourrois paruenir au repos, que les autres amantes desirent & attēdent de leurs amours.

Com-

*Complainte de Daraïde, au douziesme livre,
chapitre 7.*

HElas (dit lors Daraïde) je voy bien
maintenāt que ma seule mort me
donnera à cognoistre à madame,
puis que je ne luy ose descouurir que je
suis , craignant de perdre entierement
les faueurs que je reçoÿ d'elle . Las, ma-
dame Lardenie, si vous ne pouuez me se-
courir par aucun remede, à tout le moins
secourez moy par la pitié que je vous sup-
plie prendre de mon malheur. Si vous ne
pouuez me donner aucune esperāce, don-
nez moy quelque consolation , à fin que
du tout je ne desespere en ce trauail , au-
quel vous me voyez . O que mes desti-
nées sont miserables ! car ce que je cher-
che pour mō cōfort, qui est la veüe de ma
dame Diane, m'accroist de plus en plus mō
martyre. Las ! ma chere Lardenie, quel as-
sez bō conseil me pourrez vous donner,
puis que ma douleur ne le souffre ? qu'el-
le consolation, puis que le moyen d'ou ie
la deuerois receuoir, qui est la presence de
Madame, me fait redoubler mon ennuy ?
quel remede , puis que je n'en ay seule-
ment esperāce ? quelle vie puis que je me
voy en vne continuele mort . Helas, ma-
dame la Duchesse, je sçay que vous ne me
pouuez donner ce que je vous deman-
de.

de, mais aussi ne le vous demande-je à autre intentiõ, sinon à fin que vous preniez de moy la pitié qui du tout defaut en Madame. O cõbien de fois je desire la mort & combien en mesme heure je la crains, à fin de ne perdre l'occasion de tousiours continuer en mes mortelles angoisses? O cõbien je serois plus heureux si j'auois du tout perdu l'entẽdemẽt! & neãtmoins je ne le veux perdre, craignant de perdre encores avecques luy, la souuenance de la raison que j'ay de sortir hors de mon sens, pour le trop grand orgueil de mes pensées. Helas! il sera meilleur de me taire, à fin que je ne me face tort en disant ce, que je ne sçay point, & le sçachant que je ne pourrois dire, pour les estranges douleurs dont l'enuie de mourir, & le vouloir de viure, me tourmentent.

Complainte amoureuse de Daraide, à la Princesse Diane, Au 12. liure, chap. 8.

HElas, Madame, par quel moyen pourray-je jamais recognoistre la grande faueur dont il vous a pleu maintenãt vser enuers moy? O bien heureuses playes du corps. puis qu'elles sont cause d'vn si grand allegement aux plus grandes playes de l'ame! A ces mots Daraide print les mains de la Princesse entre les siennes, puis avecques vn grand souf-

souffrir tesmoin de ses interieures passiōs, elle continua son propos en ceste sorte. O celestes mains , qui par vostre diuine beauté pouuez faire couler d'eux ruisseaux des larmes de mes yeux, pour remediē aux cruelles flammes, dōt je me sens toute embrasée , hélas ! par quel moyen vous guardonneray-je du bō secours que presentement vous donnez à ma mortelle tristesse ? Et vous Madame, je vous prie veu que les parolles me defaillent en ceste douleur , & que je ne puis dire ce que j'endure , qu'il vous plaise suppléer à ce déffaut, & comprēdre par ce diuin esprit que les Dieux ont mis en vous le mal que si cruellement j'endure , & que tant peu je vous declare, pour estre egal en son extremité aux perfections dont les cieux vous ont ennoblie par dessus toutes les autres Princesses du monde. Hélas madame, il me semble que je me face iniure à moymesme, pour me maintenir si long temps en vie, ayant vne si juste occasion de mourir. Je sens desia ma vie se plaindre & lamenter en moy, par ce que mes parolles vous veulent monstrier les douleurs que je souffre pour vostre amour, encores qu'elles ne se puissent autrement descouurir que par ma mort. Hélas je meurs, & voy bien que je meurs, & neant
moins

moins je ne puis faire cognoistre la prochaine fin de ma vie. Je suis du tout reduite en cendre, & le feu ne cesse pourtant de me martyrer. Las! madame, par donnez moy si je ne sçay quels propos je vous tiens : car il ne se faut esmerveiller, si ne sachant que je doy faire ; je ne sçay encores que je doy dire. Puis donc qu'en ceçy me manque le plus grand bien que je sçauois point auoir en ce monde, qui est de vous faire sçauoir mon mal, je vous supplie le considerer par mon silence, & par le peu de pouuoir que j'ay de le vous declarer : ou bien vous mesmes employer les souueraines graces que les Dieux vous ont données, à penser ce qui deffaut en mes propos ; car par ce moyen je me tiēs assée que vous cognoistrez ce que j'en dure, encor que ie ne le puisse exprimer.

Complainte de Darayde. au douzième liure, chap. 9.

HElas belle Diane combien la clarté de tes rayons esendus. negligement en ceste prairie accroist mes angoisses & tristes pensées ! car par ta lueur argentine tu me renouelles la memoire de celle qui relust avec trop pl' grāde beauté sur mō cœur, que tu ne fais maintenant sur la terre, & laquelle avecques moins de souci que toy darde de jour par

sa veuë, & de nuit par sa souuenance, sa cōtinuelle clarté sui moy. O madame Diane, les trop cruels Dieux ont voulu que la nuit vous jouys siez du pourtrait de vostre Daraïde, laquelle vous auez en vostre compagnie, & que Darayde séparée de vous, eust seulement le moyen de contempler celle qui reluist par tout le monde avecques mesmes nom que vous, mais nō pas avecques vne telle beauté.

Complainte de Darayde Au douziesme liure, chapitre 9.

PVis qu'il est ainsi ; madame Diane, q̃ les dieux ont donné à vostre hauteur vne beauté suffisante pour embraser toutes les creatures qui la peuuent comprendre tāt soit peu, cōment pourriez vo⁹ accuser les flammes, esquelles je brusle par vostre moyē, veu qu'elles se descouuēt en la presence de celle qui les a elle mesme allumées? Helas! Madame, regardez comme vostre Chéualier est presque desia reduit en cendre, & cōme toutes les l'aimés qui roulent de ses deux yeux, ains plustoit de ses deux ruisseaux, le long de sa triste face, ne peuuent suffire pour temperer les feux de vostre iniuste & obstinée cruauté. O moi miserable! q̃ feray je, puis qu'en vo⁹ faisant sçauoir mon mal, je me defais: & qu'en me retardant de le vous dire, je tarde

tarde aussi d'autant l'esperance de mon remede? O Amour, je te supplie donner désormais quelque repos à mes douleurs ou par vne plus heureuse vie, ou par vne prochaine mort. Helas je meurs, & vous, Madame, qui en estes l'occasion, n'avez aucune pitie de celuy lequel languist pour l'amour de vous en vn desesperé martyre. Considérez que si pour quelque temps vous mettiez en obly vos grandes & souveraines perfections, bien tost il vous souviendrait de la grandeur de mes merites, & de ce en quoy l'extremité de ma passion vous a obligée envers moy. Helas madame, cōbien vous cognoistriez mieux mes tourmens, mes martyres, mes douleurs, mes souspirs, mes travaux & les ardentés flammes de mon amour, si vous y vouliez auoir esgard sans regarder à celle diuine beauté, qui empesche que personne ne puisse estre digne de vous, si ce n'est quelqu'un des plus hauts & souverains Dieux immortels. Mais hélas! mon extreme malheur veut qu'à la façon du paon je defface la belle roue conceüe par l'esperance de mes pensées, en regardant à la laidure des pieds, qui est le peu de merite que recognois en moy-mesme. Ainsi madame, la cognoissance de vostre grandeur vous garde d'estimer ma petitesse.

Let

*Lettre de dom Filisfel de Montespín, à Mar-
fire. Au 12. liure, chap. 13.*

A La belle & gracieuse Mar fire, dom
Filisfel de Montespín enuoye le sa-
lut & le bon heur que luy mesmes
a perdus par la violēce de sa diuine beau-
té. Je ne scay madame, dequoy je me
doy plaindre d'auanrage, ou de la peine
que je souffre pour vostre amour, ou de
ce que je ne vous la puis faire cognoistre
telle que je la sens: car par ce moyen ma
peine est autant tourmentée, voulant s'ex-
primer par mes parolles, comme je suis
moy-mesme tourmenté pour ne la pou-
voir exprimer. Mais, o moy bien-heu-
reux! puis que la puissance que j'ay eüe
d'endurer mon mal, a tousiours jusques
icy supplée au deffaut qui estoit en moy
de le vous pouvoir faire entēdre. Je croy
neantmoins, madame, que vous pouuez
facilement cognoistre l'extremité de la
douleur que je ne vous peu declarer, au-
moins si vous voulez auoir esgard à la
grand' beauté, & aux bonnes graces dont
vous surpassez toutes les autres dames de
nostre temps, & desquelles je serois indig-
ne, si mon courage voué à vostre perpe-
tuel seruice, & à la force de ma douleur
ne m'eussent donné quelque occasion de
les meriter, & la hardiesse de vous descou-
urir

urir mes passions, pour vous supplier de les guerir par le remede que vous pouuez sçauoir estre necessaire à vn tel mal. Ce sera, madame, vne chose fort bien seante a vostre gracieuseté accoustumée, si tout ainsi que vous estes l'occasion de ma maladie, vous estes pareillement à l'auenir l'occasion de ma santé. Et partant, madame, je vous prie prendre quelque compassion du mal que vous me faites souffrir si iniustement, & m'assigner lieu au quel ié puisse auoir le moyen de vous faire ouyr par ma bouche, & de vous témoigner par mes larmes, ce que i'endure en vostre seruice. Car selon vostre responce, ie pouray puis après continuer ma vie avec vne nouuelle ioye, ou bien la finir avecq' mes anciennes douleurs à fin que par ma miserable mort ie laisse à vous, & à tout le monde, vn assuré tesmoignage de vostre inhumaine cruauté & de mes mortelles angoisses. Je vous supplie dōq'. madame, apres auoir mille fois baisé & rebaisé vos belles mains, me donner le remede qui depend entierement de vostre pitié, si micux vous n'aymez faire cruellement mourir celuy qui n'a enuie, que pour meriter vostre bōne grace de viure.

Lettre de Filisela Marfire. au douzième liure, chap. 14.

A La cruelle & rigoureuse Marfire,
le deffortuné & miserable Filisfel
enuoye le salut, duquel il est luy-
mesmes abandonné pour vostre ingratitu-
tude. Las! madame, avec combien de
gloire & de plaisir vous m'auiez enleué
au plus haut degre de mon contente-
ment! Vrayement il m'estoit auis que
vostre grandeur ne se fust jamais deu a-
baisser jusques à me faire si grandes fa-
ueurs, comme vous m'avez faites, si ce
n'eust esté pour le grand amour duquel
je pensois que vous m'aymissiez. Mais
qu'ay-je maintenāt peu faire contre vous
pour en receuoit vn si rigoureux traite-
ment? Quelle offense ay-je peu commet-
tre contre Madame Marfire, puis que je
ne pensay oncq' seulement à l'offenser?
Quel bon droit pouuez vous auoir eu,
Madame, pour me faire maintenant vn si
grand tort? Voyez je vous prie, voyez
l'outrage que vous me faites, en lieu des
faueurs, dōt vous m'estes redeuable pour
le bon vouloir que je vous porte. Helas!
pourquoy recompensez vous mon tant
extreme amour par vne tant extreme hay-
ne? Regardez Madame, comme jusques
à tant que j'eusse receu vos faueurs, j'e-
stois obligé à viure en perpetuelle lan-
gueur pour auoir osé entrepiēdre de gaig-
ner

ner la bonne grace de vostre Souuerain
 beaute, laquelle lors je ne meritois: Mai
 depuis qu'il vous a pleu me departir vo
 stre faueur, & par ce moyen causer en
 moy vne vertu, laquelle me rend digne
 des plus hautes & glorieuses entreprinse
 que l'on pourroit dire, vous deuez croire
 Madame, que maintenant vous estes ou
 bligée à m'entretienir en ceste plaisante
 gloire que vous mesmes, m'avez fait me
 riter. Je vous supplie donc donner à mon
 mal le remede que luy deuez, & lequel
 vous m'avez promis tant de fois, ou bien
 m'oster de la tromperie, en laquelle je
 me voy pour l'ennuy que j'endure, dont
 je ne peux compiendre ny penser aucu
 ne autre occasion, sinon qu'il vous plaist
 par vne tant rigoureuse hayne, me guer
 donner du ferme & loyal amour que je
 vous porteray toute ma vie. Ainsi je de
 meurera en ceste mortelle guerre jus
 ques à ce qu'il vous plaise enuoyer la
 paix à celuy qui en l'attendant baise & re
 baise mille-fois vos belles & blanches
 mains.

*Lettre de Marfire à dem Filisel de Montef
 pin. A 112. liure, chap. 14.*

Vous n'avez aucune occasion, dem
 Filisel de vous plaindre de moy
 comme vous vous plaignez: car si

vous m'aymez , vous ne pouuez nier que ie ne vous ayme pareillement , Et si i'ay demeuré quelques iours sans faire tout ce que vous eussiez bien voulu , ce n'a esté par faute de bon vouloir, comme vous'dictes en vostre lettre, mais bien par faute du temps & de l'opportunité , qui abondent en vous & defaillent en moy . Vous me mandez aussy que ie vous oste de la tromperie en laquelle vous estes pour lennuy que vous endurez de mon amour : le vous respons qu'il ne tient à rien que ie ne le face , si non à la faute de la puissance, & vous assure que si vous le pouviez faire vous mesmes , ce me seroit vn des grans biens qui me pourroit aduenir : & plaise à Dieu que vous le puissiez ainsi faire: car par ce moyē vous m'aurez deliurée de la peine & du travail ou je suis pour vous dōner le remede que vous me demandez. Toutesfois puis que je le vous ay promis , j'accompliray ma promesse s'il m'est possible , & par auenture plustost que vous ne pensez.

*Lettre de Filiscl à Marsire. au douzième
liure, chap. 14.*

A La belle & gracieuse Marsire, dom
Filiscl de Mōtespin enuoie le salut
que la confusion où vostre lettre
l'a mis luy denie. Si je me suis deceu en la
lettre

lettre que je vous ay enuoyée, vous ne vo^s estes moins deceuë en la vostre, en laquelle vous croyez qu'en vous suppliant m'oster de tromperie, j'aye voulu parler de ce ou il n'y en peut auoir, comme de faict il n'y en a point: c'est à sçauoir du ferme & loyal amour que je vous porte pour le regard duquel je n'ay peu estre trompé en vostre endroit, tout ainsi que vous ne le fustes oncq' au mien, attendu que si nous nous sommes entr'aymez, nostre amour à esté bien employé d'une part & d'autre. Seulement ie vous mandois, par ce que ie ne pouuois penser l'occasion pour laquelle vous m'auiez esloigné de vous si long temps, qu'il vous pleust m'oster de tromperie pour le regard de l'amour que me portiez, ou pour mieux dire que vo^s me deuez porter: car il me sembloit si vous m'eussiez autant aimé comme ie vous aimois, que vous n'eussiez tant différé la guerison de ma maladie cōme vous auez faict. Helas, madame, combien vous estes deceuë si vo^s pensez que j'aye jamais la puissance de me repentir, ou de m'esloigner du grād amour que je vous ay porté, & que je vous porteray tāt que l'esprit me respirera dans le corps: car veritablement il n'y a chose au monde qui me fust plus impossible que celle là. Ne pensez

point Madame, qu'en vous ayant cōme
je vous ayme, je puisse jamais tomber en
aucune repentance de vostre amour, at-
tendu la gloire, & le plaisir où je me trou-
ue pour vous aimer. le vous supplie donc
me donner la vie par vos faueurs à ma grā-
de joye, ou bien tost m'enuoyer la mort
par vos defaveurs pour mettre fin à mon
ennuy; & à la douleur en laquelle je de-
meureray tousiours jusqu'à ce que m'ay-
ez donné le repos & la trāquillité que vo-
stre lettre me promet: & en attendant vn
si grand heur, je baise mille-fois vos bel-
les & delicates mains.

Lettre de Filisel de Montespın à Marfire.
Au 12. liure, chapitre 1.

A La belle & gracieuse Marfire, dom
Filisel de Mōtespin enuoye le salut
qu'il a perdu par la plus doloieuse
maladie qu'il ayt encorés esproūuée. He-
las, madame si jamais je vous ay aimée de
bonne affection, maintenant je meurs du
tout pour vostre amour, & si jamais j'ay
eu quelque esperance de jouir de vos di-
uines beautez, maintenant je suis au der-
nier desespoir pour le lōg temps qu'il me
faudra demeurer sans plus auoir la jouys-
sance du biē, duquel par vostre grace j'ay
gousté & sauouré la tranquille & gracieu-
se douceur. Si j'ay eu quelques desirs par

ey deuant, j'ay desiré de façon que je ne sçauois ce que je desirois: mais maintenāt estant apris par l'experience, je sçay que je desire le plus grand biē qu'il est possible de desirei, sans qu'un autre que moy sache, ny puisse sçauoir cōbiē est extreme le plaisir que je desire. Iusques icy madame je me suis tourmenté pour voir les graces apparētes de vostre beauté, par lesquelles vous pouuez assujeter en vostre seruice les cœurs felons des hommes plus Barbares: mais maintenāt je me tourmēte pour joīr de vos graces secretes, desquelles seul entre tous j'ay meritē la jouissance. Helas madame, faictes, je vous supplie, qu'un si grand biē cōme vous m'avez faict, ne me retourne en plus grand mal, & ne me deniez point le remede, lequel en baisant vos belles & blanches mains, je vous supplie m'ottroyer aussi tost cōme la douloureuse passiō, en laquelle je suis le requiert.

Lettre de Filisel à Marsire. Au douzième liure, chap. 15.

A La belle & gracieuse Marsire, dom Filisel de Montespain enuoye le salut duquel il jouyst à son grand contentement. La gloire en laquelle je suis, est si grande, que je ne sçay auecq' quelles parolles je la dois louer, afin que sa louange puisse estre comparée à sa grandeur.

O moy le plus heureux de tous les Cheualiers du monde! puis qu'il vous a pleu madame me faire digne par vos faueurs de ce que par moy-mesmes je ne pouuois aucunement meriter. Ceste lettre seulemēt est pour vous faire entendre ma grande joye, par laquelle vous m'estes maintenāt redeuable de ce qu'elle m'a fait meriter, qui est que je retourne bien tost par deuers vous, pour prendre la mesme jouissance de vos beautez qu'il vous a pleu m'otroyer la nuēt passée, afin que par ceste nouuelle joye je puisse guerdonner l'ennuy que j'endure au temps que je ne puis trouuer l'opportunité d'vn si grand bien. Parquoy, madame, je vous supplie m'entretenir tousiours en vn tel heur, afin que si vous auez esté la cause dont je suis enleué en vn tant haut degré pour le present ne soyez la cause de ma miserable ruine pour l'aduenir. Mais afin que vous ne me puissiez reprēdre de vous importuner par trop, je mettray fin à ma lettre, en baisant millefois vos blāches & delicates mains, pour la memoire de la paix qui s'est ensuiue de la guerre passée. Je me recomman de à ma chere Carie, la suppliant me pour chasser en brief le temps tant désiré, auquel je puisse renoueller l'heureuse occasion de ma gloire.

Complainte de la Royne Sidonie. Au douziesme liure, chap. 21.

O Graue honneur de mon haut & Royal lignage, comme tu m'as cōduicte en vn defastre, duquel je peu receuoir le iuste guerdon de ma folie ! o amour, & comme tu fais apparoir en moi ta force tromperesse, en me faisant vsfer de haine & de cruauté enuers celuy que j'ayme trop plus que moy-mesme ! o fortune avec quelle inconstâce & legereté tu t'es changée, en me mettant en tel desespoir, alors que je cōmençois à conceuoir l'esperance d'accomplir bien tost ce que plus je desirois en ce monde ! o dieux immortels, avecques cōbien de rigueur vous auez voulu recompenser le fier orgueil & la superbe presumption de la Royne Sidonie ! o ma chere fille, & encores fille de ce luy qui desroba les saincts droicts de ma chasteté, Helas comme vous m'auuez voulu payer de ce que vous me deuiez, pour l'amour que vous auez tousiours porté à vostre pere, en recompense des outrages, & des iniures que je lui ay tousiours pourchassées ! o ma fille, la premiere du monde, & la nompareille en beauté, afin de redre pareillement nompareille la douleur que j'endure maintenant de ta mort ! O cruelle mort, comme me laisses tu en vne

tât miserable vie ! O vie cruelle , comme
me laisses tu en vne mort tant miserable !
O dieux immortels, pourquoy permettez
vous vne si grãde iniure comme celle que
je reçois par ma vie, en voyant ma fille Di
ane morte ? Mais que dy-je ? il est juste
que comme justes que vo⁹ estes, vous me
faciez vne si rigoureuse justice ; pour me
faire prendre la vengeance de moy, en me
confondât en vne douleur que je me suis
causée moy mesmes. Helas Daraïde com
me tu donnes à moy, & à ma fille, le de
voir duquel tu nous estois redevable. A
moy, en me donnant avec ta fin, la fin de
la folie de ma vengeance , & en retuant
par ta mort, l'esperoir que j'auois en ta vie :
A ma fille , en recompensant sa mort par
la tienne, qui est le dernier payement dõt
tu estois obligée à l'amour que tu lui por
tois, & à celuy qu'elle te portoit. O bien
heureuse Damoyse, qui par ta mort as
peu payer ce que tu deuois à ma Diane
par ton amour, encores que sa mere n'en
aye tant sceu faire pour le sien. O saint
Moraïsel , comme tu es maintenant bien
vengé de moy & bien satisfait de la ven
geance que je t'ay si long temps pourchaf
sée ! O Dieux immortels, puis q^u vous me
refusez la justice en me laissant en ceste
miserable vie, je ne la refuseray point à

mes mains, & garderay le priuilege de ma franche & libre volonté que j'ay receu de vous à ma naissance. Or ius donc, & qu'en me tuant de mes propres mains, je me donne la vie, laquelle vous m'avez deniée pour ne m'auoir assez promptement donné la mort.

Harangue de Darayde, se donnant à cognoistre à Diane, pour Agesilan de Colchos, Au 12. liure, chapitre 22.

SI les grandes entreprises n'estoyent acompagnées de grād dāger, croyez madame, que bien petite seroit la louenge de ceux qui en pourroyent auoir obtenu la victoire, & pour ceste raison, d'autāt qu'il y a plus de peril, d'autant aussi il y a plus d'honneur, de gloire, & d'immortelle renommée. Ne pensez point que les grandes choses se puissent acheter par les petites, n'y qu'avecq' peu de travail lon puisse gagner beaucoup de loüēge. Ainsī Madame, vous pouuez cognoistre ce qui pour vous cōquerir doit estre mis à l'aduenture, puis q' m'essayāt mainrenāt à vous gagner, je me mets au hazard de vous perdre. Helas voila l'occasion qui dōne tant de carinte à mes parolles, par ce que pour vouloir faire vn grand gain, je suis en dangier d'vne grand perte, & crains que vous cherchant par trop je ne vous perde en-

corés d'auantage : car pour me hazarder à me perdre moy-mesmes en ceste queste j'aventure bien peu de chose, puis qu'il y a desia si long temps que je suis perdu en vos amours, combien toutes-fois qu'en part du monde je n'aye eu tant de gain, comme en vne si heureuse perte. La cause de mes passios amoureuses vous est manifeste par l'excellence de vostre beauté. Les douleurs passées que j'ay souffertes en vostre seruice vous donnent assureté tesmoignage du regard, & de la reuerence que jay tousiours eue à vostre grandeur. La hardiesse que je prens maintenant s'excuse suffisamment par ma peine, & l'outrage de mes pensées, par mon royal & noble lignage accompagné du chaste & loyal desir avec lequel j'ay tousiours gardé la reuerence deuë à vostre honneur & la garderay toute ma vie sans vous vouloir supplier de departir aucun remede à mes angoisses, que ce ne soit sous le titre de fidelle espoux, & en vous gardant vostre chasteté telle que vo^s la pouuez auoir maintenant. Or ma dame, avecques ces conditions il vous plaira sçauoir que sous le nom, & sous l'habit de Daraïde, vous auez en vostre presence Agesilan fils du grand Prince le preux Falanges d'Astre, & de la forte Princesse Alastraxerée.

Ne

Ne vous esbahissez si je me suis ainsi
deguisé & couuert de telles armes pour
gagner vostre bonne grace: car en autre
habit en sinõ vn pareil au vostre, je n'eusse
sceu me hazarder en vne entreprinse tant
perilleuse, au moins avec quelque espe-
rance de la victoire. Vous scauez mainte-
nant, madame, ce que jusques icy je vous
auois tousiours tenu secret. Vous voyez
les playes douloureuses, desquelles en ceste
cruelle guerre d'amour vostre beauté ex-
cellente m'a cruellement nauré. Je me suis
desia assez long temps deffendu, me cou-
urant sous l'escu d'une Darayde deguisee:
maintenant madame, je vous confesse vi-
ctorieuse, & vous rends mes armes pour en
leuer vn trophée à la force de vostre im-
mortelle beauté, vous suppliant me pren-
dre à merci en vous gardant la fidelité, &
la reuerence que je doy à vostre grandeur
& que je vous promets, & jure par mon
Dieu immortel, vous garder toute ma vie
sous le titre de mariage. Mais si par la ri-
gueur de vostre responce vous me voulez
refuser la pitié dont je vous supplie, croy-
ez, madame, que gueres long temps vous
ne me pourrez estre rigoureuse, & que biẽ
tost mon piteux trespas vous fera regretter
celuy mort, auquel durant sa vie vous au-
rez esté tant cruelle. Ainsi mon ame jadis

infortunée se consolera par vostre plainte, apres l'enseuelissement du corps. O moy donc, bien heureux! qui ay mis mon cœur en si noble lieu, que la jouyssance de mes desirs me rend le plus heureux de toute la terre, & le dernier de mes malheurs me promet encores quelque consolation. Or auez vous ouy, madame, le peu que je sçay dire de la grande douleur que je souffre, & le moins du trauail duquel je me sens trauaillé. Mais si je ne vous puis assez exprimer le mal que j'endure, vous le pourrez aysément comprendre si vous l'estimez autāt grand en moy, comme les beautez & les excellences sont grandes en vous : Puis doncq' que par ce moyen vous pourrez sçauoir de vous-mesmes les immortelles angoisses qui me tourmentent, encores que vous ne le peussiez entendre de moy, je vous supplie derechef par là juste pitié que le vainqueur doit auoir du vaincu, me prendre à mercy, veu que je me rends, & me traiter en vostre seruice comme celuy, duquel la mort ou la vie depend de vostre cruauté, ou des faueurs de vostre bonne grace.

La cruelle respõce de Diane à Darayde. Au douzième liure, chap. 22.

Sçachez

SAchez Daraïde, qu'en changeant vostre nom vous auez encores changé en haine l'amour duquel par vos triouperies vous auez eu vne si longue jouyssance: & si la prochaine parenté qui est entre nous, & ma benignité accoustumée ne resistoyent à l'execution de mon courroux, je vous ferois chastier d'un tel tourment que l'affronterie de laquelle vous m'auiez abusée le merite. Mais pour ne laisser aucune occasion à personne de penser que vostre outrecuidance ait trouué en moy quelque fragilité, je n'vseray enuers mon honneur de la pitié que je luy deurois, pour le guerdonner par vostre mort de l'offense que vous auez commise: car je ne veux point que lon public que vostre folle temerité vous ait causé vne si grande gloire, que de m'auoir seule mēt veüe: mais aussi je ne veux pas q^e vous demeuriez sans estre aucunemēt puny, encores q^e la peine soit trop mal egalle à vostre offence, quoy que vous vous en vueillez excuser. Et partāt je vous deffens de vous trouuer jamais deuāt moy en quel que part que je puisse estre, puis qu'il ne se peut faire, comme Daraïde, & comme Agefilan mon honneur ne le souffre.

Complainte de Darayde. Au douzième liure, chapitre 22.

O Dou-

O Douce mort, pourquoy me laisses
tu encores retourner en vie ? o vie
miserable, pourquoy me nies-tu la
mort ? o amour combien j'experimente
en toy de hayne ? o cruelle haine, pour-
quoy prens tu le nom d'amour ? He he
moy malheureux ! en cherchant amour j'ay
trouué son contraire, & en pensant don-
ner le remede necessaire à ma maladie je
l'ay accruë sans aucune comparaisón. O
ma dame Diane, combien j'ay tousiours
eu crainte de la cruauté, laquelle mainte-
nant j'experimente en vous ! Puis doncq'
que tel est vostre vouloir, ja à Dieu ne plai-
se de faire auenir vne chose qui m'est tant
impossible, comme de demeurer plus lon-
guement en vie avec la male grace de ma
dame. O malheur trop miserable ! car je
ne demande chose qui ne me soit refusée
par ce que je la demande, & ne suis chose
qui ne me soit octroyée par ce que je la
suis : Las madame Laidenie, je vous sup-
plie ne prendre plus aucune pitié de moy
puis q' je n'en prens pas moy mesme, à fin
de cōformer ma volōté à celle de madame
Diane, car je ne puis vouloir, sinon ce qu'
elle veut, & me hais moy mesmes puis qu'
elle me hait : mais si vous m'aymez, il se-
ra raisonnable que vous vueillez ce que je
veux qui est seulement de m'en aller ac-

complir la promesse que j'ay faite à ma dame la Royne , à fin que toutes les choses que je feray desormais ; se facent contre ma volonté : car je sçay bien qu'en accomplissant ce que je luy ay promis , j'accompliray encores le vouloir de ma dame Diane. Or maintenant m'apperceoy-je assez que la Royne sans occasion ne me fit vne si estrange requeste comme elle m'a faite: car ce fut à fin que par la mort que j'en receurois , elle vst enuers moy de la pitié que ma dame Diane me refuse pour me tuer plus cruellement. Certainement je ne puis moins esperer de la prouesse, & haute Cheualerie du Prince Grec , en ce combat que j'ay entrepris contre luy, sinon que par la mort d'yne si foible & defavorisée creature comme je suis, il satisfera à sa glorieuse renommée , & à ce que comme noble cheualier il estoit tenu de faire en reparant le tort que je reçooy pour durer plus long temps en vie. O bienheureux Prince ! puis que toutes choses s'appareillent à la gloire de son bon heur : & moy pareillement bienheureux , veu que la fortune & la Roine, & la volonté de ma dame Diane m'ôt appareillé par les mains d'vn si grand Seigneur, la mort que selon ma loy je ne pouuois pourchasser de mes propres mains. O Dieu puissant, comme
par

par tout tu monstres ta sage prouidence
 car en ce iugement de ma mort prononcé
 par la bouche d'un si noble & excellent
 iuge, comme est ma dame, il estoit bien
 raisonnable que tu luy secourusses d'un si
 excellent ministre pour executer sa justice
 souveraine, avecques l'arrest lamentable
 de mes cruelles destinées.

*Lettre de Balthasar Roy de Ruffie, à Sidonie
 Roine de Guindaye. au 12. liure, chap. 42.*

Balthasar Roy de Ruffie tant en son
 nom comme en celui des autres sou-
 uerains Rois Orientaux, desquels
 le seing & le seel est apposé en ceste lettre,
 A Sidonie Roine de l'Isle de Guindaye, en-
 uoie le salut qu'elle peut receuoir, si bõ lui
 semble, en receuant de son gré pour es-
 poux, ceux qui autrement sont deliberez
 d'accomplir leurs volonteiz par force. Sa-
 chez donc, Roine de Guindaye, que ny
 finiere recuë pour l'amour de vous ny
 vostre beauté, ny celle de vostre fille Dia-
 ne, ne sont point encores hors de la sou-
 uenance de Balthasar, & de Bruzerbe Rois
 de Ruffie, & de Gaze. Parquoy nous a-
 uons pris terre en vostre Isle avec vne puis-
 sante armée, vous requerans auant tou-
 tes choses, de nous octroyer la paix en
 nous octroyant vous & vostre fille en ma-
 riage: Ou si vous ne le faites, iusques à ce
 que

que la force nous aye fait la raison de ce que la courtoisie nous pourroit auoir refusé, nous vous denonçons la guerre à feu & à sang, & faisons les dieux immortels iuges des pertes: & calamitez qui auientront à vostre occasion, inuoquans la fortune à nostre aide, qui (veu nostre admirable armée nous) à desia donné l'assurance laquelle deffaut entièrement à vos sujets si vous ne les assurez, en nous assurant la guerison des playes, dont la douleur, l'amour & les iniures cy deuant souffertes ont nauré nos courages à mort en nous detenant vous & vostre fille par vos beautez, en vne trop plus cruelle guerre, que celle qui vous est trescruellement appareillée, si vostre gracieuseté ne nous donne la paix laquelle nous sommes delibererez de conquerre par force d'armes.

Responce de Sidonie Royne de Guindaye à Bulthazar Roy de Russie, au douzesme liure chapitre. 42.

Sidonie Royne de Guindaye à Bulthazar Roy de Russie, & à tous les autres Roys de sa ligue, lesquels iniustement sont venus avecques luy enuahir son Isle, enuoye le salut que les Dieux, ne leur doiuent garder longuement en vne tant desraisonnable querelle.

Ie ne

Je ne seray point tāt espouuantée Roy Bulthazar, s'il me cōvient à l'aduenir esprouuer cōtre ma poitrine, l'espée de Lucreſſe, comme la chasteté m'oblige maintenāt à me deffendre contre la tienne. Mais si ny l'amour que je porte au Prince Grec, ny la crainte de sa grandeur, n'ont peu mettre, ny paix, ny treues à la forte guerre que je luy ay appareillée, à peine que la moindre guerre dont le Roy de Russie me menace, me puisse causer aucune craïte, & encores moins est il possible que la haine que je lui porte, puisse par son outrecuidāce estre cōuertie en amour. N'estime point ma volonté si volage, ny inconstante, que la haine me face chercher la paix auecques toy à mon deshonneur, puis que l'amour pour mon honneur me cōtraint de faire la guerre à l'encōtre du Prince Grec. Ia aux dieux ne plaïse que Sidonie estime moins la noblesse de son courage, que la grande force des armes, auecq' lesquelles tu me menaces à feu & sang : car auecques le feu, & auec le sang, je defendrai ma chaste volôté, & m'essayeray à la garder, de la mesme force, par laquelle les Dieux ont quelquefois permis qu'elle fust gardée contre eux mesmes. Saches qu'en me faisant la guerre tu la fais encores beaucoup plus rigoureuse à ton honneur, & qu'en voulant consumer

mon pays avec tes feux tu ne pouras consumer le feu dont le Prince Grec m'a enflammée, peut estre que tu ressembleras le sang de mes suiets, les mettant au fil de l'espée, mais quand tu auras fait, les espées, ne defaillent point, ny à ma fille, ny à moy, pour ressembler encores le nostre, car nous aymerons beaucoup mieux mourir en nostre chaste liberté q̃ viure en vne vile seruitude. La haine qui fit mourir la Royne de Chartage pour Enée, ne fera point mourir Sidonie pour dom Florisel, mais elle la defendera biē de la mort, à fin de defēdre la loiauté qu'elle lui doit, pour le ferme & ardent amour qu'elle luy à tousiours porté, & qu'elle luy porte encores à present. Consideré donc Roy Bulthazar, qu'en me pensant gaigner, tu me perdras, & en me pensant offenser, tu ne m'offenseras en rien, car l'espée ne me maquera point. pour resister à ton offense: mais biē offenseras-tu de tes armes, les loix des dieux immortelles qui gouernent l'espée de la iustice, laquelle à de beaucoup plus grande force que la riennē: & offenseras pareillement le Prince Grec, auquel tu veux violer le droict de son mariage, car encores qu'il en ait jouy par tromperie, si est ce que pour son honneur il ne laissera point passer les iniures que tu me feras

feras, sans en demander la vengeance. Et puis que pour la reuerence que il me porte, il a gardé en ma faueur la vie à ceux qui pourchassoient de luy oster sa teste, comme les Roys de Gaze, & des Massagettes & autres de ta compagnie, en rendront assésuré tesmoignage: tu peux bien penser qu'il sera maintenant autast prest à leur faire perdre les testes pour me complaire, comme il a autresfois esté prest à les leur garder pour l'amour de moy, par quoy, Roy Bulthazar, n'entrepris point vne guerre, par laquelle tu ayes espoir de gagner par hayne, celle qui se hait & se guerroye soy mesmes, contrainant le grand amour qui l'enflamme, à fin de ne laisser guerroyer son honneur. Ne demande point l'amour, ny la paix de celle, qui n'a ny paix ny amour avecques elle, & encores moins avecq' toy. Ainsi donc je suis deliberée de defendre ma volonté & de resister à la tienne, & en gardant tousiours ma chasteté accoustumée, je soustiendray mon cher Royaume, inuoquant les dieux à ma justice, & les hommes à ma defence. Or en me pourchassant ceste paix, je suis prest de soutenir la guerre telle que tu me l'as denoncée.

Harangue de la Reine Sidorie, aux citoyens de Guinée, e Au 12. iure, chap. 43.

Sile

SIl le deuoir dont nous sommes redevables à la vertu (mes chers amis & fideles citoyens) ne nous commandoit de sacrifier plustost nos vies pour la conseruation de nostre honneur, que de le laisser en rien corrompre, d'autant que l'honneur perdu, nous ne pouuons plus auoir rien de bon durant ceste vie mortelle, ceux pourroyet se plaindre de l'issue incertaine des choses qui avecques bon droict, & pour soustenir leur ancienne renommée, se seroyent d'un franc courage abandonnez aux inconstances de la fortune. Mais puis q nous sommes obligez à deffendre nostre honneur jusques à la mort, la multitude des ennemis, ny l'euenement douteux d'une bataille, ne nous doit en rien espouënter. Seulemēt nous deuons craindre que la faute de cœur ne nous face encourir quelque infamie, & que l'iniustice de l'ennemy ne nous dōne plus de peur, que nostre bon droit de confiance: car par telle lascheté l'on pourroit redouter l'experience de fortune, laquelle donna jadis à six mil Grecs la victoire d'un million de Perses, dont il en demeura deux cēs mille mors en la plaine. La mesme fortune octroya au Romain Lucelle, n'ayant que dix mille soldats en ses tentes, de vaincre par sa vertu, & par son

ayez la tyrannie en horreur, & pense que
chascun de vous est autant prest a la re-
chasser de soy, comme appareillé & obli-
gé à receuoir la mort pour l'entretènement
de la liberté, en laquelle ie vous ay tous-
iours entretenus & defendus iusques icy.
Nous auons à nostre ayde les dieux im-
mortels, comme ceux qui sont les cer-
tains vengeurs des outrages, & les asséu-
rez protecteurs de l'innocence. Si donc la
raison, le bon droit, & l'ayde des dieux
ne vous deffaillent point en ceste querel-
le, faisons que le bon courage ne nous soit
point deffaillant, & quand la fortune vou-
droit estre enuieuse de nostre bon heur,
choisissons plustost vne mort honorable,
qu'une vie honteuse avecques vne miséra-
ble seruitude: Considérez aussi de vostre
part, que moy refusant les aliances de ces
Roys Barbares, vo⁹ ne defendez seulemēt
ma querelle priuée, mais encores la vostre
publique, avecques vos biens, vostre li-
berté, vos femmes & enfans, attendu les
calamitez que vo⁹ endurez à l'auenir, si
vous auez de tels tyrans pour vos seig-
neurs: Prenez doncq' cœur mes amys &
monstrez maintenant la prouësse & la ver-
tu que vous auez, & qu'il vous est besoin
de monstrier, pour vous defendre de ceux
qui ont entrepris vostre ruine. Faites

que lon voye leurs despoilles penduës
dâs nos temples pour immortal trophée
de vostre victoire, & croyez que le Roy de
Russie ne triomphera jamais de la loyau-
té, laquelle Sidonie doit à celuy qu'elle a
premierement receu pour mary : ains au
contraire, que l'espée du Barbare n'appar-
oistra si tost entre nos murs, que la mien-
ne n'apparoisse incontinent dans la poi-
trine de ma fille & de moy, afin que par
ceste franche mort, je deliure ma vie de
suiectiõ, laissant le corps sans aucune ta-
che trespasé sur la froide terre, & satis-
faisant par l'immortalité de ce sacrifice,
à celuy lequel (comme j'espere en vostre
vertu) vous aurez fait de vous mesmes a-
uant que je me voye en vne telle extremi-
té. Mais je suis tant asseurée de la justi-
ce des dieux, & de la force des vos dex-
tres, que je m'asseure encores d'estre ex-
cusée de ce sacrifice dont je parle, & que
vous le ferez tomber sur nos ennemis à
leur grande confusion, & à vostre perpe-
tuelle gloire. Or en ceste confiance je fe-
ray fin à mes paroles, pour en voir com-
mencer l'effet & inuoqueray à la defen-
ce de nostre liberté, la faueur des dieux,
& le secours des Cheualiers estranges qui
sont maintenant en ma court : & par ce
que mes tresors, pour grands, qu'ils soy-
ent

ent ne seroyent suffisans pour recompenser leur vertu, je les supplie auoir esgard à l'honneur, & à l'immortel renom qui leur est appareillé pour la vraye & meilleure recompense du travail qu'ils quierent tous les jours errans par le monde, à fin d'employer la force de leur haute cheualerie : car maintenant ils en ont trouué vne tresiuste occasion en ceste guerre.

Lettre de la Roine Sidonie. Au douziemes liure, chap. 60.

AVx tres-excellens Princes le Roy Amadis de Gaule, & la Roine Oriane, Sidonie, Roine de l'isle de Guin daye, & tous les Princes, Rois & Roines, assemblez en la grand cité, enuoyent le salut que la fortune leur a oütroié apres plusieurs calamitez passées. Sachez doncq', tres-excellent Roy, que l'inconstante fortune depuis que la deguisée Daraïde eut mis le Prince Grec avec sa teste en ma puissance, reduit nostre grandeur en telle extremité, que nous & les nostres estions tombez en vne miserable seruitude, si les victorieux Princes, le Roy Dom Falanges d'Astre, & la cheualeuse Roine Alastraxerée, ne nous eussent secouru en ce besoin : car ma cité estant presque prise des ennemis, qui ja cōmençoient à en-

trer dedans, ces deux nobles Princes, n'osterent seulement aux Roys de Ruffie, & de Gaze, la Cité & la victoire qu'ils estimoient desia certaine, mais encores les rompirent, & mirent en route, eux & leurs confederez, de façon qu'ils nous remirent en nostre premiere liberté & en nos anciens heritages. Au moyen dequoy selon les propheties de ma belle Diane, Daraïde ayant passé la caue de Febus, descendit en ma presence dedans la tour de Diane, la statue de dom Florisel, la teste duquel me priua de tous sentimens, & fist efförce dom Rogel de Grece, à venger la mort de son pere par le trespas de de Darayde. Et tant aspre fut le combat entr'eux deux, & avec telle effusion de leur sang, outre celuy lequel ils auoyent perdu ce mesme iour, que finablement ils tomberent tous deux par terre comme morts, iusques à ce que la braue serpète & victorieuse Royne, recognoissant selon les propheties, son cher enfät sous l'habit de Daraïde, le reueilla par ses douloureux cris & gemissemens mortels, ce qui luy fut occasion de perdre le nom de Darayde, & recouurer celuy d'Agésilan: avec ma fille Diane pour son espouse, laquelle il auoit ja gaignée par la loyauté & cōstâce de son amour, en vertu duquel ils mirent en liberté

berté & hors de prison, l'infant dom Rosaran, & la Duchesse de Bauiere, en la tour enchantée, desquels ils demeureront prisonniers, sans en pouuoir sortir, iusques à ce que les deux les plus accomplis en loyauté d'amour, leur en puissent donner le moyen, & à nous la consolation de la tristesse que nous souffrons pour leur absence, laquelle durera iusques à ce que les excellens Roy & Royne de la grande Bretagne aient entré au chasteau enchanté, en les deliurant de prison, à la grand' gloire de leurs amours loyalles, & à la cōsolation de nous tous. Pour donq' trouuer quelque paix en ceste guerre, nous vous prions & supplions de la nous moyenner par vostre venue: ce qui retournera à vostre grande louange, & à nostre repos, sans lequel nous demourerons, iusques à ce que par vostre arriuée vous ayez donné fin à cest enchâtement, & mis en liberté ces deux loyaux amās de vostre lignage.

Lettre d'Amadis de Gaule, & Amadis de Grece. Au 12. liure, chap. 64.

AVx tresexcellētes & tresbelles Princesses de l'isle Solstice, Amadis de Gaule, Roy de la grand' Bretaigne, & Amadis de Grece, Empereur de Trebisonde, Prince de Grece, de la grand Bretai

gne, de Gaule, & Roy de Rhodes, salut, & avec iceluy, paix & repos à vostre perilleuse guerre, Sachez que la fortune & la tempeste nous ayant poussez en ceste isle avec les Roynes & Princes de nostre compagnie, nous auons entēdu la guerre que vous faites l'une contre l'autre: parquoy desirās vous mettre en amytie, nous vous enuoyons la belle Duchesse Sirisie, laquelle vous dira de nostre part ce que luy auons donné en charge, vous prians la croire comme nous mesmes. Ainsi desirans mettre fin à vostre trauail nous vous enuoyons la paix, laquelle vous ne pouuez refuser ny l'une ny l'autre, au-moins si vous auez encores quelque charité de sœurs deuant les yeux.

Lettre du Cheualier afromteur. au douzieme liure, chap. 66.

A Vx tresexcellentes Princes & Princesses de Grece, l'Afromteur des ruses, seigneur des cauteles, chastieus des nonchalans, conseiller des voyageurs, & trompeur des mieux conseillez, Salut vostre enuoye, à fin qu'avec iceluy vous vous puissiez maintenir en repos iusques à ce que vous ayez fait l'experience de mes stratagemes. Je suis sorty de vostre puissance, & me retrouue maintenant en la
mien

miennne, apres auoir esté autant biẽ trait-
té par les damoyelles, comme j'ay de-
libéré de les traiter, si quelquefois je les
puis auoir en mon pouuoir, pour leur en
rendre la pareille. Ce qui me fait souhai-
ter, messieigneurs, de vous tenir bien tost
tant que vous estes, entre mes mains com-
me je pense qu'il auindra, si les prophe-
ties de mes dieux ne me deçoient : car
je trouue par icelles, & vous en souuien-
ne si bon vous semble, que bien tost les
forces afronteresses, domteront par vne
secrete imboscade, la maison de Grece, &
que les braues lyons du cheualier Liebra-
ston seront subiuguez, & les forces de
leurs ongles affoyblyes, jusques à ce que
le Seigneur des ruses, les remette en liber-
té par les obscures nuées de son sçauoir,
à sa grande gloire & à la louange de ce-
luy qui les fera joiuyr de celle clemence,
pour le guerdon de la rigueur passée : &
en attendant celle guerre, je vous enuoy-
ray la paix, sans laquelle il est impossible
de bien dresser ce qui est necessaire à vne
armée.

*Lettre de Bruzarte Roy de Russie. Au 18.
liure, chap. 100.*

DOm Bruzarte Roy de Russie con-
federé avec cent soixante Rois de
l'Orient, par le cõseil & diuine per-

mission de nos souverains dieux desdaignez de tant d'offences qui leurs ont esté faites par la maison de Grece; ayant tant de fois arrousé les campagnes du sang, de leurs seruiteurs, & mis le feu dās leurs Mosquées, ont maintenant assemblé leur armée ensemble: par ce que la fumée des temples bruslez, comme sortant d'un encensoir, est montée deuant les diuines majestez, pour en requérir la vengeance, & a passé jusques dedās leur plus souverain ciel Empirée. Parquoy nous auons ordonné selon la puissance à nous octroyée de par les Dieux, que toute la maison de Grece passera au fil de nos espèces, & toutes leurs citez seront arses de nos flambeaux, afin que puis apres les Russiens les fassent derechef rebastir à la grand gloire de leur vertu, & à l'honneur immortel de nos dieux: desquels inuoquans le nom, nous vous enuoyons signifier cest arrest, sans autrement vous aduertir du jour, ny de l'heure que nous le mettrons à execution: & afin que vous luy adioustiez entière croyāce, nous l'auōs signé de seings, & scellé de nos armes Royales, & vous l'auons voulu enuoyer par ces creatures autant petites comme celles qui le doyuent executer seront grandes. Et jusques à ce nous prions nos Dieux vous conser-

uer

uer en santé pour vostre plus grande maladie, vous assurant qu'après vne bieuue paix, vous aurez vne longue guerre, en laquelle nous promettons aux grâdes mers & aux larges campagnes, de les couuier de nos armées, & les faire rougir de vostre sang.

Fin du douziesme liure.

Lettre d'Amadis de Gaule, des Empereurs Esplandian & Amadis de Grece, à tous leurs amis & vassaux. Au treziesme liure, chapitre premier.



Nous, le Roy Amadis de Gaule, les Empereurs Esplandiā, & Amadis de Grece, avec tous les Rois, Princes & cheualiers assemblez en la cité de Constantinople, à tous nos amis & vassaux, salut. Nous vous faisons assauoir que l'ennemy de l'humain lignage a inspiré au cœur du Roy de Russie de venir avec armée infinie & incroyable, de cent & soixante Rois couronnez sans les Califes, Soudans, & Tamburlans, contre nostre ville imperiale, à intention de la destruire & exterminer, ensemble le nom de Iesus Christ, & d'esleuer sur sa ruine celuy de leur faux prophete Mahomet: si comme il nous est apparu à plain par vn car-

tel de deffy, à nous sur ce enuoyé de sa part. Et d'autant que pouuez entendre l'importâce de l'affaire, & en quel danger y gist la clef de la Chrestienté, nous vous prions nos bons amis, & cōmandons, & enioignons à vous nos vassaux, que vous ayez en la plus grande diligence, que possible vous sera, vous rēdre en icelle nostre cité avec l'arriere ban de toute vostre puissance. Et du surplus adjoustez telle foy au cheualier present porteur, que vous feriez à nos propres personnes, &c.

Lettre speciale d'Amadis de Gaule à l'Empereur de Rome. au liure 13. chap. 1.

H Aut Empereur de Rome, Nous le Roy Amadis de Gaule, vostre frere & amy special, avec tous les Rois, Princes & cheualiers, estans de present assemblez en nostre cité de Constantinople, vous presentons salut, Vous avez asauoir que sur le point des noces arrestées entre le magnanime Prince vostre fils, & la belle Royne Daraïde (ayant perdu le nom de Briangie) arriua à nostre port vn cartel de deffy de la part du Roy de Russie: lequel accōpagné de cent & soixante Rois Oriëtaux, sans plusieurs autres grans Seigneurs, avec nōbre de gens infiny s'appareille de venir contre icelle nostre cité imperialle. Or puis que vous comme
le

le pilier occidental de nostre foy, estes obligé à sa protection & defence, contre tels enuahissiemens & assaux. Nous vous prions & requerons de nous y vouloir secourir avec la plus grande gent que vous pourrez leuer & assembler es terres de vostre obeissance : nous recommandās tres-humblement aux bonnes prieres du tres-sainct pere.

*Lettre du sage Alquif Es d'Vrgande la mes-
cognue à Amadis de Grece. au treziesme liure
chapitre 1.*

ALquif & Vrgande vos vassaux (tres-hauts & trespoussans Princes) vous auertissent que leur infirmité & indisposition de leurs personnes ne leur permet de visiter vostre court sur l'aduersité presente : joint qu'il ne leur est loysible de tascher à detourner la volonté diuine en ses destinées fatales. Ne laissez toutesfois prosterner à ce coup vos cœurs hautains (valeurux Princes) Car,

Prophetie.

QVand l'ours marin sailly de la forest Russiane, foudroyera les campagnes Gregeoises, & par feu & flamme sa fureur executera: ayans le grād lyon tollu les clefs aux deux corbeaux marins : à l'aide de l'autre lion faon des deux plus braues lyons, ils seront rem-

barrez & repoussez avec horribles hurlemens en la forest de leur faille. D'ou ils n'oseront plus issir, jusqu'à ce que l'aigle Royal a double chef tousiours victorieuse & le Coq avec autres petits ayglers & multitude d'oissillons niez, viendront en extreme furie, avec leurs ferrez aigues liurer tant de beccades aux loups marins, qu'ils les chasseront de la cauerne qu'ils tenoyent vsurpée, avec horrible carnage de tous. Et incontinent la tourtre conuertie sera assemblée à son engigneur, estant apparue la colombe d'Apolonie.

Or de cecy, treshauts Seigneurs, ne faites doute aucune: car ainsi en aduiendra comme vous predisons.

Complaintes & regrets de la Princesse Diane. au liure 13. chap. 2.

Seigneur Dieu, lasse, qu'onques ne nasquit au monde fille de mere plus fortunée que moy: qui jamais n'y ay peu gouter que toute amertume & tristesse, veu qu'à peine suis-je sortie hors de la tour, que je me voy acablée de mille angoisses.

Complainte d'Agésilan à la Princesse Diane.

Helas madame, pour Dieu ne vous passionnez ainsi, si ne voulez voir ma mort soudaine. Auisez, madame, que vous tenez avec vostre Agésilan,
qui

Qui par la faueur de vostre beauté ne sentir oucques-mais crainte, ne paour de dāger quelconques. Et d'auantage, que de vostre part y a tant de bons & vaillans cheualiers disposēz à vous faire seruice, qu'ils ne desirēt que de voir l'heure d'estre affrontez à vous aduersaires. Renforcez vous & prenez cœur, madame: car trop plus dure mort me semble celle d'estre se paré de vous, que celle, que mes ennemis mortels me pourroyent liurer en camp de bataille. Ottroyez moy seulement la grace, que je puisse jouir de la gloire, dōt vostre seul merite ma rendu digne & capable: veu que le titre & manteau de mariage la peut couvrir: Las mon Seigneur & amy (dit la Princesse) ne considerez vous point, que dans peu de temps vous vous pouuez cueillir le fruit de ce qui tāt est deu, sans offence de mon honneur? ne vous assurez vous pas que je suis plus vostre que mienne? A quoy respondit Agésilan: Ha madame, ne recherchez excuse en ce qui n'en a point en soy: toutesfois puis que tel est vostre plaisir duquel je suis resolu de jamais ne me departir, vostre bonne volonté soit faicte.

Aduis du Roy de Caridonie. Au treziesme liure, chapitre 3.

Haut

H Aut & puissant seigneur, je Roy de Cacidonie, le moindre des Rois tes vassaux, proteste que ia aux dieux ne plaise que ie l'usenge & abuse mon seigneur lige, ne que ie luy flagoie aux oreilles quelque faux conseil: Car ie vous assure que ceux qui vous incitent à l'entreprise dont est question, ou n'ayment pas vostre honneur, ou ne sçauent pas ce que ie sçay & pressens d'icelle, c'est assauoir, que si au temps deliberé, vous entrez en terre de Crestiens, ne vous, ne nul de ceux qui vous y feront compagnie en retournera iamais en sa terre, ains y passerôs tous par le fil de l'espee & le sang Russian tiendra les champs Gregeois.

Prophetie.

L Es Corbeaux marins tenans la Ca- uerne vsurpée des plus anciens & braues lyons, serôt elancez & iettez hors d'icelle à coups de bec horribles avecques occision de la pluspart d'entr'eux & ce à l'ayde des deux plus sages ours. Finalement les blancs oyssillons, avec l'aygle Royal & autres moindres aiglerons, ayant le Coq couronné, viendront au secours des lyons affligez: à l'arriuée desquels sera consommée la destruction finale des Corbeaux marins,

Aceste cause vous prie instamment par

nos dieux(haut & puissant seigneur) que vous deportiez de ceste entreprinse. Et ne pensez que crainte de la mort me face vsér de ce langage, laquelle ne me toucha ny estonna iamais en la grande guerre que le Roy Armat mena contre Constantinople avec presque aussi grand ost que vous y pourriez mener: pour ce croyez moy.

Prophetsi.

QVe ie voy le Dieu Mars en son opposition avec Saturne y escrimant d'une espée sanglante contre l'orient. Et si tant vous est à cœur la vengeance de vos iniures & des nostres, cōme la vie de vos vassaux, differez à autre tēps, attendant que ces planettes arriuent en constellation d'aspects opposites: lors enverrez yssir fin heureuse.

Harangue du Roy Balthazar. au liure, trezeiesme, chap. 3.

NObles Rois, Barons, mes amis & vassaux, vous ne deuez ignorer de combien nous sommes plus obligez à l'honneur & renommee (qui ne perit point) qu'a la miserable vie qui a à prendre fin: d'autāt q̄ l'une nous promet vne eternité infinie & l'autre n'est qu'une chose peu durable: biē cognoissās q̄ trop mieux vaut la mort qui nous assure d'une autre belle

belle vie, que la vie deshonorée quī traine le lien d'vne mort honteuse ou de perpetuelle oubliance. Ce que je vous dy, mes amis & vassaux sur les propos de ce vieil Roy radotté, craignant la mort & non encore saoul de viure : duquel ne les sots discours, ne les fausses propheties me detourneront de la vengeance que j'ay ja pourpensée sur mes ennemis mortels les Princes de Grece, vsurpateurs de ce, qui à moy seul estoit deu, comme descendu de la celeste lignée des dieux. Pource, qui m'aymera si me suyue, & s'y dispose & apreste dedans trois mois : au bout desquels je suis resolu de desployer tant les enseignes que les voiles au vent.

Lettres de Bu'thazar Roy de Russie. au trezieſme liure, chap. 3.

A Vous tous honorables Rois nos confederez & alliez, & à vous Califes, Soudans, Tamulans de payennerie, exaltateurs de la secte de nos dieux, destructeurs de la foy du crucifié. Nous Bultazar Roy de Russie, Empereur de Cōstantinople, de Trebisonde & de Rome, en esperance prochaine des couronnes de Gaule, & de la grand' Bretagne, Rheddes & d'autres Royaumes Chrestiens, &c. Nous vous faisons sçauoir que par inspiration des dieux à nous a esté notifiée vne
sen

sentence donnée en leur haut consistoire, laquelle nous comme executeurs d'icelle, auons enuoyé signifier à Constantinople dont la somme est telle,

Reuelation.

Que les champs Gregeois avec toutes leurs villes soyent rasées & passées par le feu, tellemēt qu'il n'en demeure pierre sur pierre, & tous les peuples baptisez passent par les glaines trenchans, & leurs Princes & Seigneurs soyēt liurez à morts cruelles & honteuses.

A l'executiō de laquelle sentence nous appareillons avec tout nostre pouuoir pour marcher dedans trois mois de la date de la presente, vous mandans de venir comparoir & assister pour tesmoins & cōsorts d'icelle, en la plus grande & meilleure compagnie que possible vous sera : & vous rendre en nostre grāde court de Russie, la ou nous vous attendrons. Donné en nostre consistoire par commission & mandement des hauts dieux.

Complainte de la Princesse Leonide, au liure treiziesme, chap. 5.

HA Prince Rogel fleur de cheualerie & de beauté du monde, qu'est-il de toy? mais hélas qu'est-il plus tost de moy, sans moy, pour toy? Puis que tu me tiens ainsi en oubly, je ne puis croire

croire sinon que tes paroles estoient faus-
ses. Mais est-il possible qu'en si grande
valeur ne gise pareille loyauté? comme
celle qui oncques n'a defailliy en ceux de
son lignage.

*Harangue d'une damoiselle incognue au Roy
Amadis. Au liure 13. chap. 5.*

ROy de la grande Bretaigne, hauts
Empereurs & Princes excellens, la
hautesse de vos vertus & de vo-
stre renommée va volant aux quatre coins
du monde, & montée jusques au ciel, est
venue à ma cognoissance apres auoir cou-
ru & recherché les principales cours des
Rois & grans Seigneurs de l'Europe, en
queste de la fin de mon aduenture. Car
vo' deuez sauoir, que je suis fille d'un che-
ualier Seigneur d'un bon chasteau, qui est
bien l'un des plus sages de la terre. Lequel
cognoissant par ses arts que son chasteau
me deuoit estre tollu apres sa mort, for-
gea ce heaume, & avant sa fin me le bailla
disant que quand l'infortune m'aduien-
droit de telle perte, que je me misse par le
monde en queste du jeune cheualier qui
par sa haute bôté pourroit enlacer c'est ar-
met en sa teste: à la charge, que ce Che-
ualier m'ottroyeroit vn don, assauoir, de
venir auecques moy pour me faire obte-
nir droit de celuy qui m'auoit priuée de
mon

mō heritage. A quoy respondit le Roy Amadis : bōne damoiselle, nous tous seriōs tref-aïses que vostre auēture eust à prēdre fin en ceste court, à fin qu'eussiez ici remede à vostre ennuy plustost qu'en autre endroit. Et pour ce qu'il s'enva tard, la preuue en sursera jusques à demain le matin.

Regrets de Marfire, pour la rigueur qu'elle auoit vſe à Filisel. Au liure 13. chap. 5.

CArdonie m'amie, vous sçauiez bien que jamais je ne vous ay rien celé de ce que j'aye eu sus mon cœur, & moins ores le feray-je. Pourtant vous deuez sçauoir, m'amie, que la raison de mon honneur, ne la grandeur de ma beauté, ne la rigueur dont j'ay vſe à l'endroit du vailant Prince Filisel, n'ont peu auoir tant de pouuoir, que l'excellēce de sa beauté n'ait tout mis sous le pied, & moy reduite au piteux estat que me voyez. Auquel je ne sens en moy force ne vertu de pouuoir plus gueres prolonger ma vie, aussi n'en ay-je plus de desir : vne seule requeste je vous fais pour la derniere, sur la fidelité dont vous m'estes redevable, que ne failiez si tost que je seray passée, de me tirer le cœur & aller à Constantinople ou la part que sera Filisel mon Seigneur le luy presenter, pour sur luy executer la vengeance du tort & rigoureux traitement
que

que luy ay vſé, en récompense de l'amour qu'il me portoit.

Deus de Brianges avec vne Damoiselle incogneue. Au liure 13. chap. 14.

MA damoyſelle ſ'il vous plaist deſgorger voſtre ennuy en mō ſein, je vous jure par l'ordre de cheualerie que j'ay receu de mettre tout mon eſfort à la poursuite de voſtre droit & accompliſſemēt de voſtre deſir. Helas Seigneur cheualier (reſpond elle) mon mal eſt de telle ſorte qu'il ne reçoit point de remede & en tels maux toute la cure giſt au ſeul oubly. Mais moy chetive, qui ne puis prēdre en moy ceſt oubly, qui ſeroit la medecine vnique de la maia die qui m'afflige. Madamoyſelle (dit Brianges) plus vous engregez voſtre melācolie, plus vous augmentez mō enuie, à ſçauoir la cauſe d'icel le pour y remedier à mon pouuoir. Sire cheualier (dit elle) puis qu'ainſi le deſirez vo⁹ auez à ſauoir, qu'en vn chaſteau ſitué en ceſte foreſt vn mien couſin me faiſant compagnie avecques trois autres cheualiers ſes amis pour aller en vne maiſon de plaiſance qui nous appartient, nous rencontrames vn Geant, lequel nonobſtant leur reſiſtence les print & moy pareillement. Si nous enleuerent en vne forteſſe, ou ie vy de mes propres yeux ſouet-

ter mon cousin bourrellement & apres le mettre en vne cruelle prison. Lors il me mena en vne chambre ou il me força outrageusement, puis me mit dehors, disant qu'en faueur du soulas qu'il auoit prins avecques moy, il ne me vouloit pas liurer la mort. Arrestez vous icy donc cheualier, car mon angosse n'est capable de remede. Damoiselle (respond Brianges) conduisez moy seulement à ce chasteau. Et ie vous iure la foy que ie doy à Dieu que ie vous vègeray de l'outrage du Geant ou i'y perdray la vie, A à' Seigneur (dit elle Dieu vous sache gré de la bonne œuvre que voulez exploitter pour moy. Mais n'entrez pas (de grace) en si folle emprise. Car de cent tels que vous, il n'en feroit pas plus de compte que de festus. Ne vous chaille (replique Brianges) que les meschans leur outrecuidance & meschanceté les chastie.

Deux amoureux entre Filisfel & la Damoiselle saguide au 13. liure. chap 16.

PLeust à Dieu (dit Filisfel) Madamoyelle que vostre gaye beauté ne me naurast plus grieuement que le cheualier que j'ay à cōbatre. Et quelle playe pouuez-vous receuoir de moy (dit elle) C'est vne playe (respond Filisfel) à laquelle si vous ne remediez bien tost, je me sens

sens en danger de ne la faire pas longue. pourrions nous voir ceste playe dit la damoyelle. Ouy (respond-il) en regardant vostre belle personne, En bonne foy seigneur Cheualier (dit elle) vous ne rendiez pas grande, vostre affliction si vous la rengez à la mesure de ma beauté, Elle est si grande (dit-il) que verrez bien tost clere-ment par l'experience de ma mort briefue, si vostre courtoisie ne m'y appreste brief secours.

Comp'lainte de Cardonie à Patronion, au 13. liure, chap. 16.

A A! Cardonie m'amyce, est ce chose vraye & certaine que vous dites? Si certainement respond elle. Or y donnez tel ordre que bon vous semblera, à l'occasion de son mary, dont elle s'est separée, comme sçauiez, sans vouloir conuerser aueques luy: & y procédez discrettement: Car il faut que ie m'en aille de peur qu'il ne me mesauienne. Mais l'affection que ie vous porte avec le despit du desdain, dont elle a vsé si indignement en vostre endroit (qui meritez trop plus que celuy à qui elle s'est si vilainement abandonnée) m'a incitée à vous en venir donner l'auertissement.

Lettre du Roy Anaxartes Es de la Roine Alaxerée, au Soudā de Perse, au 13. liu. cha. 19.

A vous

A Vous grād Soudan de Perse. Nous le Roy Anaxartes & ma sōueraine sœur Alastraxerée. Salut.

Vous auez à scauoir, que le Roy de Russie amy de vos Dieux (desquels il se vante estre issu) & ennemy de Iesus Christ crucifié, sans aucun droit qu'il puisse pretendre à l'Empire Grec, a conspiré & suscité la plus grande part des adorateurs de Mahom contre nous : lesquels sans auoir esgard à l'iniustice de son entreprinse, s'assembtent auecques luy à grande puissance. A ceste cause nous vous prions de nous enuoyer le plus grand secours que vous sera possible : considerant plus le bon droit de nostre querelle & defense, à la conseruation duquel vous auez tousiours tenu la main tant enuers les vostres que les estrangers, qu'a la conuenance estant entre vous & luy de vostre loy : à quoy vertu vous oblige, qui passe toutes les obligations du monde.

Regretz & Complaintes de Sidere, pour auoir fait refus à Rogel. au trezieme liure, chapitre 20.

HA (disoit elle à par soy) que ne luy auois-je tranché le mot à nostre arriuée de trouuer le lieu de commodité, dont tant il m'importunoit qu'avec l'obligation de ma deliurance, je pou-

pouuois estre trop excusée de le consentir: Las! (discouroit elle) la maison du Soudan mon ayeul ne me donnoit tant d'opportunité que pouuoit mieux celle de Perselee ma mere ou j'esperois le tirer pour acheuer du tout par luy ma cōduite jusqu'au gyron d'elle. Mais je deuois plustost sans attendre tant de dangers tāt de regars & conterolles fut en l'vne fut en l'autre, le recompenser de ses bien faits, en la cōmodité du long voyage que nous faisons ensemble. Puis recommençoit, Ha faux honneur, garde de la chasteté des Dames il ne fut onques de plus cruel tyran que toy qui les gesnes, tourmentes & fais mourir à petit feu. O que je luy en escrirois volontiers ce que je n'ay osé luy dire de bouche: la main estant plus hardie qui ne rougist point que la langue si prochaine de la face honteuse. Mais la lettre escriitte demeure, en danger d'estre veuë & descouuerte, portant suffisante preuue en soy de la condamnation de nostre honnesteté.

Harangue d'une damoyelle inconnue aux Seigneurs & dames de Constantinople. Au tre & sesme liure, chap. 22.

TReshauts Princes & tres-excellentes Princesses, voz majestez ont à sçauoir, que je suis fille du Roy nōmé

me Tarnes de Medie: lequel n'eut de la Roine sa femme autres fils ne filles que moy. Or estoit il en son viuant si expert es arts de Magie, que par son sçauoir il paruint iusques à cognoistre que ie serois apres s^{on} decez desheritée de son Royaume. A ceste cause fit ce belle ouurage que voyez deuant voz yeux, me commandant de l'aller incontine^{nt} apres son trespas porter par le monde en queste d'un Cheualier, Dame ou Damoisel qui en puisse acheuer l'auenture. Et qu'auant l'espreuue d'icelle ie demandasse vn don, c'est assauoir ma restitution en mon royaume. Ce disant il finist ensemble sa parolle & sa vie: & ne furēt vaines ses parolles: car à peine auoit il les yeux, clos par la mort, qu'un mien cousin pourchassa à m'occir, pour crainte duquel ie m'en fuy en vne forest ou ie ne fus pas entrée plus d'une demy lieuë, que i'aperceu venir vers moy ceste merueilleuse fontaine, non plus ne moins pue vous la voyez. Auec laquelle i'ay desia rodé vne partie de la terre habitable, sans auoir encore trouué personne qui peut mettre fin à l'auenture, dont la façon est telle:

Que le Cheualier, Dame, Damoiselle qui pourra leuer la couronne du chef de la statue tenant la harpe, aura l'auenture

de la fontaine acheuée : en ce cas , le Cheualier m'ottroyera le don que luy requerray, ou la Dame & Dainoysselle fournira Cheualier qui pour elle me l'accorde. Reste maintenant à vos majestez d'auiſer s'il leur plait que l'esprenue en soit faicte en vostre court .

Regrets de dom Florisel pour la maladie d'Helene, au 13. liure, chap. 23.

HA Helene m'amie ! (disoit-il) me voulez vous si tost en fleur d'aage abandonner ? Emmenez moy doncques quand & vous ? Je ne croy pas Helene que ne soyez biē certaine de l'amour extreme que je vous porte : or ayez donc quelque pitié & compassion de moy. Las m'amyie reprenez couraige , ne me laissez icy seul, ou je ne la feray pas longue apres vous . Car la mort qui tout separe , ne doit pas separer le lien indissoluble de nostre chaste & sainte amitié . Considérez que je suis vostre Florisel de Niquée.

A quoy elle en fin de voix foible & tremblante, respondit. Mon vray & loyal amy, je ne voulois pas vous fausser si tost compagnie , mais force m'est d'obeir à la volonté de celuy qui m'a creée , & puis qu'ainsi est mon cher amy , ne me faites redoubler la mort, en sentant par vos doléances la vostre & la mienne. O Seig-
neur

neur Dieu, si e'eust esté ton seruice, que je desirois ne laisser si tost ce monde: mais Seigneur vostre tressainte volonté soit faite, non pas la mienne. O mort, comme tu viens à ceux qui pas ne te requierent, & qui suis ceux te cherchent. O monde immonde & abuseur, & trop abusé celuy qui en toy se confie. Tu m'auois rendu la plus heureuse de la terre en m'asortissant de tel mary & consort, si vaillant cheualier, si haut Prince & Seigneur terrien. Tu m'as donné ce dequoy les fols mortels plus se glorifient, la beauté mōdaine. Je ne te renie ce qui est à toy, ains comme tel je te le rends & il retourne à toy, puis que je ne l'ay receu que par prest. Et je supplie nostre Sauueur Iesus Christ, ne me vouloir exiger compte rigoureux au dernier jour de mon iugement.

Remonstrance de la Royne Sidonie, à Dom Florisel, au 13 liure, chap, 23.

GEntil Prince, monstrez icy vostre genereux courage, en tel coup de l'ennemie fortune que cestuy. Considerez Monsieur, que c'est que du monde, auquel nous auons receu la vie, à telle condition que la deuons laisser quand il plaira à Dieu. Ne soyez, monsieur, meurdrier de vous mesmes, ains parez contre ce dur coup, de l'escu de patience.

pluſieurs tels propos luy tindrent ces bō-
nes dames : mais plus luy faiſoyent de ré-
monſtrances, plus ſouffioit de douleur en
ſon cœur .

*Haranguedū Roy Bulthazar, au 13. liure,
chapitre 26.*

TReſmagnanimes Rois, Soudans,
Tamurlans, Califes de Sarraſineſme
qui eſtes icy aſſemblez. Je croy que
n'ignorez pas les fins & intētiōs de noſtre
venue en ceſte contrée, qui ſont deux, c'eſt
aſſauoir, la Premiere & principale pour
exaucer le nom de noſtre prophete Ma-
hommet : la ſeconde pour prendre venge-
ance des princes Grecs nos ennemis . Car
il n'y a nul icy à mon aduis qui n'ait re-
ceu quelque tort, iniure & outrage de ces
maſtins Creſtiens ou en ſa propre perſon-
ne ou de ſes ayeuls, peres ou autres parēs
ou amys. Parquoy nous conuient proce-
der de manier en ce ſiege, que les puis-
ſions chaſtier ſelō leur demerites & nous
bien venger de nos offences : ſur quoy ie
vous requier mes freres, mes feaux com-
pagnons, de me declarer franchement &
loyalement voſtre opinion,

*Reſponce du Roy de Caſan. au trezieme li-
ure, chapitre 26.*

Sou

Souuerain Seigneur, & vous tresuail-
lans Princes, si vous eussiez plus fait
estat de voz plaisirs & voluptez que
de la gloire & renommée immortelle vous
seriez tous en voz roialles maisons à vous
donner du bon temps, à vous veautrer en
delices, pompes & bobans. Mais le point
d'honneur ou tout haut & noble cœur as-
pire, vous a fait quitter ces soulas & aises
plus sortables à fêmes & effeminez pour
marcher par ce sentier de vertu rude, pier-
reux & espineux en exposant vos vies aux
dāgers & traux de la guerre venans ceste
part pour les acquerir. Parquoy treshaut &
trespuissant Seigneur, c'est à toy à no^r cō-
mander, c'est à toy à nous renger & poser
en lieu ou nous puissions nostre iuste de-
sir & vengeance executer. Ce dit, le Roy
de Casan se rasseit en sa place.

*Harangue de Monleon Roy de Casan, au 13
liure, chap. 27.*

GRand Monarque, & vous autres
hauts & puissans Rois, bien sauez
tous les grans outrages que moy
& ceux de mon lignage auons par tant de
fois recens de ces faux Chrestiens, sans en
auoir iamais peu prendre aucune venge-
ance. Aussi voyez vous la grande perte
que nous y souffrōs de nos gens en toutes
nos batailles & rencontres. Pour ce ie se-

rois d'aduis de leur enuoyer demander trefues pour quatre jours. Durant lesquelles j'entens avec Mondragon mon cousin deffier deux Cheualiers Gregeois s'il s'en trouue de si hardis qui l'osent accepter.

Harangue du Nain de Bulthazar à l'Empereur de Constantinople, au treziesme liure, chapitre 27.

LE grand Roy de Russie Bulthazar que nos Dieux sauuent & gaident Empereur de Constantinople & de Trebisonde, & Roy de tous les Royaumes Chrestiens vous mande par moy qu'il vous veut prolonger vos vies de quatre jours : pour ce vous veut donner autant de jours de trefue si vous les acceptez.

Pour certitude dequoy lisez la presente.

Cartel de Monlecon le grand & Mondragon le layd, au 13. liure, chap 27.

LE grand Geant Monlecon nouveau Roy de Caçan, & Mondragon son cousin : à tous les Capitaines, Cheualiers de Constantinople, mandons que s'il y a quelqu'un d'eux si hardy & presumptueux d'oser entrer contre nous en combat singulier tant sur la querelle de nos dieux que des outrages par eux faits & commis à nostre lignage, ils nous trouueront demain pres de la porte à la veüe
de

de leur ville & de nostre camp prests à les recevoir, sous les feuretez de la trefue entre le grand Monarque Bulthazar & eux accordée.

Harangue de Bulthazar, pour le desplayoir de la mort des deux geans, au treziemesme liure chapitre 29.

HAuts & puissans seigneurs ne vous esbahissez trop, ne laissez espouvanter vos braues courages, de voir nos ennemis estre ainsi eschappez par deux fois de nos mains. Car souuent les Dieux immortels permettent les hommes s'esleuer pour leur plus grande cheute & ruine. Et nous sommes tant & tels qu'il n'est possible à eux de plus gueres durer contre nous. La fortune ayde aux hardis & les couards recule. Quant à moy je vous jure par nos grands Dieux Iupin, Apollon, Teruagant, de ne vouloir jamais retourner en Russie, ainçois de demeurer en la Grece ou mort ou dominateur d'icelle. Or à ce que ces Gregeois cognoissent le peu de compte que nous faisons d'eux, je suis d'auis de leur enuoyer vn deffy (tandis que les trefues durent) de vingt des nostres cōtre vingt des leurs, afin de les diminuer tousiours d'autant, mesmemēt de leurs chefs principaux qui

ne failliront de s'y hazarder, lesquels estās deconfis, nous aurons marché du reste comme de paille. En laquelle entreprise (comme j'ay esté authcur de la guerre) aussi veux-je le premier employer ma personne.

Cartel du Roy de Russie.

BVLazar Roy de Russie, Empereur de Grece, de Trebisōde, de Rome, Roy de la Gaule, grand^r Bretaine & de Rhodes, brief, Monarque vniuersel du monde. A vous Princes Constantinopolitains. Pour mettre à execution l'obligation dont à mon haut sang suis redeuable, de la vengeance que j'ay à prendre sur vos testes par ma trenchante espée, pour les torts & outrages que moy & les miens, auōs de vous receu par la permission des dieux du haut ciel (qui maintenant en sont ennuyez, ne les voulant plus souffrir ains vous en faire payer l'vsure) Je vous deffie & denonce vn combat mortel à ou trance, de vingt de nous contre vingt de vous autres. Lequel si vous oseza ccepter je proteste de toute seureté de la part de moy & des miens: quant à l'election des armes, telles que chascun voudra choisir, le camp de bataille, deuant ceste cité: le jour à vostre discretion.

Ref-

*Responce de l'Empereur Amadis de Grece
au Cartel.*

A Madis de Grece Prince des deux
Empirez de Gaule & de la grand^e
Bretaigne, &c. Au nom des Prin-
ces Cōstantinopolitains: A toy Bulthazar
Roy de Russie simplement.

Nous te faisons responce à la clause de
ton cartel, contenant que nous t'auons
fait tort & outrage à toy & aux tiens, que
nous ne t'en auons oncques pourchassé,
ains soustenu seulement tes assaux iniu-
stes & iniques contre nos Princes ou Prin-
cesses Chrestiennes, en te chastiant sur les
termes de nostre defence de ta temerité,
peruersité & outrecuidance: vices & cri-
mes qui te sont hereditaires descendans
en toy de droitte ligne de ce faux Roy
Breon ton pere. Quant aux menaces que
tu nous fais tant de tes dieux (qui sont
vrais diables) que des chefs principaux
de ton armée, nous te respondons, que
bien sçauons qu'ils sont ennuyez de nous
comme aussi nostre Souuerain Dieu du
ciel l'est de toy & des tiens, t'ayant cy a-
mené ce coup pour y receuoir le dernier
guerdon de tous tes demerites. Quant à
ta personne & des Seigneurs tes alliez ou
vassaux, Florisel mon fils t'y respondra de
son espée, laquelle tu dois bien sçauoir à

qu'ils ont commises & commettent journellement contre nous & les nostres. Si non, que nous y deuons payer le pris de nos vies à la renommée en despit de force & puissance.

Harangue du Roy de Tartarie, au treziesme liure, chap. 31.

LE propos que nous venez de tenir Roy souuerain, est certainement plein de toute bonté & raison à l'exécution duquel outre la droiture commune de justice tendant à punition des malfaiteurs, je me sens particulièrement redevable, d'autant que j'ay perdu en ce champ mesme deuant ceste cité de Constantinople mon propre pere Roy auant moy de Tartarie, quand le Roy Armat de Perse la vint assieger, comme nous faisons à present. Et y demurerent pareillemēt plusieurs autres grands Seigneurs de mon lignage aussi bien que du vostre. Pour la vengeance desquels nous sommes icy transportez avecques toutes nos forces, ne faisant moindre armée que celle que autresfois le grand Xerxes amena semblablement en la Grece qui tarissoit les grandes Riuieres, & avecq' aussi juste cause de guerre que les Gregeois au contraire eurent jadis à assieger en Asie Troye la grande. Quant à moy, je jure &

pour mettre vne derniere fin à nostre entreprife, & faire cognoistre à laquelle le droit & la justice enclinent, je vous denonce bataille mortelle d'ost contre ost, dans quatre jours apres la presente, si vous l'osez accepter, donnant en ce cas pouuoir à mon Nain de la signer & souscrire.

Cartel du Geant Astroband, &c. Au 13. liure, chapitre 37.

IE Altroband le Geant, Roy de Tartarie majeur & mineur, & des autres Prouinces adiacentes, doué par les dieux de haute stature, & vertu plus que humaine: A vous Amadis de Gaule, Roy de la grand' Bretaigne, & à vous Amadis de Grece, Florisel de Niquée, Je vous fais à sçauoir, que l'obligatiō de parenté dont j'attains en prochains degré à Furio Cornelio, occis malheureusement de ta main m'a induit à me trāsporter en Grece, pour venger le iuste sang de luy par toy espan du, à la satisfaction de nostre illustre lignage, s'il y a en toy tant de hardiesse que tu oses entrer en combat de ta personne à la mienne, & ses deux autres de ta race contre deux de la nostre: te donnant seureté de ta vie, de tous autres de nostre camp fors que de moy qui pretends ta mort pour accroistre mes louanges par aijonction des tiennes, si les miennes peu-

X 7

uent

uent receuoir accroissement. Le iour soit demain au matin, le champ & les armes à ton election, les iuges de ma part seront la Roine Galpendre & la fleur de beauté Pentasilée sa fille.

Cartel responsif des Princes Grecs, au Roy Bulthazar, au 13. liure, chap. 37.

LEs souuerains Princes de Grece & les autres Seigneurs & Barons Chrestiens assemblez à Constantinople: A toy Bulthazar Roy de Russie seulemēt: Salut, afin que puisses receuoir le payement que tes œuures meritent.

Vn cartel nous a esté apporté de ta part, plein de parolles fieres & outrageuses de ton style ordinaire, par lequel tu nous veux faire entendre vne force en toy, plus que ne portent tes propres bras. Aussi nous trouuons estrange que vueillez estaindre le feu tant embrasé de ton ambition & conuoitise, par le sacrifice du sang innocent de tes vassaux & alliez: car raison veut que chacun porte son fardeau, aussi ne doiuent estre exposez au danger, ceux qui n'en tiennent point de coulpe. Toutesfois puis qu'ainsi tu le veux, nous acceptons la bataille, &c.

Cartel responsif du Roy Amadis de Gaule, Ec. Au Roy de Tartarie Astrobant, Ec. au 13 liure, chap. 37.

Ama-

A Madis de Gaule, Roy de la grande Bretagne, Amadis de Grece Empereur de Trebizöde, Florisel Prince des deux Royaumes de Gaule & Bretagne, A toy Astroban Roy de Tartarie. Tu fondes tes menaces à tort sur la mort de Furio Cornelio ton parent, qui a esté occis par nous de bonne guerre. Quant aux gloires que tu r'attribues si grandes, nous sommes contens de les croire, pour les ajoindre au peu des nostres par la victoire que nous esperons en Dieu d'obtenir sur toy & tes freres tant valeureux. Le combat nouz acceptons, au jour que tu assignes, avec telles armes que bõ vous semblera, le camp soit entre les deux armées, Pour juge de nostre part nous nommons la Roynie Alastraxerée comme sortable compagnie à vos Roynes.

Deuis de la belle Pentasilée, avec la Roynie Alastraxerée. Au livre 13. chap. 38.

O Dieux Souuerains, de quelle bonté auez voulu douer ce vaillät Roy & tous ceux de son lignage? qu'il semble qu'ayez mis en eux toutes les gloires de prouësse sans m'en laisser plus aucune que je puisse conquerir. Parquoy je jure par vostre deüté que je ne receuray jamais l'ordre de cheualerie d'autre main, que de ce gräd Roy s'il peut eschapper de
ce com-

ce combat. A quoy respondit Alastraxerée. Sans point de faute ma dame, vous auez bien raison en la loüange que vous proferez de ceste illustre race: en laquelle gist vrayement toute la bonté du monde. Et est leur alliâce dequoy je me tiens plus fiere & contente que quand je m'estimois estre née de Dieu Mars mesme. Or sus, dit Pentasilée, madame, je requiers aux dieux qu'ils me permettent de faire mon premier coup d'essay de cheualerie, auec si belle & si renommée Princeſſe que vous estes: vous promettant que les premières armes que je feray, ce sera contre vous, à fin que si la fortune m'y estoit fauorable, je puisse triompher de vos glorieuses victoires: pour gage dequoy, elle luy bailla vn quartier de sa riche cotte d'armes, que Alastraxerée print, en luy disant: Belle Princeſſe je ne refuseray pas la lice comme cheualier contre celle, de la main de laquelle j'ay bien opinion qu'vn jour tous les Cheualiers du monde demeureront vaincus, doncques receuez aussi mon gage: lors luy bailla semblablement vne des manches de sa cotte d'armes.

Aduertissement de Balthazar à ses Capitaines, au liure 13. chap. 39.

Et

ET bien mes amis, la fortune a desia par plusieurs fois fauorisé nos ennemis en quelques rencontres, c'est à nous maintenāt qu'elle doit mōstrer son bō visage & bōne chere, puis q son naturel est d'estre tousiours incōstante & mua ble. Il ne nous faut pas comme les mau uais iōeurs (qui ne sauent pas attendre le tour de sa rouë) nous retirer sur nostre perte. Elle ayde volontiers aux plus har dis : Sus, sus, reprenons cœur & hardiesse, en considerant les vers de nostre Poëte an cien, parlant d'elle.

Fortune la fausse traistresse

L'homme ore chatouille ore blesse

A sa dextre pleine d'orgueil,

Voulut les humains mettre en dueil.

Plus soudainement les surprend,

Que le flot de mer ne s'estend,

D'un tour de main baisse & sublime,

Que le plus bas monte à la cime.

Et au dessus vient le plus haut.

Ne de leurs pleurs rien ne luy chaut,

Et quand plus ont douleur & ire,

Soudain en ioye les attire.

Son plaisir est qu'en peu d'espace,

Le plus heùreux le chetif passe.

Voila mes freres & compagnons disoit le Roy de Russie, la complexion de dame Fortune, que nous faisons deesse à bon

droit: d'autant qu'elle gouuerne toutes les choses humaines, & sur tout domine principalement en la guerre. Parquoy souuent m'auez ouy dire quand quelque Seigneur estrangier m'enqueroit de quelques miens colonels, Capitaines ou Cheualiers de nom, qui ils estoient, que c'estoit tel qui auoit fort bien fait en vne telle bataille, ou tel qui auoit bien defendu & gar té vne telle place, dequoy s'esbahissoit l'estrangier de ma parolle, à ne les blasonner generalemēt preux & vaillans. A quoy je leur respondois que quand vn Cheualier void ce qu'il ne veid oncques, souuent fait ce qu'il ne fit oncques. Puis la fortune se fourre pamy nos actions & deportemens aujourd'huy mere demain marastre.

Reprenons nos esprits (compagnons) ce qui est aduenü de malheur en nos derniers combats, est procedé de la folle ou-trecuidance d'aucuns de nous, qui cuidoient la vertu estre mesurée à l'aune, & deuoient estre assez aduertis par les conflits precedens, de la dexterité de ces emerillons Grecs qui volent quand les autres marchent. Il n'est (dit-on) si bon qui ne faille: & leur deuons fauoir bon gré sinō de ce qu'ils y ont fait, au moins de ce qu'ils y ont voulu faire, comme la bonne volenté

lonté en maintes choses est reputée pour le fait. Aufquels il dit d'auantage, qu'il ne pouuoit desguiser ne vouloir le des- plaisir qu'il sentoit au cœur, de la mort de leurs cheualiers auenue en quelques combats les jours passez cōtre les Princes Grecs : mais que c'estoit peu de chose & non digne a en faire grād cōpte & moins à s'en estōner. Car à la vente assez auoyēt fait de preuues de la haute cheualerie qui estoit en eux, sans laquelle aussi il n'y eust pas adressé ses armes : d'autāt que le los & honneur ne se peut acquerir contre les lasches & recreus, ains seulemēt ou florit la renommée. Lesquels Princes (comme tous sauuet) sont en fort petit nombre & desia, sinon mors, au moins tant affligez & debilitiez du long travail de ceste guer- re & des playes qu'ils y ont receues sur leurs corps, qu'ils ne sont plus que demys de ce qu'ils ont esté. Mais qu'il a mainte- nant auisé avecques les bons Rois & seig- neurs de l'ost de donner vne plaine batail- le à outrance, en laquelle ils se doyuent assseurer d'obtenir indubitabliment la vi- ctoire, tant par le nombre dont encore ils les surmontent de beaucoup, que par leur corpulence & force de bras.

Là vous serez trente ou quarante à com- battre conre yn, la en estour pressé, leur adref-

adresse & legereté n'aura point de lieu. Pource donnez bon ordre : tant capitaines que soldats à tout vostre appareil & suyuez courageusement vos enseignes, esperant ce coup la bonne grace de la fortune veritable apres tant de rudesse. Suyuez nous de tel cœur que nous vous conduirons en marchant les premiers pour vous rompre les rāgs & vous faire pauois de nos personnes: Quoy faisant, vous pouvez tenir la bataille gagnée.

Harangue de la Roync Calpendre au Roy Bulthazar, au liure 13. chap. 39.

SOuucrain Roy de Ruffie & vous autres Rois & grands Seigneurs le secours vous est notoire que j'ay icy amené en vostre faueur : combien que ne vous en soiez encore gueres serui pour le peu de besoin qui vous en estoit. Maintenant nous auons à demesler quelques choses avecques les Princes Gregeois que ne pouuons faire commodement ne voulons attenter qu'avec vostre bō congé & vouloir : vous priant à ceste fin qu'il vous plaise nous ottroyer vn faufconduit pour seurement avec eux negocier. A tant elle se teut: & le Roy Bulthazar se leuant du bout, puis se rassayant print la parolle.

Responce du Roy Bulthazar, la mesme.

Tref

TResnoble & vertueuse Roine, nous confessons à bon droit vous estre tous grandement redevables du secours que vous avez donné, tant pour l'exaucement de la majesté de nos Dieux, que pour accroissement de vostre gloire & reputation immortelle: dequoy vous rendons graces: & le recognoissons tous perpetuellemēt tant en general qu'en particulier quand vous voudriez requerir le nostre. Quant au saufconduit vous l'avez de vostre pouuoir mesme, & en tant que desirez le nostre, il vous est volontiers accordé.

Lettre de la Princesse Pentasilée au Roy Amadis de Gaule, au liure 13. chap. 39.

Pentasilée Princesse de tous les mons qui circuient l'Inde ensemble de toutes les marches que la riuiera de Ganges de ses sept bras arrose. A vous treshaut & trespuissant Prince Amadis Roy de la grand Bretaigne, &c. Salut avec accroissance de toute prosperité & louange si vos nompareilles Cheualeries en peuuent recevoir. Sachez que l'incomparable renommée de vos genereux & magnanimes faits paruenue jusques à nostre lointaine contrée nous a transportées jusques à la vostre, pour en prendre le témoignage oculaire, lequel nous en auons desia

desia prins à nostre grande admiration & contentement. Or ne pouuant iouir de la gloire de vos gestes illustres, desquels le triomphe n'a esté permis à nul mortel, au moins espere-je iour d'un bien que selon vostre grandeur ne me pouuez denier qui eût de recevoir de vostre tant excellence main l'ordre de Cheualerie en assemblée de telle centaine de Rois.

Deuis d'Andrisée avec Pentasilée & Calpendre, tou hant la beauté & vertu des Princes Grecs, au 13. liure, chap. 39.

ET biē Andrisée, que te semble de ces Princes Grecs & des Princesses, car bien croyons que tu les ayes veuës. Je pense mes Dames, respondit que les Dieux ayent contribué tous leurs dons & graces en eux & elles pour exhiber en ce monde des patrons souuerains de toute perfection humaine, O mes Dames, ce n'est rien de tout ce que nous auons iamais veu sur terre à comparaison de l'excellence de celle cour, tant y a de beau & bien aduenās Cheualiers, tant de belles (ie di) tresbelles Dames que ce ne semble pas vne court ains vn rray Paradis & assemblée des Dieux & Deesses. Ha mes Dames ce n'a rien esté à vous de les auoir choisies de loing comme de vostre eschaufautés creneaux de leur tour, quand vous estiez

ces iours ci iuges du camp, ce sont choses à voir & contempler de pres pour y asseoir vray iugement.

Lettre respondue du Roy Amadis à la Princesse Pentasilée, au liure 13. chap. 34.

A Madis de Gaule Roy de la grande Bretagne &c. A vous tresillustre, tres-vertueuse & tres-belle Dame Pentasilée Princesse d'Inde & de tout l'enclos du grād fleuve Ganges salut. La gloire que par vostre lettre vous attribuez à mes faites d'armes, si j'y consens aucunement, ce sera à raison de l'hōnorable main dōt elle viēt, qui tāt aime & reuerse la vertu q̄ pour petite quelle soit elle l'exalte iusq̄s au ciel. Mais celles qu'en peuuēt estre mes œures elles reçoivent leur iuste estimatiō d'estre acceptées & tenues de vous pour agreables. Au surplus, quant à l'ordre de Cheualerie que desirez receuoir de main, ie le tiens à grand heur & honneur en esperance de conuoir des triumphes, qui par vos mains seront conquis. Ce qui sera par moy accompli tresuolentiers au premier iour qu'il vous plaira: mais avecques peu de seureté pour nous de vostre beauté souueraine.

Joyeux propos du Roy Amadis avec la belle Pentasilée, au liure, 13. chap. 40.

Ma

MAdame, je ne sçay si nous vous de
uons remercier de l'honneur que
nous faites, de vous transporter
vers nous, ou plustost nous en plaindre &
douloir : dequoy Pentasilee luy enquerât
la raison. Parce (respondit) que je crains
que ce soit vne menée de trahison du Roi
Bulthazar, lequel cognoissant de ne nous
pouuoir vaincre & subiuguer par force
d'armes, nous ont dit ceste trame pour
nous dompter par vostre exquisite beauté.
De laquelle je ne sçay comme l'ardeur de
la jeunesse de nos Princes ne s'embrasera
viuement quand je sens par elles attiser
en moy les reliques des petites flamme-
ches que l'aage me peut auoir laissées.
Ainsi sembleroit que le Roy de Russie
nous brasseroit ceste ruse semblable à cel-
le des antiques Grecs en l'inuention de
leur cheual de bois, par lequel ils prindrēt
Troye. A quoy la belle Princesse en souf-
riant respondit, qu'elle en premier lieu ne
desiroit pas la ruine & destructiō de ceux
à qui elle s'adressoit si volontairement.
Quant à sa beauté que si haut il loüoit,
qu'ils ne l'auoyent à craindre en la cité
ou ils estoient parties de trop plus belles
qu'elle, selon le rapport de sa messagere.
A! dit le Roy alors, vostre discretion & e-
loquence empennent terriblemēt les fleches
de vo-

de vostre beauté dont vous representez icy ce Dieu Cupidon naurer les Rois & Empereurs, de sorte que nous tomberiôs encore de sieure en chaut mal, & ne doutons point que ne dressiez tels trophées de nos despouilles.

Cartel du Calife de Noy, &c. à la Royne Calpendre, &c. Au liure 13. chap. 42.

VAlendos grand Calife de Noy naguères créé, par la succession de mon Roial frere assassiné mal-heureusement en la cāpagne Gregeoise. A toy Calpendre iniuste detentrice de la courōne des Montagnes d'Inde & des ruisseaux de Ganges. Le sang fraternel espandu par les traistres Grecs dont tu t'es nouvellement accointée, jour & nuit me crie vengeance, & à ses autres proches parés. Mais la cōmune cause de la loy de nos Dieux, que tu as vendue & ta foy que tu as violée & mentie & ta fille semblablement, nous irritent particulierement contre toy & elle, à vous faire cherement comparer ceste detestable infidelité, de vous joindre à nos aduersaires, & de laisser le secours, duquel à nos Dieux estes redeuables. Ce que pas ne fit la vaillante Pentasilée venue à l'ayde des Troyens, de laquelle ta fille est indigne de porter le nom, pour ses œuvres contraires au renom de celle de

Y

le de qui le los dure & durera par le mode en perpetuelle memoire. Pourtant ie dy que vous deux auez commis acte de trahison & desloyauté, ce que ie maintiendray avecques mes deux hardis cousins Balart & Baluerd contre vous deux & tel Cheualier que voudrez choisir. Le camp sera entre les deux osts, le iour, à demain à la Diane, avec armes vsitées: la seurété vous porte ce Cheualier de nostre part si vous luy en osez deliurer de la vostre.

Responce de Calpendre Esc. Au cartel de Valendos Calyse de Noy, Esc. au treziesme liure, chapitre 42.

CAlpendre & Pentafilée Roines de Inde la maieur avec tous les hauts monts qui l'ombragent & les sept bras du fleuve Ganges qui l'arousent. A toy Calife de Noy. J'ay veu ton cartel injurieux & diffamatoire par lequel tu taxes iniquement l'honneur de moy & de ma fille: auquel ie ne responderay autrement sinon que i'en espere prédre, bone & briefue vengeance, & telle que ton outrage geantal m'exige, & que ie dois à l'estat que ie tiens, Je ne m'estaindray en plus ample langage, remettât à celuy que ie m'attens de t'escrire de la plume de mon espée mouillée en ton sang. Le iour soit
&c

& le camp comme tu veux. Les seuretez
ne defailleront point.

*Harague du Roy Balthazar à son armée. au
livre, 13. chap. 44.*

PAs n'estes ignorans Seigneurs, Barons
mes vassaux & amis, de la iuste occa-
sion qui nous à incitez d'abandon-
ner nos maisons, femmes & enfans, nostre
repo. & aise pour nous transporter en re-
gion si lointaine à grād trauail & dāger de
nos personnes. Car l'entreprise est meue
pour la reuerence & exaltation de nos
dieux, tant de fois offencez par ces chiens
mastins Chrestiens, bruleurs incendiaires
& demolisseurs de leurs temples, meur-
driers de tant de bons Monarques qui gou-
vernoyent leurs peuples. Ainsi ne deuōs
nous deffier du succez de la querelle quā
est certainement soustenue par leurs dei-
tez, outre la puissance & vertu qui gist en
nos bras & nos courages. Et si le point
d'honneur les esguillonne en vous, cōme
en rend tesmoignage le hazard ordinaire
auquel si volontairement vous exposez
vos vies, ne doutez de l'acquérir icy le pl^r
grand & plus ample qu'onques acquiēt
vos ancestres, d'autant qu'ils n'eurent, ia-
mais affaire à plus preux & vaillans Prin-
ces & Cheualiers qu'il y en à maintenant
d'assemblez pour leuer nostre siege, ni en
Y 2 plus

plus grand nombre par mer & par terre, ny en meilleur equippage de guerre. Afin donc que la longueur du siege, ne nous rende mats & harassez nous & nos monstres, sans plus nous amuser & abuser à legeres escarmouches, n'y à ses combats singuliers, jettons le dé, couchons à ce coup de nostre reste, sans tant marchander, & employons courageusement toutes nos forces à ruiner & exterminer ceste Chrestienté, seule contraire au sarrasinesme. Car bien appert que nos dieux l'ont déterminé en leur celeste consistoire, en aiant icy assemblé tous leur dominateurs piliers, apuis & fondemens d'icelle pour y prendre fin par nos mains tous ensemble.

Harangue du Roy Amadis de Gaule à son armée, au 13. liure, chap. 44.

LEs anciens Romains (mes freres, enfans, & amis) ont acheué en leur temps des gestes fort genereux & memorables, non à autre fin que pour acquerir los & renommée immortelle en ce monde, ne se promettant rien en l'autre d'aucune autre immortalité. Ce qui meut Muce Scevola à sacrifier sa main au brasier ardent, au moyen dequoy il deliura sa ville du siege du Roy Porsena: ce qui meut pareillement Curce leur cheualier

lier à se lancer dans l'abyssine pestilencieux, pour laisser perpetuelle memoire de soy à la posterité. Mais Annibal au contraire les vainquit & batit maintefois sur la juste querelle qu'il auoit contr'eux de l'vsurpation par eux attentée sur son pays de Cartage : car lors les precipitoit l'auarice trop plus indigne de tout noble cœur que n'est la conuoitise de la gloire. Ce qui nous sert d'exemple presentement touchant l'entreprise de Bulthazar & des siens contre nous, qui n'est autre en ce siege que pour nous priuer de nos estats & s'en emparer, nous tollir les vies, à nos femmes & enfans par leur cruauté barbare, comme ils auoyent n'aguères commencé à executer, à la surprise de nostre ville, si la disgrâce ne fust auenuë la nuit, qui garantit vne partie du peuple par fuite & latitation sous la faueur des tenebres. Or nous a-il (comme chacun sçait) desia grandement trauaillé & affligé par ce miserable & calamiteux siege, maintenant Dieu permet qu'il nous presente vne generale bataille sans plus nous miner & consumer en longueur & langueur. Quelques voix m'ont esté raportées espondues par la ville, d'aucuns qui disoyent estre plus seur de se tenir sous l'enclos des murailles nous estans en plus petit nombre

qu'eux avec quelques autres legeres raisons. Mais ils ne sçauent pas ce qui est reserué à nostre cognoissance que sommes contraincts de publier & manifester maintenant, que les munitions de guerre commencent à nous defaillir, & que la region ne sçauroit plus nourrir & alimenter longuement ceste multitude infinie amassée icy des deux costez. Pource ont ceux-là à changer d'opinion, laquelle toutefois j'estime estre plus conceuë en eux par esgard de ne hazarder temerairement les choses que par autre peur ou timidité de combattre. Si considerent ores avecques moy la justice & equité de nostre cause, qui est la conseruation de l'honneur de nostre Dieu, la protection de toute la chrestienté, brief la deffense de nos propres personnes, de nos familles, biens & possessions. C'est en luy que nous fondons nostre confiance, qui a miraculeusement soustenu jusques icy de sa main diuine vne petite poignée que nous estions (auant ce bon secours) contre ce nombre infiny de payens. C'est luy qui a resisté pour nous contre telles forces des plus puissans Monarques & potentats de toute payennerie liguez & vnis ensemble. Bien il a fait paroistre sur nous sa debonnaireté & clemence, quand à la prise recente

cente de nostre ville il nous a aucunemēt
visitez & chastiez sans auoir voulu acca-
bler du tout , pour nous monstrer à ne
nous glorifier trop en la force de nos
bras . Il se monstre bon pere qui chastie
de la verge , non pas juge seuer par pu-
nition & supplice. Depuis il nous a en-
uoyé à point nommé secours de ces bons
Rois & Princes , depuis il a rengé vers
nous en nous fortifiant grandement l'il-
lustre Royne Calpendre, & la tres-belle &
tresuertueuse Princeesse Pentasilée sa fille,
& affoiblissant d'autant nos aduersaires.
Ce qui nous doit asscuer qu'il nous veut
à la fin tant assister que de nous don-
ner sur nos ennemis yne victoire abso-
luë.

*Propos amoureux de Florisel & de la Royne
Sidonie, au 13. liure, chap. 48.*

Sil vous auez oncques receu madame,
quelque seruice de vostre Morayzel,
qui vous ait esté agreable, serue main-
tenant enuers vous, à vous tirer à compas-
sion de la mortelle douleur que je souffre
sinon, faites de moy le sacrifice qu'autres
fois auiez ordonné. O Agefilan , que
mieux m'eust valu que tu eusses par ta
force extreme accompli sur moy le don
que tu luy auois promis, que par yne fein-
te l'auoir pratiqué à mon plus grief dom-
mage

dommage. O vie pour plus grande mort,
O mort pour plus grande vie, O mort re-
tardée pour plus l'accroistre, mort plan-
che (si tu fusses venue) de meilleure vie.

Cecy proferoit Florisel avec tant de lar-
mes qu'il n'en faisoit pas moins distiller
des yeux de Sidonie, qui tournoyent à el-
le en allegance. Dont elle luy commen-
ça à respondre à Morayzel (à micux dire)
Florisel infracteur & violateur des anti-
ques loix de mon Royaume, & plus en-
core de celles de mon honneur, comme
requerez vous misericorde & pitié, dont
n'avez pas vsé vous mesme: cōme voulez
vous q̄ je vueille ce q̄ ie ne puis & ne dois?
Car ne la loy de mon honnesteté ne vostre
grauité royalle ne peuuēt permettre à Flo-
risel ce que Morayzel refusa à Sidonie:
joinct que la memoyre de la Princesse He-
lene ne doit estre en vous sï tost estainte &
ie ne dois octroyer selon ma grandeur tel-
le faueur à moindre titre que de mariage:
ce que quand bien ie voudrois, ne pour-
roit estre, les Dieux en separans, le pou-
voir de la volonté. Vous deuez auoir es-
gard (disoit Florisel) que quand vous
eussiez voulu vous conuertir à nostre loy
pour paruenir au lyen de vray mariage, ie
n'en auois pas lors la puissance du viuant
d'Helene ma femme. Parquoy ie vous
sup

supplie madame d'auoir pitié de vostre Florisel & que ce qu'il ne pouuoit alors accomplir vous l'acceptez maintenāt que le moiē y est, sans aucun destourbier & empeschement de le pouuoir faire. Et en signal de ce, me baillez à baiservos blanches & delicates mains. A a Florisel (respond elle) que les Dieux vous ont doué de grande sagesse aussi bien que de beauté. Mais quant au point de mariage, puis qu'ils ne me l'ont permis au temps de nostre premiere accointance, ie me tiens plus glorieuse & heureuse d'estre vostre maistresse par celle obligation dont vous m'estes redeuable, que d'estre vostre legitime espouse : en tesmoignage de quoy ie vous tends les mains, & les porte iusques à la bouche de celuy qui les baise par grand amour.

Propos amoureux de Rogel avec la Princesse Leonide, au 13 liure, chap. 48.

MA treschere Dame, si ie vous pouuois demōstrer le moins du plus que ie sens, ie me reputerois le plus heureux de tous les viuans : mais he-las, ie souffre trop pour bien le sçauoir dire, ie meurs à faute de remede : vostre beauté & bonne grace m'attire, mon malheur me recule, amour me combat,

vostre froideur y resiste. Las les assauts s'es-
 tudes contre moy ou ie ne puis parer que
 du bouclier de vostre pitié & mercy: de la-
 quelle ie vous supplie d'vser enuers moy
 m'acceptant pour vostre loyal espoux: au-
 trement ces derniers traits de ma plainte
 seront comme le dernier doux chant du
 cygne annonceur de sa mort. Vous n'avez
 pas cause (respond Leonide) de vous
 plaindre mon seigneur & mon amy Ro-
 gel car ie ne souffre pas moins que vous,
 ie ne resiste pas moins aux alarmes de mō
 desir, ie sens autant vostre mal que le mien
 propre. Et puis que me requerez à tel
 titre d'honnesteté, ie m'offre à vous pre-
 sentement pour vostre parfaite amye &
 vraye espouse.

*Propos de Rogel à la Princesse Siderée, au
 treizieme liure, chap. 53.*

Prenez (madame) la vengeance du
 crime que ie puis auoir commis en
 vostre endroit, immolez ma teste si
 bon vous semble pour victime à vostre
 honneur. Aussi bien si vous n'appaisez vo-
 stre ire contre moy, ma main propre en
 fera l'office. Que voulez madame, que ie
 fusse en tel feu sans eschauffer? s'il y a eu
 de la force, le premier effort vient de vo-
 stre beauté. Estre en lieu si priué par vo-
 stre grace sans s'esmouuoir de tel obiet,
 il

Il faudroit estre vn marbre froid & insensible : tels mouuemens ne sont en la puissance d'homme charnel. Alquif mesme n'y feroit rien sur moy à m'y rendre impotent en tel endroit avecques tous ses sortileges & malefices.

Misusue de Fusilee Roine de Galdap au Prince Rogel de Grece, au treziesme liure, chapitre 56.

IAy beaucoup pensé & contrepensé Prince Rogel auant que vous auoies traissé ce petit mot d'escriit si ie le deuoy faire ou non. D'un costé ie considérois que c'estoit autant de peine perdue, par ce que peu feroit de compte d'une lettre, qui en faisoit si peu de la personne. D'autre costé que la perte à tout le moins n'en seroit pas grande, bien pouuāt auenturer ce trait de plume, celle qui auoit exposé son honneur (trop plus cher que la vie) en proye d'un traistre & desloyal tel que vous estes. Car qui eust esté la Dame voyant tant de prouësse & de vertu en vn Cheualier, qui se fust deffiée d'y trouuer aucun point de trahison ne desloyauté? Les loix de l'ordre des cheualiers errans que l'on celebre tant par le monde (desquels vous vsurpez le nom) qui s'vlsitent tant en la grand Bretaigne, qu'au pays de Grece & de France, leur recommandant

apres Dieu, leur Roy & leur Region, sur tout l'honneur des Dames, à soustenir leurs querelles, à les conduire par mons & vaux au hazard de leurs vies, à ne les ofenser n'y outrager, n'y vser d'aucune violence, (jaçoit qu'ils les eussent conquises par armes) sans leur gré & consentement & que quiconque feroit autrement, il seroit degarde de l'ordre. Comme auez vous pratique(Rogel) ceste Loy & vſance en mon endroit? Vous m'auez trouuée avecques la Roine Sydonie es prisons d'un Geant, vous nous en auez deliurées, de quoy je ne desauouë quelque obligation combiē que vous l'ayez fait en faueur de la Royne de Guindaye que vous cognoissiez, & qui attouchoit de si pres à vostre propre pere, que l'effet recent des fiançailles demonstre. Ce n'a pas esté pour l'amour de moy que vous ne cognoissiez pas, que vous y estes employé & trauaillé que incidemment. Et moy qui n'estant point de cœur ingrat, vous en sçauois autant de gré que si vous eussiez tout entrepris pour ma deliurance, vous ay tant porté d'amitié que sur le voile de feintise & simulatiō de la vostre simple femme (trop gracieuse & debōnaire) j'ai passé borne. En quoy je m'armeroīs neātmoins de patience cōme en chose faite qui est de for
mais

Mais irreuocable, si c'estoit cōme du vol d'un oyseau par l'air, d'un poisson ou vaisseau par l'onde, d'un serpent passant par dessus la pierre, sans qu'il en restast trace ne vestige qui portast tesmoignage de vostre outrage, & de mon abus & illusion. Mais helas, les marques en restēt trop grādes, estant demeurée enceinte, dōt tost ou tard sortira le fait en euidence à ma grande hōte & confusion. Celles à qui priuement je m'en suis degorgée, me cōseillent vn brief & leger remede, à faire estaindre le fruit de si mauuaise semēce (cet œuf de si mauuais corbeau) par certaines herbes & autres remedes. Mais le franc cœur qui m'a rendue tant pitoyable enuers le pere, que je voyois nauré au lit en partie pour ma cause, qui se disoit trop plus oppressé au cœur, de maladie qui estoit incurable, sans le secours procedāt de ma main, qui se faignoit n'attendre plus que l'heure de sa mort si je n'y appliquois medecine. Ceste mesme pitié dont j'ay trop vsé enuers le pere, je ne l'espargneray pas à l'endroit du fils innocent & inculpable, non pas pour l'amour de toy (faux Prince, abuseur de Dames) qui ne merites non plus d'amour que tu en portes : mais pour la part q' i'y ay, par laquelle j'espere la vègeance de la tiēne. Car je mettray toute peine

& soin à si bien l'esleuer, nourrir & faire instruire & duiue aux armes (ja asseurée par signes certains estre vn masle) qu'il se pourra vn jour ressentir de l'outrage fait à sa dolente mere, & en faire repareir l'offence à toy ou aux tiens. Je ne me plains pas que tu m'ayes apres telle démonstrance d'amitié abandonnée, pour les excuses que tu peux prendre sur la guerre de Grece : mais de ce que tu as reconduit l'armée de Perse, plustost que la mienne que je n'y auois enuoyée qu'à ta faueur, le Soudan y ayant enuoyé la sienne à la requeste du Roy Anaxartes & d'Alastraxerée sa soeur ses anciēns amis. Je ne me plaïs d'auantage que tu y es allé visiter sa niece Sydere que tu auois si long temps accompagnée par mer & par terre, par forests & campagnes, dedaignant Fusilée de qui tu auois desia receu telles arres de vraye amour. Je me plains outre cela des fiançailles ja contractées avecques Leonide, m'ayant ainsi deshonorée & chargée d'un bastard, qui meritois bien autāt qu'elle (soit en quelque grace de la personne, dont Dieu ne m'a moins doüée, soit en estats & Seigneuries que je tiens plus grādes & riches qu'elle) d'auoir eu ta compagnie legitime. Surquoy je ne sçay si je puis esperer de toy quelque responce, veu que

ne la peux fonder en aucune couleur ny ombre de raison. Ainsi te traite Dieu selon ta deserte.

Lettre responsive de Rogel, la mesme.

M Adame j'ay esté bien ayse de recevoir de vos nouvelles par ce porteur, pour la bonne disposition, en quoy vous estes au double, tant de vostre personne que de celle qui est créé & croist en vous. A laquelle je vous assure de me faire vn jour cognoistre tel que je suis & dois estre. Mais j'ay esté ensemble fort marry & troublée de la grande colere, en laquelle vous y entrez contre celuy qui n'eut jamais & n'aura autre volonté que de vous servir & obeir. Car je ne voy point que vous en ayez aucune juste occasion, sinon de quelque soupçon tel quel qui volontiers accompagne tout vray amour, dont je vous excuse ainçois que vous accuser. Vray est que j'ay esté en Perse à la requeste du Soudan qui me mandoit de vouloir accompagner sa flotte au retour, de peur de quelque enuahye des Mores, qui la pourroit assailir en sa route en hayne du secours qu'il nous auoit donné en ce siege : Si j'ay fait ce voyage volontairement ou nō, assez le pouuez vous juger par les fiançailles recētes faites aussi de l'avis ou plustost commandement de
tous

tous les Empereurs & Rois estans en Constantinople, lesquelles m'obligeoyent au bref terme des nocces: Aussi mon soudain retour porte tesmoignage du peu de sejour que i'y ay voulu faire, combien que i'en fusse assez requis par le Soudan & la Soudane, qui m'y ont fait aussi honorable recueil q̃ si i'eusse este le plus grād Monarque du monde. Quant au mariage de Leonide, il a esté (cōme ie vous ay dit, contracté entre les Roys quasi à mon desceu, ausquels ne m'a esté loysible desobeir. Au surplus ne, m'arguez point d'ingratitude, que i'estime le plus execrable de tous les vices enuers Dieu & les hommes, ne d'oubliance de vostre beauté, car plustost m'oublierois- ie moy mesme.

Quant à la legereté & inconstance dont semblez taisiblement me taxer, ie me pourrois excuser par l'exemple des plus grands Seigneurs & des meilleurs Cheualiers de la terre, & par l'attrait des beautez qui se presentent à nous en nos questes & auentures, ausquelles les plus vertueux combatans cedent, qui resistent à tous les efforts des hommes. Vous sçauiez la puissance de l'amour qui à subiugué & dompté les plus grands personages qui ayent iamais esté, & selon les poètes les Dieux mesmes. Parquoy n'exigez pas si rigou-

rigoureusement en moy ce qui se recon-
tre si rarement au Roy Amadis ou peu
d'autres, qu'il semble que ce loyal amant
soit vn fenix vnique, ou quelque monstre
qui tienne de la dureté & insensibilité
moins que humaine, comme on parle de
je ne sçai quel Philosophe Xenocrates que
la plus belle courtisane d'Athenes par ga-
geure ne sceut oncques emouuoir, disant
que c'estoit vne statue de pierre sous fi-
gure d'homme. Quant à moy je me sens
vray homme & suiet aux passions humai-
nes, principalement à celle d'amour, qui
prise vne Dame pour sa belle taille, trait,
& lineature, vne autre pour sa bonne gra-
ce & beau maintien, l'autre pour sa gen-
tillesse & sçauoir à sonner, chanter, & dan-
ser. Mais au lieu qui contient beaucoup
de merite (comme celuy dont est que-
stion) là sçay je bien arrester mon cœur,
qui y demeurera ferme & stable comme
vn rocher en mer, quoy qu'il soit batu de
uens & ondes. A quoy en vostre endroit
madame vous me mandez auoir vn gage
qui vous en doit à jamais asseurer de ma
part : vous promettant qu'à la premiere
emprise qui s'offrira je ne failliray à pren-
dre mon vol vers Galdap à la desrobée,
pour vous en passer sur le lieu vn con-
tract signé & sellé authentiquement,

vous

vous priant ce pendāt chasser dueil & en-
nuy & vous resiouyr sur ceste confiance,
que je vous jure & promets sur l'ordre q̄
j'ay receu de cheualerie, que je ne fauce-
ray pour la vie, nonobstant vos belles re-
proches du contraire. Ainsi me recom-
mande affectueusement à vostre bonne
grace, ensemble nostre petit fruit de vie,
que Dieu sauue & gard avecques vous.
De Constantinople.

Celuy qui est plus vostre
que sien R. G.

Fin du treziesme liure d'Amadis.

*Harangue du Roy Amadis aux Seigneurs,
Princes & Nobles de Grece, par laquelle il les
exhorte à faire la queste des princesses, qui leur
auoyent esté ostées par enchantement. Au qua-
torziesme liure, chapitre premier.*



Auts & vaillans Princes mes
Seigneurs, Ne vous esmer-
ueillez trop de ce qui se fait
par la Fortune, puis qu'elle
fast son office, qui est de ja-
mais ne laisser chose qui soit en ce mon-
de ferme & stable sans l'ébranler. Si ne
laisseray-je pourtant de confesser, que ce-
ste est vne des plus grandes calamitez &
angoisses qui puissent auenir en la vie.

Cc

Ce neantmoins nous ne deuons pourtāt nous desesperer, ou perdre courage, mais plustost comme bons Cheualiers deuons auiser à prouoir à ce, en telle maniere que nous pourrons, & que par genereux & vaillans Cheualiers se doit faire en tel accident & aduersité. Car en la prosperité c'est chose bien facile à vn chacun de se montrer vertueux & vaillant. I'ay bien voulu mettre cecy en auāt, par ce que puis que le dommage est déjà receu, il n'est plus question sinon d'y chercher le remede qui sera que chacun de nous incontinent se parte, l'vn par vn chemin, & l'autre par vn autre, pour faire la queste de ces Princesses, qui nous ont esté ostées. Et quant à moy j'espere que la Fortune ne nous fera si decourtoise & contraire qu'elle ne nous permette les pouoir retrouver. Pareillement il me semble bon, que les aucuns s'en voient donner ordre à leurs estats & Seigneuries.

Harangue de la Damoyselle de la Fontaine de Meduse au Prince Dom Florisel de Nizucée, luy exposant la cause de sa venue en court. Au quatorziesme liure, chap. 2.

IE ne sçay mon Seigneur, si vous me cognoissez, ou si vous vous souuenez de moy, qui suis l'infante infortunée de Medic, fille du sage Roy Tarius de Medic
qui

qui par le sçauoir que Dieu luy donna, preuent toutes choses, qui de son temps jusques à present sont auenues, & pourtant m'enchargea, qu'aucc la fontaine de Meduse qui demoura au palais pour mémoire, je m'en allasse, cherchant qui me retablirait en mon Royaume. Et me comanda en outre qu'aujourd'huy & en ceste mesme heure, je me trouuasse en ce lieu, pourtant que je vous y trouueroye tous, & au plus grand ennuy & angoisse que vous fustes en vostre vie, & me comanda que je vous deliurasse incontinent ceste lettre.

Lettre prophetique du Roy de Tarius de Medie, dont cy dessus est faite mention, présentée par l'infante Griande (qu'estoit la damoiselle de la fontaine de Meduse) aux Princes de Grece. Au quatorziesme livre, chap. 2.

LE Roy de Tarius en Medie sage & entendu aux arts, desquels la diuine bonté m'a voulu douër, ay par mon saoir preconu non seulement la perte de mon Royaume qui ensuinra, mais aussi la presente calamité, en laquelle vo^r hauts Princes vous retrouuez, qui est pour vray autant grande qu'elle pourroit estre. Parquoy vous voulant consoler par le remede que l'infante desheritée receura du Li

on Grec, j'ay laissé l'escriture presente, & croyez qu'ainsi auendra cōme je dy, que des deserts de Russie sortiront les plus grands & plus fiers dragons qu'il y ait au monde, lesquelz par vn courroux plein de rage qu'ilz auront à cause de la mort de leurs faons occis par voz mains, enuoyerōt de Russie tres puissantes armées en la campagne de Grece, pour plus grande gloire des Princes Grecs, & pour plus grande confusion & ruine des deux dragons mesmes, lesquelles voyans vne si grā de deconfiture & perte de leur gent, jetans de leurs gorges sifflemens terribles & espouantables, sortiront de leurs cauernes, & emmeneront les brebiettes innocentes, laissant en trop cruelle guerre les Maistres des arts Magiques. Laquelle guerre ne pourra jamais auoir fin iusques à tant que la vie du Lion & de l'aigneau heritier du premier nom tré-conjoins en consanguinité, estans desia les blanches brebiettes, lesquelles auoyent estez au pouoir des Dragons r'encloses, es lieux sablonneus & deserts de Libie la deserte, deliurées par les mains de celuy, qui nasquit avecques pure loyauté, & vne grande innocence du pere & de la mere, sans entiere cognoissance de qui l'ait engen-

engendré, ayant déjà vaincu les plus braves Lions du monde, qui la feront establir gardes en la compagnie du Cocq couronné, sorty des plus desertes & epouilles forests de la Gaule, & ne vous trauallez de penser desormais autrement en ce que je vous ay declare, pourtant que je vous dis vnefois pour toutes, que sous le signe des poissons en la fin de leur dernier climat vous trouuerez ce que vous cherchez.

Lamentation de l'Empereur Amadis de Grece, regrettant la perte de sa Dame Niquée. au quatorz. esme liure, chap. 12.

A Hinfortuné Amadis de Grece, & comme je croy que tes traualx ne sont pour jamais prendre fin. O Princeſſe Lucelle, & comme à present vo⁹ estes biē vengée de vostre Amadis de Grece, si ainsi est que vous auez entendu ses infortunes & desastres. O Niquée ma chere Dame & douce amye, & pourquoy ne parlez vous à moy, si vous estes encores viue, mais je ne puis croire que vous puissiez estre encore viuante, & vous trouuer seulement vne heure sans moy. O combien il eust esté meilleur, que vous Madame Niquée m'eussiez laissé en ceste solitude en l'isle deserte avec Finistée, à ce que j'eusse la fait penitence pour mes demerites, puis que la fortune me deuoit payer de

de tant de penibles trauaus. O Fortune, & comme tu te montres difficile & dure en mon endroit, fuyuant la propriété de ton nom. Mais pourquoy ne m'ostes tu ores la vie. Je ne croy point que tu me laiffes viure pour autre raison, sinon pour plus m'abbruuer de tes bruuages tous cōfīts d'amertume.

Harangue du Prince Lucendis à l'Empereur Amadis de Grece, luy declarant en quelle extremité il se trouue pour le respect de sa personne, concludant qu'il desire d'estre fait Cheualier de sa main. Au quatorziesme liure, chapitre 14.

PLeut à Dieu Prince tres-excellēt, que je ne fusse tant vostre obligé comme je suis, en ce que par deux fois vous m'avez deliuré de la mort, afin que je peu se par le commencement de ma Cheualerie vous faire cognoistre la grande deloyauté, dont vous avez vsé enuers ma Dame Lucelle, prenant de vous la vengeance, à laquelle je me sens obligé par le lien de consanguinité. Mais hélas, que je sens dans ma poitrine vne cruelle bataille, qui d'une part m'est liurée par la recordation & souuenance que j'ay des serüices, qui de vous sont procedez, tant à l'endroit de ma Dame Lucelle, comme de moy que vous avez secouru par deux diuerses fois,
& d'an

& d'autre costé l'obligation, qui me fait incliner à la vengeance, & ce que l'un veut l'autre le me defend, qui fait que je me treuve en deux cruelles extremitez. Ce neantmoins avec tout cela, je ne vous veus point denier la faueur qu'en ceste part la fortune vous veut conceder, & est, que je vous supplie, tour presentement estre fait Cheualier de vostre main.

Resp nse de l'Empereur Amadis au Prince Lucendus, luy confessant la faute qu'il lui met sus touchant l'amour de Madame Lucelle, à cause dequoy il dit en auoir tant telle reparation & amende que Madame Lucelle luy en reste aucunement obligée. Au quatorziesme liure, chapitre 14.

PRince Lucendus je ne vō^s veus point nier, que vous n'ayez grande raison de vous plaindre pour le respect de Madame Lucelle, & ce pour raison de l'amour, si en amour se trouue aucune raison, mais je m'en trouue pour le present si bien chastie, par ce que maintenant j'en souffre, & en ay cy deuant souffert que la Princesse Lucelle ma Dame en reste aucunement obligée à moy. Mais hélas ! que la beauté de ma Niquée, avec laquelle le Seigneur Dieu auoit ordonné au ciel que je fusse joint par mariage, a sur moy vsurpé tant de pouoir, qu'elle m'a separé de la gloi-

la gloire de ma Dame Lucelle. Si que quant au cruel peril qui me peut resulter de vous, si vous eussiez eu l'ordre de Cheualerie, cela se peut aisement excuser, attendu que de la faute par force commise, je reçoÿ d'ailleurs vn trop aspre & cruel chastiment. Et quant au reste de ce qui a esté par vous proposé, je suis content de faire & accomplir tout ce qu'il vous plaira.

Complainte de Medée, laquelle Don Silues estant en la bouche infernale ouit qu'icelle faisoit de l'ingratitude de Iason. Au quatorzieme liure, chapit. 19.

AH! moy miserable, mais toy trop plus infortuné Iason en amours déloyal, comme peus tu mettre en oubly ceste Medée, de laquelle tu receus tant de benefices? Comme peus-tu enfiandre ce grand amour que tu luy portas, ou pour mieux dire, que tu faignis luy porter? Ne deuois tu lors te souuenir que venant en mon isle de Colchos, pour acquerir ceste pretieuse toison d'or, tu fusses mort mille-fois, sans le secours que je te donnay par mes arts? Ne deuois tu estre memoratif, qu'ayant mis à part l'amour, que fille doit porter à ses pere & mere, & au pays mesme, auquel j'auoye esté née & eleuée, je fus cõtente de m'en

Z venis

venirauecques toy? Ne deuois tu estre recors du grand trauail que je pris pour faire retourner ton ancien pere en sa plus fresche jeunesse? Tu deuois biē auoir souuenance de toutes ces choses, & de plusieurs autres q̄ pour toy je fis, hōme sans amour, & plein d'ingratitude. Ah & de q̄l cruel courage fus je esmeuē à en prēdre la vègeāce par la mort de mes petits enfans innocens, & sans coulpe qui en furēt par moy cruellement dechirez & occis.

Responce de Iason que le mesme dom Silues ouit qu'il faisoit sur la precedente Complainte de Medee. au 14. liure, au mesme chapitre

AH Medee, disoit-il, & combien tu as peu de raison de m'accouler, si tu sçais combien les hommes sont forcez d'obeyr aux loix d'amour. Las que l'amour de Creusa me fit commettre vne grande cruauté contre toy. Mais hēc Dieu qu'elle coulpe tien-je de ta cruauté? Je cognoy bien & suis assez souuenāt des seruices que de toy j'ay receu: mais il ne fut en mon pouuoir de resister aux Loix du grand Cupido, qui dominoit par dessus moy. Je cognoy bien aussi que tu m'as par plusieurs fois deliuré de mort cruelle, mais autruy dominoit par dessus moy, & y auoit plus grāde puissance que moy-mesme, & estoit celuy qui mesme domi-

domine par sus les autres Dieux. Qu'elle
coulpe ay-je donc de ceste tienne si gran-
de cruauté, que j'aye a en souffrir vne si
grande peine.

*Harangue d'un gentil homme de Medie du
nom de Dardin laquele il fit à certains Nobles
& Seigneurs ses amis, tendant à sauoir leur ad-
uis touchant la restitution de l'Infante Grian-
de en son Royaume, dont elle auoit esté inuiste-
ment dechassée. au 14. liure chap. 21.*

IL vous est assez notoire Seigneurs, a-
mis & parens, comme mourant le bõ
Roy Tarnis de glorieuse memoire, du
quel nous tous, ains à vray dire tout le
Royaume a receu tant de biens & graces,
laisa vne fille, qui est l'infante Grian-
de nostre vraye dame & Roynne legitime heri-
tiere de ce Royaume. Aussi n'estes vous
point ignoras, cõme le tirat qui à present
regne, a desherité ceste siene niece orphe-
line & iniustement priuée de l'estat, & do-
mination de Medie. Et pourtāt qu'il me
semble que ceste si grãde iniquité & iniu-
stice ne peut aucunement plaire à Dieu, je
voudroye bien sauoir de vous autres s'il
vous semblera bõ que nous enuoyissions
secretemēt chercher ceste infante nostre da-
me, afin de la restituer en l'estat q de droit
luy appartient. Voila sans plus la raison
pourquoy je vous ay fait venir icy.

Responce sur le propos precedent de Dardin, faite par vn Cheualier ancien sage & honorable audict Dardin, au nom de tous les autres luy declarant qu'ils se conformoyent à son aduis, touchant l'appellation & restitution de Griande leur Dame, & Royne en son Royaume. Au liure 14. au mesme chapitre.

ENtre les plus grandes & plus enormes vices Nobles Cheualiers, celuy qui obtient le premier lieu selon mon aduis, c'est l'ingratitude, de laquelle non vn seul, mais plusieurs maux procedent. Parquoy tel vice n'est pas seulement odieux aux hommes, mais aussi abominable deuant Dieu. I'ay bien voulu mettre cecy en auant, par ce que ce seroit chose par trop iniuste, & alienée de raison que les bienfaits par nous receus du bon Roy Tarnes ne fussent rendus à l'infante Griande nostre Dame, elle estant comme de vray est la vraye & legitime heritiere de ce Royaume, qu'on luy a vsurpé. Et pourtant je dis quant à moy qu'on face ce que le Seigneur Dardin a proposé, sans aucunement prolonger l'affaire. Car de moy je suis tout prest de faire entièrement tout ce qui sera expedient de faire pour la restablir en son Royaume jusques à exposer ma propre vie pour le service d'elle.

La Damoiselle Erinde estant trouuée en vne forest par Dom Silues du desert, luy declare à son instance, qui elle est, & la cause de ses sospirs & lamentations. Au quatorziesme liure, chapitre 26.

Vous deuez sçauoir, Seigneur Cheualier, que je suis appellée Erinde, & fus mariée avec vn bon & vaillant Cheualier, qui estoit Duc de Bourbon, lequel par mes fautes ne vesquit longuement. Or ce mien mary auoit vn fils bastard bon Cheualier, mais fort superbe. Parquoy mourant mon mary, il me laissa heritiere de son Duché, me declarant en son testament son heritiere legitime. Mais ce traistre Doudrin (ainsi estoit appellé mon fillastre) ne regardant point qu'il estoit bastard, & qu'il ne pouoit succéder ny heriter au royaume de France, m'a par force osté mon Duché de Bourbon, sans que jamais par prieres ou autrement il se soit voulu condescendre à me restituer, ne m'en dōner vn seul chasteau pour viure & m'y retirer, combien qu'il en ayt esté requis & sommé par plusieurs fois. Sur c'est affaire je me suis allée plaindre au Roy Lucidor, apres qu'il fut retourné de Constantinople. Parquoy ayant fait appeller mon aduersaire en conseil, apres que la cause eust esté longuemēt debatue,

m'ordonnerent que dans le terme d'un
mois qui s'accomplit dedans deux jours,
j'eusse à donner champion pour moy,
pour maintenir & defendre mon droit &
ou je seroye en defaut de ce faire, je de-
cherroye de tout le droit & action que j'a-
uoye au Duché. Or est il qu'apres auoir
beaucoup trauaillé & vsé de toute diligē-
ce requise, je n'ay en tout ce mois peu
trouuer, qui voulut maintenir mō droit,
sinon le Prince Lucendus, contre lequel
mō aduersaire dict, ne vouloir prendre les
armes, par ce qu'il est son propre & legit-
time Seigneur. Or maintenant considérez
Seigneui Cheualier, si ma peine doit estre
extreme, puis q̄ le terme prefix, a pouuoir
desfendre ce qui m'est deu de raison s'accō-
plit d'huy à trois jours, & ne peus attēdre
autre chose, sinon d'estre en brieſ du tout
denuée & desheritée, de ce que si juste-
ment m'appertient.

*La Damoiselle Sardinie apres auoir obtenu
de Dom Silues, luy requerir tel don qu'elle vou-
droit, demande qu'il aye à pardonner au Che-
ualier du Basilic, de ce qu'il l'auoit combattu
d'autant que celui s'estoit fait par ignorance,
Et par faute de le point cognoistre, luy declarāt
au surplus qui il est Et comment qu'ils sont pa-
rens parenssemble. Au quatorziesme liure,
chapitre 29.*

Mada-

Mon Seigneur, le dō q̄ vous m'avez
 ottroyé, est : que vous pardōniez
 au Cheualier du Basilic, & que
 vous laissiez le courroux & dedain que
 vous avez contre luy, puis que vous estes
 avec luy joint d'un si estroit lien de con-
 sanguinité. Car vous deuez sauoir qu'il
 est fils du Roy Dom Lucidor, & neneu de
 la Princesse Lucelle, & est son nom Lucen-
 dus : & ne vous a suiuy pour autre chose,
 q̄ pour sauoir si vo^r estiez l'Empereur A-
 madis de Grece, auquel tāt vo^r resemblez,
 & ce qu'il en a fait, n'a point esté par
 haine qu'il porte, n'à vo^r ny à l'Empereur
 ains seulemēt d'un desir de s'esprouuer cō-
 tre celuy qu'il prise & estime autāt qu'hō-
 me q̄ viue pour le jourd'huy, & est presen-
 temēt icy avec nous en ce même vaisseau.

*Responce du Prince dom Silues à Sardanio
 susdicte condescendant à sa requeste. Au qua-
 torziesme liure au mesme chap.*

MA grāde amye, respōdit le Prince
 Dom Silues, bien q̄ le Cheualier
 du Basilic m'ait grandemēt cou-
 roucé, ce neātmoins pour l'amour de vo^r
 je suis cōtent luy pardōner, joint qu'estāt
 tel persōnage qu'il est, je ne doy auoir hai-
 ne n'i inimitie aucune cōtre lui, cōme tref-
 biē vous avez dit. Et puis q̄ vous dites qu'
 il est en ceste mesme barque, je veus que
 nous allions tout presentemēt le voir.

Harangue de Dom Silues au Soudan de grand Caire, lui requerant de licence & seureté, tant pour luy que pour le Prince Lucendus, afin de defier tous te's personages de son Palais qui leur plairoit, & ce en faueur des deux seurs & filles du grand Califfé, qui auoient esté emmenées & abandonnées de deux freres & filz dudit Soudan. Au quatorziesme liure, chapitre 30

H Aut & puissant Seigneur, vous deuez sauoir que nous sommes Cheualiers Chrestiens, venus de loingtaine contrée, & qui allons cerchans les auentures estranges. Dont est auenu que nauigeans par mer auons rencontré ces deux belles Damoyelles qui se lamentoyent piteusement. Et quand nous en eusmes ouy l'occasion, pourtāt qu'elles sont filles du grand Califfé nous leur auons promis nostre ayde. Et pourtant si c'est vostre plaisir donnez nous seureté, à ce que puissions librement defier quelconque personage de vostre Palais que bon nous semblera. Et ou vous ne nous donerez la seurté que nous requerons, nous pourchasserons ailleurs que justice se face.

Responce dudit Soudan à la requeste de Dom Silues susdit. Au mesme chapitre.

Che.

Cheualier, respondit le Soudan, je vous donne toute telle licence & seureté que demandez, & vous jure & promets par Mahomet de la vous garder, & feray que vous ne receurez grief ou tort aucun.

Lettre de Dom Silues à l'infante Pantasilée, l'aduertissant de la grand' amour qu'il luy porte, requerant d'auroir pitié de luy, & de trouuer moyen pour luy pouoir raconter partie du mal qui tant le tourmente. Au quatorzième liure, chapitre 45.

AL'excellente Princesse Pantasilée, Dom Silues du Desert. Puis que mon aduerture a ainsi permis; haute & souueraine Princesse, que vostre grande & diuine beauté, ayant esté de moy apperceuë, m'ait penetré jusques à l'intérieur de l'ame, vostre plaisir soit ne me denier la medecine requise à ma playe mortelle, puis qu'onques ne deniastes vostre grace & mercy à ceux, qui estans vaincus par la rigueur de vostre espée vous en ont fait requeste. De combien moins doit estre telle grace déniée à moy, qui suis non seulement vaincu, mais aussi à l'extrémité. Mais ce n'est de merueille que je soye mené à outrance par les mains de celle, deuant laquelle les bestes fieres, les féroceants, & les enchantemens épouantables

n'ont aucun pouvoir. Considérez haute Princesse, que si j'ay fait faute en vous regardant, j'en ay desia porté dure penitence. Ce que je vous requiers presentement est, que sans plus il vous plaise me permettre le temps & opportunité de vous pouoir raconter partie du mal que je sens. Et à tant fay fin de la presente, baissant en toute reuerence voz delicates mains.

Lettre du Prince Lucendus à l'Infante Fortune, par laquelle il luy expose la vehemente amour dont il est surprins à cause de sa beauté singuliere, priant d'en auoir compassi. n de luy. au 14. liure au mesme chap.

A La belle infante Fortune le Prince Lucendus. Ceste singuliere beauté de laquelle ó Souueraine Infante, le seigneur Dieu vous a voulu douër, à eu pouoir, d'outrepercer la plus secreete partie de mes entrailles, avec vne ardëte flamme amouteuse, en laquelle je me sens du tout ardoir. Mais hélas! & combien il me droit mieux m'en taire, que le deceler, si en le reuelant je ne trouue aucun remede à mon mal, ny quelque peu d'eauë de pitié, pour aucunemēt amoitir mon feu, que si cruellement me brusle. Je cognoy biē que j'ay failly, je sçay que vostre beauté surpasse tout merite mien. Ce neantmoins vostre valeur supplée à ce qui defaut

faut en moy, vſant en mon endroit de la pitié qui de vous ſe doit eſperer. Faisant fin de la preſente, & baiſant voz belles mains.

*Reſponce plaiſante de la Princeſſe Pantafi-
lée & de l'Infante Fortune, laquelle ilz font
par enſemble & coniointement aux lettres que
leur auoyent cy deuant enuoyées les Princes
Dom Silues & Lucendus, leur promettant les
faire dignes de leur grace & faueur laquelle
ils requièrent d'eux, moyennant que cela ſoit
ſous titre d'eſpoux. Au meſme chapitre.*

LA Princeſſe Pantafilée & l'infâte For-
tune à vous autres Princes, les plus
ſots qu'il y ait au monde, enuoyons
ſalut, afin que par iceluy vous nous don-
nies touſiours dequoy nous rire & gau-
dir & à vous que ſentir. Nous ne voyōs
point certes d'ou vous ayez prins tant de
hardieſſe de nous eſcrire, ſinon de la trop
grande folie qui en vous abonde, par ce
meſme que nous ne pouons vſer enuers
vo^r de pitié; ſans eſtre du tout cruelles en
noſtre endroit par la voye que vo^r recher-
chez. De maniere que ſauf ſous titre d'eſ-
poux ne ſe doit ſouffrir, ce que vous nous
requerez, ne qu'aiez de nous reſpoſe. Du-
quel titre nous ſommes contêtes vo^r faire
dignes, pour vſer de la pitié q̄ vous demā-
dez. Pourtāt ſi vo^r en ſentez dignes, venez

vous en ceste nuit à la fenestre de nostre logis qui respond sur le jardin, & la nous trouuerez prestes à accomplir vos intentions.

Harangue de l'escuier des Cheualiers aux Soleils, laquelle il fait aux Princes & Seigneurs de la Cité de Constantinople, leur proposant certaine demãde au nom de ses Seigneurs & maistres, avec presentation de maintenir le camp contre tous ceus qui voudroyent soutenir contre icelle. Au quatorziesme liure, chapitre 47.

SOuuerains Princes, Seigneurs, & Cheualiers, les cheualiers des Soleils, la renommée desquels est esbandue par tout le monde, dient qu'ilz sont icy venus, pour honorer vostre couit avec certaine demãde, & est ceste qu'ils dient que nul Cheualier n'est digne de seruir les Dames qu'ils seruēt, ce qu'ilz ont voulu proposer en ceste forme, pour ne mettre en condition la beauté de celles, lesquelles sert quiconque vouldra soustenir le contraire: & sur ce maintiendront le camp, armez de toutes armes sur leurs cheuaux, à condition que celuy qui aura vne-fois esté mis hors des arçons, ne pourra remonter à cheual, & laissera son nom, & quiconque en vaincra vn, ne soit obligé à passer outre au combat. Et auenant qu'ils soy-
ent

ent tous deux vaincus, celuy qui les aura vaincu, emportera quand & loy ceste riche couronne, en signe de victoire pour la presenter à s'amy. Tout cecy promet tent ilz maintenir aujourd'huy, jusques à ce que le Soleil couche.

Harangue de la Damoyselle de l'isle Seule, laquelle elle fit en la Court de Constantinople, aux Princes, leur declarant son mal-heur, & sur ce les requerant d'ayde & assistance. Au quatorziesme liure, chap. 48.

CE n'est en vain que le son de vostre haute renommée s'espand par tout l'vniuers, dit la dolente damoiselle. Partant vous deuez sçauoir Princes tres-magnanimes, que je suis fille du Seigneur de l'isle seule, laquelle est telle & si bonne Seigneurie que chacun sçait : mon pere s'appelloit Dorédus le Chaste, par ce que depuis le decès de ma mere sa femme, il ne voulut onques cognoistre autre femme, & estoit quant au reste l'hōme le plus benin & debonnaire qui fut en ces jours, & qui plus courtoisement receilloit & traitoit les Cheualiers errans, qui arriuoient en son isle. Mais son mal heur voulut, qu'il y a enuiron trois mois qu'en ceste isle arriua vn grād Geant, appelé Mon dragon, lequel avec deux siens compaignons fut fort bien receu des habitans de

Pisle, suyuant la courtoisie dont ilz auoyent de coutume vser à l'endroit des estrangers. Mais le cruel Mondragon n'ayant égard à l'honneur & bon recueil qu'il lui auoit esté fait par mon Pere, se leua sur la minuit, & estant armé luy & ses cōplices, firent vne cruelle boucherie de tous les hōmes de mon pere qu'ils trouuerent dās son chasteau, prenās mō pere prisonnier. Et moy incontinent que j'eus eutendu le bruit de ce massacre, j'eschappay par vne fenestre de ma chambre, & tant que jambes me peurent porter, je m'en fui du costé de la marine, prenant en chemin ces deux anciens cheualiers mes parēs, pour me teuir cōpagnie: & montez tous trois en vne petite barque, je voulu estre conduite par deça, pour vous demander secours en si grande nécessité, puis qu'à tel & semblable cas vous oblige vostre propre vertu.

*Harangue de la Damoiselle du Serpent en-
chanté, laquelle elle eut en Court de Constanti-
nople aux Princes, leur declarant la cause pour
laquelle elle estoit en quēste. au 14. liure cha-
pitre 49.*

Vous deuez sauoir hauts & souue-
rains Princes, cōme és Royaumes
d'Arabie, il y a, peut estre, vint ans
regna vn Roy fort bon Cheualier, tant en
vertu

vertu & promesse quant aux armes, cōme en toute courtoisie & gentillesse. Ce Roy dont je parle eust deux filles doüées de si grāde beauté, & autāt biē nourries & duires à toutes manieres honestes qu'il eust en tout le mōde. L'ainée desquelles estoit appelée Garinde & la puisnée Darinde. Au bruit, qui par tout estoit espars de la beauté esmerueillable de ces deux dames estoient en ce Royaume venus tāt de cheualiers, qu'il en estoit desia tout plein, & entre ceux qui s'y rendirēt, surēt deux fils du Roy de Laidenie, preux & vaillans aus armes le possible, & qui se trouuerēt tresardammēt espris & liez en l'amour de ces deux sœurs, L'ainé desquels qui s'appelloit Darin, aimoit la plus jeune des deux, & le puisné appelé Filo, aymoit la plus aagée, & se parforçoient de leur faire tous plaisirs à eux possible : mais quant à elles, combien qu'elles leur portassent grand amour, si n'en monstrent elles onques aucun semblāt, de maniere que les deux cheualiers se trouuans en grand peine & embrasez de flāmes amoureuses, n'ayans esgard à l'honesteté ny au lieu d'ou estoient si hautes Damoiselles, mais eux laissans guider à l'appetit effrené du cruel amour, vn jour se leuant debout l'ayné d'eux, commença à dire au Roy & à tous les

les grans Seigneurs du Royaume qui la se-
trouuerent, qu'eux deux vouloyent par
l'espace des deux aus maintenir le camp
contie tous Cheualiers qui leur vouldroy-
ent contredire sur ce qu'ils affermoient
que la beauté de leurs Dames Darinde &
Garinde excedoit toutes les beautez du
monde. Et quand ilz eurent parfourny
leur harangue, estans armez de toutes ar-
mes se mirent en camp. Lequel acte le
Roy print en si grand dedain, qu'viant de
ces arts magiques, esquels il estoit apais à
merueilles, tabrica ce serpent, & enferma
dedans les deux infantes ses filles, avec-
ques les deux Cheualiers amants, sans qu'
ils se pussent l'vn l'autre voir en maniere
qui fut. Et pour plus les chastier, & leur
donner la peine de leur malefice, il voulut
qu'à tousiours ilz fussent dedans ce ser-
pent. Puis il me prit moy qui scauoye
partie de ce secret, & me posa sur ce fier &
grand serpent, en la maniere que vous a-
uez peu voir, & me donnât en main ceste
chaine me dit, que je m'en allasse par tout
le monde chercher qui deuroit donner fin
à ceste auenture: & ainsi ay je desia long
temps esté cherchant en ceste maniere, sans
que j'aye onques peu trouuer la fin de ce-
ste queste, tât que le serpent m'a presente-
mēt cōduite en ceste couit. Et est la forme
de

de l'aventure telle que si vn Cheualier touche la teste du serpent avec son espée si c'est vn seul qui la touche, sortira hors vn des cheualiers pour combattre contre luy, & s'ils sont deux à la toucher les deux Cheualiers sortiront, mais si plus de deux la touchoyent, il n'en sortiroit pas vn. Et quand ils combatēt ensemble, si les deux cheualiers de dehors ne doiuent mettre fin à l'aventure, les deux sœurs sortent de hors, & prenans leurs Cheualiers par les courroies de leurs heaumes, elles les retirēt dedans le serpent. Mais estans les deux Cheualiers enchantez vaincuz, il faut qu'une Damoiselle s'esprooue à la seconde aventure, & si aucune peut remettre au col de ce serpent ceste chayne que je luy osteray, adonc prendra fin l'aventure. Et voila Seigneurs la cause, pour laquelle je suis en queste. Auisez s'il vous plait, que l'espreue s'en face presentemēt, afin que je sorte du trauail, auquel je suis, aussi les Cheualiers & Dames enchantez, & que la gloire de ceste auenture demeure en ceste Court.

Responce du Roy Amadis portant la parolle au nom de toute l'assemblée, laquelle il fit à la Damoiselle susdite, sur l'ouverture & declaration de l'aventure qu'elle leur auoit fait, Au mesme liure & chapitre susdit.

Da.

DAmoiselle m'amie, ceste aventure laquelle vous avez cy acconduite, est fort estrāge: & auuīs bien grād plaisir qu'elle print icy fin plustost qu'ailleurs. Mais pourtant qu'il est desormais tard, il sera bon que nous y esprouuions tous apres le disner.

Harangu: faite de la part de l'Empereur de Tatarie aux Princes de Constantinople par le plus ancien des douze hommes qu'il enuoya vers eux pour leur declarer la cause de sa venue ceste part, & consequamment luy impetrer seureté de se pouuoir trouver avec cinq cēs Cheuaucheurs à la feste des tournoiz, qu'ils auoyent fait proclamer par tout le monde, Au 14. liure chap. 51.

LE grād Empereur de Tartarie Agriā Seigneur vniuersel de la nation Sagittaire, lequel les Dieux conseruent & accroisēt en prospere estat, vo' enuoie par nous dire qu'ayāt entēdu de ces tournoiz qui cy se doiuent faire avec seureté de tous ceux qui y voudroyent venir, si y est biē volu aussi trouuer, & est presentemēt en vostre port avec cent nauz. Et pourtāt vous fait il par nous dire que si vous estes cōtens qu'il prenne terre avec cinq cens cheuaucheurs sans plus, il le fera, & ou vous ne vous y accorderiez, il reprendra le chemin par ou il est venu, par ce qu'il n'est
icy

icy venu pour autre chose, que pour accroistre la feste, & pour deuenir amy de tous ces hauts & grans Princes.

Responce courtoise du Roy Amadis au nom de tous. à la requeste susdite. Au mesme chap.

MEs amis, retournez au Seigneur vostre Empereur, & luy dictés, & nous le remercions tous de sa venue, que nous estimons beaucoup son amitié, & le prions qu'il descende en terre avec le nombre des gens qu'il a demandé car nous luy donnons toute telle assurance qu'il sçaura demander, tant pour le venir que pour le retour. Et avec ceste responce vous en pouez retourner.

Harangue de l'Empereur Agrian, Roy de Tartarie, aux Princes Chrestiens, presentant le combat à tous venans sur la beauté des deux Princesses Pantasilée & Fortune. Au quatorziesme liuré, chap. 51.

VOUS ne deuez point vo' esmerveiller seigneurs cheualiers de me voir alteré & troublé en ceste façon: Car je croi si en la court des hauts dieux je me fusse trouué, je ne m'eusse peu tant alterer & esmouuoir cōme j'ai esté. Car quelle diuinité peut participer de si grāde beauté, cōme celle qu'on voit estre en ces deux belles & excellētes Princesses, & specialemēt en ces deux infantes Fortune & Pantasilée?

Et

Et partant nous disons que ces deux Princesses sont les plus belles, non seulement d'autât qu'il y a au mōde vniuersel, mais encores qu'elles emportent l'auātage par dessus les deesses diuines. Ce que nous jurons par la Deité de nos Dieux maintenir à tout le monde donant ceste Cité, si tost que les tournoiz seront paracheuez, & disposerons vint mille liures d'or labouré, pour le Cheualier ou Cheualiers, qui viendront au dessus de nous deux, à ce qu'ils les ayent pour loyer de leur victoire.

Harangue de l'Empereur Agrian aux Princes Capitaines & Seigneurs de son ost, les requérant d'avis & conseil sur le moyen de se pouoir reuenger du tort & iniure que dom Silues luy auoit fait, en s'egalant a ja personne. Au quatorziesme liure, chap 53

IE croy bien hauts & puissans Seigneurs qu'il ne vous est encores tombé hors de la memoire, puis que ceste même campagne, ou à present nous no^r trouuōs, est encores baignée & teinte du sang de nos peres, amis, freres & parens, combien d'injures & outrages nous auons du tout temps receu de ses Chrestiens, dont nous sommes par droit obligez à nous en venger par quelque voye & maniere que nous pourrons, & specialemēt ayant
ma

ma propre personne ce jourd'huy esté ou-
tragée & offensée par Nom Silues du De-
seit, en ce qu'il s'est voulu egalier à moy.
Et ay bien voulu mettre ceci enauant, pour
cause que maintenant nous auons la com-
modité de nous vèger, si nous la voulons
mettre en execution. En quoy je vous re-
quiers que chacun de vous me donne con-
seil.

*Autre presentation de cōbat & semblable
à celle que dessus restee par l'Empereur A-
grian Roy de Tartarie aux Princes Chrestiens.
A. 14. liure chap. 55.*

HAuts & puissans Princes, je croy
que vous n'avez encores oublié
comme le jour que moy & mon
frere vinsmes en ceste Cité pour honorer
vostre court, & que nous iurasmes tous
deux & promimes, estans estonnez de la
grande beauté de ces deux belles Prince-
ses, Pantasilée & Fortune, qui sont cy pre-
sentes de maintenir le camp pour elles.
Ce que de nouveau nous promettons
maintenant, avecques les conditions ja
deuisées, pour le jour de demain.

*Lettre de l'Empereur Agrian à l'Infante
fortune, par laquelle il luy expose l'extremité
en laquelle il se trouue pour estre surpris de l'a-
mour d'elle. au mesme chapitre.*

L'ent-

LEmpereur Agrian à la belle infante Fortune enuoye salut, si aucun salut luy reste, pour le vous pouoir ache-miner au plus fort de la guerre que vostre beauté luy meyne. Vous deuez sçauoir belle Princeesse de haut pris, cōme du milieu de mon Royaume de Tartarie & nation Sagittaire, le fier amour qui n'espar-gne creature viuante m'a nauré & outié de playe mortelle, occasionnée de vostre extreme beauté. Dont comme le cerf estant feru dela fleche enuenimée, desirant sauuer sa vie, & obuier à la mort qui le menace, va cerchant la fontaine d'eauue viue, pour soy refraichir & mitiguer sa venimeuse playe, ainsi en est il de moy, qui abandonnant ma contrée, suis pardeça venu pourchasser le souuerain mire à ma playe à la Fontaine de vostre pieté florissante. Mais helas s'il aduient que je ne le trouue, je suis asseuré que pour la violence du venin qui a réduit ma playe à fistule, me sera causée vne mort par trop cruelle. Auisez Madame que je suis l'Empereur Agrian qui seul merite la faueur & amytié de vostre belle personne & haute alliance, & que je suis celuy seul qui vous peus colloquer au degré souuerain qui de droit apertient à l'infante de vos merites. Que si d'auenture ma Dame vous met-

mettez en auant la difference qu'il y a entre nos loiz & les vostres, je vous dis & assure des à present, que laissant la foy & ceremonies de mes Dieux, je suis du tout déterminé de prendre la vostre, comme l'effet le fera demain apparoir. Et à tant feray fin baisant voz blanches & belles mains.

Lettre amoureuse de Leopante frere à l'Empereur Agrian, laquelle il escrit à la Princesse Pantasilée, à ce qu'elle aye compassion du tourment qu'il endure pour la grand' amour qu'il luy porte. Au quatorziesme liure, au mesme chapitre.

L Leopante Prince & Seigneur de Damas, à la belle Princesse Pantasilée mande salut, afin que par iceiuy elle me destitue du tout de ce qui m'en reste, ou qu'elle m'en face auoir l'entiere jouissance, puis qu'elle seule a pouoir total, de le me donner ou oster quand il luy sera agreable.

Vous deuez sauoir tres-excellente Dame, comme le douz son de vostre supreme renommée, penetrant les plus hautes & ardues regions de l'air, jusques à paruenir à la sphere du haut Iupiter a fait vn tel retentissement, que penetrant jusques aux plus intimes parties de mon cœur, y a pris vn tel & si
ferme

ferme fondement, que la seule mort aum
pouvoir de l'en retirer. Et certes je ne dou
te aucunement, qu'une mort soudaine &
precipitée, n'execute en brief sur moy sa
cruauté, si par vostre bonté n'est prompt
ement secouru au mal qui tant m'affli
ge. En laquelle vostre bonté & clemen
ce, j'ay du tout fondé mon esperance, con
sideré que vous en avez tousiours benig
nemēt usé enuers ceux que vous avez vain
cuz au trenchant de vostre espee. Mais
combien ma Dame la deuez vous mieux
exercer en mon endroit, qui à present me
trouue combatu & vaincu de l'acier res
plendissant de vostre beauté tant excellen
te, & non seulement vaincu, mais aussi
nauré & reduit au terme de finir pieu
sement la vie. Et ainsi attendant de vous
vne benigne & douce responce, feray fin
de la presente, baissant vos belles & vale
reuses mains.

*Harangue de l'Empercur Agrian aux Princes
Chrestiens par laquelle se leur donne à cognoi
stre sa de liberation seinte, & celle de son frere
Leopante, touchant de se faire tous deux Chre
stiens &c. Au quatorziesme liur., chap. 56.*

LÉ grand Createur de toutes choses,
ainsi qu'il plaist à son vouloir dispo
se & esmeut les volonte de tous les
hommes qui sont en terre; Et bien que ce
que

que je dis soit assez clair & notoire à vn chacun, si est-ce que nous qui sommes icy en vostre presence le sentons par experience; par ce qu'il à ores en nous fait telle & si grande mutation, que cōme nous eussions jadis esté obstinez & opiniatres en la secte de nos Dieux, il a par sa diuine lumiere & grace celeste voulu nous illuminer & monstrier clairement en quelles tenebres nous estions, à ce que nous estans lauez de nostre erreur auecques l'eauë du saint Baptisme retournassions au droict chemin de la verité. Parquoy nous cognoissans ceste Foy de la verité Chrestienne, & desirans que comme elle a esté de nous deux cognuë, elle soit aussi de tout le mōde embrasée, je vous prie tous vous autres mes-seigneurs, vassaus & amis, que vous faciez comme je feray, si vous desirez acquerir ma grace & amytie. D'une seule chose je vous requiers, pour l'honneur que nous faisons à ceste Court en la celebration de cest Sacrament, c'est que par vous me soit ottroyé vn don tel que je voudray demāder à personne quelconque qu'il me plaira, & consequament vn autre pour mon frere.

Responce que l'Empereur Esplandian, estant de ce requis fit à l'Empereur Agrian sur le discours precedent, luy congratulant sa felicite es

Aa

ben-

bon heur, offrant & promettant d'entrete-
 nir toute amytie avec luy & finalement se con-
 formant à sa demande. Au quatorzeſme li-
 vre, chap. 56.

Certainement haut Empereur, gran-
 de eſt la joye que nous tous rece-
 uons, vous voyans radreſſez au che-
 min de la verité, ou non ſeulement vous
 avez gagné voſtre ame propre, mais no^s
 avez encores renduſ vos tres-chers amys,
 & de ce propre jour lions avecques vous
 eſte amytie, laquelle nous vous promet-
 tons entretenir. Et moy tant pour ma
 part cōme au nom de tous ces genereux
 Princes, vous oſtroye francement le don
 que vous voudrez demander.

*Harangue de l'Empereur Agrian aux Prin-
 ces Chreſtiens, les ſommant de leur promeſſe ci
 devant faite, ſur le don qu'il leur voudroit re-
 quérir, & parainſi demandant pour femmes,
 à ſavoir, l'infante Fortune, pour luy, & la
 Princeſſe Pantafilée pour Leopante ſon frere.
 Au 14 livre, au meſme chapitre.*

Bien avez vous peu voir hauts &
 grands Princes, comme nous autres
 meuz du diuin zele de voſtre Foy,
 auons laiſſé la vanité de noz idoles, & a-
 uons embrasſé la verité de voſtre Loy, à
 cauſe dequoy vous eſtes tous obligez à
 moy

moy & à mon frere Leopante, que cy voyez, de nous octroyer vn don tel que le voudrons demander, en tant que tous nous en auez fait promesse. Et partant nous vous en semonons tous & specialement l'Empereur Amadis de Grece, qui est cy present, & la Royne Calpendia. Et la chose que nous vous demandons, est, que nous vueilles donner pour femmes à moy la belle infante Fortune, & à mon frere la belle Infante Pantasilée. Et ainsi vous priôs tous que vous y vueillez employer, estant chose qui concerne le profit & l'utility de tant de personnes.

Responce à la susdite sommation de l'Empereur Agrian, laquelle luy fait la Princesse Pantasilée en la presence des Princes Chrestien, luy demonstrent par icelle, qu'elle deuoit estre la fin de son Christiansme, & au surplus condescendant en la requeste qu'il auoit requise, moyennant de maintenir vn seul combat tant seulement. Au quatorziesme liure, au mesme chapitre.

IL ne faut aucunemēt douter Seigneur Empereur, & vous Roy de Damas, que ne soyons tous obligez à vous, pour ce que vous auéz fait, en laissant vostre secte, & prenant nostre religion,

la sainte & vraye foy Chrestienne, en laquelle moy, estant aussi enluminee de la mesme grace & benignité celeste, j'ay été incitée à me conuertir, combien qu'en effet à le bien considerer ce que vous en auez fait, le tout retourne à vostre propre vtilité & salut de vostre ame. Et neantmoins si ne voulons nous inferer, que tant par ce que vous en auez fait, comme par vostre propre excellence & valeur de vostre personne ne meritez tout ce que vous auez voulu requerir, & voudrez encores demander. Et ainsi je vous dis des ceste heure, tant en mon nom comme de la part de ceste belle infante Fortune, qui est ici pres de moy, que nous sommes contentes de vous prendre pour espoux & mariz, à condition toutefois que premier que nous espousiōs avecques vous, vous mainteniez comme jusques à present vous auez fait noz beautez seulement le jour de demain qui vous reste, & au cas que soyez vaincus nous ne serons autremēt obligées à nous marier avecques vous : mais si vous demourez victorieux, nous sommes prestes de faire tout ce que vous demandez, toutefois avecques licence & permission du Roy & de la Roine mes seigneur & dame.

Harangue du Nain enuoyé de par le deux freres Tartares dont cy dessus, vers les Princes Chre-

Chrestiens, pour les defier au nom de ses Seigneurs & maistres, suivant le contenu d'une requeste, laquelle à ceste fin il leur presente quant & quant. Au quatorziesme livre, chapitre 58,

LE grand Empereur de Tartarie, & le haut Roy de Damas son frere vous enuoient par moy dire, cōme ilz vindrēt en ceste vostre court, sous la seureté q̃ vous auiez fait proclamer par tout le mōde, laquelle puis vous comme lasches & faulseurs de vostre parolle, vous n'avez maintenue ny gardée, par ce que vous avez non seulemēt mis à mort le bō geant Marfondo, & son cousin Marcafée, avec plusieurs autres vaillans Cheualiers & de grand estime, mais avez aussi enuoyé contre les propres personnes des Princes qui cy m'ont fait venir, Dom Silues & Pantasilée, à ce qu'ils les vainquissent plus par astuce que par leur vaillance. Parquoy sur ce que je vous ay cy proposé, ils vous enuoyēt par moy deffier, à ce qu'ils ayent moyen de prendre de voz personnes vne cruelle vengeance. Et pour plus d'assurance de ce que je vous dis, regardez ce cartel qu'ils vous enuoyent.

Cartel de l'Empereur Agrian Roy de Tartarie & de Leopante son frere, aux Princes Chrestiens, leur denonçant la guerre avec leur de-

*struction & ruine entiere. Au quatorziesme
Livre, au mesme chapitre.*

LE Empereur Agrian Roy & Seigneur
de nation Tartare, & mon tres-cher
fiere Leopante, Roy de Damas, à vous
Princes Grecz indignes possesseurs d'un si
Royal nom, & infracteurs de vostre Foy,
mandons salut, afin qu'auec iceluy la ven
gence de noz injures ait à sortir son effect
deu, ainsi que l'obligation nous incite &
force, à deuoir employer l'espée de no
stre justice, contre ceus qui sont fauceurs
& violateurs de leur foy. Car comme ain
si soit que vous eussiez dōné seurté à tous
ceus, qui viendroyēt à voz tournois, vous
auez puis apres occis & fait mourir vne
infinité de ceus de la loy payenne, & par
especial les deux vaillans & bons Geans
Marfondo & Marcafée mes vassaux : Et
outre tout cela, vous auez encores par vne
glorieuse outrecuidance fausement volu
vaincre noz personnes à nostre grand vitu
pere. Parquoy comme vos mortelz enne
mis vous défiōs à toute outiance & guer
re mortelle, puis que vous auez dedaigné
la pais que vous pouiez auoir avec nous.

*Complainte que fit dom Silues du desert, en
tendant que la Princesse Pantasilée sa Dame
auoit esté enleuée de la part de l'Empereur A
grian. Au 14. liure, chap. 61.*

O Madame Pantasilée, & cōme vous auez esté prise & rauie par grand trahison, car je suis bien asséeurée que si vous vous fussiez trouuée armée en la campagne, il n'y a piece d'eux qui eust eu la hardiesse d'esprouuer vostre singulier effort & vaillance. O ma dame, ne sera-il ores meilleur, que je cōsacre à la mer mon corps & mō esprit, à ce qu'ils se conduisent ou vous estes, & ou mon ame est, qui avec vous demeure, ou pour mieux dire qui demeurera en vne si doloieuse vie, à ce que cognoissiez que la pœur de la mort ne me retient de vous suivre.

Harangue du Magicien Aquis aux Princes Chrestiens, par laquelle il leur donne à cognoître, comment qu'il les a secourus en maints grās perils ou i's se sont trouuez, par le moyen de ses arts, les exhortant au surplus à patiēment porter l'inconstāce de fortune laquelle leur deuois bien tost auenir. au quatorziesme liure, chapitre 63,

P Vissans Princes, je croy que vous cognoissiez cōme les lettres & les armes sont dignes d'vne mesme & esgalle gloire, puis que specialemēt en ce cas qui vous a esté occurrēt en deuez estre plus certains qu'onques ne fustes, voyant que si la valeur de voz bras à bien grand pouoir, si n'a esté de moindre gloire digne ce que

par noz arts nous auons mis en œuvre, chose qui est de tres-grande importance, pour le seruice de vous tous, si vous proposez deuant vos yeux le grand peril, auquel ces Princes se trouuerent en la nauire qui se brusloit, & avec ce la peine & grand ennuy, auquel vous tous estiez generalement. Parquoy nous fismes incontinent aller en ce vaisseau du grand Serpent le Prince auentureux Dom Silues, à ce qu'en vn si grand besoing il les secourut, ainsi comme desia auparauant nous auons adressé le Prince Dom Lucendus la part ou la belle Princeesse Pantasilée auoit besoing de son ayde. Et ce qui maintenant vous reste, est que vous appareilliez de faire ce qu'il plaira à la Fortune, par ce qu'il faut que la volonté de nostre Seigneur soit accomplye, & que les Propheties que nous laissons en ceste cité, ayent leur effet & fin telle qu'il conuient bien qu'une partie en soit ja aecomplye, & par especial celle que la Magicienne Zirene, vous laissa dont le contenu estoit. Quand les deux ours marins sortiz de la grand' taniere & desert de Tartarie avecques Couronne imperiale, seront naurez du cruel Spiedo, & leur sera la medicine salutaire deniée, ilz s'ingereront avec leurs ongles pointuz & aimez de derobier les
deux

deux belles & excellentes palombes. Lequel rapt entendu par le Lion du desert fit telle course sur le beau Serpent guidé par le sçauoir Magique, qu'il mettra les colombes en liberté perpetuelle, avec le Coq couronné, qui estoit venu en faueur d'elles. Vous voyez bien à present comme ceste prophetie est accomplie, & pour tant nous ne la declarerons autrement. Mais pourtant que nostre presence par-deça ne vous profite en rien pour le present, nous prendrōs à tant conge de vous: & ne nous verrez jusques à ce que par nostre presence, vous sentiez vn plaisir extreme.

Le Prince Lucendus, dit le Cheualier du Basilic, ayant pris la Magicienne Dragosine, vaincu & occis la beste monstrueuse qui estoit en son chasteau, & par ce moyen ayant deliuré plusieurs Cheualiers, qu'elle tenoit la captifs commanda ausdits Cheualiers qu'ils s'en alassent presenter ladite Magiciene de sa part, avecques eux mesmes à l'infante Fortune sa dame es mains de laquelle, il veut que tous se rendent. Dont voici la forme de presentation, dont ilz vsent deuant elle. Au 14. liure, chapitre 63.

HAute & souueraine Princeesse, nous nous venons presenter à vous pour voz prisonniers de la part du

vaillant Cheualier du Basilic, lequel nous a deliuré de la plus obscure prison qui se trouue en tout le monde vniuersel, & du pouoir de ceste Dame, qui se nomme la Magicienne Dragosine. Ce vaillant & inuincible Cheualier mit à mort la beste felonne & terrible, le cuir de laquelle nous portons. Celuy dont je vous parle, occit semblablement les gardes du Chasteau, & maintenāt tref-haute Princeſſe, il vous en uoye ceste Magicienne, à ce q̄ d'elle & de nos autres vous faciez ce qu'il vo' plaira.

Harangue d'un des principaux de l'isle de Guindaye à la Royne Sidonie luy declarant la perte q'elle auoit fait de ladite Isle. au quatorzeſme liure chap. 63.

Tref-haute & ſouueraine Dame, ce n'eſt d'aujourd'huy que vous aprenez combien que l'inconſtante & volage Fortune & coutumiere, d'exercer ſon pouoir à l'encontre de plus grans qui luy ſont cōme vn but & ſujet de ſa cruauté & tyrannie, laquelle comme vous auez experimenté plus d'une fois, il n'eſt ja beſoing que je le vous remontre en c'eſt endroit, deſquelles armes vous auez à combattre à l'encontre. Or ſachez donc Madame, que voſtre grand Royaume de l'isle de Guindaye eſt perdu, à la deſenſe duquel tous voz vaffaux, ou la pluſpart ſont
morts

morts combatans loyalemēt, & gardant la fidelité qu'ils vous auoyent promise & jurée. Ce que plus clairement vous cognoistrez par ceste lettre.

Lettre du Duc d'Alafarce à la Roine de Guindaye, luy exposant par icelle l'entrée qu'auoit fait le Roy de Russie en son pays, & comment qu'il tenoit assiegée sa Cité de Guindaye. Au quatorziesme liure au chapitre susdit.

IE le Duc Alafarce vostre fidel & loyal vassal, à vous haute & excellente Princesse de l'isle de Guindaye, fay sauoir comme en vostre beau & florissant royaume sont entrées les puissantes armées du nouveau Roy de Russie Bultédus, fils du traistre Roy Bulthazar : & est entré avec grosse multitude en l'isle, boutāt les feuz par tout, & rasant villes, chasteaux & forteresses, avec tout ce qu'il a récōtré au deuant en vengeance de son pere qu'il dit auoir esté occis à vostre occasiō. Et tiēt encores de present ceste grāde cité de Guindaye assiegée avec telles forces & de si pres, que si en brief ne nous est pourueu de bon secours, nous payerons par la perte de noz vies, ce dequoy cōme leaux & bons vassaux nous vous sommes redeuables.

Lettre de Dom Silues à la Prince Jé Pātasilée, luy declarant 'e tormēt qu'il sentoit pour l'absence d'elle, & requérant d'en estre secouru. Au 14. liure, chap. 64.

DOm Silues à la Princesse Pantasilée sa Dame. Il seroit desormais tēps Souueraine & belle Princesse, que la mort cruelle vint triompher de moy, puis que vostre veuë tant pleine de douceur, & de laquelle dependoit tout mon biē m'est ostée, afin que le trait rigoureux de celle qui est la fin de toutes choses me fut plus aspre & aigre à gouter. Mais hélas ! je ne sçay si vous auez agreable que je l'anticipe de mes propres mains : dont c'est à bō droit que je me plains de la Fortune, qui m'a monté jusques au plus haut de sa rouë, pour puis apres me faire prendre plus grand fault, si ce n'est que par vostre benigne grace me soit donné secours en laquelle j'ay fort grande esperance, me confiant que vostre parolle & promesse enuers moy, sera inuiolablement gardée, cōme donnée par vne si haute & excellente Dame. Et avec ce, je feray fin de la presente, baisāt vos belles & delicates mains.

Lettre du Prince Lucendus à l'Infante Fortune sa Dame, de mesme argument que la precedente. Au 14. liure, au mesme chap.

EN l'ardente flamme qui ard continuellement en mes entrailles, belle & excellente Princesse, j'experimēte de vous vn traitement par trop estrāge, & trop plus rigoureux, q̄ ne merite l'amour
grād

grād que je vous porte. Mais hélas! pour quoy n'ayje assez tost aperçeu q̄ je n'étoie digne du haut degré, auquel vostre grāde beauté m'attiroit, & qu'en l'apperceuant je n'ay avec raison esté en vne continuelle crainte d'une cruelle cheute que la cruelle Fortune m'a appareillée, me voulant terminer ma vie par vne seule mort, pour en viuant me faire esprouuer plus de mille. D'une seule chose je vous requiers, si c'est vostre plaisir me l'ottroyer, c'est que de vostre main me donniez la mort, afin de parfournir de me mettre au triomphe qui me suyuoit par estre vostre fiancé. Et à tant feray fin, baisant ces belles mains d'albastre.

Responſe que font pareſemble les Princeſſes Pantafilée & Fortune a Dom Silues & Prince Lucendus ſur les lettres que cy deuant ils leur auoyent enuoyées, s'excusans ſus leur honneur du refus qu'ilz leur auoyent fait, & finalement les auertiſſant de les venir trouver la nuit prochaine. Au quatorſieſme liure, au meſme chapitre.

LA Princeſſe Pantafilée & l'infante Fortune aux deux vaillans Princes. que plus elles ayment que leur propre cœur. Nous ne ſommes dignes de reprehenſiō, & ne nous doit on attribuer aucune coulpe, ſi pluſtoit deſirions ſacri-

fier noz vies au feu attizé au milieu duquel nous arçons, que monstrier aucun signe de vilité ou lascheté, en ce qui touche nostre honneur: & à ce regard est la cause pour laquelle il vo^s semble qu'avez juste occasion de vous douloir de nous. Mais puis que tant par ce que nous vous sommes redevables comme à ceux, avec lesquels nous sommes alliées par promesse, cōme par ce qui est deu à telz Princes no^s nous trouuons cōtraintes à vous obeir, & vous payer l'obligation qui nous lie, tout ainsi que par semblable respect vous estes tenuz de garder en tout nostre honneur, chose qui nous est tāt recōmandée cōme vous sauez, remettans le tout entre voz mains: & vous attendrons ceste nuit prochaine au jardinet de nostre logis à l'heure ordinaire. Et en c'est endroit faisons fin baissant voz mains avec tel amour q̄ nous deuons à noz Seigneurs & espoux.

Harangue de la Damoselle à l'espee pendue au col, laquelle elle eust deuant les Princes de la Court de Constantinople leur racontant vne auenture estrange, & demandant estre secourue en icelle. Au 14. liure, chap 66.

HAuts & excellens Princes, vous deuez sauoir que je fus fille d'un cheualier qui estoit Seigneur d'un bō Chastel, & qui auant sa mort me maria
à vn

à vn preux & vaillât Cheualier, qui estoit Seigneur d'vn autre chasteau, avec lequel je ne fus pas long temps, que par le deces de mon pere, je demeuray Dame & heritiere de son Chasteau. Aduint vn jour que comme nous allions mon mary & moy nous soulasser par la campagne, vint vn meschant Cheualier avec six autres siens compaignons, qui faisant mon mary prisonnier m'osta lâchement mon honneur, puis me dit que j'allasse chercher qui me vengeat de ceste injure. Or y ay-je puis ce temps conduit plusieurs Cheualiers pour le combattre: mais ce mien ennemy est si robuste & adroit, qu'il les a tous vaincus & pris prisonniers. Ce que voyant m'en allay à vn grand Magicien, qui demeure au Royaume d'Arcadie, & luy ayant raconté l'occasion de ma peine & le besoin que j'auoye de secours, il me dōna ceste espée, laquelle je porte pendue au col, & me dit qu'il ny auroit homme qui la peut tirer du fourreau, sinon celuy qui pourroit dōner le remede à ma peine. Or ay-je esté plus d'vn an en queste de celuy à qui la grace seroit dōnée de me procurer ce bon-heur, sans jamais pouoir recōtrer qui desgainast l'espée, & finalement esmeüe par la haute renommée qui vole de ceste court, me suis acheminée paideça.

Et

Et partant je vous supplie, que vous ressen-
tiez de ma douleur, & que donniez reme-
de à mon affliction si faire le pouez.

*Lettre des Magiciens Alquif & Vrgande
aux Princes de la grece, leur declarant comme
ils auoyent empeché le rapt de la Princeſſe Po-
lixene, au reſte les exhortant à patience, & fi-
nalement les aduertiffant du bon portemēt du
Prince Dom Rogel. Au quatorzeſme liure,
chapitre 67.*

AVx hauts & genereux Princes de la
Grece, les Magiciens Alquif & Vr-
gande. Souuerains Seigneurs, &
puiffants Princes, ainſi que nous eſtions
occupez en choſes qui grandement tou-
chent voſtre ſeruice, eſt paruenue à noſtre
cognoiſſance le rapt de la belle & gentille
Princeſſe Polixene, qui ſe deuoit faire par
les mains de la Louue. Et certes grand
mal en fut aduenue, ſi la meſchante vieille
euſt conduit à fin ſon mauvais deſſein.
Mais le Seigneur Dieu qui tient ceſte Prin-
ceſſe en ſa garde, pour en auoir ſeruice, y
a remedié à temps, par ce que ſi toſt que
nous fuſmes de ce auertis, nous enuoy-
aſmes les deux Magiciens Ziſfeno & Zir-
fée voz ſeruiteurs, afin de pouruoir à la li-
berté de ceſte Infante. Il ne reſte pour le
preſent autre choſe, ſinon que vous ſouf-
friez avec patience l'aduerſe Fortune qui
panche

panche sur vous , & avec fermeté & constance telle, qu'avez mōstré en toutes choses, tant qu'il plaise à Dieu y remedier, & au point de la plus grande cheute avecques paix perpetuelle. Quant est de l'excellet Prince Dom Rogel, ne vous en mettez en pensément, par ce qu'il est en bonne santé, & avec le plus grand contentement qu'il sentit oncq en sa vie, encores qu'il ne se trouue en sa liberté france.

Piteuse Complainte du Prince Lucendus pour le rapt de l'infante Fortune sa Dame par la Magiciene Dragosine. Au quatorziesme liure, chapitre 70.

O Ma Princeesse Fortune, plus belle, plus plaisante & digne d'estre aimée & honorée, que toutes les dames qui sont sous la voute du ciel, & comme par grāde trahison vous avez esté prise & desrobée. Mais j'espere que la Fortune ne me fera tāt cōtraire, qu'aumoins elle ne m'ottroye qu'un jour je vous puisse retrouver. Ah! traistresse & cruelle Dragosine, s'il te sembloit que tu eusses receu de moy outrage, pourquoy n'as-tu plustost dardé contre moy la fureur de ta colere. Que t'auoit fait l'infante Madame, de laquelle tu auois receu tāt de courtoisies & bonnes œuures, que tu en deus-

ses

ses faire butin, & la charger de tant d'en-
nuy & angoisse? Mais hélas, il a pert bien
que voiremēt tu ne l'as fait à autre inten-
tion, sinon pour faire gouter à moy seul
l'amertume de la mort, & pourtant si tu
m'eusses d'un coup osté la vie, mon mal
en eust esté beaucoup moindre, la ou en
me separant de l'infante Fortune ma Da-
me & maistresse, tu m'as fait, tout le dom-
mage que tu eusses peu excogiter, & m'as
plôgé en toutes les calamitez & desastres,
esquelz le plus infortuné & malheureux
du monde se pouoit rencontrer. Mais je
te promets, que si tu tombes encores vne
fois en mes mains, tu n'en réchapperas à
si bon marché.

*Lettre de L'impera'rix de Perse, appelée l'in-
fante Persée à Dom Roge! le taxant de desloy-
auté, et l'advertisant de la fille que luy est née
d'elle, & de l'enchantement estrange, dont icel-
le estant liée, ne se pourroit delier sinon au moy-
en de sa mort. Au 14. livre, chap. 73.*

IE la douloureuse & infortunée Impe-
ratrix Persée à vous le faux ingrat &
defaillant de Foy, de laquelle comme
espoux vous m'estiez redeuable enuoye
salut, afin qu'avec iceluy me puisse vostre
teste payer ce dont mon honnesteté de
vous se querelle & lamente. Vous saurez
comme de la fausété dont vous yfates en
mon

mon endroit, pour la vengeance de sa do-
 lète mere me nasquit vne fille douée d'au-
 tant de beauté, que jamais les Dieux en
 oſtroyerent à creature mortelle. Mais elle
 eſt liée d'un tel enchantement que jamais
 n'en pourra ſortir, juſques à tant que vo-
 ſtre teſte luy ſoit présentée pour atre, par
 ce qu'ainſi ſ'accomplit & ſ'acquite l'obli-
 gation dont vous eſtes tenu à elle & à ſa
 mere. Et avec ce je fay fin, vous enuoy-
 ant la paix avec ſemblable guerre à celle,
 en laquelle m'avez continuellement laiſ-
 ſée, combien que je fuſſe ſi haute Dame,
 que je ne cedoye en rien à quelque Prin-
 ceſſe qui fut ny en Grece ny en Aſie.

*Harangue de la Damoifelle Alquiſe aux
 Princes de Grece, & nommément aux Empe-
 reurs Amadis & Liſuart de Grece, les aduer-
 tiſſant qu'ilz n'ayent à donner l'ordre de Che-
 ualerie aux Princes Sphera mundi & Amadis
 d'Aſtre &c. Au quatorzeſme liure, chapi-
 tre 73.*

TRes-nobles & tres-hauts Empereurs
 Le Magicien Alquiſ mon pere &
 Virgande ma mere vous enuoyent
 dire par moy, que ne donniez c'eſt hon-
 norable degré à ces deux Princes, par
 ce qu'il faut qu'ilz le reçoynent par la
 main de l'Empereur qu'ilz virent en la
 cauert.

cauerne. Et par ce qu'ilz entendent ceste parolle mieux que vous ne faites, je ne la declare autrement. Et pour le temps qu'ilz receuront l'ordre de Cheualerie, mon pere leur enuoye deux armures, l'une pour Sphera mundi, & l'autte pour Amadis d'Astre. Et conuient que tout presentement ilz s'en viennent avecques moy sur le vaisseau du Serpent de la Sphere, lequel j'ay cy laissé au port, car je les conduiray au lieu ou ilz doiuent recevoir cheualerie. Et pour plus ample seurété de ce que je vous dy, voicy vne lettre des quatre Magiciens.

Lettre des quatre Magiciens aux Princes de Grece, sur le propos precedent. Au quatorziesme liure au mesme chap.

Nous les Magiciens Alquif & Virgãde & Zirfeno, & Zirena vos loyaux vassaux, faisons sauoir à voz hauts & Souuerains Princes, cōme estans en l'isle des Singes, est venu à nostre cognoissance, cōme les deux Princes Sphera mundi & Amadis d'Astre, vouloyent recevoir l'ordre de Cheualerie, par les maĩs de l'excellent Empereur Amadis de Grece. Mais par ce qu'il conuient que la vérité du haut & souuerain Seigneur soit accomplie, nous vous auisons qu'il faut qu'ilz reçoieuent c'est ordre honorable en au
tre

tre part. Parquoy est de besoing qu'à c'est effet eux deux seuls entient incontinent en la nauire du grād Serpent de la Sphere avecques nostre Damoiselle Alquife.

Harangue de la Damoiselle Sclarimene aux Princes de Grece les requerant de secours pour sa Dame prisonniere contre la fausse accusation de Montibel & Doriene son cousin. Au 14.liure chap. dernier.

HAuts & genereux Princes, puis qu'en vous ne defaut jamais la volonte & l'effet quant à secourir toutes les Damoiselles du monde, encores qu'elles fussent de basse condition, vous plaise en ceste saison secourir la belle Princeesse Sclarimene, qui maintenant se trouue en prison, par la plus grande trahison dont on ouit onques parler. Et à ce q̄ mieux vous entendiez le propos que j'ay à vous deduire, vous deuez scauoir tres-hauts Princes que je suis Damoiselle de la belle Sclarimene, fille de l'Empereur d'Allemagne, qui est autant belle & de bonne grace qu'il y en ait en tout le monde, & encores si jeunette qu'elle ne passe les quinze ans. Or tout aupres de c'est Empyre y a vn Marquis, appelle de Mont-clare, qui a vn fils qui se nomme Montibel. Ce jeune Gentil-homme venant en la court de l'Empereur d'Allemagne, commença à
aymer

aymer la Princeſſe Sclarimene ma Dame,
vous d'une amour ſi tres-ardante qu'il
n'eſt au monde poſſible de plus, & a cer-
ché tous moyens de practiquer & acquer-
rir la volonte d'elle, laquelle non ſeule-
mēt ne le peut jamais aymer, ains ſe print
à le hayr d'une hayne mortelle. Le meſ-
chāt Montibel, cognoiſſant qu'il peidoit
temps, & ne ſe ſentant puiſſant comm'il
euſt voulu eſtre, afin de venger c'eſt outra-
ge qu'il luy ſembloit auoir receu de ma-
dame ourdit vne grande trahiſon, par ce
qu'il communiqua de ce qu'il penſoit fai-
re avecques vn ſien Couſin, qui eſtoit auſ-
ſi meſchant que luy, & eſtoit appellé Do-
rieno. Leſquelz ayans complotté enſem-
ble, s'en vindrent au palais, & la accuſe-
rent la Princeſſe Sclarimene deuant l'Em-
pereur ſon pere, & à ſon conſeil, la char-
geans qu'elle communiquoit avecques
certain cheualier (duquel ilz diſoyent ne
ſçauoir le nom) plus priuemēt que le deu
de ſon honneur ne permettoit. Quand
l'Empereur Mon-ſeigneur euſt ouy ces
charges, il fit incontinent prendre la bel-
le Princeſſe, & la fit loger en vne eſtroite
prison. Et conſultant & delibérant avec
ſon conſeil, de ce qui eſtoit à faire en ce
cas, finalement fut conclu & arreſté, que
la fille donneroit cheualier, qui pour elle
pren-

prendroit les armes, & defendroit son honneur contre Dorieno, lequel offroit de verifier les armes au poing tout ce qu'il auoit dit en chargeant la Dame, & requit qu'il ne fut ordonné à la Dame, sinon trois mois de terme, pour fournir son champion, & le mettre en champ, & au cas que dedans ledit temps elle n'en peut recouurer aucun, seroit declarée coupable du crime, dont on l'accusoit, & condamnée à perdre la teste, voire encore qu'elle en trouuast vn pour sa defence, aduenant que son Cheualier fut vaincu. Mais en cas qu'il demeurast vainqueur, luy seroit la mesme peine adjudgée. Or auez vous entendu nobles Seigneurs ma requeste, ensemble le besoin auquel se trouue ceste grande Princeesse, c'est à vous maintenant d'auoir compassion d'une si haute Dame, & qui se trouue si meschamment accusée de tant faux & peruers Cheualiers.

Fin du Tresor des quatorze livres d'Amadis de Gaule.



*Statutz de l'ordre des Cheua-
liers errans.*

LE premier article estoit que quand vn Cheualier errant auoit faict vn vœu ou promesse d'aller en quelque queste ou auenture estrange, durant ce temps il ne luy estoit loisible de despouiller les armes, sinon aucunesfois pour la necessité du repos de la nuit.

Qu'en la poursuite de leur queste ou auenture, ils n'euteroyent les perilleux passages, ne se destordroyēt du droit chemin de peur de rencontrer des chevaliers puissans, ou de peur de trouuer mōstres, bēstes sauuages, esprits, ou autre destourbier espouventable que le corps d'vn seul homme peut mener à chef.

Que tousiours ils soustinsissent le bon droit des plus foibles, comme veufues, orfelins & Damoiselles en bonne querelle, en exposant pour eux (si besoin estoit) en tref-mortelle bataille, si ce n'estoit ou contre leur honneur propre, ou contre leur Roy. Qu'ils n'eussent à offenser aucune personne n'y vsurper l'autrui, ainçois à combattre contre ceux qui le feroient. Qu'ils deuoyent porter foy inuiolable à leurs compaignons, soustenant leur honneur & profit entierement, non seulemēt

en leur presence, mais absence lointaine.

Qu'ils s'entreporteront toute amitié, confort & ayde, & ne combattront l'un cōtre l'autre, si ce n'estoit par mesconnoissance.

Qu'ils exposeront leurs vies & biens pour le seruice du Roy & du pays.

Que l'auarice & le gain ne les rengen à acte aucun, ains la seule gloire & vertu.

Qu'ils reuerent Dieu religieusement.

Qu'ils ne prennent gages d'aucun seruice. Et en leurs pays propre ne facent dommage à personne de leurs plus grans ennemis, ains les gardent de tout dommage au danger de leurs vies mesmes.

Que quand ils aurōt entrepris à conduire vne dame, ils y mourront, ou la sauueront de toute offense.

Qu'estans recherchez de combat pareil, ils ne le refuseront point sans playe, ou autre empeschement raisonnable.

Que touchant vne emprinse, ils la mettront à chef ou y vaqueront an & jour, s'ilz n'en sont rappelez pour le seruice du Roy & du pays.

Que s'ils font vn peu pour acquerir quelque honneur, ilz ne s'en retireront point qu'ilz ne l'ayent accompli ou l'equiuaieur.

Que retournez en court ilz rendront
comp

compte veritable de leurs questes & auentures (fussent elles aucune-fois à leur honte) au Roy & au greffier de l'orde, sous peine de priuation de Cheualerie.

Qu'estans prins en vn tournoy prisonnier, outre ce qu'ils rendrôt au vainqueur armes & cheuaux, ilz ne pourront combattre en guerre sans son congé.

Qu'ils ne combattront jamais accompagnés contre vn seul.

Qu'ils ne porteront point deux espèces s'ils ne veulent combattre contre deux ou plusieurs.

Qu'en tournoy ils ne frapperont pas de pointe.

Qu'ils ne feront point de violence à dames ne damoiselles (combié qu'ils les eussent gagnées par armes) sans leur vouloir & consentement.

Que sur toutes choses ilz ne failliront jamais de leur parolle, pour incōuenient qui leur en peust auenir.

Cantique de la Roine de Saba, au tre-
ziesme liure, chap. 56.

Filles de la cité sainte,
Ne me blasmez ma cou'eur,
C'est le soleil qui n'a teinte,
De son ardente chaleur.

Encore que ie sois brune,
Grace & beauté ne defaut:
Je ne crains de nuit la Lune,
Ne le iour le Soleil chant.

Long temps ma vigne ay gardée,
Haissant mon tein tout l'esté:
Vous avez contregardée,
En chambre vostre beauté.

Guet ô guet vueillez moy dire,
D puis qu'estes amassé,
Celuy que mon cœur desire,
Est il point par cy passé?

Il est de la haute taille,
De tein b'anc, poil crespelu,
San' que rien de beau luy faille:
D.tes moy si l'avez veu.

Je souffre au cœur telle angoisse,
Que si bien tost ne le voy,

Faudra

*Faudra que chacun cognoisse
Qu'amour est meurdre de moy.*

RESPONCE DE SALOMON.

*Saute mignonne en ma couche,
Et te coul entre les drap :
Sus approche moy ta bouche,
Lye mon corps de tes bras.*

*ça gorge que ie te baise,
ça leures de vin vermeil :
ça tetin au bout de fraise,
Oeil parcelle du soleil.*

*Bouche tu me succes l'ame,
De ta langue la liqueur,
Et de ton alein : vn basme,
Me fait fondre tout le cœur.*




TABLE DES MATIERES
 CONTENUES EN CE RE-
 cueil des Harangues, Epitres,
 Complaintes, & autres telles
 choses, extraites des quatorze
 liures d'Amadis de Gaule, re-
 duites par lieux cōmuns, pour
 plus facilement trouuer la ma-
 niere d'écrire Lettres missiues,
 selon l'argument qu'on
 veut deduire.

Maniere de declarer son auis, de de-
 mander, ou donner conseil de quelque
 chose à ses Seigneurs, amis, parens,
 aliez, ou suiets. Page 8. 12. 47. 62. 64. 69.
 101. 102. 107. 110. 115. 117. 122. 123. 128.
 131. 148. 151. 156. 158. 160. 170. 172. 176.
 178. 183. 210. 221. 222. 308. 334. 360. 469.
 483. 484. 530. 547. 551.

Maniere d'escrire, ou dire qu'on accepte le
 conseil donné. Page 160. 163. 531.

Maniere de demander ou declarer à quel-
 qu'un sa deliberation, touchant quelque af-
 faire. Page 137. 165. 178. 386. 470. 499.
 541.

Maniere de prier quelqu'un de faire quel-
 que chose, ou s'y monstrier favorable. Page

TABLE.

14. 26. 54. 56. 62. 78. 82. 108. 114. 127. 138.
139. 144. 180. 194. 211. 245. 279. 317. 343.
344. 352. 363. 401. 403. 414. 534. 555.

Manieres de recommander quelque chose à
quelqu'un. Et de reciter quelque chose auvent.

Page 73. 149. 163. 167. 203. 214. 330. 336.
398. 403. 415. 561. 562.

Maniere d'accorder, promettre, Et refuser
quelque chose à quelqu'un. Page 134. 178.

179. 185. 260. 280. 324. 388. 396. 502. 553.

Manieres de declarer à que qu'un la bonne
affection qu'on luy porte Page 140. 185. 249.

Maniere d'escrire, voulant recompenser, ou
donner quelque chose à quelqu'un. Page 187.
298. 555. 560.

Manieres de louer, priser, ou respondre aux
louanges de quelqu'un. Page 92. 94. 101.

121. 146. 229. 250. 278. 338. 473. 494.
500. 501.

Manieres de rendre graces à quelqu'un. Pa
ge 92. 93. 132. 137. 299.

Manieres d'escrire quant on veut complai
re à quelqu'un. Page 18. 55.

Manieres d'escrire, ou dire propos amou
reux. Page 215. 216. 241. 242. 252. 254.
255. 257. 261. 270. 293. 326. 329. 346.
347. 349. 371. 383. 393. 394. 420. 421.
422. 429. 431. 433. 434. 435. 437. 438.
442. 446. 449. 450. 476. 503. 510. 512.
513. 536. 537. 538. 549. 550.

Manio

TABLE.

Maniere de s'excuser (en s'accusant) des fautes commises, au preiudice de que'q'vn.

Page 29. 45. 305. 307. 313. 396. 527. 564.

Maniere de s'excuser de ce dont on pourroit estre taxé. Page 49. 68. 232. 236. 266. 344.

350. 353. 356. 358. 518.

Maniere de s'accuser & demander pardon. Page 231. 285. 534.

Complaintes & regrets diuers. Page 20.

22. 23. 27. 28. 31. 65. 76. 77. 81. 90. 95.

97. 99. 125. 188. 191. 196. 246. 259. 288.

289. 294. 303. 391. 401. 412. 417. 422.

425. 426. 428. 429. 440. 447. 467. 472.

474. 475. 477. 478. 481. 525. 528. 529.

557. 568.

Manieres d'inciter quelqu'un à plustost se courir, qui est en danger que s'amuser à plaindre quelque accident. Page 23. 33. 523.

Manieres de consoler quelqu'un, Page 24.

38. 29. 96. 106. 126. 147. 191. 194. 200.

280. 295. 416. 482.

Maniere de declarer sa reioyssance par escrit ou par parole. Page 29. 319. 332. 553.

Manieres de se plaindre à quelqu'un, luy demandant ayde & confort. Page 38. 100.

105. 144. 205. 233. 358. 368. 370. 371.

464. 465. 473. 478. 479. 532. 540. 563.

565. 572.

Maniere de reprendre ou tancer quelqu'un soit par escrit ou paroles. Page 12. 42. 63. 69.

Ma-

T A B L E.

Maniere de Menacer ou respondre aux me-
naces d'autrui. Page 50. 69. 72. 212. 213.
227. 282. 409. 485.

Maniere d'accuser ou reprocher quelque
chose a quelqu'un. Page 51. 57. 59. 60. 61.
65. 67. 118. 120. 154. 156. 173. 261.
314. 569.

Maniere d'iniurier ou accuser quelqu'un
de desloyauté. Page 18. 19. 189. 206. 224.
261. 289. 310.

Maniere de prendre ou donner congé. Page
56. 60. 66. 69. 536. 545. 546.

Harangues pour inciter ses vassaux, amis,
ou auez a prendre les armes, Et encourager
les soldats prests de combatre. Page 7. 15. 17.
39. 41. 72. 78. 80. 83. 85. 88. 124. 186.
197. 223. 291. 373. 374. 388. 389. 486.
490. 496. 506. 507.

Maniere de deffier quelqu'un, pour soy, ou
pour autre. Page 33. 35. 71. 208. 218. 220.
221. 226. 234. 244. 264. 273. 301. 364.
368. 376. 378. 485. 487. 491. 492. 504.
539. 546. 548. 556. 557.

Maniere d'accepter ou refuser le defflement
Page 34. 36. 50. 207. 208. 235. 268. 272.
274. 302. 366. 370. 378. 379. 488. 493.
494. 505.

Maniere de se rendre prisonnier, Et vain-
cu de quelqu'un. Page 190. 276.

Maniere

TABLE.

*Maniere d'escrire, ou prononcer quelque
chose en maniere de Prophetie. Page 37. 38.*

*46. 47. 49. 228. 341. 466. 469. 470.
472. 523. 558. 567. 570. 571.*

Fin de la Table.



Alexander madoets

Sine labore nihil

